




II. PARS  
ANTIQUITATVM ROMANARVM  
seu

Topographia Romanæ Urbis iam  
inde ab V. C. ad nostra usque tempora  
maxime quando in summo flore fuit,  
accuratissima. Plateæ eiusdem cum  
ædificijs & magnificis structuris pu-  
blicis, effigiatæ & ordine digestæ,  
Descriptio perspicua singulis  
figuris apposita.

Martiani in-super et Onuphri Topographia  
eiusdem Urbis  
à I. I. Boissardo V. primum ad Theodorum de  
Bry missa, qui ad vivum ea in ære efficta  
elegantissimo artificio illustravit  
Omnia recens apparatus & foras data ab eodem  
Theodoro de Bry Leodienſe  
Francfordij. A. M D XCVII.

Jacobus Grantham. sc.





IN EFFIGIEM  
**IANI IACOBI BOISSARDI VES-**  
**SVNTINI, PETRVS LEPIDVS METENSIS, RE-**  
 giorum negotiorum summus Procurator apud Mediomatrices,  
 Virdunenses, & Tullianos.



**H** O spes, qui vagus in scientiarum  
 Hortis expatiaris, ut Minerua  
 Doctas ingenium excolas per artes;  
 Quem tu conspicias heic breui tabella

*Expressum Bryii arte penicilli,  
 Ille est Sequanici ad Dubis fluentia  
 Boissardo genitus parente vates,  
 Phœbo & Castaliis Deis amatus.  
 Ille est qui facili stylo & colore  
 Vrbes OEnotriæ, & situs locorum,  
 Portus, valla, pharos, lacus, cauernas,  
 Montes & fluuios scaturientes,  
 Diuersosque habitus manu erudita  
 Descripsit, statuasque, imaginesque,  
 Et prisca monumenta cuncta sæcli,  
 Impensisque laboribusque magnis,  
 Publicam utilitatem vt adiuuaret,  
 Solers edidit artifex, typisque  
 AEuiterni operis Theodorici  
 Libro hoc proposuit tibi intuenta.*

*Tu de te meritis bene has repende  
 Grates, vt studium vtriusque vultu  
 Sereno excipias, probesque. Virtus  
 Illorum expedit vnicum hoc, nec vltra.*

IN EFFI.





IN EFFIGIEM  
**THEODORI DE BRY LEODIEN.**  
 SCVLPTORIS PRAESTAN-  
 tissimi.

TEVC. ANNÆI PRIVATI C.  
*Carmen.*



*Ipse est at as mirata, toreumat acuti*  
**S**PHIDIACI, doctasque manus celebresque labores  
 ZEUXIDIS, aut si quos dederit diuinus APELLES.  
 Ecquid erit nostris sua gratia cassa Magistris!  
 Quos nec ab ingenio, seclum hoc, nec ab arte minores  
 Protulit, aut labor ad meritos euexit honores.

*Aspice quam præsens THEODORI industria multos  
Exuperet, palmamque usu præuertat & artes  
Dum Podagræ nodis tophisque innexus inulta  
Tot monumenta parat magnum celebranda per orbem,  
Iamque senex plane, sibi tot vernantibus ausis  
Immortale facit nomen, seque abdicat umbris.*

*Ille & inaccessas Nabat hæc per æquora gentes,  
Atque alio penitus terras sub sole iacentes  
Expressit scalp, moresque habitusque DEOSQUE  
Informes, nudas gentes & prælia cruda,  
Arte noua effinxit, signisque inscripsit ahenis.*

*Ille Getasque Scythasque truces, Regesque Ducesque  
Pannonios, structasque acies & sceptræ RODVLPHI  
Cæsaris, Ausrasiaque Duces, magnosque penates  
Magnifico insculpsit operi insignique labori.*

*Ille tot aratis Emblemata publica signis  
Protulit, ingenuos formans in imagine mores,  
Erudiensque animos descriptis ære figuris.*

*Iamque recens adeo, quo non præclarius ullum  
Extat opus, studio nocturno, operaque diurna  
Confectum, artificisque impensa & sumptibus amplis  
Exactum, quo se ter maxima ROMA stupendam  
Exhibet, atque nouis iterum Natalibus exit.  
Nec sese formis septem pulcherrima ROMA  
Iactarit, quantum monumentis undique priscis  
Fulserit, antiquis passim celebrata Colossis,  
Thermis, magnifico Regionibus, Amphitheatris.  
Omnia que medios inter nunc publica soles  
Edita, & artificem THEODORVM sculpta fatentur.*

*At tibi digna tuo quanam Boissarde labore  
Præmia Dii dederint merito? qui cuncta perita  
Ipse manu præscripta notas & præcipis Autor.  
Non tua lethæis mergetur fama sub undis,  
Orbis & Urbis opus totus mirabitur istud,  
Par quod amicorum Boissardus & ille Bryæus  
In medium socio modo proposuere labore;  
Ambo senes septem numerantes lustra senectæ,  
Ambo nodosa distorti membra podagra.*

*Vinito sorte noua ter florentissima ROMA,  
Cumque tuo felix operum Boissarde Bryæo,  
Pro tantis meritis Superos sperate fauentes.  
Pergite in Exemplum seros ornare Nepotes,  
Nomen & æterna de posteritate mereri.  
Ecquid in Exemplum laus hæc referenda probandum  
Nimirum studii tantum, tantumque operarum  
Decrepitos potuisse senes tolerare? quid obstat  
Vt simili se laude ferant de more minores.*

*Hæc igitur præsens, quam cernis amice, tabella  
Effigiem illius THEODORI cominus offert:  
Tu grates illi pro exhausto solue labore,  
Illius utque opera quoque deinde fruarè, senectam  
Sculptori vegetam letamque precare benignus.  
Tum si fata diem component sera supremum,  
Vt mensis Diuum & iucundo Nectare uiuat,  
Æternumque ferat post ultima funera Nomen.*







TOPOGRAPHIA  
 ANTIQVAE VRBIS  
 ROMAE. EX IO. BARTHO-  
 LOMAEO MARLIANO PATRITIO

Mediolanense præfenti instituto  
 accommodata.

CAPVT I.

DE SITV VRBIS.



QVONIAM, quicquid in rerum natura existit, necesse est in certis finibus contineri, certoque determinari loco: ideo facturus operæ pretium mihi videor: si, quemadmodum solent Cosmographi, priusquam ad ædificiorum Urbis declarationem aggrediar, pauca quædam de situ ipsius attigero. Quod haud scio cur à cæteris in hoc scribendi genere versatis sit prætermissum: nisi forte præsentibus hominibus, temporibusque tantum satisfacere cupientes, huiusmodi laborem sibi superuacuum fore sint arbitrati. Me autem, quem haud ingratum etiam futuris, exterisque nationibus præstare oportet, summa openiti decet, ut ab illis, quacunque ratione, omissa, diligenter explorare valeam, ne Luciani fabulam quandam imitatus, in aëre, aranearumque campo ædificia ipsa instaurasse, vel potius sparsisse iudicer. Quare cum nobis, sicuti poëtis, nō liceat, etiam in re ardua & difficili, à Deorū immortalū inuocatione, licebit saltē ab illorum domicilio, id est à Capitolio, auspicari.

Capitolinus igitur Mons maiorem ubi ostendit latitudinem, secundum pedis Romani antiquam mensuram, octingentos non excedit pedes: longitudo vero prospiciens occasum æstium, mille & quingentos. habet autem vtrunque cornu in hemicycli formam, & in orbem septem ferme stadia amplexatur, à quo, secundum longitudinem, conualle eiusdem, vel paulo amplioris latitudinis determinatur mons Palatinus: qui vno latere pedum sexcentorum huic ita immittet, ut Capitolium vtrunque vltra ipsum porrigat cornu. Secundum vero latus eiusdem in ortum æstium vergens, est primo pedibus centum prolixius. A tertio, ortum hyemalem, Cælumque montem respiciente, duplici fere longitudine superatur. Quartum, cæteris omnibus maius. Circum continet Maximum: è regione vero Auentinum spectat. Constituens itaque quadrangulum quatuor laterum inæqualium, mille & ducentos passus continet Palatinus. Ad secundum latus cuius iacet planicies, quæ à capite fori Romani ad extremam collis Quirinalis partem in Suburram vergentem, quingentis perficitur pedibus, interdum tamen latitudo hæc variatur. Longitudo autem comprehensa ab vtroque fronte inter

te inter Capitolium, forum Neruæ, & Cœlium montem: atque hinc ab eodem Cœlio, & Palatino: inde vero à Suburra, & Esquilis, quod S. Marcellini ædem attingit, mille prope adimplet passus. Ad alterum autem Capitolij cornu, altera est planicies, quæ apud Marcelli theatrum vnde principium habere volumus, ab ipso monte ad Tyberim in quingentos extensa est pedes: mox vero, è regione conuallis, de qua in principio egimus, quia fluuius ipse cursum oblique flectit, Auentinusque mons à Palatino recedit, latius diffunditur, coarctatur deinde inter eosdem montes, secundum variam eorum formam, vsque ad Cœliolum, vltterius vsque ad portam Capenam, ipsa tantum via Auentinus à Cœliolo dirimitur. Longitudo à dextera Tyberim, & Auentinum: à sinistra Capitolium, Palatinum, & Cœlium habet, milleque passibus vix transigitur. Capitolij, Palatinique montis situ descripto, hisque campis, terminisque circumscripto, cum Cœlius tertius vrbi fuerit additus, tertio ordine iure sequi videtur. hic enim planicie Pyramidis formam ita constituyente, vt basis quingentorum pedum prope amphitheatrum sit, à Palatino disiungitur. in ea autem est via Appia, quæ apud Circum Maximum sola Cœlium à Palatino determinat, tenditque ad portam Capenam, relinquens à sinistra inter Cœlium & Cœliolum vallem pedum sexcentorum latitudine, secundum eandem viam: nam ad portam Gabiulam circa dimidiam partem angustior videtur. Longitudo à via Appia vltra eandem portam progrediens, stadia quatuor continet: succedunt deinceps mœnia ad stadium, quæ ad portam Asinariam vsque, cum Cœlio iunguntur, Cœliolus igitur hac valle, via Appia ab ortuque æstiuo, atque hyemali mœnibus Urbis clauditur, ambit autem prope mille passus. Sed ad Cœlium reuertamur. hic ab ipsa Asinaria, secundum muros Urbis, in ortum æstiuum per quatuor fere stadia fertur: occurrunt deinde muri à fronte ad stadia duo, vsque ad portam Neuiam: à qua redeundo in occasum æstiuum via Labicana ab Esquilis dispartitur, mox etiam à fronte apud S. Marcellinum sese offerens ad Amphitheatrum vsque progreditur: ambit autem duo mille, & quingentos passus: variaturque eo modo, vt nulla certa forma ei constitui posse videatur, quemadmodum nec sequentibus. Nam Auentinus quartus in ordine duos montes complecti videtur, parsque ad Tyberim latior ad dimidiū ipsius montis secundum longitudinem à Tyberi ad mœnia existentem, oualem formam constituere videtur: mox enim prope portam Hostiensem scinditur via obliqua, quæ ad angulum circi Maximi, & Cœlij montis ducens, à dextera alteram Auentini montis partem reliquit, diuisam à Cœlio via Appia vsque ad portam Capenam, à qua ad Hostiensem muri interioris sensim curuati à meridie ortuque hyemali hanc includunt. Ambitum autem totius Auentini non magis ex nostra dimensione, quam ex verbis Diony. libet ostendere, qui tertio libro sic ait: Ancus Auentinum collem modice editum, in orbem stadia ferme decem & octo complectentem muro cinxit. In decimo tamen haud minus duodecim stadiis esse tradit. Sed huius diuersitatis dubium tollit ipse dū subiungit. Non enim totus M. Valerio, & Spurio Virginio Coss. habitabatur, sed erat publicus, & sylvarum plenus. Habet autem Auentinus ab occasu solis hyemali campum late patentem quadrangulum quatuor laterum inæqualium constituentem: quorum primum in meridiem vergens sex propemodum continet stadia, & quinque in occasum: Urbisque mœnibus ambo cinguntur. secundo oppositū parum minori transigitur spatium; quatuor vero stadiis quartum Tyberim, inter hunc ipsum campum, & TransTyberinam regionē fluentem respiciens. Sequebatur recto ordine Ianiculus mons, verum cum ab Anco Martio, non inopia loci, sed ne aliquando arx hostium esset, additus sit Vrbi, commodius relinqueretur ad eam partem, quæ TransTyberinam regionem percurreret: ad Exquilias igitur transeamus, quas à meridie via Labicana, ab occasu vero æstiuo,

valle



valle inter Cœlium, Palatinum, & ipsas Exquilias posita, diuissimus. A Septentrione autem Suburra, & deinceps vicus Patricius à Viminali colle, vsq; ad thermas Diocletiani, dirimunt: vltcrius enim iunctę cum eodem colle vsque ad mœnia videntur: secundum quæ in portâ Exquilinam latius diffunduntur, ambitus autem quatuor millibus pass. vix perficitur, nullâ certam habens formâ, vallesq; interdum breueis includuntur, vt iure optimo Var. Exquilias ipsas duos esse mōtes dicat, in pluresq; diuidat partes. At Viminalis collis ab occasu Quirinalem respicit: interiacet autem circa stadium Suburra, quæ plana appellatur; deinceps à Septentrione, inter eosdem colles, vallis Quirinalis, quatuor iugerum latitudine, longitudine vero stadiorum duorum cum dimidio. Mox enim Viminalis, vt cum Exquiliis, ita cum Quirinali, vsque ad mœnia iungitur, vt nullo modo dirimi posse videatur, quod accidisse arbitramur, quia montes iactis fornicibus sunt æquati, & nedum depressis locis superimpositi sunt amplissimi fornices, verum ipsis etiam montium visceribus excauatis, perfossisq; tota penè Vrbs (vt ait Plinius) pensilis facta est. In orbem autem Viminalis ipse duo millia, & quingentos continet passus; oblongam, sicuti Quirinalis, habens formam, sed latitudo variatur. Quia demonstratum est quid habeat Quirinalis à dextera, consequens est reliqua percurrere. A sinistra enim recta à turri Militiarum ad stadia quatuor, planam Vrbem ad occasum pertinentem, despicit; tertio verò latere, ad stadia sex, collem Hortulorum, in Aquilonem conuersum. interiacet autem vallis latitudine, vbi maior, quatuor iugerum, ad portam Salariam vsque propemodum producta. Circuit Quirinalis millia passuum ferè tria. Sex, secundum Var. Vrbis montibus, atque vna conuallibus iam ostensis, his collem Hortulorum, quam extra antiquum fuit pomerium, addere, non absurdum opinamur; vt omnes partes Planæ Vrbis melius intelligantur, faciliorq; sit cognitio eorum, quæ suis locis veniunt declaranda. Is igitur collis valli Martię inter sese & Tyberim iacenti, ad stadia vltra tria plurimus incumbit: cuius longitudo à porta Flumentana ad Collatinam, secundum muros Vrbis cæteris lateribus est longior; nam millibus passibus vix perficitur; & in medio sui ad instar curuati ad cubitum brachij existit. quanto enim magis ad Collatinam accedit, eo ampliorem præbet campum; & in orbem stadia decem & octo, plus minus, amplexatur. Tempus est iam in Planam Vrbem descendere, quæ à Capitolio inchoans ad portam Flaminiam nunc terminatur, ab ortu æstiuo, siue Septentrione, curriculo octo propemodum stadiorum, Quirinali, Hortulorumq; colle septa, ab occasu verò paulo maiori spatio Tyberi alluitur; ideo maiori spatio diximus propter ripas ipsius fluminis retortas. Quod si ab ea parte collis Hortulorum, quæ Domitiani Naumachię imminet, lineam rectam deduxerimus, stadiis duobus peractis, ad ripam eiusdem flum. e regione molis Hadriani perueniemus; quatuorq; laterum inæqualium, passuum vltra tria millia complectentem, quadrangulum constituemus. relinquetur autem extra vallis Martia, quanta est inter collem Hortulorum mœnia Vrbis, & Tyberim. cuius latitudo, quò magis accedit ad portam Flaminiam, eo magis arctatur. Reliquum erat in TransTyberinam regionem transire, sed prius videndum est, quo cursu ipsam ab Vrbe Tyberis interfecet. Hic enim Vrbs ingrediens, murorumq; extremam partem, Flaminiamq; portam à sinistra relinquens, quanta est vallis Martię longitudo, fluxu parum obliquo, & retorto defertur; mox verò sensim à Septentrione in occasum conuersus, hemicycli formam constituit, cuius conuexum Vaticanus, concauum verò Martius existat campus. deinceps, infra molem Hadriani, ad pristinum cursum redit, vsq; ad primas Auentini radices; vbi oblique in meridiem versus defluens, haud longè à porta Portuensi, Vrbem egreditur. At ipsius regionis situm aggrediamur. prius tamen sciendum est Ianiculi montis partem vltra dimidiam, intra mœnia non esse

esse comprehensam. Ea autem pars quæ à campo Vaticano ad stadia tria in meridiem est extensa, flumini quidem adiacet; reliqua verò muris clausa, quanto magis fertur ad exitum eiusdem fluminis, latiore relinquit campum. Muri enim Urbis ab ipso flumine recta in occasum per stadia tria ascendunt, mox per dorsum ipsius Ianiculi, totidem ferme peractis in æqualem descendunt planiciem, inde breui spatio ad exitum Tyberis perducti cum fluuio ipso rhombi formam propemodum constituunt, cuius latior pars à porta Aurelia incipiat, desinat autem ad portam S. Mariæ nunc Ægyptiacæ. Ea autem pars Ianiculi, quæ est muris circumdata, quinque continet stadia. Ambit autem tota hæc translyberina regio cum Ianiculo millia passuum circa tria. Hæc de situ Urbis: cui & collem & campum Vaticanum addere non inconueniens esse duximus. Dictum est enim Ianiculi partem à campo Vaticano initium sumere; supra quem campum versus occasum, collis eiusdem nominis attollitur, qui duo porrigit cornua; vnū ad Ianiculum, alterum in Septentrionem, arcumque maximè intensum efficit, cuius conuexum mille passus complectatur. Ab ipso verò colle diffunditur ad Tyberim planicies longè, lateq; patens, à sinistra montibus cincta, qui in longitudinem stadia circa decem producti; cum Tyberi efficiunt latitudinem variâ. quam totam, quanta his collibus adiacet, Vaticanum appellant campum. In hac autem dimensione quantum laboris sumpserimus, ne quispiam magis mihi credat, (inquit Marlianus) quàm ANTONIO Alegreto, & ANNIBALI Charo iuuenibus multiplici virtute ornatis, ac LVDOVICO Fabro Fanensi viro probo, egregieq; docto, qui eiusdem laboris participes fuere. Et si aliquis nimis seuerus rerum æstimator hanc vel illam non probet mēsuram, tanquam certis stadiis, aut numeris rectè non sit deducta: ob eam rem desinat mirari, quòd forma Urbis adeò est mutata, vt pristini situs vestigium vix retineat, neque Romulus ipse, si reuiuisceret, vbi suam posuisset Urbem agnosceret, quod accidisse certum est propter edificiolorum ingentes ruinas, quibus plurimis in locis montibus valles ita sunt æquatæ, vt vbi montes ipsi incipiant, aut desinant non facile possit dignosci. Arbitramur tamen vel sic, hanc descriptionem nō inutilem fore iis, qui Urbem non viderunt: & etiam iis, qui eam contemplati sunt. Quia cum multa prisca per ea, quæ nunc sunt, exponantur, eaq; dominum mutant, aut corruant vetustate: cum ipsis sæpe prisca ædificiorum cognitionem amittimus. quod accidere nequaquā poterit, si ex situs descriptione, singulis rebus proprium locum, quoad fieri poterit, assignauerimus.

## C A P. II.

*De primis cultoribus, & conditoribus Urbis.*

**V**REM Romam in occiduis partibus, iuxtaq; Tyberim flumen positam, atque centum & viginti stadiis à Tyrreno mari distantem, barbari Siculi primi omnium tenuere. Antea verò neq; vt habitata sit, neq; vt deserta fuerit, quod dicamus, nihil certi habemus. Mox autem Aborigines, duce Oenotro Lycaonis filio, ex Arcadia ad inquisitionē agri melioris sponte huc profecti, his expulsis, locum occuparunt. Quibus deinde Pelasgi, & aliorum Græcorum quidam errabundi, profugique ex Thesalia admixti, auxilio eis ad bella cum populis finitimis, fuere. Permanserunt autem in his sedibus vsque ad bellum Troianum, prisca illam Aboriginum appellationem seruantes. Horum autem regem Saturnum fuisse memorant, qui Cretæ rex habens cum Ioue filio, de agris contentionem, bello expulsus, in Italiam venit, & cum vsus vinearum, & falcis Ianū docuisset, ab eo in partem Imperij est admissus,



missus, cæterum Iano defuncto ad eum solum imperium forte peruenit. Annis deinde sexaginta, ante res troianas, ferunt Arcades ex vrbe Palantio exeuntes, sedemque duce Euandro quærentes, atque in hunc locum, vbi nunc Roma est, delatos à Fauno Aboriginū rege, & benignè susceptos esse, & agri portionē accepisse, illosq; colle haud procul à Tyberi distāte electo, struxisse castellū, Palantiumq; à metropoli eorum in Arcadia, appellasse. Paucis verò annis interpositis aliam classē Græcam, ducente Herc. eandē tenuisse regionem, ex hisque quosdā missionem ab eodem Herc. precatos in colle, qui tunc Satur. dicebatur, posuisse sedem. Hos Pelopōnenses, Phanetas, & Epios, qui ex Elide, fuisse compario: quib. nullum erat ampliū desyderiū reditus, euersa eis patria ab Hercule. Hi aliquantulum tēporis rem suam separatim administrarunt: cæterum haud ita multo post victum, leges, sacra cum Aboriginū sacris conferentes, sicuti Arcades, & prius Pelasgi fecerāt, ciuitatis eiusdē participes facti sunt. Secunda verò ætate, post Herculis profectiōē, Lati. ex filia Fauni, authore Trogo, vel vt alij dicunt, ex Hyperboride stupro conceptus, Aboriginū rex fuit: quo regnante Æneas post Ilij direptionem, in Italiam cum appulisset, prælio statim exceptus est: cumq; in aciem exercitum duxisset, ad colloquium vocatus, tantam admirationem sui Latino præbuit, vt in societatem imperij receptus, Lauiniaq; in matrimoniū ei data, gener ascisceretur. Hic deinde Aborigines, Troianosq; cōmuni nomine Latinos nominauit. Post hæc vtriusque bellum aduersus Turnū Rutulorum regem, propter fraudatas Lauiniæ nuptias, fuit, in quo Turnus & Latinus interierunt. Quare Æneas, soceri regnum suscipiens, quarto anno imperij sui in bello aduersus Mezentium Hetruscorum regem, occubuit, in cuius locum Ascanius filius succedens trigésimo anno, post Lauinij constructionem, Albam condidit. Anno deinde octauo & vigésimo, mortuo Ascanio, eius frater Syluius, post mortem Æneæ ex Lauinia natus, imperium accepit, cumq; vnde triginta imperasset annos, Æneæ Syluiο filio reliquit, hic verò post vnum & triginta, Latino Syluiο: Latinusq; post quinquaginta Albæ, qui vnde quadraginta illud tenuit: post eum viginti quatuor Atys, deinceps Capys viginti octo; inde Capetus tredecim, & Tyberinus postea octo. Tyberino succedens Agrippa, quadraginta regnauit annos: Romulus deinde vnde triginta, post hunc triginta, & septem Auentinus, qui Procæ imperium ipsum per manus tradidit. Proca viginti & tres imperauit annos, Numitoremq; & Amulium procreauit. Amulius duos & quadraginta annos regnum, q; Numitori fratri seniori debebatur, haud iure occupans, filiam eius Rheam, nequis vindex regni sexus virilis ex genere Numitoris oriretur, Vestæ sacerdotem fecit, quæ duos pueros incerto stupro an ex Marte conceptos, enixa est, quos Amulius exponi iussit. Sed fortuna origini Romanæ prospiciens, pueros lupæ alendos obtulit, quæ cum sæpius ad paruulos, veluti ad catulos, reuerteretur, rem Faustulus pastor animaduertit, substractosq; feræ, cum Accæ vxori, quæ meretrix erat, nutriendos dedisset, grandiusculos inter greges pecorum agresti deinde vita nutriuit. Quod autem à lupa dicantur educati, fabulosum figmentum est, ad celandam authoris Romani generis turpitudinem: nec incongrue factum est, nam & meretrices lupo vocamus, constatq; hoc animal in tutela esse Martis, iuxta illud. *Martius à stabulis rapuit lupo.* Nomina autem pueris alteri Remo, alteri Romo, siue Romulo fuisse. Adultis inter pastores de virtute quotidiana certamina, vires, & pernicitatem auxere. Igitur cum latrones à rapina pecorum frequenter fumouerent, Remus ab his captus regi offertur, criminique datur quasi greges Numitoris infestare solitus esset. Tunc à rege in vltionem Numitori traditur, qui adolescentia iuuenis permotus, in suspicionem expositi nepotis adducitur; & cum eum nunc lineamentorum filia similitudo, nunc ætas expositionis anxium teneret, Fau-

stulus cum Romulo superuenit, à quo origine cognita puerorum, facta coniuratione Amulium interficiunt, Numitori que auo regnum restituit. Sequenti verò anno regni Numitoris quadringentesimo trigessimosecundo (vt tradit Cato) post Ilium captum, duodecimo Cal. Maias hora post secundam, ante tertiam, Romam, vbi expofiti fuerant, condiderunt. Et quanquam vt de tempore, ita de conditore, mira inter scriptores varietas existit, communis tamen opinio Romulum Martis filium vrbis authorem habet. Vnde Cicero de nat. deorum. *Principio vbi pater Romulus nō solum auspicio, sed ipse etiam optimus augur fuisse traditur.* Solinus etiam post nonnullorum varias de vrbis authore opiniones subdit. *Verius tamen putant à Romulo conditam Romam eam, quæ quadrata dicta est.* Ser. autem grammaticus de Vrbis origine anceps, *Conditarum*, inquit, *urbium dissensio inuenitur, adeo vt ne vrbis quidem origo diligenter possit agnosci.* Nam Sal. dicit. *Vrbem Romam, sicut ego accepi condidere, atque initio habuere Troiani & cum ijs Aborigines.* Alij ab Euan-

*Tunc rex Euandrus Romana conditor arcis.*

Alij Romulo vt,

*En huius nate auspiciis illa inclita Roma.*

Si igitur tantæ ciuitatis certa ratio non apparet, non mirum si in aliarum opinione dubitatur. vnde nec historicos, nec commentatores, varie dicentes, imperitiæ condemnare debemus. Nam antiquitas in multis creauit errorem: & plerique fundant, plerique augent, & ad se transferunt nomina. Nam Romam etiam Romulus fecisse dicitur, quam ante Euander condidit. Romulum autem, non Remū, Romanæ Vrbis, & Ciuibus nomen dedisse ferunt: quia captatis auguriis Remus prior sex vultures vidit, Romulus mox duodecim, quæ res, cū vnus tempore, alter numero certaret, bellum creauit: in quo extincto Remo, à Romulo Romani sunt denominati.

### CAP. III.

#### *De Forma, & Magnitudine Vrbis Romuli.*



R B I S nouæ figuram quadrangularem Romulum designasse author est Plut. & Dionysii. Quadratam Romam appellatam tradit Solinus, eò quod æquilibra foret posita. Sed vt de forma certa est opinio apud scriptores, ita de ambitu, quibusve terminis finiretur incerta, & varia. Liuius enim refert Romulum Palatinum primum, in quo erat educatus, munivisse: & Gellius antiquum pomerium ab Romulo institutum Palatini montis radicibus terminatum. Secundum hos bene procedit, quod ait Corn. Tac. Capitulum Romanumque forum à Tatio rege Sabinorum Vrbis additum. cuius verba sunt hæc: *Initium igitur, & quod pomerium Romulus posuerit noscere, haud absurdum reor.* Igitur à foro Boario, vbi æreum tauri simulacrum aspiciamus, quia id genus animalium aratro subditur, sulcus designandi oppidi ceptus, vt Magna Hercules aram amplecteretur. Inde certis spatii interiecti lapides per ima montis Palatini ad aram Consi, mox ad Curias veteres, tum ad sacellum Larium, forumque Romanum, Capitulum non à Romulo sed à Tito Tatio additum Vrbis creditur. Sicque manifestum esset Tatium deducto muro à saxo carmentali in occasum ad viam, quæ nunc haud longe abest à Tyberi: inde in meridiem vsque ad Circi Maximi partem extremam, conuersoque mox in ortum æstiuum paulo ultra Amphitheatrum, hincque ad forum Neruæ, & tandem ipsum murum cum altero cornu Capitoli coniuigentem, Capitolinum, & Palatinum montem inclusisse. Sed cum constans sit opinio Carmentalem portam ad radices Capitoli sitam, in noua Vrbe à Romulo comprehensam, Liuiusque

in bel-



in bello aduersus Sabinos Capitolium Urbis arcem fuisse ostendat: cumq; in Urbis ampliacione post Romuli mortem quid, quoque tempore, & quibus regibus additum sit commemorans, nullam de Capitolio, tanquam de primæ Urbis parte, faciat mentionem, existimamus urbem à Cor. descriptam non magis Tatij regis, quam Romuli esse monimentum. nec obstat quod Liuius dicit Romulum primum Palatinum, in quo erat educatus, muniuisse, in eo enim verbo primum, vim esse hanc opinor, vt munito prius Palatino, urbem condiderit: Sicut eodem in bello ipse Romulus testatur, dum precatur Iouem, vt suorum fugam sistat. Hic, inquit, in Palatio prima urbis fundamenta ieci. Si prima, ergo alia postmodum iecerat fundamenta urbis, illius dico, quam, contra eiusdem Cor. opinionem, incipere à sylua, quæ erat in Arca Apollinis, & ad supercilium scalarum Caci, vbi postea fuit porta Tergemina finire, legi apud Solinum. Quod mox ab eodem Romulo, & Tatius aucta fuerit, nullum huius rei autorem habemus, nisi Diony. quem ita loquentem audiamus. *Romulus & Tatius urbem statim maiorem effecerunt, duos ei colles alios adicientes, Quirinum & Cælium, separantesq; habitationem alter ab altero in propriis locis utrique vitam agebant. Romulus quidem Palatium occupans, & montem Cælium Palatio propinquum: Tatius verò Capitolium, quod ab initio caperat, & quirinalem rupem: forumq; ibi constituerunt, quo nunc etiam Romani vtuntur.* Quanquam Ser. ait Alios dicere Romulum septem colliculos ab initio inclusisse, alios velle hos ipsos, qui nunc sunt à Romulo inclusos, id est Palatinum, Capitolinum, Quirinalem, Auentinum, Cælium, Viminalem, Esquilinum, & Ianicularem, aliis tamen nominibus appellatos, quæ mutata sunt postea. In quo à Liuiio apertissime eos dissentire inferius, vbi de vario Urbis ambitu loquimur, apparebit. Præterea dicimus, non verisimile esse, pastores, rebus adhuc angustis, tantum campi, in tanta hominum paucitate, complexos esse: cum Plut. velit mille domos tantum fuisse, Dionysiusq; cum conditoribus Urbis non plures tribus peditum millibus, & pauciores equitibus tercentis.

## CAPVT IIII.

*De Portis Urbis Romuli.*

DE portis autem urbis Romulæ sic habet Plinius. Urbem tres portas habentem Romulus reliquit, aut (vt pluribus tradentibus credamus) quatuor. Harum nec nomina, nec locum ipse ponit: communis tamen est opinio eorum, qui tres tantum à Romulo ferunt relictas fuisse, Carmentalem, Romanam, & Pandanam, Carmentalemq; à matre Euandri denominatam, à dextera sub Capitolio inter saxum Tarpeium, & Tyberim: eregione ædiculæ diuæ Chaterinæ nunc dirutæ. & versus circum Flaminium, vt inquit P. Victor: quam Blondus ad primas Auentini radices ponit, & præter historiæ fidem, Liuiiq; autoritatem ipsum collem in urbem Romuli comprehendit: dumq; huic suæ urbi portas accommodare, verisimilemq; suam opinionem efficere conatur, aliò ipsas portas, quàm fuerant, traducit, & ex vno in alterum labitur errore. Liuius enim ipse septimo belli Pu. loquens de vico Lugario, clare docet Carmentalem portam fuisse sub Capitolio, sed apertissime Plut. in Camilli vita: Ad Carmentalem, inquit, portam Pontinus contendit, vt quid ageretur per silētium specularetur; nam huic Capitolium maxime directo incumbit: & Solinus his verbis. *Pars infima capitolini montis habitaculum Carmentæ fuit, vbi & carmentale nunc sanum est, à qua Carmentalis portæ nomen est.* Eodē modo & Sex. Po. qui templum Iani fuisse extra ipsam portā apud Marcelli theatrum tradit. Alia est ratio hanc portam non fuisse prope Auentinum. Quod Vir. inducit E-

uandum ab ara Maxima in Palatinum progredientem monstrare Herculi portam Carmentalem, quæ nimirum, si ad radices Auentini, post fuisset relicta. Huic autem portæ Sceleratæ postea nomen fuit, quod per eam egressi Fabij ad Cremeram Flu. ex lacu attingente Bacchanas orientem, omnes interfecti sint. Vnde idem Sex. Pomp. refert religioni esse quibusdam porta Carmentali egredi, & in æde Iani, quæ erat extra ipsam, senatum haberi, quod ea egressi sex & trecenti Fabij, apud Cremeram omnes interfecti sint, cum in æde eiusdem Iani. S. C. factum esset, ut proficiscerentur. Sed ad reliquas veniamus. Romanam in hortis ædis diuæ Mariæ nouæ haud procul ab angulo Palatini, qui amphitheatrū spectat, fuisse innuit idem author, cum ait. *Romana porta instituta est à Romulo in infimo cliuo Victoria, qui locus gradibus in quadraturam formatus est.* Appellata est autem Romana à Sabinis præcipue, quod proximus aditus erat Romam: sunt tamen qui Mugoniā, quæ & Trigoniam tribus angulis est denominata, ibi restituant, quibus si assentiri volumus, dicemus à Romulo prius Romanæ, deinde ab euentu, hoc est à mugitu bouum, vel quod per eam boues introducerentur, Mugoniæ nomen sortitam esse. Sequitur Pandana, dicta, quod rebus illatis in urbem panderetur, eidem & Liberæ, & Romanulæ nomen fuit, quam prope Velabrum fuisse probat quæ sequuntur Var. verba. Laurentia ab Acca Laurentia; huius sacrificium fit in Velabro, qua in Nouam viam exitur, ut aiunt quidam ad Sepulcrum Accæ; qui locus extra urbem antiquam fuit, non longe à porta Romanula. Existimamus autem Romanulæ nomen adeptam, postquam Romana Mugoniæ sumpsit cognomen. Miror autem Blondum & Fuluium, Var. authore, velle hanc fuisse non Romæ, sed Saturniæ urbis, qui dum probat Saturnium oppidum fuisse propè Saturnium montem, sic sequitur: Eius vestigia nunc manent tria, quod Saturni fanum in faucibus, quod Saturnia porta, quam Iunius scribit, ibi, quam nunc vocat Pandanam. quæ vltima verba innuunt, Pandanam fuisse à Romulo constitutam, eo in loco, ubi prius in Saturnio oppido, fuerat Saturnia. Qui vero volunt Romulum urbem quatuor portarum reliquisse, quartam ad radices Viminalis statuere; ab euentu postea dictam Ianualem. Nam bello Sabinorum, cum Romani eam claudere festinarent, quia in ipsam hostes irruebant, postquam est clausa, mox sponte patefacta est, cumque iterum, ac tertio idem contigisset, armati plurimi pro limine, quia claudere nequibant, custodes steterunt, cumque ex alia parte acerrimo prælio certaretur, subito fama pertulit fufos à Tatio Romanos: quam ob causam, qui aditum tuebantur territi profugerunt, cumque Sabini per portam patentem irrupturi essent, fertur ex æde Iani per hanc portam magnam vim torrentium vndis scatentibus erupisse, multasque perduellium cateruas, aut exustas feruenti aqua, aut deuoratas rapida voragine deperiisse, ea re placitum, ut belli tempore, veluti ad urbis auxiliū, fores Iani reserarentur. Hæc autem porta opportuno loco fuerat sita, tamen cum constans sit opinio, pomerium Romuli ad radices Viminalis non peruenisse, nullibiq; legerimus Iani templum eo in loco stetisse, c edimus Romulum tres tantum instituisse portas; qui numerus, in urbe adhuc parua, publico vsui satisfacere posse videbatur.

C A P. V.

*De vario ambitu & mœnibus Urbis.*

V M Romulus, Urbe noua cõstituta, quæ ad deorum religionem, hominumq; iura pertinere videbantur, curaret, Romam interim alia, atq; alia loca appetebant, ut Urbs in dies amplioribus munitionibus cresceret, cum in spẽ magis futuræ multitudinis, quam ad id hominum, quod tum erat, eam munitarent. Victis postea Sabinis, & ex duabus vna facta ciuitate, etiam



iam hominum multitudine aucta est, moxque Alba euerſa, duplicatoque ex il-  
lius ruinis ciuium numero: Tullus Cœlium Vrbi addidit, Exquiliasque, autho-  
re Liuiο, auxit. ex quo conijcimus, aucto numero ciuium, Romanos etiam extra  
muros in montibus, vallibusque adiacentibus, & foro proximioribus domos  
ſtruxiſſe. Quæ loca cum iam eſſent occupata, deuiſtis Albanis Tullum addidiſſe  
Cœlium, Exquiliasque, nondum Vrbi adiectas, auxiſſe. Secundam autem Vrbis  
ampliatiōem capto Politorio, omni que multitudine Romam traducta, fecit  
Ancus. qui cum circa Palatium ſedem veteres Romani, Sabini Capitolium, at-  
que arcem, Cœlium Albani impleuiſſent, Auentinum nouæ multitudini con-  
ceſſit. Multis deinde milibus Latinorum in ciuitatem acceptis Ianiculum quo-  
que Vrbi coniunxit, ponte Sublicio tunc primum in Tyberim factο, Quiritorium-  
que ſoſſam in planioribus Vrbis circumduxit. Hinc conſtat Auentinum non fu-  
iſſe Vrbis Romuli partem, vt putauit Blon. minus diligenter Liuij verba conſi-  
derans. qui etiam primo decadis quintæ Auentinum ipſum extra Vrbem ſic col-  
locat. Aediles extra portam Tergeminam in Auentinum porticum ſilice ſtra-  
uerunt. eodem modo & Gellius, eius verba hæc ſunt. *Auentinus ſolus, quæ pars  
nō longinqua, nec in frequens eſt, extra pomerium eſt, neque Ser. Tullus, neque Sulla, qui pro-  
ferendi pomerium titulum quaſiuit, neque poſtea Diuus Iulius, cū pomerium proferret, intra  
vrbis fines incluſerunt.* Cauſam eſſe ait Meſſala, quod in monte Remus vrbis con-  
dendæ gratia auſpicatus, aues irritas habuerit, ſuperatusque à Romulo in auſpi-  
cio ſit. Iccirco omnes, qui pomerium protulerunt, montem iſtum excluſerunt,  
quaſi auiibus obſcœnis ominoſum. Authore poſtea. D. Claudio receptum, &  
intra pomerij fines obſeruatum eſt. Tarquinio autem Priſco, qui vrbem muro  
cingere parauerat, mortuo, eam curam Ser. Tullius ſuſcepit, & Viminalem, Qui-  
rinalēque quinq; quilibet ſtruſturis ædificatos Tarquinius ſuperbus primum cœpit  
ſaxis magnis formatiſ ad regulam extruere. Ex eo quippe tempore portæ Ro-  
muleæ paulatim, & nomen, & vſum ammiſiſſe videntur, licet Carmentaliſ diu-  
tius ſuum retinuerit. Et conſtruſtio vrbis regum tempore vltierius, vt teſtis eſt  
Dion. nō proceſſit, non permittente numine, quanquā omnia circum vrbem erant  
habitata. Nam cum antiqui vellent vrbis mœnia, quæ Collinam non excedebant  
portam, vſq; ad Miluium pontē producere, prohibuere aruſpices, quia nō licebat  
in vrbe comitia facere, & milites legere. hinc Cic. ad Atticū. *Sed caſu, inquit, ſermo  
à Capitone de vrbe augenda à ponte Miluio ad Tyberiū: pauci ſecundum montes Vaticanos,  
campū Martium tum ædificari, illum autē campum Vaticanum fieri quaſi Martium.* Qua-  
re arbitror magna parte vrbis planæ ædificijs occupata, Senatū ſæpe agitauiſſe de  
transferendo campo Martio in Vaticanum, nunquam tamen id comprobatum  
eſſe. Quod autem Blon. velit eum, quem nos collem Hortulorum dicimus,  
Quirinalē eſſe, falſum eſſe oſtendit Appianus, cum ait Syllam vltierius progref-  
ſum excercitum in campo Martio ante vrbis portas ſtatuſſe, & cum hic collis  
Campo Martio immineat, nimirum neceſſe eſt recepto, ſecundum nos, colle  
Hortulorum, vt etiam idem campus in vrbem, contra omnium opinionem, ſit  
receptus. Non tamen Fuluij approbamus ſententiam, qui quicquid campi in-  
ter Capitolium, & Tyberim eſt, Martium appellari, murosque vrbis Capitoli-  
um non exceſſiſſe, putet. Nam & ſi hoc verum eſt tempore regum, quod du-  
bito, vltra tamen ipſum montem Conſulum aut Imperatorum tempore muros  
proceſſiſſe opinor. Plurimis enim authoribus crediderim Flumentanam por-  
tam antiquiſſimam eſſe: quod ſi, ſecundum Blond. opinionem, ſortita eſt no-  
men, quod per eam aliquando Tyberis fluxerit, mœnibus montes non exce-  
dentibus, non video vbi locorum ipſa poſſit collocari, vt Tyberis per eam labi  
potuerit. Præterea non dicimus theatrum Pompei, theſmas Agrippinas, Mi-  
nerue

neruæ templum, circum Flaminium in campo Martio: sicut Ouile, villam Publicam, & multa alia. Quare arbitramur partem vrbs Planæ, præco etiam tempore, fuisse intra urbem, deducto videlicet muro à Collina ad Tyberim, eregione murorum ab Anco in Transtiberina regione collocatorum, Flumentanamque portam, ubi nunc est, longo tempore post translatam. Nec obstat quod isti falsò referunt: Martium campum appellatum, quicquid inter Capitolium & Tyberim est; cum Liu. dicat quicquid inter urbem & Tyberim, quod secundum nostram opinionem, bene procedit, cui etiam P. Vic. suffragari videtur, viam Latam, forum Suarium, Pilam Tyburtinam inter montes & Tyberim iacentes in septima vrbs regione statuens. Plin. aut tradit ambitum vrbs suo tempore mil. pass. xx. fuisse. Vopiscus verò Aurelianum Imper. muros vrbs sic ampliasse, vt l. propè milia eorum ambitus teneret. Sed Marcel. dubitationem tollit, cum inquit, Vrbs Roma est, quæ muro cingeretur, vt Alphenus ait. Roma est etiam quantum continentia ædificia essent. Plin. itaque, dum. xx. mil. passus scribit, & Vopiscum, dum quinquaginta, Romæ, & ædium continentium considerasse dicimus ambitum. Sciendum autem mœnia vrbs sæpe à barbaris aperta, & à maioribus instaurata ambitum varium habuisse. Magnam verò partem Honorium & Arcadium restituisse, vetus in marmore supra portam Portuensem incisus hic index ostendit.

IMPP. CÆS. DD. NN. INVICTISSIMIS PRINCIPIBUS ARCADIO ET HONORIO VICTORIBVS ET TRIUMPHATORIBVS SEMPER AVGG. OB INSTAVRATOS MVROS ET TVRRES EGESTIS INMENSIS RVDERIBVS. È SVGGESTIONIBVS. V. C. ET INLVSTRIS MILITIS ET MAGISTRI VTRIVSQ. MILITIÆ AD PERPETVITATEM NOMINIS EORVM SIMVLACRA CONSTITVIT.

Ambitus autem Vrbs nostro tempore vix passus mil. tredecim implet. Mœnia verò vtrum in ipso permaneant præco vestigio veteris fundamētū diu anceps fui. Non enim mihi persuadere poteram, antiquos ita distortos, quemadmodum nunc cernuntur, muros posuisse. re deinde diligentius considerata, inueni situs ipsorum optimam eos habuisse rationem. quia si orbicularem, aut quadrangularem, vel quamlibet aliam certam formam Vrbs constituere voluissent, eueniebat, quod muri interdum per montium crepidines ducti, interdum vero per valles montibus extra relictis facile, perfossa, & excauata parte montis apposita, ab hostibus euerti potuissent, aut valle intus existente, ex montibus vicinis, superioriꝝ loco ciues opprimi. Quare secundum montium circuitum, perq; ipsorum radices deduxere muros, ita vt, ubi accliuus fuisset locus, per mediam ferè accliuitatem dirigerent, iacerentq; intro effosam terram, donec montem ipsum æquarent, ne aqua defluens muros lædere posset. Si quis autem dixerit, inter Collinam, Numentanamq; portam, rursusq; inter Asinariam, & Gabiulam, & alibi, etiam per valles mœnia deducta, respondemus, idè factum, quia extra non erat mons, qui Vrbi immineret, breuissimasq; esse valles, quæ si extra relictæ fuissent, muris radicibus montium appositis, deformem, & multis in locis inutilem; Urbem reddidissent. Quapropter credimus super fundamentis præcis muros nunc existentes, extructos esse. Quid enim erat cur ij, quibus muros instaurandi, non ampliandi fuerat cura, noua vt iacerent fundamenta, cum præca longe minorem impensam, & laborem desiderarent?



*De Pomerio Vrbis.*

OMERIVM verbi vim solum intuentes, post mœnium interpretantur esse, est autē magis circa murum locus, quem in condendis vrbibus quondam Hetrusci, quam murum ducturi erant, certis circa terminis inaugurato cōsecrabant, vt neque interiore parte ædificia mœnibus continuarentur, & extrinsecus puri aliquid ab humano cultu pateret soli. Hoc spatiumque neque habitari, neque arari fas erat, non magis quodd post murum esset, quam quod murus post id Pomerium Romani appellarunt, Linius. Sæpe tamen pro totius vrbis ambitu, locoque certis finibus præscripto accipitur. Gellius enim tradit Pomerium facere finem vrbani auspicij, ibique nōnullos commemorat, qui Romanum propagarunt Pomerium. Sed post Syllam ferē omnes gloriæ, honorisque magis cupiditate, quam necessitate adducti, id facere, inter quos numeratur Claudius imperator. Cor. Tac. Pomerium, inquit, auxit Claudius more prisco, quo iis, qui protulere imperium, & terminos vrbis propagare datur, mox subdit. *Et quos tum Claudius terminos posuerit facile cognitu, & in publicis actis perscriptum.* Quod enim pomerium propagauerit, multa extant exempla, vt in tabula ænea in Lateranensi basilica sita, cuius rei caput hoc est.

VTIQUE EI FINIS POMERII PROFERRE CVM EX REPUBLICA CENSEBIT ESSE LICEAT. ITA VTI LICVIT CLAVDIO CÆSARI AVG. GERMANICO.

Et in lapide tiburtino effosso superioribus annis apud Cloacam diuæ Lucie, cuius titulus est huiusmodi.

TI. CLAVDIVS DRVSI. F. CÆSAR. AVG. GERMANICVS PONT. MAX. TRIB. POT. VIIII. IMP. XVI. COS. IIII. CENSOR. P. P. AVCTIS POPVLI ROMANI FINIBVS POMERIVM AMPLIAUIT TERMINAVITQ.

Sed tamen quos terminos pomerij posuerit, nullibi inuenies. Vopiscus verò scribit Aurelianum Imperatorem adhibito senatus cōsulto muros Vrbis dilatauisse, neque tunc quidquam addidisse Pomerio, sed postea cum non liceret, nisi ei, qui agri barbarici aliqua parte Ro. Remp. locupletauisset, Pomerium propagare. At tam varia est de Vrbis ambitu, atque Pomerio opinio, vt nemo possit singulis quibusque temporibus proprios fines determinare, hinc ait Dionysi. Si quis velit Romę magnitudinem exquirere, nullum habebit signum certum, quo dignoscatur quousque sit hæc vrbs progressa, aut vnde esse non amplius vrbs incipiat. Legimus autem secundum viam, quæ est ab Vrbe ad Otricoli pontem, omnia ædificiis fuisse plena. Vnde Aristides ipsius Vrbis incredibilem ostendens magnitudinem, in hunc loquitur modum. Descendit hæc vsque ad mare, vbi Cōmune emporium, communisque omnium, quæ terra proueniunt, dispensatio, quacunque in parte eius Vrbis constiterit quis, nihil prohibet quominus sit pariter & in medio: quiddud nunc Italiæ restat, completum iri vniuersa mihi videtur: vnaque futura vrbs perpetua in Ionium mare protensa.

*De portis antiquis, quæ hodie non sunt.*

VE M A D M O D V M ambitus Vrbis varios terminos consecutus est, eodē modo & portæ: quarum non nullę in Pomerij ampliatiōe intra urbem relicte, & vsū & portarum nomen licet amiserint, multæ tamen translata pristinum retinuerunt, multæ etiam nouum adeptæ sunt. Et quanquam aliqui Ser. Tulli, Augusti, Aurelianiq; temporibus ausi sunt, certo nu-

meroposito, proprium & nomen, & locum illis constituere: nulla tamen ratione, nullove authore, quod scripsere comprobarunt. Plin. autē quatuor & triginta ætate sua fuisse prodidit, eius sunt hæc verba: *Mænia eius colligere ambitu Imperatoribus, censoribusq, Vespasianis, M. P. XIII. complexa montes VII. ipsa diuiditur in regiones XIII. Capita singularum, CLXXV. eiusdem spatij mensura currente à capite fori Romani statuto ad singulas portas: quæ sunt hodie triginta, & quatuor, ita vt duodecim portæ semel numerentur, prætereanturq, ex veteribus septem, quæ esse desierunt.* Efficit passuum per directum XXX. M. D. LXV. Ad extrema verò tectorum cum castris prætorii ab eodem miliario per vicos omnium viarum mensura colligit paulo amplius LXX. M. passuum. Cùm sermonem forè haberemus de portis antiquæ Vrbis cum viro præclarissimo IOANNE GADO Ca. ap. clerico integerimo, incidissemusq; in verba illa. Ita vt duodecim semel numerentur, prætereanturq; ex veteribus septem, quæ esse desierunt, rogauit me ille, vt est omnium bonarum artiũ studiosissimus, quid eo in loco sibi vellet Plin. Ego verò qui haudquaquam mihi ascisco eam sapientiam, vt de re dubia, & difficili ex improviso respondeam, sententiam meam in aliud tempus distuli. Igitur aggressus hunc tractatum, quo me ære alieno eximam, eam in medium adducere non grauabor. Vnde sciendum est, ex ipsis portis aliquas esse, quæ duo & plura habuere nomina, quas vult semel numerari. Veluti hæ.

Flumentana, siue Flaminia.

Quirinalis, siue Agonenfis, vel Collina.

Numentana, siue Viminalis.

Ianualis, siue Sabiusa, quæ ducebat in Sabinos.

Æquilina, siue Taurina.

Neuia, siue Labicana.

Cœlimontana, siue Asinaria.

Capena, siue Appia.

Tergemina, siue Hostiensis.

Portuensis, siue Naualis.

Ratumena, siue Veientana.

Triumphalis, siue Vaticana. His semel numeratis si

Carmenalis, Querquetulana,

Mugonia, Raduscula,

Pandana, Saginalis, &

Sancualis, quas antiquissimas esse nemini dubium est, prætereantur, relinquentur sequentes.

Collatina, Catularia, Salutaris,

Interaggeres, Laurentina, Mutia,

Tyburтина, Fontinalis, Piacularis,

Gabiusa, Lauernalis, Prænestina,

Latina, Ferentina, Libitinensis,

Aurelia, Minuria, Valeria.

Tarpeia, quibus si duodecim, quas dicit semel numerandas, addiderit, ad numerum XXXIII. portarum, tres tantum deerunt, quas nullibi inuenimus. Quintimo nec apud antiquos scriptores mentio est de tribus ultimo loco positis. Insuper non Plin. ætate, sed diuersis temporibus prædicta nomina portis imposita esse arbitramur: Pliniumque cum ait, sunt hodie portæ Vrbis triginta & quatuor, non solum de portis Vrbis: verum etiam de iis, quæ erant in suburbiis intellexisse, cum appellatio Vrbis continentibus ædificiis finiatur. quanquam apud Plin. sunt qui legunt XXXIII. De porta autem Ferentina sic meminit Plut. *Romulus expeditionibus ciuitates expurgauit, quas adhuc etiam Ferentinam ad portam obseruari tradunt.*

Antiqua-



Antiquarum autem portarum etymologiam docet Var. & Sex. Pomp. quam hic si poneremus, cum illarum nullus usus, neque vestigium extet, superflua certe videri posset.

C A P. VIII.

*De portis antiquis, & mœnibus quæ nunc sunt.*



AMBIVM Vrbis à nobis iam dimensum, mœnibus & portis, quæ nunc extant, tempus est circundare. Exordiamur autem ab occasu hyemali, Tyberiniq; fluminis ripa: à qua muri c. xx. pass. producuntur, priusquam Flumentanam portâ attingant, denominatam, vt Blon. velle diximus, quod Tyberis per eam aliquando laberetur in urbem. Ipsâ, inquit, indicat positio, quia nulla, inter omnes vrbis portas, ita Tyberi est apposita, vt eam aliquando is fluuius potuerit influere. At ex verbis Apiani supra de Campo Martio allegatis patet hanc alibi fuisse, cum Flumentanæ ei nomen erat. Procopius in loco editiori eâ ponit: Liuij etiam verba innuunt olim à Capitolio procul esse, quæ hæc sunt. Ita prædictâ die in Petilinû Lucum, extra portam Flumentanam, vnde conspectus in Capitolium non est, conciliû populi indictum. Quod si Campum Martium extra urbem relinquimus, non video quomodo Apiani cû Liuij conueniant verba: At cum dictum sit mœnia, quæ Collinam portam non excedebant, deducta olim per urbem planam, vsq; ad Tyberim, eregione scilicet murorum structorum ab Anco in TransTyberina regione, existimamus portam ipsam in ripa eiusdem fluminis, haud procul à ponte nunc Xysti, tunc positâ esse: aut certè in fine viæ Latæ, & in principio Flaminia, Flumentanæq; sortitam nomen, quod ad fluuium pertineret, nō autem quod per ipsam fluuius in urbem laberetur. Cic. quidem ad Atticum scribens tanquam de porta Vrbis antiqua ita meminit. *Nescio enim cur cum portam Flumentanam Cælius occuparit, ego Puteolos non faciam meos.* Qui verò extra antiquum pomerium ipsam statuere, mœnia in quibus nunc est, à Belisario condita putant, nos verò non condita, sed super aliorum murorum fundamentis instaurata, eaq; multo tempore ante Belisarium fuisse; mœnibusq; Collinam portam non excedentibus, ampliatis, Collatinaq; addita, Flumentanam eo, vbi nunc est, translatam, aut certè extra pomerium triumphalem arcum fuisse. Sed eo in loco, vbi nunc est, porta ne fuerit, an triumphalis arcus, in medio relinquo. Flaminia deinde traxit nomen à via, quam Flaminius strauit. Porta Populi nunc dicitur. ab hac mur. per collis Hortulorum radices pass. vltra mille adimplentes, Collatinæ iunguntur Portæ, cui à Collaria oppido propè Romam, in quod aliarum ciuitatum opes fuere collatæ, nomen inditum esse scribit Sex. Pomp. Liuius Collatia, inquit, & quidquid circa illam agri erat Sabinis ademptum. Seruat quoq; ætas nostra morè appellandi in Collaria, quidquid eregione eius portæ habet ager Romanus. Pincianam nunc vocant a proximo Pincij Senatoris olim Palatio, cuius vestigia licet extent, marmora tamen ad ornamentum posita Theodoricus Ostrogothorum Rex Rauennam misit, auth. Cassiodorus. Sita autem est in eodem Hortulorum colle, & vt Flaminia, Aquilonem spectat. Interiectis deinde stadiis sex peruenitur ad Portam Quirinalem; priscis temporibus ita denominatam, quod ea in collem Quirinalem iretur, siue quod proximè eam Quirini Sacellum. Agonensem etiam, quod in Quirinali esset, qui, veluti sine angulis, Agonos appellabatur, dixere portâ. Quod autè postea à Quirinali mutatum sit nomen in Collinam, docet Var. Salaria nouissimè, quod adhuc immutatum retinet, nomen est consecuta; quia per eam Sabini sal à mari in urbem deferebant. ortum æstiuum prospicit, sicut Viminalis, quæ quarta in ordine stadiis quinq; distat à Collina. Viminalis autem est nuncupata, quod ibi

viminum sylua fuisse videtur, vel à Fano Iouis Viminei: cui portæ (authore Livi) Ficulensi nomen etiam fuit, à proximo extra ipsam loco, vbi signæ olim fiebāt. Nunc S. Agnetis, & Numentana dicitur Porta. Hanc prope Salariam fuisse probat Suet. de Nerone loquens, in hunc modum. *Offerente Phanote liberto Suburbanū suum, inter Salariam, & Numentanam viam, circa quartum miliarium.* Inter Viminalē, & Esquilinam in campo Viminali, quem hodie incolæ Viuarium appellant, media est Porta Interaggeres, cui Aggeres Tarquinij, inter quos erat condita, celebre ad posteros fecere nomen. Subit Porta nunc S. Laurentij, quam Tiburtinam esse, & in aquæductu aquæ Marcie conditam, diuersamque ab Exquilina, contēdit Ful. ea nempe ratione, q̃ Str. in campo Esquilino duas Vrbis portassalte ram Exquilinā tunc clausā, alterā Tiburtinā esse memoret. Inter Tiburtinā autē, & Næuiam ipsam collocat Exquilinā quam Li. in numero aliarū statuens, antiqui pomerij portam facit, his verbis. *Itaq, Cos. Valerius, vt eliceret pradatores, edicit suis postero die frequentes porta Exquilina, qua auersissima ab hoste erat, expellerent pecus: scituros id hostes ratus, quod in obsidione, & fame seruiiia infida transfugerent, & sciere perfuga multoque plures, vt in spem vniuersa prada, flumen traiciunt.* P. Valerius inde T. Herminium cum modicis copijs ad II. lapidem Gabina via occultatum obsidere iubet: Sp. Largum cum expedita iuuentute ad portam Collinam stare, donec hosti pratereat, inde se obijcere hosti, ne sit ad flumen reditus. Consulū aliter. L. Lucretius porta Nauia cum aliquot manipulis militum egressus. Ipse Valerius Cælio monte deletas cohortes educit: hique prius apparuere hosti. Herminius, vbi tumultum sensu concurrat ex insidijs, versisque in Lucretium Heriiscus terga cedit, dextera, lauaque hic à porta Collina, illinc à Nauia redditus clamor. Et quia Liuius non meminit de Tiburtina, Ful. autumat postea conditam fuisse in forma arcus, vbi nunc est clausa Exquilina. Recte ne sentiat videamus. In primis autem sciendum, tempore quo condita est Tiburtina, mœnia ne sint propagata. Si sunt, non video cur Exquilina magis non sit translata, quam clausa. Si vero non, quid erat causā antiquissimam, eandemque celeberrimam claudendi portam, quo nouam excitarent? Quare haud me pœnitet eorum sententiæ esse, qui volunt super ipsam aquæductum deriuatum: non ipsam in forma arcus extructam: cum cōstet vsq; ad Augusti tempora apertam fuisse, de qua Cic. sic meminit. *Cum ego Cælimontana porta introisse dixissem, responsione me inimica Exquilina introisse homo promississimus laesissim.* Sin Tiburtinam esse concedimus, Exquilina inter hanc, & Numentanam, siue Interaggeres potius erat excitanda, quam inter Næuiam, ipsamque Tiburtinam: cum Liuius libro sexto secundi bel. pu. ostendat Collinam, Exquilinamque inuicem propè fuisse, commemorans Flac-cum porta Capena cum exercitu Romam ingressum, media Vrbe per Carnias Exquilias contendisse, inde egressum inter Exquilinam, Collinamque portam posuisse castra. Et placuisse Coll. circa portas Collinam, Exquilinamque ponere castra. Vnde si Exquilina erat, vbi ponitur à Fulvio, non oportuerat consulē Capena ingressum in Carinas, inde per Exquilias ad portam ipsam peruenire: cum magis rectum, breuiusq; esset iter per Cœlium aut Labicanam viam. Quare magis inclināt animus, vt credam portam nunc S. Laurentij Exquilinam esse: & Tiburtinam additam inter hanc, & Numentanam, vbi Exquilinus est campus: & mœnia à Numentana ad portam S. Laurentij duodecim ferme implent stadia: vt in hoc intervallo porta Interaggeres, Tiburtinaq; commodè potuerint collocari. Non enim sequitur, Exquilina Strabonis ætate erat clausa, ergo etiā nunc est clausa. Exquilina ab Exquilijs, vbi sita est, denominabatur, eadem & Taurina, à capite tauri, quod cœlatum adhuc in fronti spicio interiori cernitur. In ortum solis vergit, quemadmodum Nauia; quam Varro à propinquis memoribus nomen adeptam tradit. Sunt autem qui velint non portam, sed triumphalem fuisse arcum. Quod si mœnia manent in prisco veteris fundamenti vestigio, non video



video, secundum ordinem portarum à Liuiio positum, cur potius alibi fuerit quàm eo in loco, qui ad vsum portæ cōmodissimus videbatur. Ego tamen, inquit, Mar-  
 lianus, ipsam aliquando ascendi, & omnia diligenter perscrutatus, nihil inueni,  
 cur magis portam, quàm triumphalem arcum esse, iudicarem. verum cum arcus  
 triumphales soleant in viis ducentibus ad portas excitari, variumq; ambitum vr-  
 bis fuisse probauerimus: potuit aliquando porta prope existens in ipsum arcum,  
 minore facto, vel ampliato pomerio, transferri. Hęc autem porta olim etiam La-  
 bicana, nunc verò Maior nuncupatur. Hinc verò ad Cœlimontanam, à Cœlio  
 monte, in cuius margine est sita, ita cognominatam, stadia fermè octo intercur-  
 runt; quam portam L. Cornelio, & Q. Minutio Cossi, tactam de cœlo narrat Li-  
 uius; cui Alinariæ à regno, vt aiunt, alinorum, quod est Neapolitanum, quo mit-  
 tit, etiam fuit nomen, nunc vero S. Ioannis ad ortum hyemalem, pertinet, sicut  
 ad æstiuum Gabiufæ: quæ in angulo murorum sub Cœliolo occurrit, sed clausa:  
 per quam ingreditur riuus aquæ nunc Marianæ. Gabiufæ autem obtinuit nomē,  
 quod recta in Gabios oppidum, nunc Galicanum, mitteret. Metrodij deinde  
 portæ à mensura est dicta: stadia propè quinque à Cœlimontana distat. Sequitur  
 Latina in Cœliolo, quæ quod in Latium duceret, sortita est nomen, idq; immu-  
 tatum adhuc retinet. Est autem prope ædem diui Ioannis Euangelistæ, in hye-  
 malem ortum vergens, stadia quinque cum dimidio à Gabiufæ abest, & totidem  
 à Capena dicta (inquit Ful.) à Capenatibus Latinis populis, ad quos mittebat, vel  
 à Capenate flum. vt tradit Silius Italicus, cum inquit.

*Quo sacer humectat fluminalia rura Capenas.*

Verum quòd à Capenatibus Capena nuncuparetur, authorem non addit, ne-  
 que Silij carmen à Flum. portam nomen sumpsisse probat. Solinus autem refert,  
 Italum regem ex Sicilia cum Syracusanis ad Ianum venisse, ac eius consilio, au-  
 xilioq; ciuitatem iuxta Albam condidisse, Capenam nomine, & ab eo postmo-  
 dum Capenæ nomen fuisse. Ser. verò grammaticus huiusce portæ etymologiam  
 aliunde trahit. Nam super eo Virg. hemistichio, *Lucosq; capenos, ait*: Vnde & por-  
 ta Capena, quæ iuxta Camœnas est, nomen accepit. Asc. enim scribit, extra hanc  
 portam Lucum, & Ædem Camœnarum esse: propterea Camœna à nonnullis o-  
 lim est appellata, nunc verò Porta S. Sebastiani. Et certè nullum est dubium quin  
 sit hæc Capena, cum à P. Victore in prima regione eiusdem nominis ponatur.  
 Appiæ deinde nomen accepit ab Appio censore, qui viam munivit. Cic. pro Mi-  
 lone. *Hoc enim sæpe ab istis dicitur pertinere, quasi Appius ille cæcus viam munierit, non  
 quia populus vteretur, sed ubi impune sui posterius latrocinantur.* Erat hæc porta multū  
 celebris. Quidam etiam Triumphalem appellant. Non desunt etiam qui Fonti-  
 nalis nomen adscribant, à fontium vbertate, propter illud Mart.

*Capena grandi qua pluuii gusta.*

Et Iuuen. *Madidamq; Capenam.* Quod ideo dictum arbitramur propter aquæ  
 ductum super eam deriuatum; vel quod inter cæteras portas depresso sit loco.  
 Vnde Cic. ad Q. Fratrem. *Romæ, inquit, & maxime Appia, ad Martis mira promues,  
 horri, tabernæ plurimæ, magna vis aquæ, usq; ad Piscinam publicam.* Restat vltimo loco,  
 citra Tyberim, Tergemina in meridiem vergens, vt Appia. Tergemina dicta est  
 à vetustissima illa, per quam Tergemini Horatij dicuntur egressi, quæ tunc fuit  
 inter Tyberim & Auentinum, sub angulo montis relicta, à dextris, ripa fluminis,  
 iuxta naualia, & prope Salinas; cuius adhuc apparent ruinosa vestigia inter pro-  
 ximas vineas. Huius loci meminit Frontinus in hæc verba. *Ductus aque Appia  
 habet longitudinem à capite usque ad Salinas; qui locus est ad portam Tergeminam.*  
 & mox. *Cacus habitauit locum, ubi Salina nomen, ubi Tergemina porta.* Hostien-  
 sis quod Hostiam mittat, aliquando est appellata, nunc Sancti Pauli. distat à

Capena stadia ferme octo. Ab Hostiensi deinde muri ad Tyberim stadia duodecim implent. A Fluuiò verò ipso ad Portuensem Translyberinā portam stadium dimidium vix intercurrit. Portuensis enim inditum est nomē, quia ducit in portum Hostiensem, à Claudio Imperat. excitatum, nunc portam Ripæ vocitant. ad Occasum Solis hyemalis pertinet. Hinc deinceps in Ianiculum ascendens, septē stadiis, vel circa, peractis, ad portam nunc S. Pancratij, olim Aureliam, peruenies; quam quidam ab Æmilio viro cōsulari, siue ab Aurelio Imperatore nomen sumplisse autumant: quidam verò à via Aurelia, nonnulli viam ab ipsa porta. Quo autem nomine apud priscos vocaretur, sicuti de Portuensi, incertum habemus; neque solum de nomine, verum etiam de loco dubitatur. Nam Procopius tradit Aureliam portam fuisse iuxta molem Hadriani, & à basilica propinqua, portam S. Petri nuncupatam. *Sepulcrum* (inquit) *Hadriani extra portam Aureliam iacēt lapidis impositum.* Sed velim scire vtrum hæc, extra quam Procopius facit molem Hadriani, citra ne Tyberim fuerit, & vbi. Si erat, miror à Procopij ad nostra tempora, ita cum mœnibus euauisse, vt nulla prorsus extet vestigia. nisi velimus in aditu pontis Ælij excitatam, & ab ipso Ælio Hadriano Æliam, nō Aureliam, denominatum. Quare videndum est ne apud Procopium, Æliam sit legendum, sitq; ex illis, quæ extra pomerium ponuntur, additaque magis ad pontis, & molis ornatum, quam quod esset necessaria, ibi propè porta Vaticana existente, hoc enim modo sequeretur Pancratianam Aureliam esse. & certè via ab ipsa ad martina, hoc nomine appellatur. Ab Aurelia per Ianiculum secundum Urbis muros descendens inuenies portam, quam Subtus Ianum, quod Ianiculo subiacet nunc vocant, olim Septimianam à Septimio Imper. denominatam putant: ex eo quòd Spartianus de ipso Septimio loquens Septizoniū, Septimanasq; thermas in Translyberina regione ad portam sui nominis extitisse commemorat: adiuntq; Septimij nomen super ipsam lectum esse, priusquam Alexander Pont. VI. eam instauraret, ibiq; Ianum Septimianum, Septimianamq; Aram fuisse. Blon. autem Fōtinalem appellat, id est, deabus fontium sacram. *Extant*, inquit, *adhuc magna molis muri scatentium adhuc fontium receptacula sub monte, qui Aureus nuncupatur, ipsi porta proximo.* Liuius. *Ædiles*, inquit, *alteram porticum ad portam Fontinalem ad Martis Aram, perduxere.* Quod autem hæc sola possit esse Fontinalis, inde certū habemus, quia nulla est porta alia, quam in cāpos Vaticani iter esse possit, nullo pōre, Sublicio excepto, ad Tyberim existente. At Fuluius in campos Horatorum Liuium intellexisse scribit, qui cum procul ab Vrbe essent, rectius fortasse de Vaticanis diceremus; quorum mentio frequentior est apud scriptores. Cic. campū Vaticanum fieri quasi Martium. Præterea Liuius primo, & tertio ab Vrb. cond. de Capena, & quinto bel. Mac. seorsum de Fontinali meminit. quod facit vt existimem Fontinalem non eandem esse, quæ est Capena; & cum Fontinalis antiquissima sit Urbis porta, potuit aliquando accidere, quòd à Septimio instaurata, ipsius nomen, inscriptione addita, sit consecuta: nam (vt diximus) plerique fundant, plerique augent, & ad se transferunt nomina. spectat Septentrionem, distat autem ab Aurelia stadia quatuor, & à Tyberi iugera septem. Fluuius deinde ipse per stadia duodecim, vel circa, loco murorū, vsq; ad portam Flumētanam, urbem planam, campum, & vallem Martiam ambit. Si quis autem Urbis circuitum expositorum stadiorum numero collegerit, inueniet profecto tredecim millia pass. vt diximus, non excedere. Turres verò ipsorum murorum tercentum & sexaginta numerantur: quarū multæ sunt collapsæ; multæ ita vetustate corrosæ, vt indies ruinam minentur. Sed quia portæ Triumphalis crebra est mentio apud scriptores, quanquam esse desit, tamen ex Blon. opinione locum, vbi ea fuerit, indicare, non alienum esse arbitror. Pons cuius pilarum fundamenta nunc infra molem Hadriani cernuntur, & porta ad intimam Tyberis ripam, cuius fundamentorum moles



moles extat, & via ab eo ponte ad Cefaris obeliscum protensa, areamque basilicę S. Petri subiecta triumphali nomine appellabantur. De porta autem quod diximus probat Iosephus, Vespasiani, & Titi describens triumphum. Dicit enim ipsos Imperatores, qui non in Palatio maiori, sed in Isidis templo nocte quieuerant, ad octauianas ambulationes transiisse, vbi eos Senatus, & honorati equites præstolabantur: & cum fauor militaris eisdem meritis ornasset laudibus, votis rite celebratis ad portam recessisse, quæ ab eo, quod per illam semper triumphorum pompa duceretur, nomen accepit. Territorij etiam triumphalis in vita diui Petri, à diuo Hieronymo, siue à Damasco Papa scripta, est mentio. ibi enim legitur beatum Petrum fuisse sepultum in ecclesia sui nominis, quæ ad Templum, tunc Apollinis, nunc S. Petronillæ, iuxta territorium triumphale fuerit ædificata: vbi obeliscus est Caij principis. Suet. commemorat quosdam Senatores censuisse Augusti funus porta triumphali ducendum. Octauianas autem Ambulationes ad ipsius Augusti Mausoleum fuisse ostendit Suet. & Strab.

## C A P. V I I I.

*De varijs nominibus Capitolijs.*

APITOLIVM ante urbem conditam, ab antiquo oppido nomine Saturnia, sub ipso monte existente, Saturninū montem appellatum memoriæ prodidit Var. Plinius, Saturnia, inquit, vbi nunc Roma est, Antipolis vbi Ianiculum, in parte Romæ. alij verò quod Saturnus ibi habitauerit. vt Virg. his carminibus.

*Hæc duo præterea dissectis oppida muris  
Reliquias, veterumq; vides monumenta virorum.  
Hanc Ianus pater, hanc Saturnus condidit urbem.  
Ianiculum illi, huic fuerat Saturnia nomen.*

Sex. Pom. ait Saturniam Italiam, & montem, qui nunc est Capitolinus, Saturnium nuncupatum: quod in tutela Saturni esse existimetur. Solinus loquens de comitibus Hercules, hæc habet verba. Idem montem Capitolium Saturninum vocauere. Castelli quoque, quod excitarunt, portam appellarunt Saturniam. Huic deinde Capitolijs dixere nomen, quod caput humanum aperientibus fundamenta templi Iouis dicitur apparuisse, quæ visa species haud per ambages arcem eam imperij, caputq; rerum fore spem præbuit, idque ita cecinere vates. Antea vero Tarpeia eidem monti nomen fecit. Nam cum Romulus contra Sabinos bella tractaret, & Tarpeio cuidam dedisset arcem tuendam, filia eius Tarpeia aquatum profecta in hostes incidit, quam cum cohortarentur ad proditionem, illa pro præmio poposcit ornatum manuum sinistrarum, id est armilas, facta itaque arcis proditione, hostes ingeniosa morte promissa soluerunt. nam scuta, id est sinistrarum manuum ornatum super illam iacentes, eam luce priuauerunt, quæ illic sepulta, Tarpeia sedi, vt dixi, nomen imposuit. Plut. & Var. Diuiditur autem in Arcem, & Capitolium, Cic. in Cat. *Vobis Arcem, & Capitolium, & reliqua.* Liuius exules & serui duce Appio Herdonio Sabino nocte Capitolium, & Arcem occupauere. Et cum lib. septimo, loquens de Iunonis monetæ ade, ostendat domum Manlij fuisse in Arce. Virg. verò ad rupem Tarpeiam, hoc carmine.

*Iam summo custos Tarpeia Manlius arcis.*

Contendunt, qui rupem ipsam ad cliuum Capitolinū ponunt, Arcem ad Tyberim pertinuisse, nos verò ad aquilonem. Quia dum Corn. Tac. in sequenti capite dicit, Diuersos Capitolijs aditus inuadūt, iuxta lucū Aſyli, & qua Tarpeia rupes centum gradibus aditur, & subiungit, *vis acrior per Aſylum ingruerat, ædificiaque in altum edita solum Capitolijs æquabant*, neq; de Arce vllum faciat verbum: fit verisimile ipsam alibi, quam ad Aſylum stetisse, hostesque hanc partem Capitolijs, tanquam

quam Arce infirmiore, aggressos esse. Accedit huic nostræ opinionioni etiam hæc coniectura, quod pars Capitoli Tyberi incumbens erat ipsius flu. vicinitate satis munita, atq; ædibus sacris referta. Nec obstat Liuij aut Virg. autoritas, quia totus mons ab historicis, & poetis rupes Tarpeia sæpe appellatur. & Ser. Capitolium vrbis Arcem fuisse tradit.

## CAP. X.

*Capitolium à quo votum, structum, dedicatum, instauratum,  
& quoties arserit.*



**C**APITOLIUM Tarquinius Priscus bello Sabino ædificaturū se vouerat: fundamentaq; iecerat, cum decessit. Verum Tarquinio defuncto Superbus, capta Pometia, ex spoliis hostium cōsummauit; quo pulso, Horatius Pulullus Cos. Consecrationem obiit. auth. Plut. & Cic. Interiecto deinde quadringentorum, & quindecim annorum spatio, Scipione & Norbano Cos. per Mariana bella igni cōsumptum est; quo autem modo incertum. hinc Appianus. Capitolium, quod sub regibus per quatercentos, & amplius annos conditum fuit, igne correptum vniuersos latuit. Cuius incendij idem Cic. sic meminit. Huius Vrbis, atq; Imperij, qui esset decimus annus post virginum absolutionem, Capitoli autem incensionem vigesimus. Eo autem tempore, quo primum arsit, ex saxo quadrato fuisse, eius vestigia pluribus in locis adhuc ostendunt; id quoque Liuius Sexto ab Vr. con. Refectionis autem curam victor Sylla suscepit. dedicationem vero obiit Q. Catulus, cuius nomen, inter tanta Cæsarum opera, vsque ad Vitellium mansit. auth. Plutar. Arsit iterum Vitelliano bello: de quo incendio Cor. Tac. sic scriptum reliquit. Faces in prominentem porticum iacere, & sequebantur ignem, ambustasq; Capitoli fores penetrassent, ni Sabinus vndiq; statuas decora maiorum in ipso aditu, vice muri, obiecisset. Tum diuersos Capitoli aditus inuadunt, iuxta Lucum Asyli, & qua Tarpeia rupes centum gradibus aditur. improuisa vtraque vis, propior atque acrior per Asylum ingruebat, nec sisti poterant scandentes per coniuncta ædificia, quæ, vt in multa pace, in altum edita solum Capitoli æquabant. Hic ambigitur ignem testis oppugnaturi iniecerint, an obsessi, quæ crebrior fama est, quo nitētes, ac progressos depellerent. Sic Capitolium clausis foribus indefensum, & indireptum conflagrauit. Tertiò autem vna cum Vespasiani interitu igni direptū est, Sueton. Restitutionem Capitoli Vespasianus aggressus ruderibus purgandis manus primus admouit, ac suo collo quædam extulit. Nam incenso Capitolio cum curasset, vt vna cum publicis tabulis monumentis & fœderibus in tabulis æneis incisus restitueretur, decessit. Domitianus deinde magnificentius, elegantiusq; quam antea fuisset, restituit, cuius impensa duodecim mill. talentorum excessisse autumat. Plut. Turres plurimas habuisse ostendit Cic. in Cat. quarum nonnullas de cælo tactas fuisse dicit.





TOPOGRAPHIA  
VRBIS ROMÆ EX  
BARTH. MARLIANO  
LECTORI.

*A principio huius operis nouem Capita, Urbis Romæ descriptionem ex parte complectentia secundum Marlianum premisimus, quæ nobis Parascæues loco essent. Ne vero Lector in nobis quid desiderare queat, operæ precium duximus, reliqua quoque ex eodem autore Marliano subnectere. Subsistentes autem supra in Nono Capite, à Decimoque hic de nouo exordientes telam nostram pertexemus, & Capita ordine numerorum prosequentes opus ipsum ita perficiemus.*

CAPVT X. EX MARLIANO.

*De Iouis Feretrij & Opt. Max. Iunonis, & Minervæ Templis.*



APITOLIVM Deorum domicilium ea nempe de causa appellauit Cicero, quod in eo omnium DEORVM simulacra, templaque multa & celeberrima fuisse commemorant. Quorū Templorum primum omnium Romæ sacratum, Iouis Feretrij in bello Ceninnensium à Romulo votum esse, & post victoriam in vertice ipsius Capitolini collis extructum ferunt. Dionys. Extructo Templo in vertice Capitolini collis Ioui, quem Feretrium vocāt. Cognomen autem Feretrij ea re obtinuit, quod cum Acronem Ducem interfecisset, vt votum suum maxime Ioui gratū, ciuibsq; suis iucundum efficeret, spolia ipsius ducis, fabricato ad id ferculo, gerens in Capitolium, ad quercum pastoribus sacram in trophæi formam fictam hostis arma deposuerit, designans simul cum dono, templo Iouis fines, cognomenq; addens, Ioui Feretrio, à feriendo hostem, vt votis petierat. Plut. auth. Sex. vero Pomp. quod pacem ferre putaretur, cum ex eius templo fumerent sceptrum, per quod iurarent, & lapidem silicem, quo fœdus ferirent, feretrium denominatum scribit. Huius autem templi tecta cum vetustate, & incuria prolaberetur, ammonitu Pomponij Attici (vt Cor. Nepos in eius vita testatur) restituenda curauit Augustus, quod nisi tum ampliatus etiam sit, miror quid isti dicant, super illius fun-

damentis Aræceli templum fuisse excitatum. Nam memoriæ tradidit Dion. ætate sua vestigia ubi maiora, denum, ubi vero minora, quinum pedum tantum extitisse: & certe, in ea rerum tenuitate, paruum, ibidem tamen fuisse credimus: licet ab Anco Martio amplificatum referat Livius: Templum Iouis Opt. Max. vocuit Tarquinius Priscus. Superbus deinde librarum argenti quadraginta mil. in fundamentis impendit, verum ferè perfecti consecrationem non obiit, parum enim ad absolutionem deerat, quo tempore tyrannide excidit. Quare dedicationis gloria ad Oratium Publicolæ collegam peruenit. Vt etiam probatur indice in marmore inciso existenti in æde diuæ Agathæ huiusmodi.

M. ORATIVS CONSVL EX LEGE TEMPLVM IOVIS OPTIMI  
MAXIMI DEDICAVIT ANNO POST REGES EXACTOS A  
CONSVLIBVS POSTEA AD DICTATORES, QVIA MAIVS IM-  
PERIVM ERAT SOLENNE CLAVI FIGENDI TRANSNATVM  
EST.

Fuit autem celeberrimum & maximum, de quo apud eundem Dion. in hunc scriptum est modum. Extructum est autem super crepidine firmatum alta, octo iugerum in circuitu, ducentorum fermè pedum vnumquodq; latus habens, eminentiam altitudine ne quindecim quidem pedibus integris, à parte quidem, qua frons meridiei spectat, comprehensum triplici columnarum ordine: ab obliquis verò partibus simpliciter. In eo autem tria sunt sacella aequalia, inter se communia habentia latera: medium quidem Iouis, & ab utraq; parte Iunonis & Mineruæ, sub vna aquila, vnaq; velata testura. Quidam putant hoc alterum esse à templo Iouis Capitolini, cum idem sit, vt probat Cic. his verbis. Quocirca Capitoline, quem propter beneficia Po. Rom. Optimum: propter vim, Maximum nominauit. Licet enim diuersa sint nomina, vnum tamen templum: vnus erat Deus. Habuit hoc templum fistulas, quibus aqua suppeditabatur reliquis templis, ac sedibus, vt idem pro Rabirio testatur; qui etiam contra Rullum, pro Domo sua. S. C. & orationes sæpe in eodem habitas esse docet. Eò etiam ibant cum populo noui Consules sacrificatum, qui deinde in Curiam deducebantur. Ioui autem id eò rem diuinam faciebant, quod ei, quemadmodum Iano, omne debetur initium. vnde est. Ab Ioue principium. Plin. prodidit Lauream in gremio Iouis solitam deponi, quotiens lætitiæ victoria nouam attulisset, idq; etiam ostendit Suet. in Domitiani vita. In huius templi fastigio Summanum in libris de diuinatione posuit Cic. Nonne, inquit, cū multa alia mirabilia, tum illud in primis, cum Summanus in fastigio Iouis Opt. Max. qui tum erat fictilis cælo ictus esset, nec vquam eius Simulacri caput inueniretur, aruspices in Tyberim id depulsum esse dixerunt. Templum ipsum cum ædibus, & sacellis coniunctis Vitelliano conflagravit bello, & Titi tēpore auth. Dion. & Cor. Tac. In ea Capitolij parte fuit, quæ, vergens ad Occasum Solis, Tyberim despicit; ubi paucis ante annis fuerat ædes Diui Saluatoris, cognomento in Maximis. Locus ille nunc est prophanus, sed magna & dissipata fundamentorum vestigia extare adhuc cernuntur. Habuit hoc templum Cellam, quæ erat pars templi secretior, in quam non erat fas prophano ingredi, licet Val. Max. dicat Africanum non ante negotia obisse, quam in Cella Iouis Capitolini moratus esset: sed forte tunc fuerat Dialis. In hac fuere Coronæ aureæ duæ, quarum alteram ex xx. philippeis factam secūdum Gallos Pamphili legati in Curiam tulerunt, petentibusq; iis, vt id donū in cella I. O. M. ponere, & sacrificare liceret, permissum. alteram tulerunt legati Carthaginensiu missi Romanam gratulatū ob victoriam partam aduersus Samnites. Dion. à dextra templi Iouis Mineruæ sacellum ponit, sicut & Livius his verbis. Lex vetusta est priscis literis, verbisq; scripta, vt qui Prætor maximus sit clauū pangat, fixus fuit dextero lateri ædis Ioui Opt. Max. parte, qua Mineruæ est templum. Eum clauum, quia



rara per ea tempora literæ erant, notam numeri annorum fuisse ferunt, eoque Mineræ templo dicatam legem, quia numerus Mineræ inuentum est. Iunonis ergo à sinistra fuisse consequens est. De Mineræ meminit Cic. in oratione ad Equites antequam iret in exilium, multisque alijs in locis. Meminit & Cornelius Tacitus.

## CAP. XI.

*De Saturni Iouis Tonantis & Custodis Fortuna. Veionis.  
Misericordiae. Iunonis Monetæ, & Iani templo. ac de  
Orestis sepulchro. Aerario. Domo Manlij,  
Fanoq; Carmentæ.*



**S**ATURNI Templum condidere Herculis Comites auth. Solinus. Dion. vero antiquis temporibus Aram tantum Saturnum habuisse narrat, secundum viam, qua ex foro in Capitolium ascenditur, collocatam ab ipso Hercule. Verum si ab origine urbis habuit templum, de eo intelligerem, quod Tatium dedicauisse memoriæ prodidit Var. Licet enim variaz sint opiniones, tamen consideratis temporibus tollitur omnis dubitatio. Duæ enim fuere Saturni sacræ ædes diuerso excitatæ tempore, vel secundum aliquos, tres. Hæc autem Capitolina in meridiem vergens fuit prope saxum Carmentæ, & clium Capitolinum. Ser. osla, inquit, Orestis ab Aricia Romam translata, & condita ante templum Saturni, quod est ante clium Capitolinum. Ex quibus verbis patet Blon. haud recte sentire de huius templi loco: restituit enim e regione Diui Nicolai in Carcere, cui si assentiri velimus, oportet fateri etiam clium Capitolinum ea parte stetisse, vt secundum Ser. ante ipsum Saturni templum. Quæ opinio, præterquam quod est falsa, destruit omnia argumenta ipsius Blon. ad demonstrationem clii Capitolini adducta. Nisi dicamus Saturnum alteram ædem in Capitolio habuisse, secundum Critolaum, qui Phanomenon libro tertio scriptum reliquit. Saturnum ab agricola quodam Latini generis hospitio susceptum Enotriam eius filiam vitiasse, quæ Ianum, Hymnum, Festum, & Felicem peperit, quibus ferendæ vitis, & rationem vini conficiendi Saturnus pater ostendit, eiusque muneris alijs authores esse concessit. Quare finitimi agricolæ cum insolitæ potionis vi graui somno pressi diu iacuisent, experrecti in suspicionem dati veneni inciderunt, vnde Ianum lapidibus oppressere. Eius autem puellæ patris morte dolore laqueo gulam fregerunt. Saturnus vero in cælum omnes trāstulit. Appellantur autem *αετυς ἡθηες*, quod vindemiam ortu suo preueniant. Insecuto tempore, cum peste Romani laborarent, Apollo respondit, non prius cessaturam, quam Saturni placarent iram, coësisq; per iniuriam manibus satisfacerent. Luctatius itaque Catalus Aedem ipsi Saturno in Tarpeio monte posuit, Ianumque statuit quadrisfrōtem, vel à numero puellarum, quæ patri spiritu parentauerunt, vel à quatuor anni tempestatibus: ab eiusque nomine Ianuarius mensem appellauit. Hæc vero, de qua Ser. dicimus positam esse eo in loco, vbi paucis ante annis fuerat cum turri sacellum cognomento. S. Saluatoris in Aerario, incumbens hospitali. S. Mariæ in Porticu. Turris mutilata adhuc cernitur, quæ cum sacello in vsus humanos est conuersa. Ibi autem proximis diebus effossum est marmoris frustum, quod in frontispicio eiusdem templi fuisse arbitramur. In quo, sensu imperfecto, incisa erant hæc vrba.

AVG. PON. MAX. TRIBVN  
CENSOR COS VIII.

ANTONINVS PII. AVGG. FELICES RESTITVERE.

Ideo nostro tempore in ærario vocatur; quia ibi Romani primum ærarium habuere. Tradunt aliqui Val. Publicolam primum omnium exactis regibus Aedem Saturni Aerarium declarauisse. Sequitur Iouis Tonantis Templum ab Augusto propè eundem clium, siue, vt vult P. Victor in eodem cliuo positum, quod liberatus esset periculo cum expeditione cantabrica per nocturnū iter læticam eius fulgur perstrinxisset, seruumq; ducentem exanimasset. vergit in meridiem, siue in ortum brumalem; quo in loco nunc noxij puniuntur. Haud procul fuit Fortunæ, vt testantur carmina sita in templo ipsius Præneste, quæ sunt.

TV QUÆ TARPEIO COLERIS VICINA TONANTI.  
VOTORVM VINDEX SEMPER FORTVNA MEORVM.  
ACCIPERE, QUÆ PIETAS PONIT TIBI DONA MERENTI  
EFFIGIEM NOSTRI CONSERVATVRA PARENTIS  
CVIVS NE TACEAT MEMORANDVM LITERA NOMEN.  
CÆSIVS HIC IDEMQ. TITVS PRIMVSQVE VOCATVR  
QVI LARGE CERERIS MESSES FRVCTVSQVE RENATOS  
DIRIGIT IN PRETIVM CUI CONSTAT FAMA FIDESQ.

& reliqua. Templum Veiovis inter Arcem, & Capitolium fuisse legimus, in platæa adiuam nunc Conferuarum, cuius simulacrum sagittas teneret, quæ essent videlicet paratæ ad nocendum: quapropter eum Apollinem plerique dixerunt. Veiouem enim appellauere veteres deum, cui iuuandi esset adempta facultas. est enim ve priuatiua particula. immolatur huic ritu humano capra, vt scribit Gellius. Asylum id est Misericordiæ Templum in Capitolio fuisse, his verbis testatur Dion. Lucum umbrosū medium, Capitolijq; & arcis, quod vocatur intermontium duorum quercetorum templum, id est Asylum constituit, Quare autem Romulus constituerit, sic docet Liuius. Locus qui nunc septus densis fentibus inter duos lucos Asylum appellant, eo ex finitimis populis omnis turba sine discrimine liber, an seruus esset, auda nouarum rerum perfigit: sic & Ouid.

*Romulus vsq; saxo lucum circumdedit alto:*

*Quilibet huc, inquit, confuge, tutus eris.*

Ex eo enim nemo extrahebatur. Tiberius cum existimasset hunc malefaciendi causam esse, irritum fecit. Primi autem omnium Herculis nepotes Asylum statuisse dicuntur, timentes insidias illorum, quos auus, priusquam è terris migraret, afflixerat. Hinc Staius Herculeos fama est fundasse nepotes. Blon. verò sicut & Cor. Tac. ponit Asylum in campo, qui est à rupe Tarpeia, & foro Boario ad Tyberim. Quid autem de ipsorum opinione sentiam, vbi de Æquimelio erit mentio, infra aperiemus. Templum Iunonis Monetæ in arcæ domus Manlij ponitur à Liuiio: cuius verba sunt hæc. Damnatum Manlium Tribuni de saxo Tarpeio deiecerunt: adiectæ mortuæ notæ sunt, publica vna, quod cum domus eius fuisset vbi nunc Aedes, atq; Officina Monetæ est, latum ad populum est ne quis patricius in arce, aut Capitolio habitaret. Alibi tamen ait M. Fabio Dorso, & Ser. Sulpicio camerino Coss. Dictatorem creatum. L. Furium, Aruncanoque bello inter ipsam dimicationem templū Monetæ vouisse. Secundo vero quintæ decadis refert Aedem Monetæ votam à Cicereio prætor in Corsica. Sed forte intelligit de ea, quam in Auentino restituemus, aut certe dicendum eos liberos, qui nuper in lucem editi sunt, non esse Liuij. Ouid. vero vult ædem hanc Capitolinam votam esse à Camillo: eius sunt hæc Carmina.

*Arce quoque in summa Iunoni templa Moneta*

*Ex voto memorant facta Camille tuo.*

Moneta (inquit Cicero) à monendo. Nam post cladem illam maximam à Senonibus Gallis factam, audita vox ex arce Iunonis fuit, ex quo illa appellata est moneta.



moneta. Templum hoc fuit, vbi nunc ædes Senatoris. Templum Iani custodis capitolinæ arcis Blon. scribit fuisse eo in loco, vbi nunc facinorosorum custodiæ, & carceris locus, versus ortū hyemalem, eregione fori Romani. Et cum vnū Ianum fuisse priscū velint, plures verò posteriores, crediderim Capitolinum à Romulo, vel à Tatio excitatum. Nam postquā hi in fœdera conuenerunt, Iano simulacrū duplicis frontis effectum est, quasi ad imaginem duorum populorum. Hinc Virg. Ianumq; bifrontem. Dracon verò Corcyrensis scriptum reliquit, Ianum bicipitem fingi propter ingenitam, summamq; eius solertiam: primus enim coronam, rates, vltimū nauis inuenit, æneum quoq; numum primus signauit. Dicitur autem Ianus ab eundo, quod eat, & vertat cœlum, cæteraq; omnia. Quare eundem & Vertumnum esse aiunt. Templum Iouis custodis Domitianus adeptus Imperium excitauit in Capitolio, seq; in sinu ipsius dei sacrauit. Quidam volunt fuisse, vbi nunc Salinæ, prope Ianum.

## CAP. XII.

*De Templis deorum incertam sedem in Capitolio nunc habentibus.*



MEMORANT Romanos lapidem informem, atq; rudem coluisse Terminum appellantes; cuius Templum à Tatio rege dedicatum fuisse Var. est testis. Plut. verò à Numa conditum tradit, vnde constat antiquissimum esse: propterea libuit primo loco inter ea, quæ nunc certum non habent, collocare. Ratio autem cur Terminus in Capitolio coleretur, huiusmodi traditur. Cum Tarquinius Superbus vellet Iouis Templū ædificare, cœpit auguriis captare, qui mons huic templo esset aptissimus, & cum in omnibus Tarpeius esset inuētus, in quo erant multa diuerforum numinum sacella: actum est, vt exinde ad alia templa nomina euocarentur sacrificiis, quo posset libere, & sine periculo Templum Iouis ædificare; cumq; omnes dii libenter migrassent, Terminus solus, hoc est limitum deus, abscedere noluit, sed illic remansit: tunc de hoc ipso sacrificatū est, & deprehensum, quod Terminus cum Ioue remanēs, æternum Vrbi Imperium cum religione significaret. propterea in Capitolio prima pars tecti patet, quæ lapidum ipsum Terminū spectat: Nam Termino nō nisi sub Dio sacrificabatur, & vt ait Lanctarius, publicē, quasi custodi finium Deo. Augustinus vero scribit vna cum Termino Martem quoq; & Iuētutem regi deorum cedere noluisse, quod Imperium Romanum nullos haberet terminos, nec senectā sentiret. Mentis & Veneris Ericinæ sacras Ædes in monte Tarpeio sedem obtinuissē narrat Liuius, his verbis. Interea duum viri creati sunt. Q. Fab. Max. & Atilius Crassus ædibus dedicandis. Mentī, Atilius, Fabius Veneri Ericinæ, vtraq; in Capitolio est, canali vno discretæ. De templo autem Mentis Ouid. in fast. sic meminit:

*Mens quog; numen habet, Mentī delubra videmus*

*Vota meū belli per fide pene tui.*

Idem Liuius tradit. L. Quintio. & Cn. Domitio Coss. Ædes duas Ioui dicatas esse, quarū alteram. L. Furius purpurio Prætor Gallico bello vouerat, alterā cōsul dedicauit Q. Mart. Ralla duumuir. Capitolium etiā Iunonis Reginæ Templum habuit, à Cn. Flaminio bello aduersus Ligures votū: de quo meminit idē auth. & Cic. ad Equites anteq̃ iret in exiliū. Templum Opis vouit Tatiū rex. Var. Ops, inquit, terra, quod hic omne opus ad viuendum, ideo dicitur Ops mater. q. terra mater. hæc. n. terris Giganteis omneis peperit, & resumit denuo, quæ dat, cibaria. Eandem quā Maiam, Terrā, Faunam, & Bonā volunt esse. De Opis autē templo Cic. Ph. prima mentionē sic facit. Pecunia vtinam ad ædem Opis maneret, & secunda. Sed etiā regnas, qui maximo te ære alieno ad ædem Opis liberaſti. Hanc

Sp. Posthumio Albino & Q. Martio Philippo Cos. tactam de cælo cōmemorat Liuius. Templū Martis Vltoris ab Augusto in colle Saturnio excitatū esse, quidā tradidere; Fidei verò in eodem, Cic. de nat. deorū, in hæc verba. Tum autem res ipsa in qua vis inest maior aliqua, sic appellatur, vt ea ipsa vis nominetur deus, vt Fides, vt Mens, quas in Capitolio dicatas videmus; proxime à M. Emilio Scauro; ante autem ab Attilio Calatino erat Fides consecrata. Quid Opis? quid Salutis? quid Concordiæ? Libertatis? Victoriæ? quarum rerum quia vis est tanta, vt sine deo regi non posset, ipsa res deorum nomen obtinuit. Fortuna Primigeniæ, & Obsequentis Templum ibidem condidit Ser. Tullius. Capta verò vrbe à Gallicis cum Romani ex mulierum capillis tormenta fecissent, Ædem Veneri Caluæ in honorem matronarum in eodem colle Capitolino constituerunt. Alteram habuit Ædem Veneri inibi, de qua meminit Suet. in Caligula. Iouis autem sponsoris Ædem posuit Tarquinius Superbus, quam Sp. Posthumius Cos. nonis Iunius dedicauit. Iouis Pistoris Aram in eodem Capitolio quidam statuere: de qua Quid. sic meminit:

*Nomine quam precio, celebratio arce tonantis:*

*Discant pistoris quid velis ara Iouis.*

#### C A P. XIII.

*De Statuis deorum, qua in Capitolio fuere, vel sunt.*



VERE priscis temporibus marmoreæ, argenteæ, aureæque statuæ innumerabiles in Capitolio: non solum viris præstantissimis, qui de republ. bene meriti essent, erectæ: verum etiam diis immortalibus variis ex causis consecratæ, ex quibus varia etiam sortitæ sunt cognomina. Florus enim scribit, quo tempore Pyrrhus in Siciliam traiecit, Iouis statuam in Capitolio fulmine deiectam. Plinius vero victis Samnitibus eiusdem dei Statuam à Sp. Caruilio factam, inibi que erectam, cuius amplitudo cernebatur à Ioue Latiario cum Statua sua ante pedes dicti Iouis posita. Idem Iouis Tonantis Statuam in eodem Capitolio posuit; Liuius autem Iouis Imperatoris Signum, à T. Quintio Prænestæ deuectum, inter cellam ipsius Iouis, & Mineræ dicatum. Cic. septima actione in Ver. Iouem, inquit, Imperatorem quanto honori in suo templo fuisse arbitramini: hunc colligere potestis, si recordari volueritis quanta religione fuerit eadem specie, atque forma signum illud, quod ex Macedonia captum in Capitolio posuerat Flaminius. Victoriæ Statuam in templo Iouis Opt. Max. statuit Plut. Idem verò Cic. tertio offic. iuxta id templum, Fidei Simulacrum; cuius sunt hæc verba. Qui igitur iusiurandum violat, is fidem violat, quam in Capitolio vicinam Iouis Opt. Maxim. vt in Catonis oratione est, maiores nostri esse voluerunt. licet de templo intellexisse videatur. Nemesis simulachrum in eodem colle fuit; Est enim Nemesis dea quæ superbos vliscitur, cuius latinum nomen non inuenitur: Rhamnusia etiam appellata à Rhamnunte vico Attico, in quo colebatur: Adrastræ etiam nomen accepit ab Adrasto, à quo primum templum est consecuta, author Antimachus. Habuit Capitolium Hercules plures Statuas, quarum vna dicata, & posita fuit à P. Sulpitio Auerrione, & P. Sempronio Cosl. Aliam, victis Tarentinis, Fab. Max. Romam detulit, Liuius, & Plut. Boni Euentus, & Bonæ Fortunæ Simulacra Praxitelis opera in Capitolio collocat Plin. & Apollineam diadematum, eiusdemq; Colossum, x x x. cubitorum, centum & quadraginta talentis factum, ex Apollonia Ponti à Lucullo in urbem translatum. In eodem monte Iani Simulacro dextera trecentorum, sinistra sexaginta quinque numerum tenenti, ad demonstrandam anni dimensionem, quidam locum fecere: sicuti Plinius Castoris, &



ris, & Polucis in templo Iouis Tonantis, & Tremellius Iouis Opt. Max. Statuæ aureæ decem pedum à D. Claudio dicatæ. Sed cum in hoc deorum domicilio omnium deorum simulacra fuisse dicat Ser. superfluum est pauca, ex infinitis velle recensere. Videamus ergo quæ nunc sitæ sunt statuæ. Pro ædibus igitur Conseruatorum duo pari forma marmorea flûuiorum Simulacra seminuda visuntur, quæ, inquit Ful. quantum ex rerum argumento deprehendi potest, Nili, ac Tygris flu. numina sunt; quorum alterum Sphinga Ægypti peculiare animal, cui cubito innititur, habet. Alterû verò Tygridem Armeniæ truculentâ feram; in quorum sinistris est cornucopiæ rerum affluentiam significans. Intra limen à dextris Signum æreum auro perfusum nudi Herculis, & adhuc imberbis, dextera clauam, sinistra verò Hesperidum aurea mala tenens, conspicitur. Quod propè Scholam Græcam in ruinis aræ Maximæ, foro quæ Boario repertum esse scimus. Visuntur & marmorea signa parietibus inclusa L. Veri Antonini de triumpho Parthico: siue. M. Antonini de triumpho Dacico, sublata ex æde. S. Martinæ. In aula verò superiori Statua ænea Satyri pulcherrima, & quædam alia deorum Simulacra sunt sita.

## CAP. XIII.

*De Statuis hominum, Regum, & Imperatorum,  
qua in Capitolio fuere.*



ON solum immortalium deorum simulacris, verum etiam, vt diximus, præclarissimorum hominum, regum, atque Imperatorum Statuis Capitolium illustratum esse quamplurimi memoriæ prodidere: In eo enim Scipionis, qui bellum in Asia gessit, Antiochum quæ deuicit, Statuam, non solum cum chlamide, sed etiam cum crepundiis, erectam fuisse, pro Rabirio refert Cic. Syllæ verò pedestrem in Philip. Si quis est, inquit, sensus in morte ænea statua futura, & ea pedestris magis, quam inaurata equestris: qualis L. Syllæ prima statua est. Qui ad Atticum etiam commemorat Scipionem proauum Metelli ad Opis loco excelsio censoriam habuisse. Præterea Senatus Æmilij Lepidi pueri Statuam bullatam, & prætextatam, quod hostem in acie interemisset, ciuem quæ seruasset, in eodem erigi iussit. Quo munere dignus habitus est etiam Metellus, quod ex æde Vestæ palladium ab incendio liberauisset. Cornelia Gracchorum mater nõ caruit hac gloria, sicut & Trebius, quod in ædilitate sua frumentum P. Ro. assibus præstitit, Plin. auth. Plut. verò tradit Fabium Maxi. suam ipsius equestrem ex ære iuxta Herculem statuisset, priscos quæ Romanos Bruti illius, qui Tarquinius expulit, Statuam posuisse, mediam inter regum Statuas, cum hoc indice. VTINAM BRUTE VIVERES. Domitianum autem non nisi aureas, & argenteas, certique ponderis sibi poni permisisse, scribit Suet. & Eutropius. Quidam non contenti solis statuis, tabulis etiam famam & gloriam posteris relinquere conati sunt: quemadmodum victoriæ suæ Asiaticæ Asiaticus ille, de quo superius facta est mentio. Bocchus etiam, vt Po. Roma. deliniret, simul & Syllæ gratiam aucupatus, triumphales Imagines collocauit; inter quas inerat aureus Iugurtha ab eo Syllæ traditus. Nicomachus Proserpinæ raptum pinxit in Tabula sita in templo Iouis Opt. Max. Extat adhuc ingens æneum Caput, quod vt testatur Lampridius, demptum colosso Neronis suæ imposuit Statuæ Commodus Imp. cuius Colossus ex marmore fractus cernitur in ædibus Conseruatorum. Innumerabiles autem fuere statuæ in Capitolio, quarum maiorem partem ex prouinciis deuictis Roma. in Urbem

tran-

transfuisse Cicero de naturâ deorum docet his verbis. Etenim fana multa spoliata, & simulacra deorum de locis sanctissimis ablata videmus à nostris. In frontispicio autem prædictarum ædium, æneum illud Lupæ simulacrum, ex cuius vberibus pendere Urbis conditores ait Virgil. restitutum nunc videmus. De quo in Catilinam Cic. sic meminit. Tactus est etiam ille, qui hanc urbem condidit Romulus, quem inauratum in Capitolio paruum, & lactentem vberibus inhiantem fuisse meministis. Et primo de diuinatione his Ennij carminibus.

*Hic sylvestris erat romani nominis altrix*

*Martia, quæ paruos mauortis semine natos*

*Huberibus gravidis, vitali rore rigabat.*

*Quæ tum cum pueris flammato fulminis ictu*

*Concidit, atque auulsa pedum vestigia liquit.*

Videntur in superioribus locis domus eorundem duo Simulacra ænea, iuuenili forma, alterum stans serui habitu, alterum nudum pueri sedentis, pastori haud absimilis, curuato corpore è planta suppurati pedis spinam acu euellenti.

## C A P. XV.

### *De Cliuo Capitolino, Tarpeiarupe, & saxo Carmentali.*



LIUVS Capitolinus, per quem publicus in arcem erat ascensus, ubi nam fuerit, permagna est inter antiquitatis diligentiores dubitatio. Blon. enim ad eam arcis partem fuisse, quæ versâ in Auentinum, nunc ecclesiâ S. Georgij in Velabro è regione respicit, verbis Liuij his nititur comprobare. Quum commissum prælium esset, Coss. transfugas Numidarum, qui tum in Auentino ad mille & trecentos erant, media urbe transfere Exquilias iusserunt, nullos aptiores inter conualles, testâq; hortorû, & sepulcra, vacuas undiq; vias ad pugnandum futuros rati: quos quum ex arce, Capitolioq; cliuo publico in equis decurrentes quidam vidissent, captum Auentinum conclamarunt. Et certè Suet. in Cæsaris vita hunc ipsum innuit locum. Gallici, inquit, triumpho die Velabrum præteruehens penè curru excussus est axe distracto, ascenditq; Capitolium ad limina quadraginta elephantis dextra & sinistra lychnos gestantibus, quemadmodum & Ouidius his carminibus

*Inde, velut nunc est, per quem descenditis, inquit,*

*Arduus in valles, & fora cliuus erat.*

Et quanquam omnia hæc verisimilem Blon. rationem faciunt, non tamen certum locum ostendunt; quia, cum cliuus eminere, facillè potuerunt Numidæ ex altiori loco decurrentes ex variis Capitolij partibus spectari. Ser. autem, ut visum est, scribit Saturni templum fuisse ante Cliuum Capitolij, iuxta Concordiæ templum. Quod si intelligimus de templo Saturni Capitolino, non video quomodo stet iuxta Concordiæ, quod valde distabat, erat enim propè Seueri arcum. Verùm cum in urbe, Concordiæ multæ fuerint sacræ ædes, necesse est Ser. aliam significare: aut certè dicere cliuum Capitolinum fuisse, ab eodem Seueri arcu ad Senatoris stabula, ubi fundamenta antiqua non iugiter recta, sed intro flexa adhuc cernuntur, quæ portæ locum vacuum relinquunt, sic enim procedit, quod dicit Ser. Ibi quidem fuit Saturni templum, & intra ipsum, & concordiæ Cliuus collocaretur. Et mehercle Cic. actione sexta in Ver. prope Fo. Ro. fuisse, his admonet verbis. Tamen cum de foro in Capitolium currum flectere incipit, illos duci in carcerem iubent. Arcus etiam Seueri ad radices Capitolij in capite fori excitatus, sub quem triumphantes transeuntes Capitolium ascendebant, facit ut Blondi opinionem affirmare dubitem, nisi velimus diuersis temporibus



ribus utroque in loco fuisse, quod caret ratione. Plures tamen aditus habuisse Cor. Tac. verba superius adducta, satis ostendunt. Sed de cliuo Capitolino quisque, quā probat, eam sequatur opinionem. Hunc autem silice stratum esse Liuius primo decadis quintæ sic docet. M. Æmilio Cos. Cenfores cliuum Capitolinum silice sternendum curauerunt, & Porticum ab æde Saturni in Capitolium ad Senatum, ac super id Curiam strauerunt. Hæc autem porticus videtur vna ex illis, de quibus idem Cor. sic loquitur. Erigunt aciem per aduersum collem vsque; ad primas Capitolinæ arcis fores. Erant antiquitus porticus à latere cliui dexteræ subeuntibus. In eorum cliuo Domum Milonem habuisse scutis refertam commemorat Cic. dubitatur autem utrum hæreditariam, an conductam, quia superius dicit nullum angiportum esse, in quo Miloni non esset cōducta domus. Blon. in Roma triumphante scribit floralia ad cliuum Capitolinum mense Maio celebrari solita esse, vbi propè prostitutæ mulieres paucis ante annis tabernas, & casās habebant. Sed vellem huius rei authorem addidisset. Rupes Tarpeia, ex qua fontes & damnati præcipitabatur, foro Romano superstiti Dion. significare videtur, his verbis. Duci cum iussit in superstantem foro collem. est enim locus is rupes vasta, vnde eis mos est deiicere aduersarios. Meminit & Plin. Metellus, inquit, Capitolio ad Tarpeium raptus, ut præcipitaretur. Ful. verò putat Tarpeiam rupem fuisse, vbi nunc facinorosi puniuntur; quod & nobis magis placet, nec verba Diony. huic sententiæ repugnant, quia de toto colle loquuntur. Saxum Carmentæ, de quo mentio est apud Liuium ab vr. co. Tyberim despicit, eregione pontis Senatorij, Porta Stercoraria in cliuo Capitolino collocatur à Sex. Pomp. vbi sordes ex templo Vestæ sublatae condebantur, in Tyberim mox transferendæ.

## CAPVT XVI.

*De Tabulis & Columnis æneis, argenteoq; Anser.*

**T**ABULAS in quibus leges, & publica acta continebantur, in Capitolio fixas, ac seruatas esse plures testantur. Cic. pro Sex. Inspectantibus vobis toto Capitolio tabulæ figebantur. Et mox: Sed vnum egregium de rege Deiotaro Pop. Rom. amicissimo decretum in Capitolio fixum. & Philip. tertia: Falsas leges C. Cæsaris nomine, & falsa decreta in æs incidenda, & in Capitolio figenda curauerit. Polibius tertio scribit fœdera, quæ inter Romanos & Carthaginenses iacta fuerant, perscripta in tabulis æneis in templo Iouis Capitolini diligentissimè ab Ædilibus conseruata: Vespasianumq; ærearum tabularum tria millia, quæ cum Capitolio conflagrauerant, inuestigatis exemplaribus, restituendi curam suscepisse, in quibus tabulis publica monumenta cōtinerentur; Quarum vna cernitur adhuc in Lateranensi Ecclesia. Clodius etiam tabulas, in quibus res in tribunatu suo gestæ continebantur, hic affixit; quas Cic. ab exilio reuersus vi deleuit, auth. Plut. Idem Cic. in Cat. commemorat æra legum in Capitolio tacta de cælo, & liquefacta. Idem propè modum de Diu. his Ennij carminibus:

*Nam pater alcyonans stellanti nixus olympo  
Ipse suos quondam tumulos, ac templa petiuit,  
Et Capitolinis iniecit sedibus ignes.  
Tum species ex ære vetus, generataq; nata  
Concidit, lapsaq; vetusto numine leges.*

Erant & leges à Romulo institutæ, quarum argumentum tale est.

*Ne quid in augurato faciunto.  
Patres sacra, magistratusq; soli peragunto, incunt oq;  
Plebei agros colunto.  
Sacrorum omnium potestas sub regibus esto.*

*Sacra patres custodiunto.*

*Populus magistratus creanto.*

*Leges discunto.*

*Bella decernunto.*

*Deorum fabulas ne credunto.*

*Deos peregrinos, præter Faunum, ne colunto.*

*Nocturnas in templo vigilas ne habento.*

*Parricidas omnes capite puniunto.*

*Ne quis presentibus sœminis obscœna verba facito.*

*Quisquis demissam ad talos togam in Vrbe habeto.*

*Monstrosos parta quisquis sine fraude cadunto.*

*Ne quis, nisi per portas, Urbem ingreditor, neve egreditor.*

*Mœnia sacrosancta sunt.*

*Mulier viro legitime coniuncta fortunarum, & sacrorum sociâ illi esto, ut domusq; ille dominus, ita hæc domina.*

*Filia, ut patri, ita defuncto viro hæres esto.*

*Adulterij coniunctam, vir, & cognati (vbi volent) necanto*

*Si vinum biberit domi, ut adulteram puniunto.*

*Parentum liberos omne ius esto, relegandi, vendendi, & occidendi.*

Erant autem apud Romanos curatores eorum locorum, in quibus tabulæ publicæ seruabantur, ut index hic ostendit:

C. CALPETANVS STATIVS.

SEX. METTORIVS. M. PERPENNA LVRCO T. SARTIVS DECIVS CVR-  
TORES TABVLARIORVM PVBLICORVM

FAC.

CVR.

Augustus victor totius Ægypti, quam Cæsar pro parte superauit, multa de naturali certamine sustulit rostra arca, quibus conflatis, quatuor effecit Colūnas, quæ postea à Domitiano in Capitolio sunt positæ, quas hodieq; inquit, Ser. conspiciamus. Nunc verò in Lateranenſi ecclesia sunt sitæ: de his intellexit Vir. cum dixit,

*Surgentes ære columna.*

Legimus aut Syllam ex Iouis templo Athenis columnas ædib. Capitolinis vexisse. Cùm olim Anſeris clangore arx esset seruata, in perpetuâ rei memoriâ Romani eius argenteum simulacrū in eadem statuere arce, de quo Lucretius sic,

*Romulidarum arcis seruator candidus anſer.* Et Propert.

*Anſeris & tutum voce fuisse louem.*

Ob hoc, inquit Plin. institutum est, ut cibaria anserum censores in primis locent.

## C A P. XVII.

### *De quibusdam Epitaphiis & Titulis in Capitolio existentibus.*

OSSA

NERONIS CÆSARIS GERMANICI CÆSARIS. F. DIVI AVGV. PRON. FLAMIN. AVGVSTALIS QVÆSTORIS.

OSSA

AGRIPPINE. M. AGRIPPÆ DIVI AVGV. NEPTIS VXORIS GERMANICI CÆSARIS MATRIS. C. CÆSARIS AVGV. GERMANICI PRINCIPIS.

OSSA

TI. CÆSARIS DIVI AVGV. F. AVGV. PONT. MAXIMI TRIB. POT. XXXIX. IMP. VIII. COS. V.

Vias autem vrbis magna ex parte disturbatas Vespasianus restituit, ut in marmore in porticu ædium Conseruatorum posito ostendit talis index.

IMP.



IMP. CÆSARI  
VESPASIANO AVG.  
PONT. MAX. TR. POT. III.  
IMP. IIX. PP. COS. III. DES. IIIL.

S C

QVOD VIAS VRBIS  
NEGLIGENTIA  
SVPERIOR. TEMPOR.  
CORRVPTAS IM  
PENSA SVA RESTITVIT.

Sunt enim fornice in publici salis receptaculo, huiusmodi inscriptione vetustate penè consumpta, notati.

Q. LVTATIVS. Q. F. Q. CATVLVS COS. SVBSTRVCTIONEM  
ET TABVLARIVM S. C. FACIVNDVM CVRAVIT.

In æde D. Mariæ de Araceli, est ara, quatuor pulcherrimis exornata columnis, vbi legitur titulus huiusmodi.

A CVBICVLO AVGVSTORVM.

C A P. XVIII.

*De quibusdam ædificiis, aliisq; rebus in genere.*



QVIAM Calabram in Capitolio Romulus culmis texerat, ad quam celebrabatur, id est, vocabatur Senatus & populus à rege Sacrificulo, vt ludorum & sacrificiorum pernosceret dies. Propè hanc ipsius Romuli Casam ponit M. Var. Metelli autem, & Constantini Porticum habuit Capitolinus mons; & Bibliothecam Maiorum pulcherrimis, marmoreisq; columnis exornatam: Atriumq; publicum, quod tactum de cœlo memorat Liuius. Ser. ait locum sacrū fuisse in Capitolio, ex quo sumebatur verbera, qua coronabantur Feciales, & Pater patratus fœdera facturi, vel bella indicturi: & lapidem Silicem, quem tenebant iuraturi per Iouem, hæc verba dicētes. Si sciens fallo, tum me Diespiter, salua Vrbe, arceq; bonis eiiciat, vt ego hunc lapidem. Fuisse, inquit Gellius, loca in Capitolio cellis, cisternisq; similia, vbi reponebantur ea, quæ in templo vetustate erant facta inutilia. Seiuges in Capitolio aurati à Cn. Cornelio positi sunt. M. Valerio Messalla, & Liuius Salinatore Coss. eodemq; tempore duodecim clypea aureata ab ædilibus. P. Claudio, & P. Sulpitio Galba ex pecunia, qua frumentarios ob annonam compressam condemnauerant, author est Liuius, qui quinto belli pu. Clypeum Martis cum imagine Asdrubalis statuit in eodem colle, & secundo decadis quintæ columnam Rostratam, sic: In suspensa ciuitate ad expectationem noui belli nocturna tempestate columna rostrata in Capitolio bello pu. tota ad imum fulmine discussa est. At tertio eiusdem decadis testatur. S. C. in Capitolio solitum haberi: Eo, inquit, facto auocatam à se concionem Tribunus questus, & in ordinem se coactum, ex Capitolio, vbi erat concilium, abiit. In Templo Iouis Capitolini fuit Pallium breue, purpureum, lanæstrum ad quod cum matronæ, atque Aurelianus Impe. iungeret purpureas suas vestes, cineris specie decoloratæ videbantur, diuini comparatione fulgoris. hoc munus rex Persarum ab Indis interioribus sumptum Aurelianus dedisse perhibetur. Cn. & Q. Oguinio ædilibus curulibus Limina Capitolij ænea sunt fabrefacta: Tegulas autem æreas Q. Catulus inaurauit, auth. Plin. hinc Virg. Capitolia aurea dixit, quanq̃ & propter statuas aureas, aliaq; pretiosa ornamenta aurea dixisse existimauerim. Numam antequam Imperium adiret,

augurium in Capitolio captauisse scribit Plut. Solinus autem T. Tatium in arce, vbi fuit Templum Iunonis Monetæ, habitauisse: Quo in loco prius steterat Domus Manlij; de qua Cic. pro domo sua ita meminit; M. Manlius cum ab ascensu Capitolij Gallorum impetum repulisset, non fuit contentus beneficij sui gloria, regnum appetisse est iudicatus: ergo eius domum euerfam duobus locis conuectam videtis. Libri Sibyllini in templo Iouis Capitolini sub terra, in arca lapidea ab hominibus decem custodiebantur, author Dion. Cæsar primo consulatu tria millia pondo auri furatus è Capitolio, tantundem inaurati æris reposuit. Suet.

## CAP. XIX.

*De laudibus Capitolij.*

I quis Capitolij pulchritudinem, diuitias, & ornamenta oratione celebrare, proq; illorum admirabili, & pene incredibilem amplitudine verbis illustrare conetur, nullam profectò inueniet tantam dicendi elegantiam, aut copiã, quin verborum exilitate deprimat, quæ sese extollere posse cõfidebat, cui Cic. nullum inueniens epitheton magis conueniens, Deorum & Iouis terrestre domicilium appellauit. Quare in huius laudem ero contentus referre ea tantum, quæ memoriæ traduntur à Marcellino, qui loquens de Constante Cõstantini filio tunc primum Romam veniente, sic sequitur. Deinde intra septem montium culmina per accliuitates, planitiemq; posita Urbis membra collustras, & suburbana quidquid erat primum eminere inter alia cuncta spectabat, Iouis Tarpei delubra, quantum terrenis diuina præcellunt. Et infra describens Ægypti mirabilia sic habet. His accedunt altis suffulta fastigijs tēpla, inter quæ eminet Serapeum: quod licet minuatur exilitate verborum, atrijs tamen columnaribus amplissimis, & spirantibus signorum figmentis, & reliqua operum multitudine ita est exornatū, vt post Capitolium, quod se venerabilis Roma in æternum attollit, nihil orbis terrarum ambiciosius cernat. Eandem imitatus sententiam Cassiodorus: Traiani, inquit, Forum vel sub assiduitate videre miraculum est, Capitolia cella conscendere, hoc est humana ingenia superata videre. Nunc verò penè nudus est relictus.

## CAP. XX.

*De Concordiæ & Iouis Statoris Templo, & quid sit Curia.*

N situs Urbis descriptione secundo loco vallem inter Capitolium, Palatinumq; montem iacentem posuimus, eamq; secundum longitudinem, nō vltra Palatini latus terminauimus; cuius ædificia & loca par est tandem, vt in antiquam speciem, & splendorem, quoad fieri poterit, restituamus. Et quia nihil est quod magis res augeat, & conseruet quàm Concordia, ab ipsa ritè principium facturi videmur. Cõcordiæ igitur Templum vouit Camillus, si plebem patribus reconciliasset; quod in foro, vt tradit Plut. vt autem Var. inter Capitolium, & forū deinde exstruxit. hunc autem secutus Sex. Pomp. Senatula, inquit, Romæ tria, vnum, vbi nunc est ædes Concordiæ, inter Capitolium & forum, Valer. autem Max. ait Sempronium Afellionem pro æde Concordiæ sacrificium facientem ab ipsis altaribus fugere extra forum creditores coegisse. Sed cum non vnum fuerit Concordiæ templum, videndum ne Plut. de eo intelligat, quod erat supra Comitium, ad forum vsque productum. Huius autem porticus extant adhuc ad radices Capitolij octo ingentes columnæ cum inscriptione hac:



SENATVS POPVLVSQVE ROMANVS INCENDIO CONSVMP-  
TVM RESTITVIT.

Quo autem tempore restitutum sit à Senatu incertum est. Extat tamen in Lateranensi basilica de restitutione memoria huiusmodi.

D. N. CONSTANTINO PIO FELICI AC TRIVMPHATORI SEM-  
PER AVGVSTO OB AMPLIFICATAM TOTO ORBE REM-  
PVBLICAM FACTIS CONSILIIISQ.

S.

P.

Q.

R.

ÆDEM CONCORDIÆ VETVSTATE COLLAPSAM IN ME-  
LIOREM FACIEM OPERE, ET CVLTV SPLENDIDIOR RE-  
STITVERVNT.

Hinc autem centum gradibus ad Monetæ Iunonis templū ascendebatur. Cic. Ph. septima. Oculta enim fuit eorum voluntas, iudiciumq; de M. Antonio, qui frequentissimi in gradibus Concordiæ steterunt. Ouid.

*Candida te niueo posuit lux proxima templo,*

*Qua fert sublimes alta Moneta gradus.*

*Furius antiquum populi superator hetrusci*

*Vouerat, & voti soluerat ille fidem.*

*Causa, quod à patribus sumptis secesserat armis*

*Vulgus & ipsa suos Roma timebat opes.*

In Concordiæ Senatus frequenter habebatur, & conciones. Idem Cicero in Ph. pro Sextio & domo sua. Lampridius: cum Senatus, inquit, frequens in curiam, hoc est in ædem Concordiæ Templum auguratum conuenisset. In eodem templo fuit Statua Apollinis, Iunonis, & Latonæ Apollinem & Dianam infantes sustinentis: Aesculapii que, & Hygiæ à Nycerato fabrefacta. Sthenis autem, Cererem Iouem, & Mineruam, flentesque matronas, & adorantes, sacrificantesque fecit, quæ erat in æde eiusdem Concordiæ. Martem verò, & Mercurium Pisicrates. Zeufis manu in Concordiæ delubro erat Marsias religatus; Erat & Liber pater Cassandraque à Theodoro picta. In prono Templi fuit Victoria, quæ M. Marcello Claudio, & M. Valerio Coss. icta est fulmine. Habuit Concordiæ templum Cellam de qua Cicer. ph. tertia sic meminit. Armatos in Cella Concordiæ cum Senatum haberet incluserit, & quinta: in Cella Concordiæ collocari armatos, latrones, sicarios è templo carcerem fieri. Cōcordia dicta, inquit Var. à corde congruente. Eregione autem huius, ad radices tamen Palatini montis, Templum Iouis Statoris, à Romulo votum fuisse, testis est Liuius, apud quem ita loquitur Romulus: Iupiter tuis auibus iussus hic, in Palatio, prima Vrbi fundamenta ieci, arcem iam scelere emptam Sabini habent, inde huc armati superata valle media tendunt: at tu pater deum, hominumque hinc saltem arce hostes, deme terrorem Romanis fugamque fecdam siste. hic ego tibi Templum Statori Ioui, quod monimentum sit posteris, tua præsentis ope seruata Vrbe esse, voueo. & Cicer. Priusquam enim iret in exilium his Iouem precatus est verbis: Teq; Iupiter Stator, quem verè huius Imperij Statorem maiores nostri nominauerunt, cuius in templo hostilem impetum Catilinæ repulsi à muris, cuius Templum à Romulo victis Sabinis in Palatij radice cum victoria est collocatum, oro, atque obsecro, ferte opem pariter reip. cuncteq; que ciuitati, meisque fortunis. Ouid. etiam in Fast. in radice Palatini sic collocat.

*Tempus idem Statoris erit, quod Romulus olim*

*Ante Palatini condidit ora iugi.*

Quo in loco nunc sunt spondæ murorum altissimæ ad boream pertinentes. In hoc conciones haberi, Senatusque solebat. Idem in Cat. pro lege agraria, & alibi

sæpe. Nam. S. C. iure fieri non poterat, nisi in loco per augures constituto, quod templum appellaretur. non enim omnes ædes sacrę templa erant. Curia in qua habebatur Senatus templum erat, auth. Gellius, & Var. Vnde inter Aedes sacras, & templa illud interest, quod in his. S. C. poterat haberi, in illis verò nequaquam. Ego tamen causa euitandi crebras eiusdem verbi repetitiones, & quo per nomen templi facilius inueniatur, quod quisque cupit, hanc differentiam non planè seruauit. Hoc autem templum incendio Neronis exustum fuisse docet Cor. Tac. Liuius vero votum bis, bello videlicet Samnitico, & in pugna ad Luceriam. Miror autē quid est cur quidam Iouis Statoris templum ad radices Capitoli posuerint, ad eam inquam partem, quę in planam Urbem vergit, vbi nunc est ædes Diui Andreę in Statera, decepti solo cognomento; qui si Ciceronis & Ouid. verba obseruassent, & Romuli dicentis apud Liuium in Palatio, non tam fœde in hunc lapsi essent errorem.

## CAP. XXI.

*De Templo Vestę, & Romuli, ac de Luco eiusdem Vestę.*

EMPLVM autē Vestę inter Capitolinum, & Palatinum montem, vbi Diuę Marię Gratiarum ædes nunc est sita, collocari à Diony. videtur. Quod autem non fuerit sub Palatio, vt putat Ful. probant, quę sequuntur Plut. verba: Restitere Romani quo nunc loco Iouis Statoris situm est templum, ita confertissimo agmine Sabinos adorti fundunt, fugantque, & vsque ad locum, Regiam nunc dictum, ac templum Vestę palantes agunt. Nam si Romani restitere ad radices Palatij, quomodo sequitur fundunt fugantque Sabinos ad templum Vestę, quod secundum Ful. fuisse, vbi restitere Romani, non autem quo fugati sunt Sabini, contra opinionem Plutar. Diony. & Liuij, qui de hoc templo ita meminit. M. Cœditijs de plebe nunciauit tribunis se in Noua via, vbi nunc sacellum est, supra ædem Vestę, & reliqua. Erat enim prope forum Romanum. Hinc Apianus ait. Afellium prætorem fortē sacra Castori, & Polluci in foro facientem, cum quidam lapide sialam excussisset, ad templum Vestę cucurrisse. Cor. Tac. de Pisone loquens: ex foro, inquit, fugit in ædem Vestę. Condita autem fuit à Romulo, vt infra demonstrabimus ex verbis Diony. qui etiam memorię prodidit, Castora, & Pollucem in pugna aduersus Thufculanos duce Posthumio dictatore visos pugnantes pro Romanis, eodemque tempore in foro equos abluisse ad scaturiginem manantem iuxta templum Vestę. Fuiteiusdem deę Lucas, qui à Palatij radice in Nouam viam deuexus erat, ex quo, ante Urbem captam exaudita vox est, vt muri & portę reficerentur: futurum esse, nisi prouisum esset, vt Roma caperetur. auth. Cic. de Diu. Atrium, siue Regia Numę propē Vestę sacellum Plut. fuisse existimat, nō autem, vt Ser. ædes Vestę Atrium Numę. Videamus autem obiter, quid sibi velit Vir. cum inquit.

*Cana Fides, & Vestę, Remo cum fratre Quirinus  
Iura dabunt.*

Per fidem enim Fidei templum intelligit, antiquissimum, vtpote ab Ænea, vel (vt alij volunt) à Numa in Palatio extructum, quod cogeatur Senatus cum de rebus ad statum reip. sicut in Atrium Vestę cum Pon. max. cum de rebus ad religionem pertinentibus esset deliberaturus. Apianus his ita se habentibus Senatus in Fidei templum contulit per Remum autem & Quirinum Fo. Ro. in quo erant simulacra conditorum Urbis lambentium vbera lupę. Liuius ædiles ad fiscum ruminalem (erat enim in comitio) simulacra infantium conditorum Urbis sub vberibus lupę posuerunt. Et cum in foro causę agerentur, vt idem



author de Virginia loquens ostendit, sic interpretatur. Romanos leges, & ciuiles, & pontificias ad religionem pertinentes vniuerso orbi daturus, omniumque terrarum Imperium, quemadmodum Iuppiter pollicebatur, habituros. Templum Romuli steterat ad radices Palatini, in medio eius lateris, quod Capitolium respicit, vbi nunc est ædes Diuo Thodoro dicata, de quo videtur intellexisse Diony. cum de Lupercali loquitur in hunc modum. Ostenditur secundum viam, quaitur ad Circum, templumque ei proximum, in quo est lupa præbens pueris duobus vbera, antiquæ operæ simulacra ærea.

## CAP. XXII.

*De Lupercali, & ficu Ruminali.*

**L**UPERCAL autem fuit quædam spelunca sub monte Palatini in qua de Capro luebatur, id est sacrificabatur: vnde & Lupercal dictum putant. Alij verò dicunt quod illic lupa Romulum & Remum nutrierit, Alij, quod est verisimilius lucum hunc esse sacrum Pani deo Arcadiæ, cui etiam mons Lycaeus in Arcadia est consecratus, dictus quod λύκος, id est lupos non sinat in oues scire. Ideo Euander sacrauit locum, Lupercalque nominauit, de quo Dionysius sic scriptum reliquit: Arcades in colle ipso firmati, cum ædificia alia more patrio exornassent, templa quoque construxerunt, atque primum quidem Panilyceø admonente eos Carmenta. est enim apud Arcades Pan vetustissimus, plurimum in honore habitus. Nunc tamen, circumsepto ædificiis templo, præscam loci naturam comprehendere nequit coniectura. Erat enim antiquitus, vt dicitur, antrum magnum sub colle arbusco contextum, & fontes sub petris profundi, adhærensque rupibus saltus & quidem opacus, vbi Ara deo constructa sacrificia patria perficiebant. Idem tradit apud Lupercal Romulum, & Remum expositos fuisse, quem in locum lupa vadens sese condiderat. Aliorum autem fama est Lupercaliū morem à Romulo & Remo originem traxisse, tunc cum lætitia exultantes, quod iis auus Numitor eo loco, vbi educati erant, Urbem condere permiserat. Facto enim sacrisque capris epularum hilaritate, ac vino largiore prouecti, cuncti ouinis pellibus immolatarum hostiarum iocantes, gestierunt. Verum vt de nominis etymologia, & origine, ita de loco varia est opinio. Pom. Letus ita scribit. Sub Capitolio Tyberis inferebat sinum, qui pertingebat radices Palatij, vbi nunc est ædis S. Theodori, vbi expositus Romulus, & Remus in alueolo, ibique fuit ficus Ruminalis: supra in Capitolio eregione istorum locorum Lupercal, hoc est mansio lupæ. Erat autem Lupercal propè tres columnas. Vt autem (secundum aliquos) accipimus, quæ de ficu Ruminali eius est sententia, ita, quæ de Lupercali, prorsus reiicimus; de vtroque verò quæ est Seruii, qui in circo Maximo ponit Lupercal; eius sunt hæc verba: Rumon Tyberis dictus est, vnde ficus Ruminalis, ad quam eieci sunt Romulus & Remus, quæ fuit vbi nunc est Lupercal in circo, hac enim labeatur Tyberis ætequam Vertumnis factis sacris auerteretur. Et vbi Virg. inducit Aeneam ex Tyberi muros Palanteos spectantem, inquit: Nec situm præsentem cōsiderare debemus. tunc enim nullis obstaculis ædificij per Lupercal Tyberi fluente facile mons poterat videri Palatinus. Quod autem Tyberis sinum inferret ad radices Palatini bene procedit; verum quod per Circū laberetur caret ratione; quia Auen. ad alteram fluminis ripam esset relictus, nec sequeretur, quod refert Liuius; Herculem traieciisse Tyberim, &, dum fessus procubisset, quod cum boues furatum eos in speluncam traxisset; fuerat enim necesse per Tyberim quod est dictum absurdum, nisi dicamus per Circum lapsum

lapsus ante Herculis aduentum in Italiam. Præterea idem Ser. eodem in loco vtrunque restituit, sicut & P. Victor, cum Lupercal fuerit, vbi nunc ecclesia S. Theodori, quemadmodum superiori capite, vbi de templo Romuli sumus locuti, tetigit Diony. Ficus vero Ruminalis in Comitio eregione ædis Diui Cosmæ & Damiani, & ad latus Palatini circo oppositū Maximo, quod Cor. Tac. sic probat. Eo anno quo certatum est inter Harmum duos, & Cattsos, Ruminalem arborem in Comitio, quæ supra octingentos & quadraginta annos Remi Romuliq; infantiam texerat, mortis ramalibus, & arescēte trunco diminutam, prodigij loco habitum, donec in nouos fœtus reuiuisceret. Si autem volumus, quod ait Liuius, pueros in proxima alluue, vbi ficus Ruminalis, expositos secundum Tacitum dicemus, Tyberi forum Romanum alluisse, ferentesq; pueros descendisse ex Palatio in Comitium, ibiq; exposuisse infantes, nulla enim est ratio alia, vt Liuij cum Taciti conueniant verba. verisimilius est, secundum Diony. apud Lupercal expositos esse, nutritos verò apud ficum Ruminalem, vt innuit idem Tacitus, cum inquit, textit infantiam Romuli & Remi: aut fluitante scapha in Comitium delatos. Nam Var. ait infantes non expositos, sed delatos ad ficū Ruminalem, & L. Florus repertos ad arborem, quæ non fuisse (vt vult Ser.) vbi Lupercal ostendit etiam Plut. his verbis. Locum Cremonum vocant, sed pridem Germano nomen fuerat, quod germanos fratres vocemus, nec porro longius ficus Ruminalis. Non desunt autem qui Lupercal eregione Septizonij Seueri fuisse putent, quos secutus est Blon. in Roma triumphate. at hoc stultum est credere. Quo modo enim Euander à Tyberi in Urbem rediens, potuit ostendere gelidum, vt ait Vir. Lupercal ab altero latere montis auerso existens, meridiemq; siue ortum æstiuum respiciens, cum ad boream pertineret? vnde recte Poeta, gelidum appellauisse videtur. Quis autem Lupercalia instituerit, vbi, & quo modo fierent, scribit Val. Max. Ser. & Plut. in Antonij vita. Ruminalem autem ficū sunt qui volunt à Romulo, quasi romularem denominatam. Alij à lacte infantib. dato. nam pars gutturis rumā dicitur. Huius autem arboris etiam Augusti tempore vestigia extitisse docet Ouid. his carminibus,

*Arbor erat, remanent vestigia, quæq; vocatur  
Romula nunc ficus, rumina ficuserat.*

#### C A P. XXIII.

#### *De via Noua, vico Iugario, & Thufco.*



I A M Nouam fuisse eregione templi Iouis Statoris, perq; vallem inter Capitolium, & Palatium productam, significat hæc Liuij verba. Ex superiore parte ædium per fenestras in Nouam viam versus (habitat enim rex ad Iouis Statoris ædem) populum Tanaquil alloquitur. Idem. Templum in Noua via supra ædem Vestæ Aio exstructum. Quanquam Cic. de diuinatione non templum dicit, sed Aram. De via hac meminit & Ouidius. eius sunt hæc carmina,

*Fortè reuertabar festis vestalibus illac,  
Qua noua Romano nunc via iuncta foro est.*

Crediderim hanc viam antiquissimam, diuersamq; ab ea, quæ instaurata à Caracalla sub thermis ipsius fuit. Vicus Iugarius qui, auth. P. Vic. & Thurarius dicebatur, per radices Capitolij à porta Carmentali ad forum Romanum aditum præbuit. Liuius; ab æde, inquit, Apollinis boues feminae duæ albæ porta Carmentali in Urbem ductæ: post eas duo signa cupressæ Iunonis Regine portabantur: tum septem & viginti virgines longam indutæ vestem carmen in Iunonem Reginam



Reginam canentes ibant, illa tempestate forſitan laudabile rudibus ingeniis, nunc abhorrens, & inconditum ſi referatur. Virginum ordinem ſequebantur decem viri coronati laurea, præteſtatiq̃ue à porta Iugario vico in forum venere. Blon. verò ait, nihil aliud habere quam quod idem author dicit ſaxum ingens à Capitolio in ipſum vicū prociſiſſe; quę verba certum locū non deſignant, ſicuti quæ nos allegauimus. Fuluius autem ponit vicum Iugarium inter Romanū, Boariumq̃; forum, quod falſum eſſe prædicta Liu. verba oſtendunt. In hoc vico fuit Domus L. A merimni equitis Ro. vt ex filij epith. legitur. Iugarij autē nomen obtinuit q̃ ibi fuerat Ara Iunonis Iugę quam matrimo. iūgere putabant. auth. Sex. Pom. Quęadmodum autem vico Iugario per radices Capitolij à porta Carmentali in forū Romanum, ita vico Thuſco per radices Palat. montis ab eodē foro in Velabrū patebat acceſſus; ſicuti eiufdem Liuij verba, quę ſequuntur, oſtendunt. In foro pompa conſtitit, per manus reſte data virgines ſonū vocis plauſu pedum modulantes inceſſerunt, inde vico Thuſco, Velabroq̃ue per Boarium forum in Clium Publicum, atque in ædem Iunonis Reginę perreſtum. Pater ergo virgines ingreſſas porta Carmentali, Iugario vico per radices Capitolij producto in forum: poſtea vico Thuſco, ad Palatij radices iacenti, per Velabrum, forumq̃ue Boarium in Auentinum; perueniſſe. Neſcio autem quo auth. Fuluius venit id campi, quod eſt inter Capitolium, Palatium montem Auentinum, & Tyberim, vicum Thuſcum appellatum: ſi ita eſſet, ſatis fuerat Liuiο dixiſſe. Inde vico Thuſco in clium publicum, atque in eodem Iunonis Reginę perreſtum: ſed Velabrum à vico Thuſco diuidens, oſtendit ibi finem fuiſſe vici Thuſci, vbi velabrum incipiebat, quod cum foro Boario, in eo campo fuiſſe, demonſtrabitur. Ab eodem autem Liuiο huiuſce vici etymologia eſt petēda. Narrat enim in bello aduerſus Aricinos cæſis Hetruſcis, partem exigua ipſorum Romam profugiſſe, ibiq̃ue benignē exceptos, diuiſosq̃ue in hoſpitia: deinde curatis vulneribus, alios domum profectos, multos autem Romę hoſpitium, vrbisq̃ue charitatem tenuiſſe, locumq̃ue ijs ad habitandum datum, quem deinde vicum Thuſcum vocauere. Diony. Dedit, inquit, eis Senatus regionem vr̄bis, inter Palatium & Capitolium, quatuor ferme extenſam ſtadia conuallem, quę ad ætatem vſque meam vicus Thuſcus appellatur, per quem quidem tranſitus eſt à foro ad circū Maximum. Propertius his conſenſiſſe videtur, his verſibus.

*At tu Roma meis tribuiſti præmia Thuſcis,  
Vnde hodie Thuſcus nomina vicus habet.*

Alijaliter referunt hiftoriam. Videlicet vicum ipſum Thuſcum appellatum à Cælio Vibieno Thuſco, qui cum ſua manu Romulo contra Latinum in auxilium venerit, & poſt Cælij obitum, quod nimis munita loca tenerent, neque ſine ſuſpitione eſſent, deductos in planum, & ab eis vicum Thuſcum denominationem accepiſſe. In hoc vico lenones habitauifſe oſtendit Plautus in Ciftel. hinc Horatius. Ac Thuſci turba impia vici.

## CAP. XXIIII.

*De Arcubus Romuli. Senatulo, & Ouidij Domo.*

RECVS veteres, quos Romulus lateritios poſuit, & flores poſtea opibus Romani nunquam paſſi ſunt in marmoreos mutari, ne conditoris vr̄bis ſuę memoria deperiret, Blon. ſcribit ætate ſua collapſos, vbi nunc ſunt eccleſiæ S. Marię de gratia, & de inferno. eam, inquit, viam ad portam Appiā expeditiſſimam videmus. Alij verò volunt de his arcubus intellexiſſe Iu. cum dicit.

*Substitit ad veteres arcus, madidamq; Capenam.*

Quod si accipimus, Blondi repugnabimus opinioni, nisi velimus bis substituisse. Sed nescio qua ratione velint Romulum arcus posuisse, cum ea tempestate non esset adhuc excitandi triumphales arcus consuetudo. Senatulum, in quo senatores consultandi causa cōsistebant, fuit inter Capitolium & Forum, ubi ædes Concordiæ, ut visum est supra. Ovidius autem domum suam sub Capitolio his carminibus posuisse patet.

*Hanc ego suspiciens, & ab hac Capitolia cernens,*

*Quæ nostro frustra iuncta fuere lari.*

Quidam volunt fuisse propè ædem diuæ Mariæ de consolatione, Secunda autem parte situs Urbis expedita, Palatinum montem ascendamus.

## C A P. XXV.

### *De varia Palatij etymologia.*



VANQVAM Palatinus mons multis iam annis ante Urbem conditam ædificiis esset conuectitus, ab Roma Itali filia Valentia, ab Euandro deinde arce constituta, Vrbeq; orta, Reges & Imperatores sedem inibi habuerunt, ut nihil sit apud historicos, aut poetas magis celebratum, at tamen eius etymologia tam varia traditur, ut ex multis authoribus, quem sequaris, habeas neminem. Var. quartæ, inquit, regionis Palatium, quod Palantes, qui cum Euandro venere, qui etiam Palatini, & Aborigines ex agro Rheatino, qui appellatur Palatium, ibi confederunt. Aliqui verò à Palante proauo Euandri Palatino nomen mansisse referunt, secundum quos Virgil. ait.

*Arcades has oras genus à Palante profectum,*

*Qui regem Euandrum comites, qui signa secuti,*

*Delegere locum, & posuere in montibus urbem,*

*Palantis proau de nomine palanteum.*

Liuius montem hunc à Palateo vrbe Arcadiæ Palantium, deinde Palatium appellatum tradit. Alij à Palatia Latini vxore. Alij quòd Palanto Hyperborci filia, quæ ex Hercule Latinum suscepit, hunc incoluerit. Alij à Palantia Euandri filia, ab Hercule vitata, & illic sepulta. Alij à Palante, qui & ipse inibi sepulcrum esset consecutus. Eundem hunc locum à pecore dictum putant multi, quod pascenti balare consueuerit. Tibullus.

*Sed tunc pascebant herbosa palatia vacca,*

*Et stabant humiles in Ionis arce casa.*

Vnde Næuius Balantium nominauit. vel quòd palare, id est, errare solerent armenta. Cephalon autem Gergitius memoriæ prodidit, hominem quendam comitem Æneæ occupato monte, qui nunc Palatinus dicitur, urbem condidisse, Romamq; denominasse. Tremellius verò Palatinum Romuleum montem vocat, cum inquit: Fuit eius statua in pede montis Romulei ante Sacram viam, inter templum Faustinae, ad arcum Fabianum. In mons hodie Palatium Maius vocitatur.



*De Victoria, Cereris, Iunonis Sospita, Matris deum, &  
Libertatis Templo, & eiusdem Porticu,  
ac de domo Casij.*



VM Romani plurimis victorijs partis, Imperij fines propagassent, Victoriæ deæ gratiam referentes & quo in futurum prosperos successus daret, ei Templum in Palatio consecrauere, in ea inquam parte, quæ videt hortos diuæ Mariæ nouæ. in infimo cliuo cuius supra indicauimus Romulum Romam portam instituisse. Vbi autem Victoriæ prius (vt prodidit Antias) Val. Max. inter alios honores domus publicè ædificata fuerat. Licet L. Iginus dicat P. Val. Volesi filio Publicolæ domum, quæ sub Velis erat, vbi postea fuit ædes Victoriæ, ex lege, quam ipse tulerat, populum cõcessisse. De Victoriæ æde meminit & Liuius L. Posthumius inquit, Cos. ædem Victoriæ, quam Ædilis curulis ex multatitia pecunia faciendam curauerat, dedicauit. Diony. verò scribit in vertice Palatini montis ab Arcadibus, qui cum Euandro venerant, Victoriæ Templum erectum esse, cui deæ anniuersaria fierent sacrificia, ab eisdemque Cereris Ædem, cuius sacra à solis mulieribus celebrarentur. Sed de alia Victoriæ æde intellexisse Diony. & locus, & tempus satis ostendunt. Propè hanc, Ædiculam Victoriæ Virginis posuit Portius Cato, quam biennio ante vouerat. iuxta quam fuit & Iunonis Sospitæ. In Victoriæ templum Matrem Deum Pefinunte oppido Phrygiæ aduectam perlatam fuisse memorant; ibique mansisse donec illi Ædem statuis, columnisque pretiosis cum pauimentis diuersorum lapidum exornatam struxere Romani. Vnde Liuius: ædes Magnæ Matris Ideæ dedicata est; quam deam P. Cor. aduectam ex Asia in Palatium à mari detulerat. Locauerant ædem faciendam M. Liuius C. Claudius Censores. Dedicauit Iunius Brutus. Ludique ob dedicationem eius facti, Megalesia appellati. de quibus Cicer. ita meminit: Nam quid ego de illis ludis loquar, quos in Palatio nostri maiores ante templum in ipso Magnæ matris conspectu Megalensibus fieri, celebrarique voluerunt, qui sunt more, institutisq; maxime casti, solennes, religiosi? Aduecta est autem Mater deorum carmine in libris sibyllinis inuento. Pelli Italia alienigenam hostem posse, si deportata esset Romanam. Erat enim lapis, quem incolæ hoc appellabant nomine. Libertatis autem & Templum, & Porticum struxit P. Clodius in parte domus Ciceronis, prope Iouis Statoris templum.

## CAP. XXVII.

*De Fano, & Ara Febris, Aede Larum, Deæ viriplacæ Saccello, ac de Templo Fidei, & Iouis Victoris Aede.*




ANVM febris in Palatio fuisse Val. Max. sic docet: Febrem ad minus nocendum templis colebāt, quorum adhuc vnum in Palatio, alterum in ara Marianorum, tertium in summa parte vici Longi in eaque remedia, quæ corporibus agrotorum annexa fuerant, deferebantur. Docet & Cic. his verbis: Illud profecto confiteamini, longe aliter rem se habere, atque hominum opinio sit, eos enim, qui dii appellātur, rerum naturas esse, non figuras deorum. Qui tantus error fuit, vt perniciosi etiam rebus non nomen deorum tribueretur, sed etiā sacra constituerentur? Febris enim

Fanum in Palatio videmus. Et secundo de lege Ara, inquit, vetus stat in Palatio Febris. Hic autem notandum secundum Stoicos, vnum esse deum, cui nomina variantur pro actibus, & officijs: vnde etiam duplicis sexus nomina esse dicuntur, vt cum in actu sint, mares sint, fœminæ cum patiendi habent naturam. Aedem Larum idem Cicer. Palatinam facit: sicuti Val. Max. deæ Viriplacæ facellum: in quo viri & vxores contentione animorum deposita, concordēs domum reuertebantur. Agathocles, Diony. ceterique Græci scribunt, Æncam cum Ascanio, & eius filia Rhoma in Italiam venisse, condidisseque in Palatio Templum Fidei, à puellæ nomine dicatum, sub hoc titulo *TEMPLVM FIDEI*. Orta deinde multis post annis inter Romulum & Remum contentione de nomine vrbis appellandæ. s. p. q. r. placuisse urbem Romam à puella nominare, cuius eulogium in templi frontispicio ex inscriptione legissent. Sext. Pomp. refert Romam Æneæ neprem hoc templum posuisse; Numam verò Dion. & Liuius longis post seculis vetustate lapsum Augustus instaurauit. Templum Iouis Victoris à Q. Fabio bello Sabino votum, in eodem Palatino monte fuisse volunt, dedicatumque Idibus Aprilis Ouid. sic.

*Occupat Apriles idus cognomine victor  
Iupiter, hoc illo sunt data festa die.*

#### C A P. X X V I I I.

### *De Heliogabali, Apollinis, & Penatium Templo, ac de Aede Orci, locoq; Palladij.*



**A**NTONINVS Heliogabalus, Heliogabalum deum in Palatino monte consecrauit, eique Templum fecit, eo in loco, vbi prius Orci ædis fuerat, studioseq; curauit Matris deum Typum, & Vestæ ignem, Palladium Ancyliæ, & omnia Romanis veneranda, religionem Iudeorum, & Christianorum deuotionem in illud transferre contendit, agens ne quis deus, nisi Heliogabalus coleretur, auth. Lampridius. Quo in loco cyphum, non typum legendum puto, propter ea, quæ infra sequuntur, videlicet. Et adeo debacchatus est vt cyphum eriperet. Templum Apollinis in ea parte Palatinæ domus Augustus excitauit, quam fulmine ictam desiderarit à Deo aruspices pronunciarunt, eisque Porticum auth. Suet. addidit, quam laudat Propertius, & fores templi eburneas facit: super fastigium autem currum solis ex auro splendentem, quatuorque boues, id est pretidas æneas à Myrione factas in ara, ponit: Ouid. verò in Apollinis Belides, cum ait.

*Ducor ad intonsi candida templa dei,  
Signa peregrinis vbi sunt alterna columnis  
Belides, & stricte stat ferus ense pater.*

In hoc Templo Augustus iam senior, sæpe Senatum & decurias iudicum recognouit. In eodem pendebant Lychni instar arboris mala ferentis, vbi probati poetæ scripta sua reponebant. hinc Horatius in arte Poetica.

*Scripta Palatini quacunq; reponit Apollo.*

Huius autem templi vestigia extare videntur supra circum Maximum propè vineam Fedræ, in qua Tiberiana fuerat Domus.

De Appollinis etymologia plura Plato in Cra. de Appollinaribus verò ludis Mac. in Sat. Ædis deorum Penatium in ea parte Palatini montis fuit, quæ boream spectans, Velia dicebatur. Liuius quinto quintæ dec. De prodigijs deinde nunciatis Senatus est consultus, Ædes deorum Penatium in Velia de cælo tacta erat. Dion. Templum, inquit, Romæ ostenditur haud procul à foro, in quo sunt deorum



deorum Troianorum imagines inscriptionem habentes D. PENATES. Sunt enim adolescentes duo sedentes, pilam tenentes, veteris artis opera. Timæus autem historicus ferreos & æneos lituos, atque Troianum vas quoddam fictile esse, scriptum reliquit, Labeo vero Apollinem & Neptunum. Exhausta incendio æde Vestæ, in Veliam translatum fuit Palladium, à quo ecclesia S. Andreæ inibi sita cognomen deinde accepit, in Pallaria enim vocatur. Memorant quidam Liuiam, D. Augusto templum in Palatio crexisse.

## C A P. XXIX.

*De domibus Palatinis, & Saliorum Curia.*

VM Romulus & Remus vitam pastoralem agerent, sæpe ex lignis, & harundinibus tabernacula struxerunt, quarum vnam scribit Dion. ætate sua fuisse in angulo ex Palatio in circumducen- te, Casam Romuli dictam, per multasq; ætates mansisse, & si quid vetustate, aut alio quouis casu corruisset, custodes loci nihil magnificentius addentes, verum omnia prioribus restituentes, reficere consueuisse. Quo in loco hunc Virgilij de mantaco ciuis Rom. domuncula visitur. Tullus autem Hostilius, priusquam Curiam condidisset, in Velia domum habuit, vbi postea fuit ædes prædicta deorum Penatum, auth. Solinus: Catilinæ verò haud procul hinc, in ea parte Palatij, quæ videt forum Romanum, & inde ad M. Scauri brevis transitus, de qua Asc. sic inquit: Demonstrasse vobis memini hanc domum in ea parte Palatij esse, quæ cum ab Sacra via discesseris, & per proximum vicum, qui est ab sinistra parte, prodieris, posita est. Domum Ciceronis emptam vicies sextertio à L. Crasso volunt fuisse supra ædem Iouis Statoris: Et certè in celeberrima Palatini montis parte erat, propeq; Palatium sita, vt pro domo sua ipse Cic. his verbis testatur: Domus ardebat in Palatio, non fortuito, sed oblato incendio, & infra: In conspectu totius Urbis domus est mea. Admonendi autem estis eo in loco, vbi dicit: Ardebat in Palatio, non accipi secundum nunc vulgi opinionem pro monte Palatino, cum iis temporibus Palatium exiguum eius partem occuparet: neque etiam significare domum Ciceronis intra Palatium ipsum comprehensam, sed inuidiose additum esse in Palatio, ac si diceret Orator: Catilina in comburendo domum meam adeo ira erat accensus, & furore amens, vt nullam prorsus rationem haberet locorum publicorum, & ipsius Palatij, cui eadem domus mea fuerat iuncta. Iuxta quam ponit domum M. Flacci: qua euerfa Q. Catulus de manubiis Cimbricis Porticum extruxit. Crassi oratoris, & Viturbij Doms in Palatio euerfas fuisse L. Æmilio Mamerco, & C. Plantio Coss. Plin. est auth. Vani ducis domum in Palatio statuit Liuius. Sicut Augustanâ Tiberianamq; Cor. Tac. de quibus superiori capite memini. Augustanam autem ab Augusto, qui vt scribit Sueton. natus est in regione Palatij ad capita Bubula, vbi nunc, inquit, Sacrarium habet, aliquanto postquam excessit constitutum. Et alibi refert primo iuxta forum Romanum, supra scalas Annularias in domo, quæ Calui Oratoris fuerat, habitauisse, postea in Palatio, nihilominus ædibus modicis Hortensianis. De Tiberiana idem Cor. mentionem sic facit: Otho ex æde Apollinis discedens per Tiberianam domum ad Miliarium aureum peregit. Curia Saliorum in Palatio, quæ cum flagras- set inuentus est Lituus Romuli illæsus, auth. Cic. Plut. vt L. Iginius, tradit Publicolam domum habuisse Subueliam nuncupatam, foroq; imminuentem. Tarquinij vero Prisci domus ad Iouis Statoris templum fuit. Liuius: Quum clamor, impetusque multitudinis vix sustineri posset, ex superiore parte ædium per fenestras in viam Nouam versus (habitabat enim rex ad Iouis Statoris ædem) po-

pulum Tanaquil alloquitur. Ser. ait Augustum, post Actiacum bellum, Palatium ex suo præcepto ædificatum, quum esset domus priuata, reipub. donauisse.

## C A P. XXX.

*De Summa Velia, statuis Palatinis, alijsq; rebus in genere.*



ELIAM Summam ad eam Palatij partem, quæ celsior versa est in ortum æstiuum, diuæq; Mariæ Nouæ ædem fuisse, diximus; cui, vt vult Var. ex eo inditum est nomen, quod ibi pastores Palatini, ante tonsuram inuentam, vellere lanam consueuerint. Augustus in Palatio iuxta Fidei Templum Bibliothecam exstruxit latinam, græcamq; cum Porticu, quæ Palatina dicebatur, in qua Senatus statuam Numeriano Imper. posuit, cum inscriptione:

DIVO NVMERIANO ORATORI POTENTISSIMO.

Statua M. Var. viuentis adhuc eandem porticum exornauit, teste Pollione: Bibliothecam vero Apollinis, Colossus Thufcanicus L. pedum à pollice ære nobilior, an pulchritudine, dubium. Fuit in Palatio Auguratorium, id est locus vbi auguria captabantur: & Apollo cognomento Palatinus, opus Scopæ, Latonaq; in palatij delubro, vt ait Plin. Suet. commemorat Titum Imp. statuam auream Britannico in palatio posuisse. Arbor fuit in eodem Palatino nata ex hasta Romuli, qui captato augurio hastam ipsam de Auentino monte in Palatinum iecit, quæ fixa fronduit, & arborem fecit: Laurusq; nata eo die, quo Augustus: vnde triumphantes coronari consueuerunt, Balneæ quoque, quas Cicero pro Roscio palatinas appellat, cuius vestigia exstant supra circum Maximum, haud procul à vinea Fedræ. Iulius Capitolinus refert locum fuisse in eodem monte, qui Sicilia dicebatur: & alterum, qui Iouis Cenatio: & Lampridius Plateas pulcherrimas faxis Lacedemoniis, ac porphyreticis stratas, quas Antonianas vocauit. Quæ saxa, inquit, vsque ad nostram memoriam manserunt, sed nuper eruta & execta sunt. Fuit in colle Palatino Vicus Padi, & Fortunæ respicientis, inibiq; feriæ celebrabantur, in quibus sacrificium, quod fiebat, Palatual dicebatur, auth. Anti-stius Labeo.

## C A P. XXXI.

*De Palatio nunc Maiori, Atrio, & veteri Porta ipsius Palatij.*



VALIS autem & quanta fuerit Palatij moles, & pulchritudo indicant ruinæ ingentes, quæ ibi conspiciuntur, indicant & picturæ, statuæq; præclarissimæ, preciosæq; columnæ in eo repta. Quis autem tanta ædificia auxerit, nullus, inquit, Blon. scribit, quod nulla alia ratione factum crediderim, quam quod vnusquisq; nulla insigni constructione facta, particulas reddidit, quas scriptores, vt parum dignas, mandare litteris omiserunt. Nos autem diximus Augustum suam priuatam domum reip. donauisse, quæ iuncta fuerat Palatio. Præterea Plin. prodidit Caligulam partē Palatij ad forum vsq; promouisse, seq; bis vidisse Urbem totā cingi duab. domibus duorum principum, scilicet Caligulæ & Neronis. Caligula autem in eo promouendo effecit, vt ædes Castoris & Pollucis, quæ erat in medio foro, eregione vestibuli suarum ædium esset. Sed quod scribit Blon. de Palatio Maiori, id quoque de Pala-



de Palatio Vaticano nunc dicere possemus. Atrium autem Palatium habuit augurato conditum, in quo consulebatur Senatus, arietesq; immolabantur. Palatij verus porta ad quam bello Sabino fusos esse Romanos commemorat Liuius, fuit prope Roftra, & si quis ad illius verba diligenter attenderit, nullibi, quam eregione ædis Diui Laurentij in Miranda existimabit. Quidam hanc Romuli portam appellant. Palatinus autem collis præter vnam atq; alteram domunculam & ædem. S. Andreæ prædictam, nullum nunc habet ædificium: totus enim vinetis plenus, aut pascuus ager, non ouibus magis, quam caballis & capris est relictus, vt verè Balantium possit nominari.

## CAPVT XXXII.

*De Templo Iani, Augusti & Faustinae.*

ARTEM quartam situs Vrbis aggredientes, à rebus diuinis, diisq; immortalibus principium facturi rite videmur, in primisq; ab eo, qui omnium rerum ianua habetur, hoc est, à Iano, cuius templum præter Capitolinum, aliud in foro Transitorio fuisse, sic probat Ser. Captis Faliscis, ciuitate Thusciae, inuentum est simulacrum Iani cum frontibus quatuor, (fuerat enim bifrons apud theatrum Marcelli) vnde quod Numa instituerat translatum est ad forum Transitorium, & quatuor portarum vnum templum institutum: In qua autem parte fori, parū liquet; sed crediderim in ea, quæ in fo. Rom. est versa, propè Basilicam Pauli, vt sequatur quod ait Mar.

*Et fora tot numeras lane, quot ora geris.*

Procopius tradit ætate sua iam templum fuisse in medio foro ex aduerso Capitolij, paulo supra eum locum, quem tunc Romani, tres Parcas appellabant. Erat, inquit, sacellum totum ex ære constitutum, quadrata quadam dimensione, tanteq; amplitudinis, quanta integri Iani statua poterat ænea quinquepedalis capiti, capite dumtaxat bifrons; portæ vtrinque æneæ, quæ pacis tempore clauderantur; instante autem bello aperiebantur, vocabaturq; Ianus Geminus. Verum alterū erat ab eo, de quo Ser. quia, vt diximus, plures fuere Iani. De quadrifronte autem intellexit Mar. cum dixit,

*Et lingua pariter locutus omni.*

Nam omnes de duobus non dicitur. Templum Augusti in fo. Rom. positum erat, quod Tyberio imperante imperfectū Caligula absoluit, pōteq; super ipsum transmissio Capitolium Palatio coniunxit. vnde ex tribus columnis eius pontis propè Palatinum montem, & totidem ad radices Capitolij adhuc erectis, facile possumus coniecere, vbinam esset Augusti templum, super quod pontem transmiserit Caligula. Vestigia Templi Faustinae, quam Antoninus maritus permisit diuinis honoribus à senatu coli delatis circensibus, Flaminibusque, multa, insigniaq; extare videmus, post hunc ecclesiam S. Laurentij in Miranda. De quo Spartianus sic meminit. Inter deos relatus est, habet templum, habet Salios, habet sodales Antonianos, qui Faustinae templum, quod ei sub tauri radicibus fundauerat maritus; in quo postea filius huius Heliogabalus Antoninus sibi, vel Ioui Syrio, vel Soli incertum, id est, templum fecit.

*De Castoris & Pollucis templo.*

CASTORIS & Pollucis templum in fo. Rom. ab omnibus scriptoribus collocatur. Lucretio Ofellæ consulatum petenti Sylla impedimento erat: ille autem sollicitatus à multis in forum venerat, quem missus ab eo centurio iugulauit; ipse in Castoris æde sedens eadē suggesto superne spectabat, Plut. Martius de Hernicis triumphans in Urbem rediit, statuaq; equestris in foro decreta est, quæ ante templum Castoris posita est; Liuius: Nonne ab A. Posthumio ædem Castori, & Polluci in foro dicatam vides? Cicero. In qua autem parte fori permagna est dubitatio, & inter antiquæ Urbis scriptores varia opinio. Volateranus vbi Diui Cosmæ & Damiani est ecclesia, ponit. Pomponius vero Lætus, certum non signans locum, in fine fori. Quidam in via Sacra, Fuluius sub Palatio iuxta Iuturnæ fontem, vbi nos Iouis Statoris templum; cui videntur adstipulari Diony. verba quæ sequuntur: Huius autem inopinata, admirabilisque apparitionis cum signa adhuc Romæ multa, tum vero est ædes Pollucis, & Castoris, quam supra foro extruxit ciuitas, vbi visa sunt illorum simulacra; & rursus: Specie pugilum, equosq; madidos sudore ad scaturiginem, iuxta ædem Vestæ manantem, abluisse ait: Ouidius locum tetigit his carminibus,

*Fratribus illa dies, fratres de gente deorum,*

*Iuxta Iuturna composuere lacus.*

Vnde cum Diony. dicit ædem ipsam structam vbi illorum visa fuerant simulacra, & subiungit, iuxta ædem Vestæ, cum Ful. vt diximus, videtur conuenire, à Blon. verò discrepare. Var. namque, inquit Blon. cum dixisset, Tullum Hostiliū curiam Hostiliam ædificauisse, sic sequitur: Ante hanc Rostra, sub dextera huius Comitio locus substructus, vbi nationum subsisterent Legati; qui ad Senatū essent missi, hinc Grægorastis à parte, vt multa: Senaculum supra Grægorastim, vbi ædes Concordiæ, & Basilica Opima. Qui ergo descriptum supra à nobis forum Romanum cognoscit, & Var. verba considerat, facile intelliget Rostra templum ad radices Palatii fuisse, vbi nunc est parua S. Mariæ de Inferno ecclesia. Si igitur & Castoris templum ad radices Palatii, vbi Ful. ponimus: non video quomodo habebit Rostra eregione, quemadmodū vult Plin. cuius verba hæc sunt. Ex his Romuli sine tunica, sicut & Camilli in Rostris, ante ædem Castorum fuit. Cic. in Ver. locutus de Castoris templo, eiusq; columnis subdit: Qui ædem Castoris testem furtorum tuorum esse volueris, quam Pop. Rom. quotidie, iudices etiam tum, cum de te sententiam ferrent, viderent. Et cum sententiæ in Rostris ferre solerent, patet quod Plin. etiam testatur, Castoris ædem ante Rostra, videlicet apud Faustina templum, nunc S. Laurentij in Miranda, fuisse. Quo in loco paucis diebus ante Urbis direptionem à barbaris factam, vidimus marmora mira arte sculpta, columnasq; pulcherrimas effodi, vt existimem eas esse columnas, eaq; esse ornamenta, de quibus memini Cic. multa loqui. Quod nisi velimus ibi Castoris ædem, vt par est, collocare; necesse est, secundum Ful. alibi, quam in radice Palatii, Rostra statuere; non enim procedit, quod vtrunque sit ad radices Palatini montis, & Rostra ante ædem Castorum. Si autem eandem ædem apud Vestæ libet ponere: dicendum duas fuisse apud forum, quarum alteram A. Posthumius dictator bello Latino vouit, eiusq; filius duumuir creatus dicauit. Alteram L. Metellus Dalmaticus de manubiis posuit; quanquam Afc. dicit Metellum instaurasse, non posuisse. Non desunt autem qui ædem Diuo Cosmæ & Damiano nunc sacram, Castori, & Polluci attribuant: quorum templum cum maximum,



ximum, nobilissimumq; ac multis columnis exornatum fuisse in Verrem, vt dixi, ostendat Cicero, horum opinionem refutamus: Cosmæ enim & Damiani tallium columnarum nullum præ se fert vestigium, aut signum. Huius ædis gradus reuulsos à Clodio memorat idem author pro domo sua, & pro Sex. Qui alibi etiam S. C. concionesq; in eadem sæpe habitas esse docet. Fuit autem statuis & nobili pictura à Cæcilio Metello perbelle exornatum, qui, vt refert Plu. Floræ simulacrum pulchritudine in signe in eodem posuit. Inerat & tabula monimentum ciuitatis equitibus campanis datæ.

## CAP. XXXIV.

*De Cæsaris & Veneris Genetricis Templo, eiusdemq;  
Veneris Atrio.*



Dixit autem Cæsar Templum prope forum suum habuisse dicitur, de quo Cor. Tac. sic meminit. Ante ædem Diui Iulij iacuit primo ictu: loquitur enim de Galba ad lacum Curtium interfecto. Plin. narrat Augustum in Templo Cæsaris patris Castores, ac Victoriæ posuisse. In eodem foro Veneris Genetricis Templum statuit Appianus: Post victoriæ, inquit, contra Pompeium Cæsar Atrium templo Veneris circumdixit, quod Hadrianus longo tempore post instaurauit. Nam, vt scribit Dionys. Apollodoro architecto descriptionem, & formam templi Veneris misit, significans sine illius opera, & ministerio etiam ingentia ædificia exstrui posse. Quærebat itaque an ædificium illud rectè & commodè se haberet. Rescripsit de templo, sublime illud, & cõcauum fieri oportere, vt ex loco superiori in Sacram vsque viam insignior prospectus esset, & magis conspicuum concauum ad excipiendas ludorum machinas, quæ in eo loco latenter compingi, & item ex occulto in theatrum duci possent. Quod si aliud fuit ab eo, quod posuit Cæsar votum bello Pharalico, fuit omnino prope viam Sacram, sicut & Cæsaris, videlicet post Faustinae templum, nunc S. Laurentij in Miranda. Augustus Ædem Martis Vltoris bello Philippiensi votum in suo excitauit foro, de qua Suet. ita meminit: Publica opera plurima exstruxit, è quibus præcipua forum cum æde Martis Vltoris meminit & Ouidius his carminibus.

*Vltor ad ipse suos cælo descendit honores,*

*Templaq; in Augusto conspicienda foro.*

Plin. autem dicit se vidisse Scyphos è ferro dicatos in eodem templo, anteq; ipsum duas Statuas, Alexandri Magni tabernaculum sustinentes. Cor. vero Tac.

Senatores decreuisse vt Germanicus, atque Drusus ouantes Vrbem introirent, circumq; latera eiusdem templi structos esse arcus cum effigie Cæsarum. Arbitramur autem Martis

Diux Martinæ cessisse templo,

aut certe prope  
fuisse.

*De Volcani, Concordiæ, Pacis, Romuli, ac Veneris  
Cloacinae Templo.*



**V**OLCANI Templum supra Comitium locauit Sex. Pomp. eius sunt hæc verba. Statua Ludienis, qui quondam fulmine ictus in circo, sepultus est in Ianiculo, cuius ossa postea ex prodigiis, oraculorumq; responsis Senatus decreto intra Urbem relata, in Volcanali, quod est supra Comitium, obruta sunt. Et cum Comitium, vt videbimus, sit intra Palatinum montem, Romuli & Remi, atque Pacis templum dicimus Volcani ad radices Palatini eregiōne fermè eiusdem Pacis fuisse. Dionys. de Tatio & Romulo loquens. Tractantes, inquit, in Volcani templo negotia, quod superstat Foro. Hinc constat Volcani ædem in Vrbe Romulum posuisse, contra Blondi opinionem, qui scribit Romulum existimauisse Vulcanum quidem colendum; sed, ne Vrbs incendiis esset exposita, Vrbe excludendum. cui suffragari Vitruuij hæc verba videntur: Extra murum Veneris, Volcani, Martis phana idè collocari, vt non assuescat in Vrbe venerea libido, Volcaniq; vis è mœnibus, religionibus & sacrificiis euocata, à timore incendiōrum, videantur liberari. Quod si consideremus tempora, inueniemus Vitruuium quidem cum Pompeio & Diony. optimè conuenire, Blondum verò non rectè sensisse: Nam Romuli ætate cum mille, vt ait Plut. domus tantum essent, admodum in eo ambitu raræ, non erat metu incendiij Vulcanus Vrbe excludendus, sicuti, vt hominum, ita ædificiorum Vrbe aucta; Verùm si Blon. in locorum descriptione rationem temporis habuisset, quia aliter, vt ipse vult, in primis conditæ Urbis, & nascentis reip. temporibus: aliter nata, & aucta rerum opulentiâ dedicatum sit, non tam facile in hunc incidisset errorem. Volcani templum dedicauit Tatiū, vt Solis & Lunæ, Saturni, Rheæ, Vestæ, Dianæ, Quirini. Idem Diony. tradit, sicut & Plut. Romulum secundum triumphum ducētem currum æreum templo Volcani obtulisse, eumq; prope effigiem sui ipsius collocasse, Coclitisq; Statuam in eo positam esse, & conciones solitas haberi. In huius autem area Concordiæ Templum statuit Sæx. Pomp. & Plin. Si intelligit de eo, quod Fuluius ille, libertino patre natus, vouit, si populo reconciliasset ordinem Senatorum, & equestrem, structum, annis ccccxi. post Capitolinum, summa inuidia nobilium, ex multatitia pecunia fceneratoribus condemnatis, in radice Palatini montis fuisse opinamur: non autem in Palatio, vt putat Blon. sequeretur enim, secundum ipsum, in eodem monte fuisse, & Volcani, quod adduci ad suspicanda nullo modo possum, cum in Concordiæ area à dictis auth. collocatum sit. Insecuto verò tempore Graccho, & Fuluiο trucidatis, templum hoc instauratum fuit ab Opimio Coss. summo populi dolore; Vnde noctu inscriptum fuit. **OPVS RECORDIÆ**  
**TEMPLVM CONCORDIÆ FECIT.** Appianus ait iussu Senatus erectum esse. In huius autem area Liuius refert C. Bebio Pamphilo, & L. Æmilio Coss. per biduum sanguine pluuisse. Concordiæ templum erexit & Liuiā Drusilla, ob viri cum ea concordiam, quod Tiberius dedicauit, Suet. meminit, & Ouid. ita.

*Templaq; fecisti, quam colis ipse, dea,  
Hæc tua constituit genetrix, & rebus, & ara.*

*Quod in porticu Liuiæ his carminibus collocasse ostendit.*

*Te quoq; magnifica Concordia dedicat ade,*

*Liuiā, quam charo præstitit illa viro.*

*Quo in*



Quo in loco deinde Vespasianus mira celeritate Templum Pacis, á Claudio prius inchoatum, post bella ciuilia ædificauit. cuius templi pars propè diuæ Mariæ ædem adhuc exstare videmus. Fecit inquit, Suetoni. noua opera templum Pacis foro proximum, & Iosephus. Post triumphum, & Romani Imperij firmissimum statum Paci templum ædificauit. Fuit autem hoc templum maximum longitudine, & latitudine, quadrata forma, maximis, pulcherrimisq; exornatum columnis, quarum vna ibidem adhuc est erecta tantæ crassitudinis, vt tribus vlnis vix amplectatur. In eodem templo, vasa, & ornamenta templi Hierosolymii triumpho Titi aduecta reposuit Vespasianus; & vniuersa donaria in eo consecrauit, auth. diuus Hierony. Veneremq; dedicauit. Incendio autem exhaustum esse tempore Commodi Imp. scribit Herodianus in hæc verba. Nam cum neque imbres, neque nubes, tantumq; exiguus terræ motus antecessit, seu nocturni casu fulminis, seu igni aliquo in ipso terrarum motu veluti extrito totum deimproviso Pacis templum consumptum incendio est, quod vnum scilicet opus cunctorum tota vrbe maximum fuit, atq; pulcherrimum: idem templorum omnium opulentissimum, egregieq; munitum, multoq; ornatum auro, & argento. Quippe vniuersi ferme illuc diuitias, quasi in thesaurum, congerebant. In Pacis Ganimedis Statuam fuisse ostendit Iuu. cum inquit.

*Et Ganimedem Pacis, & aduecta secreta palatia matris.*

Aram autem Pacis primus excitauit Augustus; auxit deinde Agrippa. Ouid.

*Ipsum nos carmen deduxit pacis ad aram,*

*Hæc erit à mensis fine secunda dies.*

Quo autem in loco parum liquet. Intra Pacis, & Faustinae exstat antiquissimum Templum, & eius porticus duæ columnæ, nunc diuvs Cosmæ, Damianoq; dicatum, quod. P. Vic. Remi fuisse significat: Petrus verò Lateran. bibliothecarius, & alij, Romuli, siue Quirini & Remi. idq; à Caruilio Cos. victis Samnitibus dedicatum est, atque spoliis hostium exornatum: quorum tanta fuit copia, vt non modo templum hoc, & forum, sed etiam focis ad templorū publicorumq; locorum ornatum diuiderentur, author Liuius. Var. verò vult Tatum regem Quirini dedicauisse templum: sed de eo intellexisse arbitror, cui ad radices Palatini montis, locum dedimus. Hoc autem habet primam partem in ipso ingressu circularem cum testudine, & foramine, sicut Pantheon, æneas quoque valuas, quæ prius signis æreisq; ornamentis erant conspicuæ. Sed quæ olim ad ornatum erant maximè, nunc tantum ad claudendum factæ esse videntur. Veneris Cloacinæ Ædem propè sacram viam statuit Ouid. in fast. Cloacinæ autem Simulacrum in Cloaca maxima repertum consecrauit Tatiux rex. & quia cuius esset effigies ignorabat, ex loco illi nomen imposuit.

C A P. X X X V I .

*De Telluris, Salutis, Victoriæ, Solis & Luna templo, de domo Casij; & de Armamentario.*



EMPLVM Telluris, quod in quarta regione antiquæ vrbis constituit P. Victor, Palatio propius, quam Exquilij fuisse putat Ful. Aliqui verò in Suburra, vbi nunc Ecclesia S. Saluatoris in Tellure, eregione diui Petri in vinculis. At Ser. super eo hemistichio: Lautis mugire carinis, contra Fuluij opinionem, videtur propè Exquilias collocasse, dicens Carinas intra templum Telluris esse. Quare ego crediderim fuisse propè clium, qui ducit ad prædictam diui Petri ædem, vbi nunc ecclesia diui Pan-

raleonis: cui opinioni adstipulantur, quæ sequuntur Dionysi. verba. Post Cassij mortem domus eius euerſa fuit, & hucusq; sub dialis dimittitur. is locus extra ædem Telluris, q̃ postea exstruxit ciuitas in parte quadam eius, secundum eam viam, quaitur ad Carinas. Pater ergo Fuluium, & reliquos antiquitatis authores locum ignorasse. Sempronium autem hoc templū vuisse probat L. Florus sic: Domiti hinc Picentes. Sed caput gentis Aſculum Sempronio duce, Qui tremēte inter prælium campo, Tellurem deam promissa æde placauit. Val. autē Max. ait s. p. q. r. hanc ipsam ædem designauisse in area ædium Cassij regnum affectantis, in qua patres frequenti senatu de rebus dubiis consultare solerent. quod Cic. pluribus in locis testatur, sed in ph. sic: Te autem M. Antoni appello vnū illum diem, quo in ædem Telluris senatus fuit. Ad Q. Fratrem autem inquit. De Telluris æde, & porticu Q. Catuli me admones, sit verūque diligenter; ad Telluris quidem etiam tuam Statuam locaui: & pro domo sua, Sp. Cassij domus ob eandem causam euerſa est, atque in eodem loco ædes posita Telluris. Alibi verò ad Telluris Armamentarium fuisse sic memorat. Putant enim nonnulli ad me pertinere Armamentarium Telluris aperire. In hoc ambitu fuit Salutis Ædes, vota bello Samnitico à C. Iunio Bibaculo Cos. ab eodemque Cenfore locata, & Dictatore dicata. Liuius author. Habuit hæc pars situs Vrbs Victorix Ædem, quam prope forum L. Volumnius Ædilis ex multatitia pecunia faciendam curauit. Habuit & Apollinis Aram, de qua meminit Solinus, & Liuius. Pomp. Lætus vult Concordiæ, & Æsculapij templum fuisse in hortis diuæ Mariæ Nouæ, versus Amphitheatrum: Isidis autem & Serapidis autumat Fuluius, quod P. Victor scribit tertiæ Vrbs regionem fuisse Isidis, & Serapidis, in qua ea sunt templa, & quod Vitruuius ita dicit: Temp̃la dijs sic distribuenda, Mercurio in foro, Isidis & Serapidis in emporio: quodque Var. innuit emporiū ibi fuisse sic; huiusce, inquam, pomarij summa Sacra via. Ego vero Solis, & Lunæ crediderim, cum ex duabus testudinibus duorum templorum videamus alteram ortum solis: alteram vero occasum spectare, Varroque tradat Tatium regem Solis, Lunæ, & Volcani ædes dedicauisse, quæ inuicem prope erant.

## CAP. XXXVII.

*De Foro Traiani, & de ysguin eo  
fuere, vel sunt.*



INSTAURATIS maxime locis sacris, ac renouatis, quæ ad hominum memoriam, & laudem spectant, breuiter restitua-  
mus, ab optimoque illo Traiano auspicemur. Traiani igitur Forum fuit inter Neruæ, Capitolium, & collem Quirinalem, cuius architectum Apollodorum fuisse, his verbis ostēdit Dionysi. Hadrianus Apollodorum architectum, qui Traiani forum Metodeum, & Gymnasium, illo iubente, fabricauerat, primum Vrbe expulit: postea interfecit. Huius autem fori tectum æneum fuisse, scribit Pauſ. Gellius, in foro, inquit, Traiani simulacra sunt sita circumundique inaurata equorum, atque signorum militarium, subscriptumque est, ex manubijs. Quæ simulacra ob aliquod in rep. meritum sumptu publico locari consueuisse, ostendit titulus excisus in marmore, in eodem foro reperto, qui est talis.

ANNIO PAVLINO IVN. PROCOS. ASIÆ ET HELLES PONTI COS.  
ORDINARIO PRÆFEC. VRBI VICE SACRA IUDICANTI OB  
MERITVM NOBILITATIS ELOQVII IVSTIGIÆ ATQVE CENSV-  
RAE



RÆ QVI PRIVATIM ET PVBLICE CLARVS EST PETITV PO. ROM. TESTIMONIO SENATVS IVDICIO D. D. N. N. TRIVMPHATORVM AVGG. CÆSARVMQ. STATVAM SECVNDAM AVRO PERFVSAM LOCARI SVMPTV PVBLICO PLACVIT.

Huius autem Porticus cum amplissimis, excelsisq; columnis, magnisq; epistylis tantam afferebat intuentibus admirationem, vt non hominum, sed Gigantum manu omnia facta crederetur, in qua summorum virorum statuas pulcherrimas vndiq; ab Alexandro Seuero translatas fuisse admonet Lampridius. Ad quem nempelocum cum Constans Constantini filius peruenisset, singularem structuram primum attonitus cernens, perq; giganteos contextus circumferens mentem, omni spe talia conficiendi amota, Traiani equum solum locatum in atrij medio imitari se velle dicebat: cui regalis Ormida respondit. Stabulum prius tale condas. Huius autem equi imaginem in eius numismatibus vidimus, cum hoc indice.

S. P. Q. R.

OPTIMO PRINCIPI.

Ex columnis vero, quas diximus, duæ miræ magnitudinis sub tellure adhuc iacent prope ecclesiam S. Mariæ cognomento Loreti. Forum autem exornauit etiam Arcus triumphalis eiusdem principis, de quo Dionysius sic loquitur. Triumphalis tunc arcus, præter alia multa, quæ in honorem eius, & decreta & facta fuerant, in illius foro substructus est. Traianus quidem inibi Palatium etiam variis marmoribus, intus vero picturis, statuisq; exornatum habuisse dicitur: Vopiscus vero scribit Aurelianus Imperat. iussisse tabulas publicas ad priuatorum securitatem in Traiani foro exuri. In cuius medio stat adhuc cochlidis eius Columna, in qua circumquaque rerum gestarum Simulacra ipsius mira arte cælata visuntur: & in primis Dacicum bellum. Intus verò gradus centum octuaginta quinque in eius fastigium præbent ascensum, habet autem fenestellas quadraginta quinque: altitudinem vero pedum centum viginti octo, vel, vt scribit Eutropius, centum quadraginta: in summo Traiani ossa aurea pila condita fuere: quanquam Dionysius ait Hadrianum in Columna ossa Traiani condidisse, cuius sunt hæc verba: Ingentem Columnam in Foro statuit, siue vt ea pro sepulcro esset, siue in ostentationem eius operis, quod ille circa Forum egit. Clius surgebat, quem effossa quoquo versus terra ita complanauit, vt vndiq; Columna conspiceretur, forumq; deinde in aræ modum æquatum mansit. Hanc autem Columnam Traiano bellum gerenti apud Parthos Senatui dedicauisse, ipsumque principem eam non vidisse ferunt. nam è Persis rediens apud Seleuciam Syriæ Urbem fluxu sanguinis decessit. Hunc vero solum omnium Imperatorum in Vrbe sepultum esse tradit Eutropius. Quod autem in Columna ratio est. quia apud maiores, principes, nobilesque sub montibus sepeliebantur. Hinc Virgil.

*Monte sub æro, qui nunc Misenus ab illo  
Dicitur.*

Et cum in omnibus locis, vbi erant sepulcra excitanda, non essent montes, natum est vt super cadauera, aut pyramides fierent, aut ingentes collocarentur Columnæ, quæ licet propriè sint, quæ culmen sustinent, tamen & ad magnificentiam erectæ hoc nomine appellantur; qualis hæc, in cuius basi talia leguntur.

S. P. Q. R. IMP. CÆSARI DIVI NERVÆ NERVÆ TRAIANO AVG. GERM. DACICO PONTIF. MAXIMO. TRIB. POT. XVII. IMP. VI. COS. VI. P. P. AD DECLARANDVM QVANTÆ ALTITVDINIS MONS ET LOCVS TANTIS OPERIBVS SIT EGESTVS.

## CAPVT XXXVIII.

*De Foro, Palatio, & Porticu Nervæ.*

NERVÆ autem Forum occurrit post ædem nunc S. Hadriani in tribus foris, in medio cuius columna cinea ingentis magnitudinis existens, tectum ex laminis aurichalci extructum, sustinebat, intrinsecus vero lumen erat ambiguum, auth. Paul. Hoc forum iam antea inchoauerat Domitianus. Suct. No-uam, inquit, excitauit ædem in Capitolio Ioui custodi, & forum, quod nunc Nervæ vocatur. Fuisse autem variis columnis, & statuis exornatum testatur Spartianus de Alexandro Severo loquens, his verbis: Statuas iocosas vel pedestres nudas, vel equestres Diuis Imperatorib. in foro Nervæ, quod nunc Transitorium dicitur, locabat. omnibus cum titulis & columnis æreis, quæ gestorum ordinem continerent. Transitorij inde traxit nomen, quod ab eo in Augusti Cæsaris, & Romanum forum transfiretur. Exstare enim adhuc videtur pars Porticus ipsius fori incendio absumpta, cum quibusdam columnis excelsis & pulcherrimis, vbi literæ leguntur titulos Nervæ præseferentes, quæ sunt huiusmodi. IMP. NERVÆ CÆSAR. TRIB. POTEST. II. IMP. II. collapsis epistylis defunt nonnulla. is locus corrupto vocabulo pro arcu Nervæ, Arca Noçi dicitur. Eiusdem Nervæ Palatij pars ex lapidibus quadratis, ingentesq; columnæ cernuntur adhuc inter Comitum, & Militiæ turrim, cum Ecclesia S. Basilij inclusa.

## CAP. XXXIX.

*De Secretario Populi Romani, Arcu Septimij, Templo Saturni, ac de Ærario, & Officina cudendipecuniam.*



OST autem Marforij simulacrum, eregione arcus Septimij, sequitur ædes Diuæ Martinæ nunc sacra, vbi olim Secretarium populi Romani fuisse, in marmore incisus index probat huiusmodi. SALVIS. DD. NN. HONORIO ET THEODOSIO VICTORIOSSISSIMIS PRINCIPIBVS. SECRETARIVM AMPLISSIMI SENATVS QVOD VIR INLVSTRIS FLAVIANVS ANNIVS INSTITVERAT: ET FATALIS IGNIS ABSVMPSIT: FLAVIVS ANNIVS EVGARIVS EPIFANIVS. VC. PRÆF. VRB. VICE SACRA IVD. REPARAVIT. ET AD PRISTINAM FACIEM REDVXIT. Eregione huiusce ædis ad radices rupis Tarpeiæ stat adhuc Arcus, vt diximus L. Septimij, omnium pulcherrimus, & parum mutilatus: in vtroque frontispicio ciliis incisæ sunt alatæ victoriæ cum Trophæis & terrestres, naualisq; belli simulacra, cum hac inscriptione.

IMP. CÆS. LVCIO SEPTIMIO. M. FIL. SEVERO. PIO. PERTINACI AVG. PATRI PATRIÆ. PARTHICO. ARABICO. ET PARTHICO ADIABENICO PONTIF. MAXIMO TRIBVNIC. POTEST. XI. IMP. XI. COS. III. PROCOS.



PROCOS. ET IMPER. CÆSA. M. AVRELI. L. LIL. ANTONINO AVG.  
PIO FELICI TRIBVNIC. POTEST. VI. COS. PROCOS. P. P. OPTI-  
MIS FORTISSIMISQVE PRINCIPIBVS. OBREMPVBLICAM RESTI-  
TVTAM IMPERIVMQVE POPVLI ROMANI PROPAGATVM INSIGNI-  
BVS VIRTVTIBVS EORVM DOMI FORISQVE.

S.

P.

Q.

R.

Habet hic arcus à latere marmoreos gradus, per quos ego multoties euasi ad fastigium. Illud autem sciendum Seuerum triumphum respuisse, ne de civili victoria videretur triumphare, tum etiam quod morbo articulari in curru haud facile cōsistere poterat. Sequitur statim recta nunc Diui Hadriani, olim Saturni Templum à Numatio Plancō conditum, auth. Suet. vel instauratum, quia constat antiquissimum esse. Et quidam dicunt inscriptionem locationis accepisse T. Largium. Var. autem L. Tarquinius regem, ipsum Largium dedicauisse. Liuius vero A. Sempronio & M. Minutio Coss. ait esse dedicatum, & à Plancō restitutum. In quod ex Capitolino ærarium Po. Ro. translatum ferunt, vt etiam Asc. significare videtur his verbis: Dum testes examinarentur (agebatur enim causa pro Roftris) Pompeius ad Ærarium sedēs tumultu Clodianæ multitudinis perturbatur, & mox: Euntibus ad tabellam ferēdam postero die iudicibus, clausæ fuere tota vrbe tabernæ, præsidia in foro, & circa omnes fori aditus Pompeius disposuit; ipse pro ærario, vt pridie, confedit. Ærarium in Saturni templo ideo reponit Sex. Pomp. & Macrobius, quod sub illo nullum furtum fuerit commissum, aut quia nihil erat cuiusquam priuatum. Plut. in prob. quærens causam cur ærarium fuerit in æde Saturni: an, inquit, ex eo quod fama obtinuit, Saturni tempore, nec auaritiā, nec improbitatem vsquam in hominibus fuisse, sed iustitiam, & fidem. Cyp. autem refert Saturnū in Italia primum instituisse nummos signare; & propterea Saturni ærarium vocari. In ærario promulgata seruabantur: Cic. tertio de le. Qui agent auspicia seruanto: Auguri publico parento: Promulgata propofita in ærario cognita agunto. Seruabantur & libri elephantini, in quibus. XXXV. essent conscriptæ tribus, omnesque publicarum rationum libri. Sue. in Cæsaris rebus gestis: Tabulas veteres ærarij, & debitorum vel præcipuam calumniandi materiam, exussit. Seruabantur & signa militaria, Liuius: Signa inquit, eo die à Quæstoribus ex ærario prompta; quorum duo communia erant, roseum pro peditibus, cum titulo. s. p. Q. R. & ceruleum pro equitibus, color enim ceruleus est maris, à deo cuius inuentum equum fabulantur. Asc. dicit veterum diligentiam fuisse, vt quod quisque de subiugata prouincia per triumphum apportauisset, perscriptum in tabulis in ærarium reponendis conseruaretur, idq; etiam Cicer. tertia actione in Ver. hinc L. Florus ait Catonem Cyprias opes Liburnis per Tyberinum hostium inuexisse, quæ latius ærarium Pop. Rom. quam vllus triumphus impleuere. & Liuius primo decadis quintæ Ap. Claudium Centonem ex Celtiberis ouantem milia pondo argenti, & quinque milia auri in ærarium tulisse. Censores in Saturni iusiurandum subire cogeabantur. Inter hanc diui Hadriani, & Castoris Pollucis que olim templum eudendi pecuniam

prificis temporibus stabat Officina, argumento quod eo loco

vidimus effodi ingentem numorum copiam, eius

pretij, vt coniectura assequebamur, cuius

nunc est quadrans, cæterum

igne corrupti.

*De Miliario Aureo, Ponte Caligula, & de  
Rostris ac Curia.*



**M**ILIARIUM autem aureum in capite fori Romani collocatur à Plinio; à Cornel. verò Tacit. iuxta Saturni ædem, narrante cohortem ad aureum Miliarium sub æde Saturni perexisse, vterque rectè. Erat autem Miliarium aureum columna propè arcum Septimij, in qua incisæ omnes Italia viæ finirent, & à qua ad singulas portas mensuræ regionum currerèt. Meminit Suet. his verbis: Ergo destinata die præmonitis consciis, vt se in foro, sub æde Saturni, ad Miliarium aureum opperirètur, mane Galbam salutauit. Caligula per forum Romanum à colle palatino ad Capitolinum pòtem Marmoreum duxit; quo nihil ambitiosius tota vrbe: sustentabatur enim octuaginta ingentibus columnis candidissimi marmoris, quarum tres ad huius, totidemq; ad illius montis radices adhuc stantes cernuntur, propè quas paucis ante annis effosa fuere marmora cum circulari huiusmodi inscriptione. VICENALIA IMPERATORIVM. Altera autem pars habuit sacerdotes tau- rum sacrificantes. Secus ipsum pontem, in medio foro, atque eregione ædis diui Hadriani exstat ingens marmorea columna, quam existimo vnâ ex illis esse, quæ equum æneum inauratum Domitiani sustinebant, de quo quidem equo Papinius mentionem sic facit.

*Qua super imposito moles gemmata colosso*

*Stat Latium complexa forum.*

Ad pedes cuius procubuit Rheni flum. Germaniæ simulacrum, de qua prouincia triumphum egisse Domitianum diximus, & idem author tetigit, cum inquit.

*Ænea captiui crinem tegit vngula Rheni.*

Cui simulacro Marforium nunc dicunt nomen. Ex rostris nauium Antiatiũ suggestum in foro, quod Rostra denominauere Romani, fabricatum esse, Lilius sic commemorat. Naues Antiatum partim in naualia Romæ subductæ, partim incensæ, Rostrisq; earum suggestum in foro extructum adornari placuit, Rostra- que id templum appellatum. Romanum forum vbi nunc Rostra sunt, ait Ser. Fuere autem Rostra ad radices Palatij, vbi nunc diuæ Mariæ liberatricis est sacellum, in medio foro. Vnde Appianus loquens de capite Marij iunioris abscisso, narrat Syllam fori in medio, ante Rostra, illud appendisse. Quod autem M. Var. dicit fuisse ante curiam Hostiliam, sic accipimus, inquit Blondus, vt partim curia Hostilia à Cælio monte, in quo eam fuisse certissimum est, pro sui magnitudine Rostra versus, partim Rostra à Palatino monte in illam protenderentur. Hæc profecto rationem, si quis locorum sitũ consideret, planè absurdam, & ineptam iudicabit, nimirum viam expeditissimam, quæ deinde Appia est denominata, omnesq; Palatij fermè aditus occupassent. præterea non fit verisimile in ea rerum frugalitate tam amplam, tamq; magnificam curiam Tullum ædificauisse. Quare dicimus fuisse Rostra Noua ad radices Palatini montis, & Vetera apud Curiam. De nouis quidem paulò ante Ser. meminit, de veteribus verò Suet. in funere Augusti, his verbis: Bifariam laudatus est, pro æde diui Iulij à Tiberio, & pro Rostris veteribus à Druso Tiberij filio, ac Senatorum humeris delatus in Campum, crematusq; Afc. scribit Clodij corpus, vt vulnera videri possent, delatum in foro, & pro



pro Rostris positum, populumque deinde in Curiam tulisse, atque cremauisse, eoque igne Curiam, Portiamque basilicam ei coniunctam conflagrasse. subdit longe post: Erant enim Rostra, non eo loco, quo nunc, sed ad Comitium prope iuncta Curiae. Si ergo Rostra in Comitio ante Curiam, ut vult Var. dicimus fuisse, intelligendum est duas extitisse Curias Hostilias, vnam prope forum, ubi nunc templum Pacis, in cuius ruinis inuentum est marmor cum indice huiusmodi. IN CVRIA HOSTILIA. aut certe iuxta ipsum, ut possit Rostra ante se habere. altera vero in Caelio monte, de qua infra videbimus. In Rostris agebantur causae, quemadmodum apud Liuium legitur de Virginia, utrum serua, an libera esset. ferebantur leges auth. Cicer. pro Rab. habebantur conciones, idem in Pis. Cæsar Iuliam amitam, vxoremque Corneliam defunctas pro Rostris laudauit. Sueto. & Plut. auth. Plinius, concionaturi, inquit, Rostra ascendebant. In eisdem clarissimorum virorum statuæ erigi solebant. hinc Cicer. in ph. Cn. Octauij clari & magni viri, qui primus in eam familiam, quæ postea viris fortissimis floruit, attulit consulatum, Statuam videmus in Rostris. Asc. pro M. Scauro Camilli togatam, sine tunicis in his collocat. ante hæc vero Appianus Syllæ equestrem ex auro conflata, cum hac inscriptione. COR. SYLLÆ IMPERATORI FORTVNATO. In præclaro fori Romani loco, pro Rostris, super leonem lapideum impositum fuisse corpus Faustuli, qui ibi cecidit, dum certamen Romuli, & Remi dirimere vellet, tradit Diony. M. autem Var. post Rostra Romuli sepulcro locum fecit. Fuit pro Rostris Hercules statua tunicati, habitu æleo, facie torua: subscripta.

L. LVCVLLVS IMPERATOR DE MANVBIIS HOSTIVM DEDICAVIT.

Plin. Sibyllæ, inquit, tres iuxta Rostra in foro sunt, vna, quam Pacuuius Taurus ædilis Pli. instituit, duæ, quas M. Messalla. Inter antiquissimas fuere Tullij Cælij L. Roscij, & Sp. Maticij Fulcinij à Fidenatibus, & Gn. Octauij apud Antiochum in legatione interfectorum. Propterea L. Florus ait Romæ capita cælorum proponere in Rostris vitatum esse.

## CAP. XLI.

*Di Lacu Curtio, Cloaca Maxima, & Doliola.*

Var. refert in foro Romano Lacum Curtium fuisse, priusquam cloacæ essent, per quod innuit Cloacam per ipsum lacum sequenti tempore deriuatam, quam alta tellure operam vidimus nuper in radicibus Palatini montis, per forum Romanum fluentem, perque eiusdem montis radices in Velabrum, & inde cadentem in Tyberim. Quare patet lacum Curtium, sicut & Cloaca Maxima, in medio foro extitisse, haud procul ab equo Domitiani, hinc Papinius.

*Ipse lacus custos, cuius sacrata vorago,  
Famofusq; lacus nomen memorabile seruat.*

Cum igitur dictum sit equum Domitiani stetisse in medio foro, ubi nunc vnicæ erecta cernitur columna, præter alias rationes, ex his Statij carminibus iudicamus lacum Curtium fuisse in hortis dictæ columnæ adiacentibus. Diony. Est, inquit, hic locus repletus, vocaturque ab illo casu lacus Curtius in medio maxime Romani fori. Liuius: Eodem anno seu motu terræ, seu qua vi alia, forum medium ferme specu vasto collapsum in immensam altitudinem dicitur, nec eam voraginem coniectu terræ, quum pro se quisque gereret, expleri potuisse, priusquam deum monitu quæri cœptum, quo plurimū Populus Romanus posset, id enim illi loco dicandum vates canebant, si remp. Rom. perpetuam esse vellent, rum M. Curtium iuuenem bello egregium castigasse ferunt dubitantes, an vllum

magis Romanum bonum, quam arma virtusq; esset: silentioq; factò templa deorum immortalium, quæ foro imminet, Capitoliumq; intuentem, & manus nunc in cælum, nunc in patentes terræ hiatus ad deos manes porrigentem, se deuouisse, equo deinde quam poterat maximè exornato, insidentem armatum se in specum inimisisse, donaq; ac fruges super eum à multitudine virorum ac mulierum congestas, lacumq; Curtium, non ab antiquo illo T. Tatij milite Curtio Metio, sed ab hoc appellatum. At de hac re cum triplex sit historia, hanc sequitur Val. Max. & Porcilius. Piso verò in annalibus bello Sabino, quod fuit Romulo & Tatius, virum fortissimum Metium Curtium Sabinum Romulo cum suis ex superiore parte impressionem faciente, in locum palustrem, qui tum fuit in foro, antequam cloacæ essent factæ, secessisse, atq; ad suos in Capitolium illæsum peruenisse, ab eoq; lacum inuenisse nomen memoriæ prodidit. Cornelius verò & Lucceius eum locum esse fulguratum, & ex S. C. à Curtio Cos. septum, & ab eo lacum Curtium appellatum, apud quem Galbam interfectum, & morientem sanguine lacum ipsum infecisse ait Cor. Tac. & Suet. Sequitur Cloaca Maxima, de qua ita scribit Liuius. Tarquinius foros in circo faciendos curauit, cloacamque Maximam receptaculum omnium purgamentorum Urbis sub terram agendam, quibus duobus operibus vix noua hæc magnificentia quicquam adæquare potuit. Eundem ferè sensum Plinij hæc habent verba. Cloacam operum omnium dictum maximum suffossis montibus, Vrbe pensili, subtus nauigata fecit. Hæc autem ad Iouis Statoris ædem in tres ductus diuiditur, quorum duo nunc clausi, tertius limpidissima fluens aqua in Velabro ostenditur, deinde canali è faxis quadratis extructo in Tyberim, vt dictum est, dimittitur. Plures fuisse Urbis cloacas sic ostendit idem Liuius: Post incensam Urbem à Gallis, dum instauraretur, festinatio curam exemit vicos dirigendi, dum omisso sui, alieniq; discrimine in vacuo ædificant, ea est causa, vt veteres Cloacæ primo per publicum ductæ, nunc priuata passim subeant tecta, formaq; Urbis sit occupatæ magis, quam diuisæ similis. Quod si tunc difficile, difficillimum certè nunc videri potest, vt quis Urbis regiones diuidere possit, cum locorum & viarum vestigia vix existent, & ea quidem perpauca & incerta. Quare nos non more prisco regiones diuisimus, verum eo ordine, quo omnia faciliora, & magis perspicua videri possunt. Sed ad rem redeamus. Cloacarum autem curatores fuisse inscriptio in marmore apud pontem Aurelium inuento, huiusmodi.

IMP. CÆSARIS DIVI TRAIANI PARTHICI. F. DIVI NERVÆ NEPOTIS TRAIANI ET ADRIANI AVG. PON. MAXI. TRIB. POT. XXII. IMP. II. CONS. III. TIRR. RVSTICVS CVRATOR ALVEI ET RIPARVM TYBERIS ET CLOACARVM.

Rurfus in alio marmore.

EX AVTORITATE IMP. CÆSARIS DIVI NERVÆ. F. NERVÆ TRAIANI AVG. GER. DACI. PONT. MAX. TRI. POT. VII. IMP. II. COS. V. PP. IVLIVS FEROCVS CVRATOR ALVEI ET RIPARVM TYBERIS. ET CLOACARVM VRBIS TERMINAVIT RIPAM. R. R. PROX. CIPP. PER. CXV. A. FABIO. A. F.

Cloaca, inquit Pompeius, à cloacando, id est, inquinando, vel à colando, id est, fluendo. Iuxta Cloacam erat locus, qui vocabatur Doliola, à Doliolis sub terra, vbi non licebat spueri. vetustior autem memoria est eo in loco mystica quædam Numæ condita esse, sunt qui putant Gallo-  
rum senonum cineres.



*De Comitio, Templo Veneris Genetricis, Statuis & simulacris, quæ in eo & Foro Romano fuere, ac de Cæsaris Columna.*



COMITIUM Fori Romani partem esse superius dictum est, incipiens à porta Palatii, terminansq; apud ædem Diuæ Mariæ Nouæ: ita appellatum, quod fœderis conditiones ibi inter Tatium & Romulum firmatæ, sancitæq; sint, vnde à coeundo Comitio nomen mansit, auth. Plut. Asc. ait Comitium esse locum propter Senatulum, quo coire equitibus & populo Romano liceret. Blondus verò quo coibant Comitii centuriatis, & litium causa, neque ibi Consules, Prætores, Ædiles, Censores & Tribunos, sed in Campo Martio, fuisse delectos. Subdit deinde. Locus autem ita euauit, vt post diruta iam pridem, quæ solo supereminebant ædificia, effodiendis fundamentorum lapidibus in calcem coquendis, intra sanctorum Hadriani & Laurentij in Miranda basilicas, interq; fora Magnum & Neruæ transitorium, multo sudore decimo tandem anno inspexerimus, hæc in triumphanti Roma. In instaurata verò, inter turrim, quæ Pallara appellatur, & lacum Curtij, collisq; Palatini radices, & Faustinae monumenta fuisse commemorat, in qua quidem re sibi cōtradicit. Etenim attendere diligenter si velimus, quæ supra ex Cor. Tac. de ficu Ruminali adducuntur, illa explosa, hanc comprobabimus sententiam. Satis enim constat ficum Ruminalem, quam in Comitio statuit, in Palatii radicibus fuisse, consequens ergo est & ibi Comitium, de quo meminit Cicer. pro Sex. Is locus diu caruit tecto. eo autem anno, quo primum Annibal in Italiam venit, tectus fuit, vt docet Liuius septimo bell. pun. qui tamen trigesimo aliter sentire videtur, cum dicit Comitia indicta perfici tempestates sæpe prohibuisse. Longo autem tempore post Cæsar locum instaurauit, authore Tranquillo. & Asc. Ludi sæpe in eo celebrati sunt, inibiq; libri Sibyllini P. Cornelio, & M. Bebio Coss. cremati, vt in Numæ vita scribit Plut. In Comitio fuit Coclitis Statua, quæ cum de cælo tacta esset, ex aruspiciis responsis in area Vulcani, loco altiori, posita est, ex qua re bene Pop. Roman. successit: Liuius. In cornibus verò eiusdem Comitij fuit statua Pithagoræ & Alcibiadis, in gradibus vero ad læuam Curia Actij, Plin. author, cuius Actij cotem, & nouaculam ibidem defossam, superque impositum Puteal ait Cicero, idemq; Liuius. Statæ matris Simulacrum in foro colebatur, postquam id collustrauit, ne lapides igni corrumperetur: qui plurimus ibi fiebat nocturno tempore, magna pars populi in suos quisque vicos retulerunt eius deæ cultum, vt refert Sex. Pompe. In foro, ante Veneris Genetricis ædem, fuit Cæsaris statua, equestris, & Q. Marcij ante Castoris, equestris & ipsa, ac Tremellij togata, æream. M. Attio velatam in eodem foro posuit Tarquinius: Plinius vero Cæsaris Simulacrum cometam in capite habens. At hoc in loco si statuas præclaris viris in Foro Romano, sicut in Rostris erectas recensere vellem, finem profecto non inueniret oratio. Illud autem satis erit admonuisse, hoc munere dignos habitos esse eos omnes, qui, vt diximus, aliquod egregium facinus obissent pro republic. aut mori non dubitassent, quod probant Cicer. hæc verba: Ac si tunc P. Sextius Iud. in templo Castoris, animam, quam vix retinuit, edidisset, non dubito quin, si modo esset in republ. Senatus, si maiestas Pop. Roman. reuixisset, aliquando statua huic ob rempubl. interfecto in foro statueretur. Nec vero illorum quisquam quos à maioribus nostris morte obita positos in illo loco,

atque in rostris collocatos videtis, effert P. Sextio præponendus. Populus autem Romanus in Cæsaris gratiam Columnnam marmoream lapidis numidiæ x x. pedum, cum Titulo hoc. PATRI PATRIÆ. in foro statuit, de qua Lactantius meminit, & idem Cicer. in hæc verba. Talis animaduersio fuit Dolabellæ cum in audaces, sceleratosq; seruos, tum in impuros, & nefarios liberos, talisq; euersio illius execrata Columnnæ, vt mirum mihi videatur tam valde reliquum tempus ab illo vno die dissenfisse.

## C A P. XLIII.

*De Columna Mœnia, Pila Horatia, De Cæsaris Constantini, Domitianiq; Equo, ac de Templo, & Ara eiusdem Cæsaris.*



OLUMNAM habuit Forum Mœniam denominatam, à qua Labeo iureconsultus Mœniana deduxit, cum inquit. Inter immisum & proiectum hoc interesse putant, quod proiectum esset id, quod ita prouheretur, vt nusquam requiesceret, qualis Mœniana, & subgrunda essent. Immisum, quod in aliquo loco requiesceret, veluti tigna, trabes, quæ immitterentur. In quæ verba cum ANTONIVS Triuultius, & SCARAMVTIA eius frater nobilissimi adulescentes, & in iuris ciuili scientia supra ætatem egregie docti, incidissent, rogarunt me, vnde dicerentur Mœniana, quibus ita responsum est: Mœnius cum domum suam venderet Catoni, & Flacco Cens. vt ibi Basilica ædificaretur, exceperat ius sibi vnus columnæ, super quam tectum proiiceret, & prouolantibus tabulatis inde ipse, & posteri eius spectare munus gladiatorum possent, quod etiam tum in foro dabatur: ex illo igitur Columna Mœnia vocitata est, hinc Mœniana. Mœniana, inquit Sex. Pomp. à Mœnio censore, qui primus in foro vltra columnas tigna proiecit, quo ampliantur superiora spectacula. De Columna meminit Asc. & Cic. de Diu. ac pro Sex. in hæc verba. Venit, vt scitis, ad Columnnam Mœniam, tantum est ex omnibus spectaculis vsque à Capitolio, tantus ex fori cancellis plausus excitatus, vt nunquam maior consensio. Fuit enim in ea parte fori, vbi Basilica Portia, de qua infra erit mentio. In foro, inquit Diony. erat petra angularis, super qua posita fuerant spolia Tergeminorum Albanorum, Pila Horatia dicta, sed arma collapsa sunt vetustate. Decorauit autem forum Romanum equus Cæsaris, & Constantini, sicut Domitiani, Atrium Mineruæ, & Tabernæ Nouæ, ac Veteres, de quibus sic loquitur Liuius: Eodem tempore septem Tabernæ, quæ postea quinque, & argentariæ, quæ nunc Nouæ appellantur, arserunt. De his intellexit Iuuenalis cum dixit, sed quinque tabernæ quadraginta parant. In foro magistratus

Imperium Romani deponere consuevere, auth. Herodianus. Appianus memoriæ prodidit cadauer Cæsaris in forum relatum, eoq; in loco Aram, mox Templum illi erectum esse.



*De Foro Cæsaris, Basilica, & Bibliotheca Pauli.*

POSITIS iis, quæ ad Fo. Ro. pertinere videbantur, redeamus ad Templum Saturni, vnde digressi sumus de ærario locuti; videamusq; quid post ipsum ad latus eiusdem fori in ortum æstium vergens fuerit, aut sit. sed in primis de Foro Cæsaris, quod (vt quorundam est opinio) fuit in eo loco, qui post Faustinae Templū valde depressus cernitur, de quo sic loquitur Appianus. Post victoriam cōtra Pompeium Cæsar Atrium Templo Veneris circumduxit, quod Romanum forum esse voluit, non rerum quidem venalium, sed eorum quæ ad iura conuenirent. In hoc statuas pulcherrimas collocauit, inter quas loricatam sibi dicari passus est. Breui quidem, ait Plin. spatio forum, sed inter Urbis ornamenta perspicuum Area supra sextertium milles constitit. Pauli Basilicam Cic. in medio foro statuit, verba ipsius ex lib. quarto ad Atticum hæc sunt: Paulus in medio foro Basilicam iam penè texuit, iisdem antiquis columnis; Illam autem quam locauit fecit magnificentissimam: Hanc Plin. inter Urbis magnifica enumerat, columnis ex phrygibus mirabilem. Papinius autem Domitiani equum describens à sinistra Pauli regiam posuit his carminibus.

*Ad laterum passus hinc Iulia templa tuentur,*

*Illinc belligeri sublimis regia Pauli,*

*Cæsar pater, blandq; videt Concordia vultu.*

Cæsar, inquit Plut. Paulum Æmiliū collegam Caij Marcelli in consulatu mille & quingentis talentis sibi amicum, defensoremq; parauit, ex qua mox pecunia nobilissimam ille in foro Basilicam exstruxit, quæ Pauli Basilica dicebatur; Quæ publicam constituisse refert Appianus. Fuit autem prope Castoris & Pollucis Templum, quo in loco vidimus effodi multa frustra earum columnarum, quibus mirabilem fuisse dicit Plin. In hac ad Ianum stabant fœneratores: Vnde Hor. Hæc Ianus summus ab imo perdocet. Et in Sermonibus. Postquam res mea Ianum ad mediū fracta est. Cic. Ita ne? Ianus medius in L. Antonij clientela sit quæ vnquam in illo Iano inuentus est: qui L. Antonio mille nummum ferret expensum. Eiusdem Pauli Bibliothecam Basilicæ iunctam fuisse, quibusdam authoribus crediderim.

*De Foro Augusti, Porticu Antonini, Faustinae & Liuiæ, ac de Cæsaris domo.*

ORVM Romanum, Cæsaris, & Augusti inuicem prope fuisse innuit Papinius in syluis cum dicit.

*Nec saltem tua dicta continentem,*

*Quæ trino iuuenis foro tonabas.*

Et Mart. his carminibus.

*Causas, inquit, agam Cicerone disertius ipso,*

*Aug. erit in triplici par mihi nemo foro.*

Augusti autem forum licet apud Marforij simulacrum quidam ponant, nonnulli tamen post Faustinae templum, sed prior opinio magis probatur. Breue quidem, sicut etiam Cæsaris, fuit, quia ipse princeps non est ausus proximas domos possessoribus extorquere, erat tamen multis statuis ornatisimum. Inerat enim Castoris & Pollucis cum victoria Alexandri Magni. Coruini & in eius casside pu-

gnacis corui simulacrum. Apollinis eburnea, de qua Hor. Sic me seruauit Apollo: & Iuu. Iurisq; peritus Apollo. Fori autem extruendi causa fuit hominum, & iudiciorum multitudo; quæ videbatur, non sufficientibus duobus, etiam tertio indigere, itaque festinantius, necdum perfecta Martis æde, publicatum est, cautumq; vt separatum in eo publica iudicia, & sortitiones iudicum fierent, sanxitq; vt de bellis & triumphis hic consuleretur Senatus. Prouincias cum imperio potituri hinc deducerentur; quique victores rediissent huc insignia triumphorum inferrent. Quod forum instaurauit postea Hadrianus, auth. Spart. Idem Suet. docet, forum ipsum duas Porticus habuisse, in quibus statuas omnium triumphali effigie dedicauit Augustus. Blon. autem in Roma triumphanti hoc forum, & Martis Templum in Campo Martio his restituit verbis. Campi Martij proprium locum fuisse ostendimus, cui columna Antonina fuit apposita, eoq; continebatur Campo Augusti forum, templo Martis contiguum. Sed quum Suet. dicit breue forum struxisse, quia non est ausus proximas domos possessoribus extorquere, & extruendi causam hominum, & iudiciorum multitudinem fuisse: satis ostendit, sicut & P. Victor, in celeberrima Urbis parte stetisse: cum Campus Martius extra Urbem; neque priuatorum domibus occupatus, latissimum, cui-cunq; foro, præberet cæpum. Quare Blondi opinio prorsus reiicienda. Porticus Antonini & Faustinae pulcherrimæ, variisq; marmoribus exornatæ exstant apud Diui Laurentij in Miranda Columnæ ingentes: cum huiusmodi indice.

DIVO ANTONINO ET DIVÆ FAUSTINÆ EX S. C.

Fuit autem in via Sacra, in qua via publica domo, sita vbi templum Pacis, Cæsarem habitauisse scribit Suet. quam domum Augustus à Liuiæ nepte nimis sumptuose ornatam, solo æquari iussit; in cuius area excitata est deinde Porticus Liuiæ. Plin. tradit Cæsarem Dictatorem totum forum, viamq; Sacram à domo sua ad cliuum Capitolinum, in munere gladiatorio linteis operuisse. De domo & porticu Ouid. in fast. sic meminit.

*Disce ramen veniens ætas, vbi Liuiæ nunc est*

*Porticus, immenso tecta suere domus.*

At de porticu etiam primo de arte ita.

*Nec tibi vitetur, quæ priscis sparsa tabellis*

*Porticus, authoris Liuiæ nomen habet.*

Dion refert Neruam in Augusti foro, nunc in porticu Liuiæ pro tribunali litigantes audiuisse. Claudiam etiam porticum appellatam accepimus. Mar.

*Claudia diffusas vbi porticus explicat umbras,*

*Vltima pars aula deficientis erat.*

A Nerone autem euersam sub nomine prisco Domitianus restituit; cuius pars umbraculis vnus vitis erat opera. Plin. Vna, inquit, vitis Romæ in Liuiæ porticibus subdiales ambulationes umbrosis operculis opacat, eademque duodenis multi amphoris sæcunda.

## C A P. XLVI.

*De Sororio Tigillo, Vico Cyprio, & Scelerato, atq;  
M. Antonij domo.*



**S**ORORIVM Tigillum locus erat sacer causa expiationis ab Horatio, ob sororem à se interfectam, in honorem Iunonis constitutus, quem locum propè Carinas statuit Dion. Libro enim tertio ait, locum, in quo Horatium purgarunt, in angipotu ferente à Carinis deorsum esse, iis qui ad Cyprium peragerent angipotum, vbi aræ manerēt tunc erectæ, & tigil-



& tigillum, duobus inter se contrariis parietibus fultum super eas extendetur. Quibus verbis signiat Vicum Cyprum prope clium, qui ad templum Diui Petri in Vinculis nunc ducit. Sequenti vero libro Vicum Cyprum prius, deinde Sceleratum ex facinore Tulliae vocitatum tradit. Var. tamen Vicum Cyprum (sic enim apud ipsum legitur,) prope Sceleratum: non autem eundem esse ostendit, his verbis: Vicus Cyprus à Cypro, quod ibi Sabini ciues additi considerunt, qui à bono omine id appellarunt, prope hunc Vicus Sceleratus. Miror autem quare Blon. Sceleratum vicum esse velit viam, quæ nunc ducit ad Triuij fontem, contra Diony. opinionem, & præter historię fidem. Solinus enim tradit Ser. Tullium in Exquilis supra clium Virbium habitauisse; quem vico Patricio supereminere probat Sex. Pom. quum dicit, Vicum Patricium appellatum, quod ibi iubente Ser. Tullio patricij habitauerunt, ut si quid aduersus ipsum molirentur, ex locis superioribus opprimi possent. Vnde postquam Tullia interfecto patre properans à Curia, foroq; Romano in paternam possessionem ad vicum Cyprum peruenit, auriga, ut inquit Liuius dextera in Virbium clium carpentum flexit, ut in collem Exquiliarum exueheretur, quocirca stultum erat per viam Triuij, fuerat enim necesse, secundum nos, per Quirinalem, Viminalemque collem transire; quod absurdum esse videtur, cum breuior & expeditior esset per eum, quem diximus clium, qui haud procul à Virbio erat, cui iam propinquum interfectum esse regem fugientem innuit Dionysius. Alia est ratio contra Blon. quod constat inter omnes viam Triuij extra Urbem tunc fuisse. Haud procul à templo diui nunc Pantaleonis, olim Telluris, M. Antonium domum habuisse testatur Appianus his verbis. Iis peractis decretum noctu perlectum est; Antonium sequenti die in templo Telluris, haud longe ab ipsius domo, Senatum habiturum.

## CAP. XLVII.

*De Bustis Gallicis.*

**B**USTA Gallica locus vbi Galli, à Camillo interfecti, sepulti fuere. Liuius vero commemorat Gallos morbo interemptos bustorum Gallorum nomine locum, vbi fuere sepulti, insignem fecisse. Is autem locus fuit vbi nunc ecclesia S. Andreæ ad busta Gallica, quæ corrupto nomine Portugallo vocatur, abest haud multum ab Amphitheatro, quod in media vrbe à Tranquil. in Tib. collocatur, sicut à Liuius busta Gallica, cuius sunt hæc verba: Quum esset satis altum Ianiculum, vbi sedens prospectaret hostem, descendit in equum, atque illo ipso die media Vrbe, qua nunc busta Gallorum sunt; Et alibi refert Flaccum porta Capena ingressum, media Vrbe per Carinas, Exquiliasque contendisse, recta ergo ad Amphitheatrum. Var. autem contra Liuij opinionem, ut infra demonstrabitur, Busta Gallica prope Æquimelum statuisse videtur. Æquimelum inquit, quod æquata Melij domus publice quod regnum occupare voluit. Is locus ad busta Gallica, quod Roma recuperata Gallorum ossa, qui possederunt Urbem, ibi coaceruata, ac consecrata, locus qui vocatur Doliola ad Cloacam Maximam. Si vero ita libet distinguere ut verba hæc: Is locus ad busta Gallica, iungantur cum subsequenti, optime Var. conueniet cum Liuius, cæterum ordinem & sensum vix elicies. Quare videndum ne aliquis error hos authores discordes efficiat. Quidam prope Marforium Busta Gallica fuisse perperam putarunt.

*De via Sacra, Arcu Fabiano & Vespasiani.*

**V**IA M Sacram principium habuisse à Curia Veteri in angulo Palatij, iuxta Arcum Constantini, vulgaris est opinio. Var. autem à Carinis. Carinæ, inquit, Cerionia, quòd hinc oritur caput Sacræ viæ, ab Sterniæ Sacello. Quibus verbis adducor in maximum dubium, ne hæc via aliquando per hortos diuæ Mariæ Nouæ, secus templum Pacis, & forum Cæsaris recta ad arcem Capitolij esset producta, præsertim quod in eisdem hortis secundum eum, quem dicimus cursum, vidimus viam ex lapide quadrato stratam. Si quis dixerit arcum Vespasiani signare nobis fuisse secundum radices Palatini montis, respondebimus. ampliata curia Veteri, erectisq; basilicis partem ipsius eò translatam. Sacræ quidem obtinuit nomen, quòd per eam augures ex arce profecti solerent inaugurare, sacraq; quotquot mensibus in arcem ferre, secundum Var. Sex. autem Pomp. Sacram ideo vocat, quod in ea fœdus ictum sit inter Romulum & Tatium. In summa huius habitauit Ancus Martius, propè ædem Larum, de qua in Urbis Romuli descriptione facta est mentio. Quo in loco si quis considerauerit quæ dicuntur à Cor. Tac. de spatio eiusdem Urbis, non improbabat forte quæ de via Sacra diximus. Sacra in hac via Cœliæ Statuam ponit Plut. In summa verò parte fuit Mutij. In eadem fructus venundatos esse Ouid. de arte sic docet.

*Rure suburbano poteris tibi dicere missa  
Illa, vel in sacra sint licet empta via.*

Var. de re rustica, huiusce inquam pomarij summa Sacra via, vbi poma veneūt. Arcus Fabianus in hac via stetit, iuxta regiam à Fabio censore, qui deuicit Allobroges excitatus, vt scribit Asc. in quo sculpta fuerant eius scuta, & signa victoriæ. In oratione pro Cn. Plancio Cic. de eo hæc habet verba: Equidem si quando, vt sit, iactor in turba, non illum accuso, qui est in summa Sacra via, cum ego ad Fabianum fornicem impellor. fuit apud basilicam Pauli, ad quem arcum Scribonius Libo sedem, & Prætoris tribunal, Puteal dictum, posuit, de quo Horat. meminit, cum inquit:

*Putealq; Libonis mandabo scicis. Et Ouid hoc carmine.  
Qui Puteal, Ianumq; timent, celeresq; Calendas.*

Generatores enim stabant ad Ianum, & apud Fornicem Fabianum ius dicebatur. CATELANVS autem Triuultius Episcopus Placen. & Cos. summi ingenij nobilissimus adulescens, & probe doctus, qui orationem quandam, qua Boec. Pinum Florentinum patria eiectum consolatur, felici stylo ex vulgari in latinum conuertit sermonem, ostendit mihi numisma argenteum eius pretij, quo denarius, in altera parte cuius visitur caput Libonis cum hac inscriptione, LIBO BONEVENT. in altera vero tribunal cum indice, PUTEAL SCRIBONI. In eadem via Sacra stat adhuc Arcus marmoreus Vespasiani Imperatoris, omnium antiquissimus nunc existentium: sed mutilatus: in quo legitur titulus talis.

SENATVS POPVLVSQVE ROMANVS. DIVO TITO DIVI VESPASIANI F. VESPASIANO AVGVSTO.

Exstructus autem fuit deuictis Hierosolymis, in quo sculptæ sunt victoriæ cum arca fœderis præcedentibus duodecim fascibus consularibus, ab altero fronte spectantur triumphi spolia, aureum candelabrum, septem habens ramos, in quibus erant septem Lucernæ, erraticas significantes stellas, duæq; tabella legis Mosaycæ. Vasa tēpli, mensa aurea ponderis talentis magni. de qua plura Iosephus. Licet  
ipse



ipse arcus melius, quam Iosephi descriptio, nobis ea omnia declarer. Huius autem victoriæ mentio habetur etiam ex marmore in circo Maximo effosso, quæ est hæc.

S.

P.

Q.

R

IMP. TITO CÆS. DIVI VESPASIANI FILIO VESPASIANO AVG. PONT. MAX. TR. POT. X. IMP. XVII. COS. XIII. P. P. PRINCIPI SVO QVI PRÆCEPTIS PATRIÆ CONSILIIISQVE ET AVSPICIIS GENTEM IV-DÆORVM DØMVIT ET VRBEM HIEROSOLYMAM OMNIBVS ANTE SE DVCIBVS REGIBVS GENTIBVS AVT FRVSTRA PETITAM AVT OMNINO INTENTATAM DELEVIT.

## CAP. XLIX.

*De Grægostasi, Curia, Basilica Opimij,  
& Portia.*



RÆGOSTASIS locus ad dexteram Rostrorum è Comitio, vbi nationum subsisterent legati, qui ad Senatum missi essent. Var. At animaduertendum Var. de veteribus Rostris intelligere. Idem propè Grægostasim Opimij Basilicam sic statuit. Senaculum supra Grægostasim, vbi ædis Concordiæ, & basilica Opimij. Senaculum vocatum, vbi Senatus, aut vbi seniores consisterent, dictum *νεστώα*, apud Græcos. Luvius primo ab vr. con. ait Curiam in Comitio, sed idem quod Senaculum esse innuunt Var. verba. Plin. memoriæ prodidit Cæsarem in Curia, quam in Comitio consecrauit, duas tabulas impressisse. cui Curia Plut. iuxta forum locum fecit. Curia locus vbi publicas curas gerebant: duplex tamen, vbi sacerdotes res diuinas, & vbi Senatus humanas curabat. Curia vbi dabatur Senatus templum erat, vt diximus. Var. in libris ad Opianicum ait, S. C. non posse fieri, nisi in loco per auguriū constituto, quod templum appellaretur, propterea & in Curia Hostilia, & in Pompeia, & post in Iulia, cum prophana ea loca fuissent, templa esse per augurium constituta, vt in iis S. C. more maiorum iuxta fieri possent. In Curia Aram Victoriæ fuisse Herodiani hæc docent verba: Cæteris ante fores præstolantibus, duo, tresve ad summum curiosiores audiendi Curiam ingressi sic, vt vltra Aram quoque Victoriæ, penetrarent. Ferunt quidam huius deæ Signum ex auro puro in gradibus Curia fuisse: Nescio autem quo authore iuxta forum à Fulvio Curia Calabra collocetur, quam nos, ex Ser. opinione, in Capitolio posuimus. Plutarc. commemorat Catonem Basilicam, ex ære publico vicinam foro sub Curia à se ædificatam, Portiam appellauisse. Erat, inquit, basilica quædam Portia, quam Magnus Cato in censura ediderat, eius basilicæ trib. pleb. quoniam in illa ius dicere consueuerant, columnam, quæ sellas eorum impedire videbatur, decreuerant tollere. A se. etiam basilicam hanc iunctam Curia fuisse tradit. Palatium Romuli apud ædem diuæ Mariæ Nouæ nonnulli restituunt. Illud autem sciendum, hæc omnia inuicem prope fuisse, totumq; id spatium occupauisse, quod est à Comitio eundo versus Pacis, diuæ Mariæ Nouæ templum, & hortos, penè ad Exquiliarum radices; nisi quod interiacebant templa quædam, quibus superius à nobis sedes est assignata.

*De Templo Iani, & Pietatis, ac de Carcere  
Pleb. Rom.*



**Q**UATVOR Urbis partibus iam descriptis, rectè videmur quintam, à dextera Tyberim, Auentiniq; partem, à sinistra verò rupem Tarpeiam & Palatium, vallemq; inter ipsos montes comprehensam habentem, à theatro Marcelli auspicati, quibuscunque certis sedibus, quoad fieri poterit, locatis, aggredi. Nam cum multa memoratu digna contineat, nisi ordine quodam perspicuo fuerimus progressi, maiorem partem illorum, & locum incertum sortiri, & obscura fieri, erit necesse. Quare relicto Marcelli theatro ad eam partem, quæ planam Urbem complectitur, quæ ab ipso ad extremam Circi partem fuere, hodieve sunt, singularim percurramus. Et quia Ianus omnium rerum principium habetur, ab eo exordiri conueniens erit. Numam regem Iani Templum circa imum Argiletum, iuxta theatrum Marcelli in duobus breuissimis templis fecisse, scribit Ser. cuius portæ duæ, quas legitimum erat aperire cum bellum esset: in pace verò claudi, vt apertis in armis esse ciuitatem, clausis verò pacatos circa omnes populos significarent. Clausum esse ferunt Ianum semel ab ipso, à quo conditum; iterum à T. Manlio Cos. Tertio ab Augusto post bellum Actiacum. Orosius scribit Augustum ter Iani templum clausisse. Claudendi autem vel aperiendi ratio, varia est. Alij, vt diximus, volunt Romulo contra Sabinos pugnante, quum eo esset vt vinceretur, calidam aquam ex eo loco, vbi templum Iani, erupisse, quæ exercitum Sabinorum fugauit, hincq; tractum morem, vt pugnaturi aperirent templum, quod in eo fuerat constitutum, quasi ad speciem pristini auxilij. Alij verò, quod Tatius & Romulus factò fœdere hoc templum constituerint, vnde & Ianus ipse duas facies habet, quasi vt ostēdat duorum regum coitionem. Huius quidem templi postes is Cos. aperiebat, qui prior creatus esset. Virg.

*Insignis aperit stridentia limina consul.*

Cor. autem Tac. refert Cn. Duilium Iani templum ædificasse, eius sunt hæc verba: Eodem in loco à L. M. Publiciis Iano templum, quod apud forum holitorium Cn. Duilius struxerat, Speiq; Ædes à Germanico sacratur. hanc Atilius vouerat eodem bello. Idem alibi, narrant Tiberium Cæsarem Iani templum dedicauisse apud forum holitorium, votum à Duilio bello maritimo aduersus Pœnos prospere peracto. Quod in platea nunc Montanaria statuit, diuersumq; ab illo Numæ putat Ful. Sed cum Xenon primo Italicarum velit Ianum omnium primum diis templa fecisse, & ritus instituisse sacrorum, ob idq; in sacrificijs præfectionem meruisse perpetuam, figurariq; cum clauo & virga, quasi portarum custos, & rector viarum, censemus Numam ei templum instituisse apud portam Carmentalem, post sacellum S. Catharinæ, nunc solo æquatum, vt sit, ad imum Argiletum, iuxta theatrum Marcelli, vt Ser. placet, & vt Liuius & Ouid à dextera Fabiis exeuntibus ad bellum, ac extra portam Carmentalem, quod ait Sex. Pom. Si verò, vt quibusdam placet, legimus apud Var. secundum Tyberim ad Ianum forum Piscarium, de eo intelligere opinamur, quod posuit Duilius. Dictum est enim apud priscos vnum fuisse Ianum, plures verò apud posteriores, vt mirum videri minime possit, hæc duo templa propè inuicem stetisse, sicut & fora. Vnde Ouid. inquit.

*Cum tot sint Iani, cur stas sacratus in vno,*

*Hic, vbi iuncta foris templa duobus habes?*

Neque Ouidius (vt Blon. est opinio) de Boario, sed Holitorio & Piscario intelligit



intelligit foro, aitque ex multis in hoc solo sacratū, propter eius simulacrum ab Augulto ex Ægypto, vt auth. est Plin. aduectum, & in eodē lani templo collocatum. Templū Pietatis in foro holitorio, apud nunc ecclesiam S. Nicolai cognomento in carcere, vel certe eo ipso in loco, quod à M. Attilio Glabrone dedicatum tradit Liuius. Plin. autem locum his verbis patefacit: Humilis in plebe, & ideo ignobilis puerpera, supplicij causa carcere inclusam matrē, cum impetrasset aditum à ianitore, semper excussa ne quid inferret cibi, deprehensa est vberibus suis alens: quo miraculo matri salus donata filia pietate est, ambēq; perpetuis alimentis, & locus ille eidem consecratus est deæ, C. Quintio, & M. Attilio Coss. templo Pietatis extructo in illius carceris sede, vbi nunc Marcelli theatrum est. Sex. autem Pom. non matrem, sed patrem inclusum carcere vberibus filia clam aluisse scribit. Et quia Plin. vbi theatrum est Marcelli dicit, ita accipiendum, theatrum eo vsque peruenisse, vt vestigia ex saxo quadrato, apud eandem ædem existantia, satis ostendunt.

Hoc autem templum tactum fuit de cælo Coss. Cotta, vt primo de diu. testatur Cice. Causa quidem carceris extruendi fuit, quod aucta multitudine, cum in dies magis, magisque flagitia crescerent, neque tot scelestis, noxiisque vnus satis esset carcer, creatis decemuiris alterum extruere decreuerunt, quare electo ad id opus Ap. Claudio decemuirum vno, eum inter Capitolium, & Tyberim, vbi nunc prædictam ecclesiam S. Nicolai sitam videmus, constituit, quem locum Carcerem, siue domicilium pl. Rom. nuncupauit, in quo reus iudicij ipse sibi mortem consciiuit, vt docet Liuius tertio ab vr. co.

## CAP. LI.

*De Foro Holitorio, Æde Iunonis Matutæ, & Spei, Sacrarario Numæ, Columna Lactaria, ac de Ara  
& Fano Carmentis.*



FORVM Holitorium extra portam Carmentalem fuisse testis est Asc. in toga candida. Eum locum plateam Montanariam nunc esse quidā arbitrantur. In quo fuit Ædes Iunonis Matutæ, que celsit Diui Andr. ecclesiæ cognomēto in mentuccia pro Matuta, in radice Capitolij nunc sitæ. Sed Iunoni Matutæ vota, & locata à C. Cornelio Coss. gallico bello: qui deinde Censor eam dedicauit, auth. Liuius quarto belli Mac. Idem in eodem foro Spei Templum variis exornatum marmoribus fuisse tradit, idque primo belli pu. libro fulmine ictum, quarto eiusdem belli Q. Fabio consulis filio, & T. Sempronio Graccho Coss. incendio conflagrasse. Consecrauit autem Collatinus. Cic. de legibus. Recte etiam Spes à Collatino consecrata est. Columna Lactaria, ad quam infantes lacte alendi deferebantur, in foro Holitorio stetit, asserit Sex. Pomp. quod forum vbi holerum copia antiquum fuit Macellum, auth. Var. Sacrarium Numæ apud theatrum Marcelli circa inum Argileum, Ser. ait Euandrum Aram matri extinctæ iuxta portam fecisse, quæ à Carmenta Carmentalis est dicta. Ara autē hæc sub Capitolio ponitur à Dio. Habuit Carmenta & Templum, siue vt author est Solinus, Fanum apud eandem portam, vbi diximus extare ruinas ædiculæ Diuæ Catharinæ. Nam cum vehicula, quibus S. C. priuatæ erant mulieres, fuissent deinde ipsis restitua, gratiam deæ referentes ei ædicarunt Templum, quæ Euandri mater fuit, Nicostрата prius appellata, & quia carminibus oracula ederet, Carmenta est dicta, ob quam & carmina auth. Plut. in probl.

*De Foro Piscario, & Templo Fortuna Virilis.*

SECUNDVM Tyberim ad Iunium Forum Piscarium vocant, inquit Var. Quibus verbis iuxta incendium, quod sexto belli pun. describitur à Liuiο, licet existimare fuisse inter Sanct. Mariæ in Porticu, & Ægyptiacæ templa, intraque portam Carmentalem: quod haud longe à Boario ponitur à Volaterano, sed certe neq; prope est dicendum. In eo autem male sentire videtur, quod Cupedinis, Pistorium, & Holitorium iuxta ædem Vestæ esse putat, si enim ita esset, sequeretur contra Asc. forum Holitorium intra portam Carmentale fuisse, quod falsum esse multis argumentis apparere potest, nisi velit Vestam extra ipsam portam Templum habuisse, sed id quoq; caret auctore. Templum autem S. Mariæ Ægyptiacæ nunc dicatum, iuxta Tyberim, & eiusdem cognominis pontem, quidam Asylius, id est misericordiæ Templum dicunt, Alij Fortunæ, Alij Pudicitia, vt Vol. & Ful. Sed Fortunæ, Pudicitiaq; patriciæ sacras ædes in foro Boario fuere, vt infra demonstrabitur. Non est enim verisimile (quod innuit Ful. quum dicit Pudicitia eadem esse, quā nunc dicatam S. Mariæ diximus, eamque in foro Boario statuit) ipsum forum à Velabro, & Iano vbi constat esse, peruenisse ad hanc vsque ædem, in ripa Tyberis sitam; eo maxime quod is locus est extra rectam viā ab ipso Velabro in Auentinum, neq; conueniret cum Liuiο, qui ait virgines à foro Romano, vico Thulco Velabroque per Boarium forum in cliuum Publicum, atq; in ædem Iunonis Reginæ (erat enim in Auentino) peruenisse; quibus verbis ostendit forum Boarium fuisse prope Ianum nunc quadrifrontem siue quatuor portarum, versus Auentinum, non autem Tyberim. De templo Misericordiæ nihil certi habetur, nisi quod Blon. eo in loco, ductus tantū cōiectura, quia ibi Asylus, collocauit. Sed nos dicimus esse Fortunæ Virilis templum, deamq; ipsam in eo ambitu duo habuisse templa, alterum in foro Boario, alterum vero prope Tyberim. Huic enim opinioni suffragantur Diony. verba, quæ sequuntur. Duobus exstructis templis Fortunæ, altero in foro Boario, altero ad ripas Tyberis ei, quam virilem appellauit. In hoc autem fuit ipsius Ser. Tullij lignea statua auro perfusa, quæ orto incendio cæteris concrematis sola incorrupta permanfit. auth. Val. Max.

## CAP. LIII.

*De Templo Vestæ, Salinis, & Coclitis Arcubus.*

AD Mariæ autem Ægyptiacæ exstat ædes antiquissima Diuo Stephano nunc dicata: cuius forma circularis est, columnæque in circuitu dispositæ eius testudinem, quæ vnica totam operit ædem, sustinent. hanc Maturæ, siue Auroræ Pompo. Letus adiudicat: quam Liuius in foro Boario statuit, quare eadem ratione, quæ est de S. Mariæ Ægyptiacæ æde, non recte sentire arbitramur, quemadmodum nec Vol. nec Fid. qui volunt hanc ipsam Hercules esse. Romulus enim, vt supra ait Corn. Tacit. à foro Boario sulcum designandi oppidi incipiens, Magnam Hercules aram, vbi postea templum habuit, complexus est. Si templum, vt autumat Fului. fuisset vbi nunc Diui Stephani ecclesia, & Ara ad portā Tergeminā, quomodo ipsam intra mœnia comprehendens Romulus quadratam, vt est omnium opinio, urbem posuisset? Quapropter velim istos diligentiores esse, neque incerta pro certis affirmare. Blon. autem ex Ouidij carminibus Vestæ esse nititur comprobare. Ouidij carmina hæc sunt.



*Syluia vestalis (quid enim vetat inde moueri?)*

*Sacra lauatur as mane petebat aquas.*

*Ventum erat ad molli decliuem tramite ripam,*

*Ponitur è summa fictilis urna coma.*

*Fessare sedis humi, ventosq; accepit aperto*

*Pectore, turbatas restituitq; comas.*

*Dum sedet, umbrosa salices, volucresq; canora,*

*Fecerunt somnos, & leue murmur aque. -*

At hi versus non probant ædem Vestę propè Tyberim exstitisse, sicuti Diony. hæc verba. Sunt qui constructionem Templi Vestę Romulo ascribant, consentaneum esse existimantes, Vrbe condita à viro diuinationis perito constructam esse primum Vestam communem, Urbis conditore, eius præsertim Albæ nutritio, in qua vetus huius deæ, ex quo Urbs condita fuit, templum erectum erat, neque quicquam antiquius Romulo esse debuit, quam Vestam colere, qui eius deę simulacrum ex Illo transtulerat. Sed de constitutione templi, quod nunc exstat, isti videntur ignorasse. neque enim locum illum, in quo nunc sacer custoditur ignis, Romulus dedicauit deæ, cuius rei magnum argumentum est, quod is extra eam est, quæ quadrata dicta est Roma, quam Romulus muro cinxit. Hinc apparet Templum Vestę, quod inter Capitolium & Palatium obtinuit locum, à Romulo: hoc vero à Numa excitatum, de quo Sex. Pompe. ita meminit. Rotundam ædem Vestę Numa rex consecrasset videtur, quod eandem esse terram, qua vita hominum sustineretur, crediderit, eamq; pilæ formam esse, vt sui simili templo dea coleretur. Ouidius autem vult anno Urbis quadragesimo erectum esse, sphericamque formam sicut Pomp. ascribit. Et nos vidimus Albæ ædem vetustissimam ipsius Vestę circulari forma, in vertice foramen lucis causa habentem. Simulacrum autem nullum ipsam deam habuisse, vt ignis nullam certam habet effigiem, idem poeta testatur his versibus.

*Esse diu stultus, Vestæ simulacra putauit:*

*Mox didici curuo nulla subesse tholo.*

Dicta enim est Vestæ, quod variis vestita sit rebus. Cicer. de Nat. deorum: Vestæ, inquit, nomen à Græcis, ea enim est, quæ ab illis ~~est~~ dicitur. vis autem eius ad aras, & ad focos pertinet, itaque in ea dea, quæ est rerum custodis intimarum, omnis & precatio, & sacrificatio externa est. Propè Vestæ Matrem deum Cellam habuisse auth. est Blon. Salinæ fuit salis receptaculum in ea ripa Tyberis, quæ nunc à prædicta æde Vestæ in Auentinum & ad naualia pertinet, de quibus Liuius sic meminit: Romæ scdum incendium per duas noctes, ac diem vnum tenuit; solo æquata omnia inter Salinas, ac portam Carmentalem. Hinc constat hanc portam non fuisse ad radices Auentini, quemadmodum Blon. putauit. Arcus Horatii Coclitis ad primas Auentini radices, inter ipsum scilicet montem & Tyberim fuere, vbi paucos ante annos eruta saxa huiusmodi inscriptionem habebant.

P. LENTVLVS. C. N. F. T. QVINTIVS CRISPINVS VALERIANVS  
COSS. EX S. C. FACIENDVM CVRAVERE IIDEMQ. COMPROBA-  
VERE.

*De Foro, & Arcu Boarium, seu auriscum.*

XPOSITIS iis, quæ in hac quinta parte à dextera secundum Tyberim steterant, cōsentaneum esse videtur, vt in sinistram diuertamus, & quidquid occurrerit explicemus. Sed quia ex fori Boarij descriptione vnaquæq; res proprium locum facilius accipiet, de ipso prius videbimus. Forum igitur Boarium licet inter Romanum & Tyberim à Fule sit collocatum, tamē Liiij verba, in ipsum per nos paulò ante adducta, clarè indicant fuisse propè Velabrum & Ianum, inter Palatinum montem, & Scholam græcam. ostendit & descriptio Urbis Romuli à Cor. Tac. ab æneo Tauri Simulacro incæpta. Vnde ex vno in plures incidere errores Ful. apparet. Boarium ab eodem Tauri simulacro dictum quidam volunt, quidam verò ob Taurum immolatum interfecto Caco, atque bobus recuperatis, Quid. priorem sequitur opinionem, eius sunt hæc carmina.

*Immolat ex illis taurum tibi Iuppiter vnum*

*Victor, & Euandrum, ruricolasq; vocat.*

*Constituitq; sibi, quæ maxima dicitur, aram,*

*Hic, vbi pars urbis de boue nomen habet.*

& alibi.

*Pontibus, & magno iuncta est cel. berrima circo*

*Area, quæ posito de boue nomen habet.*

Sex. verò Pomp. quod ibi boues venundarentur, cui ad stipulatur Var. cum inquit. Quo quidem genera conferrent forum appellatum, additumq; ab eo cognomen, vt forum Boarium. Liius etiam primo belli pu. innuit boues ibi venūdatos esse, memorans in eodem foro bouem in tertiam contignationem ascendisse. In frontispicio autem portæ marmoreæ, adhuc apud ecclesiam S. Georgij existentis, insculpta hæc sunt verba.

IMP. CÆS. L. SEPTIMIO. SEVERO. PIO. PERTINACI. AVG. ARABIC. ADIABENIC. PARTH. MAXIMO. FORTISSIMO. FELICISSIMO. PONT. MAX. TRIB. POT. XII. IMP. XI. COS. III. PATRI. PATRIÆ. ET IMP. CÆS. M. AVRELIO ANTONINO PIO FELICI AVG. TRIB. POT. VII. COS. III. P. P. PROCOS. FORTISSIMO FELICISSIMOQVE PRINCIPI. ET IVLIÆ AVG. MATRI AVG. N. ET CASTRORVM ET SENATVS ET PATRIÆ. ET IMP. CÆS. M. AVRELII ANTONINI PII FELICIS AVG. PARTHICI MAXIMI BRITANNICI MAXIMI. ARGENTARII ET NEGOTIANTES BOARI HVIVS LOCI QVI INVEHENT DEVOTI NVMINI EORVM.

Ibidem autem visuntur taurorum immolationes, & instrumenta cum victimariis, & sacrificolis ad sacrificia ipsa peragenda accinctis. In foro Boario gladiatorum munus primum Romæ est datum. Liius refert Fabio &

Marcello Coss. in eodem sanguinem pluissè, puerumq;

semestrem triumphum proclamasse: Val.

Max. licet Liius in Holi-

torio dicat.



*De Templo Herculis Victoris, & Ara Maxima.*

EMPLVM Herculis Victoris, præter illud, quod ad portam Tergeminam, iuxta Tyberim Octauium Herenum impetrato à magistratibus loco consecrauisse scribit Macrob. alterum rotundum in foro Boario ponitur à Liuiio, & Solino, in hæc verba: Sacellum Herculis in Boario foro est, in quo argumenta, & conuiuia maiestatis eius remanent, nam diuinitus neque muscis illo, neque canibus ingressus est. Etenim cum viscerationem sacricolis daret, Miagrum id est muscarum congregatorem deum dicitur imprecatus, clauam vero in aditu reliquisse, cuius olfactu refugerunt canes, idq; vsque nunc durat: Romæ, inquit Plin. in ædem Herculis nec muscæ, nec canes intrant. Hoc templum cum multis antiquitatibus dirutum tempore Xysti IIII. Pont. Max. scribit Pomp. Letus haud procul à schola Græca, vbi ænea ipsius dei statua fuit reperta, quæ hodie, vt diximus, in ædibus Conseruatorum est sita. Eodem autem in loco, quo Simulacrum, effossum est marmor cum hoc tit.

## DEO HERCVLI INVICTO

C. IVL. POMPONIVS PVDENS SEVERIANVS. V. C. PRÆF. VRB. Item.  
HERCVLI INVICTO

M. CASSIVS HORTENSIVS PAVLINVS PR. VR. XV. VIR SACRIS  
FACIENDIS DONVM DEDI.

Idem Plin. ait Euandrum Statuam Herculi in foro Boario sacrauisse, quæ triumphalis Hercules dicebatur: per triumphos enim triumphali habitu vestiebatur. Verum non arbitramur hanc esse statuam, de qua egimus, quæ enim nunc exstat, in æde ipsius Herculis M. Fulvio, & Cn. Manlio Coss. posita fuit. Ædes autem ipsa celebrata est Pacuuij poetæ nobili pictura, in qua lætisternium esse non licebat, & in sacris nec feruis, nec libertis interesse, quorum sacrorum initium docet Ser. gram. & Liuius, hanc eandem ædem Neronis incendio conflagrasse testatur Corn. Tac. Tertiam Herculi ædem fuisse ibi prope putauit Ful. à Senatu monitu carminum sibyllinorum consecratam, Sylla dictatore eius dedicationem approbante, adducitque Ouidij hæc Carmina.

*Altera pars circi custode sub Hercule tuta est.*

*Quod deus euboico carmine munus habet.*

Et reliqua. Sed Ouid. intelligit de circo Flaminio, vt, vbi de ipso agetur, infra apparebit. Regnante autem Euandro; Aram solum Hercules habuit, in foro Boario prope Scholam græcam, quam Maximam à magnitudine fabricæ appellarunt. Est enim ingens sicut hodieq; videmus, inquit Ser. de qua poeta sic meminit.

*Hanc aram luco statuit, quæ maxima semper*

*Dicetur nobis, & erit quæ maxima semper.*

Et Propertius.

*Maxima quæ gregibus deuota est ara repertis,*

*Ara, per has inquit maxima facta manus.*

Fuit autem venerationi inter accolæ præcipuæ, ad quam Hercules bonorum decumas obtulit, dixit quæ illos vitam beatissimam victuros, qui sibi bonorum decumam dicauissent, quod fecit Sylla, Lucullus, M. Crassus, & decima herculanea nuncupatur. Plaut. Detrahit, inquit, partem herculaneam. Ab hac sequestrari mulieres voluit, quæ nihil attingerent,

neque degustarent, quod supra aram immolatum esset.

*De Pudicitia, Fortunæ prosperæ, Matutæ, Fortis Fortunæ,  
Ædes, ac de Vico Publico, Velabro, & Acca Lau-  
rentiæ Sepulcro.*



D Herculis autem Pudicitiam Patriciam Ædem, ab Æmilio conditam, habuisse, sic testatur Liuius: Certamen in Sacello Pudicitia Patricia, quæ in foro Boario est ortum. Non vnam quidem, sed plures Pudicitia sacras ædes fuisse in Vrbe affirmant, quæ sequuntur, Propertij carmina.

*Templa Pudicitia quid opus statuisse puellis,  
Si cuius nupta quidlibet esse licet.*

Et Sex. Pom. hoc modo Pudicitia Signum in foro Boario, vbi familia edificet Herculis, cuius sacra non obibant plebeia. Quare in vico Longo Pudicitia Plebeia Sacellum à virgine plebeia excitatum est. Fortunæ Prosperæ, & Matutæ Ædes sacras in eodem foro constituit Ser. Tullus. Prosperam ideo appellauit, quod in seipso Cæca non fuisset. hinc Ouid.

*Cæca in hoc vno non fuit illa viro.*

Eo autem in loco mel ex olea fluxisse tenet fama, aruspicesque dixisse summam nobilitate illas sortes futuras, eorumque iussu ex illa olea arcam esse factam, eaque conditas sortes, quæ Fortunæ monitu pueri manu miscabantur, atque ducebantur. Plut. in prob. scribit Ser. Tullium omnes actus fortunæ adscripsisse, à qua subleuatus fuerat ab ancilla matre ad regnum prouectus, hincque Fortunæ Primigeniæ, & Mæculæ Templam erexisse; aliud conuertentis; aliud bene sperantis; aliud Fortunæ videntis, quasi ea nos procul capiamur, negotijs, ac rebus inhæreamus. Construxit etiam Fortunæ Paruæ Templum, quasi docens homines diligenter attendere debere, ne ea, quæ accidunt, quasi parua, contemnerent. Liuius tertio quintæ dec. prodidit. Q. Marcio Philippo iterum, & Q. Ser. Cepione Coss. in Vrbe duos ædituos nuntiasse alterum in æde Fortunæ, anguem iubatum à compluribus visum esse, alterum in æde Primigeniæ Fortunæ, quæ in colle erat, duo diuersa prodigia, palmam in area enatam, & sanguine interdii pluisse. Matutæ Ædes, resecta prius à Ser. Tullio, longo tempore post à Camillo fuit dedicata, qui bello Veientium eam vouerat. Vtriusque autem deæ festum eodem celebratur die, eodem etiam incendio vtraque ædes exhausta est, eodem auth. qui alibi narrat Caruilius Cos. ex bello Hetrusco æris grauis tulisse in ærarium trecenta nonaginta milia, de reliquo ære ædem Fortis Fortunæ de manubiis faciendam locauisse, prope ædem eiusdem deæ. Et primo quintæ dec. in æde Matris Matutæ tabulam cum hoc indice positam.

T. SEMPRONII GRACCHI COS. IMPERIO AVSPICIOQVE LEGIO EXERCITVSQVE P. R. SARDINIAM SVBEGIT IN EA PROVIN-  
CIA HOSTIVM CÆSA AVT CAPTA SVpra LXXX. MILIA REP.  
FELICISSIME GESTA ATQVE LIBERATIS VECTIGALIBVS RE-  
STITVTIS EXERCITVM SALVON ATQVE INCOLVMEN PLENISSI-  
MVM PREDÀ DOMVM REPORTAVIT. ITERVM TRIVMPHANS  
IN VRBEM ROMAM REDIIIT CVIVS REI ERGO HANC TABVLAM  
DONO IOVI DEDIT.

A foro autem Boario incipiebat Vicus Publicus, in Auentinum ad templum Iunonis Reginæ ducens, vt idem Liuius supra ostendit, cum inducit virgines ab foro in cliuum ascendentes publicum, quo in loco signat sedem Velabri prope forum Boarium, vbi nunc ædes diui Georgij cognomento in Velabro. Auenti-



nus olim erat ab reliquis montibus disclusus, itaque eo ex Vrbe via qui aduehebantur ratibus quadrantem soluebant, vnde Velabrum à vehendo. Velaturam facere, inquit Var. etiam nunc dicuntur, qui id mercede faciunt. Propert.

*At qua Velabri regio patet, ire solebat*

*Exiguus pulsa per vada linter aqua. Ouid.*

*Qua velabra solent in circum ducere pompas,*

*Nil prater Salices, crassaq; canna fuit.*

*Hic, ubi nunc fora sunt, lintres errare videres,*

*Qua, iacent valles maxime circe tua.*

Priusquam enim Tarquinius Priscus alueum mutaret, ex eruptionibus Tyberinis sinus ibi fiebat in morem lacus, vt statim ex Prop. percipimus. Sepulcrum Accæ in Velabro celeberrimo Vrbis loco fuisse scriptum reliquit Antias: de quo in Vrbis Romuli descriptione supra facta est mentio.

## CAP. LVIII.

*De Vertumno, eiusq; templo, Iano Quadrifronte, Aedibus Africani, & Basilica Sempronia, ac de Laneis Tabernis.*



ERTVMNVN Deum antiqui dixere, qui non solum rebus vendendis, emendisq; sed etiam humanis mentibus præesset, à vertendo, quia hominum cogitationes verteret. Vertumnus autem ipse duabus alijs ex causis se id nomen adeptum ait apud Propert. Cuius carmina, quia affirmant, quæ dicta sunt de sinu Tyberino, non grauabor subiungere, ea enim sunt hæc.

*Quid mirare meas tot in vno corpore formas,*

*Accipe Vertumni signa paterna dei.*

*Thuscus ego Thuscis orior, nec pœnitet inter*

*Prælia Vulscinos deseruisse focos.*

*Nec me turba iuuat, nec templo lætor eburno,*

*Romanum satis est posse videre forum.*

*Hæc quondam tyberinus iter faciebat, & aiunt*

*Remorum auditos per vada pulsa sonos.*

*At postquam ille suis tantum concessit alumnis*

*Vertumnus verso dicor ab æmne deus.*

*Scu quia vertentis fructum percepimus anni.*

*Vertumni rursus credidit esse sacrum.*

Asconius signum fuisse in vltimo vico Thurario, siue, vt ait Var. Thusco, sub basilicæ angulo plectentibus se ad dexteram partem: eumq; Deum inuertendarum rerum, id est, mercaturæ esse vult. Fuit enim propè Ianum nunc quadrifrontem, vbi Aræ Opis & Cereris. Quidam Vertumnus & Ianum eundem tradidere. Cic. in Ver. locum innuit his verbis. Quis à signo Vertumni in circum Maximum venit, quin is vnoquoq; gradu de auaritia tua commoneretur? Vertumnalia dies festus à Vertumno dictus, cuius feriæ Octobri mense celebrabantur. Sex. Pomp. refert Vertumnus Templum habuisse M. Fuluij Flacci triumphantis pictura clarum, quod in vico Thusco posuit. P. Victor. si id est, quod Iani, certè aliud esse ab hoc, quod marmoreum, quadrifronsq; extat in Velabro, opinamur. est enim pene integrum, vt ab aliquo nouissimorum Imperatorum excitatum putem, non autem à Numa, vt falso edit Blon. cuius opinionem quisq; facillimè

respuet, attendere diligenter si velit ad ea, quæ dicta sunt supra, vbi de eodem tractauimus templo. Huius vero testudo quatuor tantum pilis sustinetur, quatuor portarum institutum, vt diximus, ad quatuor anni temporum similitudinem, vnde in singulis frontibus duodecim loculi, siue fenestræ spectantur; quæ videntur significare ipsum diuum principium, & Ianuam esse totius anni in duodecim menses diuisi. Hinc Cic. de nat. deo. cum in omnibus, inquit, rebus vim haberet maximam, prima & extrema principem in sacrificando Ianum esse voluerunt, quod ab eundo nomen est deductum: ex quo transitiones peruiæ Iani, foresque in liminibus profanarum ædium Ianuæ nominantur. Ædes. P. Africani, & Basilicam Sempronij ad signum Vertumni, propè nunc S. Georgij in Velabro ecclesiam fuisse, docet Liiij verba, quæ ex libro quarto dec. quintæ sunt hæc. T. Sempronius ex ea pecunia, quæ ipsi attributa erat, ædes. P. Africani ponè veteres ad Vortumni signum, Laneasque, & tabernas coniunctas in publicum emit, Basilicamque faciendam curauit, quæ Sempronia appellata est.

## C A P. LVIII.

*De Argileto, Domo Cornelij, Æquimelio,  
& Socordie Sacello.*



ARGILETVS à fine vici Thusci incipiens ad Marcelli theatrum terminabatur. Fabius autem pictor à principio vici Thusci sub Cæliolo, inter circum Maximum, & Auentinum, deduxit. Huius etymologia secundum Var. trahitur ab argilla, quòd ibi esset id genus terræ; siue à fabula. Nam Euander Argum quandam hospitio suscepit, qui cum de eius cogitaret interitu, vt ipse regnaret, Euandro hæc non sentiente, locij intellexerunt, qui Argum necarunt, cui Euander & sepulcrum fecit, & locum sacrauit: de quo poeta sic ait.

*Nec non & sacri monstrat nemus Argileti.*

Imus autem Argiletus ad theatrum Marcelli fuit, vt supra de Iano locuti ostendimus. In hoc vico erant opificum Tabernæ, Bibliopolarum præsertim, quas Argiletanas appellat Mar. hoc carmine.

*Argiletanas manus habitare tabernas.*

Cornelium Domitiani patris clientem domum iuxta Velabrum habuisse testatur Cor. Tac. in qua fugiens Domitianus delituit. Æquimelium sub Capitolio statuit Liius, cum inquit: Substructionem super Æquimelium in Capitolio, & viam silice sternendam à porta Capena ad Martis ædem locauerunt. Ad quam partem Capitolij indicat libro quarto bel. pu. inter Salinas, ac portam Carmentalem cum Æquimelio, Iugarioq; vico omnia sacra, & prophana igni absumpta esse commemorans. Et tertio eiusdem belli lupum Exquilina porta ingressum frequentissima vrbs parte decurrissè in forum, Thuscoq; vico, atque Æquimelio per portam Capenam propè intactū euassisse. Hinc iudicamus Æquimelium fuisse inter Velabrum, & Capitolium ad tabernas Laneas. Vnde autem diceretur idem author Sp. Melii regnum affectantis mortem describens, sic ostendit: Nec satis est eius sanguinem expiatum, nisi tecta, parietesq; intra quæ tantum amentiarum conceptum esset, dissiparentur, bonaq; contacta pretiis regni mercandi publicarentur. Iubere itaq; Quæstores vendere ea bona, atq; in publicum redigere, domum deinde, vt monumento area esset oppressæ nefariæ spei, dirui ex templo iussit, idque Æquimelium appellatum est. Ostendit & Cic. pro domo sua. Sequebatur circus Maximus; sed quia socordia, licet sero, occurrat, huic



huic ordini postremo loco addetur. Murtiæ igitur Socordix deæ Sacellum sub Auentino stabat, ad cliuum publicum, quo ascenditur ad ædem S. Priscæ. vnde Auentinus Murtius aliquando est denominatus, de hoc vero Sacello Liuius sic meminit: Tum quoque multis milibus latinorum in ciuitatem acceptis, quibus, vt iungeretur Palatio Auentinum, ad Murtiæ datæ sedes. Quidam autem in hoc ambitu Asylum ponunt, at supra ostendimus in Capitolio fuisse, idq; etiã Strabo affirmat. Corn. Tac. ad radices saxi Carmentalis statuere videtur. Sed dicendum in Capitolio à principio institutum: multis vero templis in eo iam excitatis, alio translatum. Non enim verisimile creditur in domicilium deorum, vbi omnes diuitias, vbi spem salutis Urbis, vbi infinita auri, & argenti simulacra collocassent, vbi frequens Senatus de rebus pub. deliberaret, latrones, & infames confugere s. p. q. r. permisisse.

## CAP. LVIII.

*Circus quid, vnde dictus, & cuius rei causa institutus.*



LOCVTURI de Circis, & in primis de eo, qui primus institutus, Maximus est appellatus, consentaneũ esse videtur, de iis quædam præfari, non minorem vtilitatem allatura, quam ipsorum locorum, & sedis cognitio possit asserre. Circus igitur olim locus vbi ludicra celebrabantur certamina, forma oblonga, ad instar arcus, in circuitu habens gradus spectatōribus sedem commodissimam præbentes, ita vt alterius prospectum non impediret. In medio campi duæ metæ pari intervallo stabant, de quibus Suet. ita meminit. Nam quo laxius dimicaretur sublata metæ, inque earum locum bina castra ex aduerso constituta erant. Idem in Claudio: Circo vero Maximo marmoreis carceribus, auratisque metis, quæ vtræque tophina, & lignea fuerant, ex-culto. Quo enim anno Priuernum Romani obsidebant Carceres, qui in prima parte circi erant, primum ædificatos ferunt: dicti quod iis coacerentur equi, ne inde exirent, quam magistratus signum misisset. Dicebatur autem circus secundum Var. quod circum spectaculis ædificatis ibi ludi fierent, & quod ibi circum metas ferretur pompa, & equi currerent. Ludorum vero celebrationes deorum festa erant, si quidem ob natales eorum, vel templorum nouorum dedicationes sunt constituti, & primitus quidem venationes, quæ vocantur munera, Saturno attributæ, Ludi scenici Libero, Circenses Neptuno, & alij alijs dijs, varijsve ex causis, sicuti Sisinius in libris spectaculorum memoriæ prodidit. Circenses etiam in honorem Cereris celebratos esse, probant Corn. Tac. hæc verba: Tandem statuta Circensium ludorum die, qui Cereri celebrantur, & Ouid. sic.

*Circus erit pompa celebr, numeroq; deorum,*

*Primag, ventosis palma petetur equis.*

*Hinc Cereris ludi, non est opus indice causa:*

*Sponte deæ munus, pro meritisq; patet.*

Circenses dicti sunt quod in littore fluminis agitabantur in altero latere positis ensibus. Sed ad circi Maximi descriptionem aggrediamur.

*De Circo Maximo.*

IRCV M autem Maximum Tarquinius Priscum instituisse commemorat Liuius, & Diony. in hæc verba. Extruxit Circum Max. Tarquin. qui est inter Auentinū & Palatinū, circa eum primus faciens sedilia cooperta. primū enim spectabant stātes sub tabernaculis ligneis, harundinib. aridis fultis. Longitudo circi est triū stadiorū cum dimidio: latitudo quatuor iugerum. Circum vero secundum maiora latera & secundū vnum minorum, stagnum in susceptionem aquarum defossum est, altum, latum-que pedes denos, postq; stagnum ædificatæ sunt porticus, tectura triplici, harum autem pauimenta habent, vt in theatris, parum superstantia lapidea sedilia, in superioribusq; lignea. Conducuntur autē in vnum, & coniunguntur inuicem maiores, & minores ad figuram lunarem, ita vt fiat porticus vna circularis ex tribus, quæ ab vno simul omnes verbere recluduntur, octo stadiorum: capax hominum centum & quinquaginta millium. reliquum autem minorum laterum apricum, atque habet apertum in modum forficum, equorum emissiones, quæ per vnum simul omnes stimulū recluduntur. Est autem circa eundem circum extrinsecus alia porticus vnus tecturæ officinas in se habens, & habitationes super eas, per quam sunt ingressus, & ascensus venientibus ad spectaculum, iuxta quamq; officinam, ita vt nihil turbet tot millia ingredientium & abeuntium. Non credimus autem in eam amplitudinem & magnificentiam, quam describit Diony. Tarquinius circum posuisse. legimus enim apud Plinium extructum à Cæsare longitudine stadiorum trium, latitudine vero vnus cum ædificiis. Exornauit deinceps Augustus, Claudius, vt diximus, carceres marmoreos fecit, metasq; deaurauit. Collapsū verò ampliorem, elegantioresq; restituisse Traianum scribit Diony. Mox Heliogabalus columnis pulcherrimis, auroq; illustrauit, cuius pauimentum ex chrylocola fecit. Est enim Chrylocola materies nascens post aurū effossum, auri quidem colorem retinens, cum sit lapis. Suet. in Calig. de Chrylocola sic meminit. Et quosdam præcipuos minio, & Chrylocola constrato circo. Circo quidem Maximo pauimentum ideo fuerat positum, quo, post naumachiam, emissā in Tyberi aqua (adhuc enim subterranei ductus, ab ipso circo ad Tyberim, videntur.) nullo ceno impediēte, reliqua celebrarentur certamina. quod pauimentum etiam nunc extat multa coopertum tellure. De Circi autem pulchritudine Nazarius in pan. refert talia. Circo ipsi Maximo sublimes porticus, & rutilantes columnæ tantum inusitati ornatus dederunt, vt illo non minus cupide conueniatur loci gratia, quam spectandi voluptate. Partem verò huius Auentino contiguam Tiberij tempore deustam esse testatur Corn. Tac. Annus Viterb. Maximi obtinuisse nomen putat, quia maximo deorum Vertumno sacratu esset. Alij à ludorum sumptuositate & excellentia. Alij ab amplitudine, quod longè maior esset, quam circus Flaminius, & Intimus. Plin. enim, vt dixi, facit longitudinem trium stadiorum, latitudinem verò vnus. Capiebat ducenta & sexaginta millia hominum sedētium. Quod autem Dion. dicit centum quinquaginta: intelligendum à principio hunc numerum, ampliatur verò illum cepisse. Quinimo existimo Maximi cognomen inditum longo tempore post Tarquinium, quod innuit Liuius cum dicit, qui nunc Maximus dicitur. nunc, quasi olim hoc epitheto carentet.



*De Templis & Aris, quæ in circo Maximo, vel apud  
fuisse leguntur.*



ONSVS consiliorum deus in Circo Max. Templum habuit, sub testō, ut ostenderetur testum debere consilium esse. Idē autem dicato Consi simulacro rapuerunt Sabinas, ut tegeretur initum de rapto consilium. Ille Consus & eques Neptunus dicitur, unde & in eius honorem circenses celebrabantur. Plut. verō ait Romulum cuiusdam dei Aram conditam sub terra in circo inuenisse, eiūq; deo indidisse nomen Conso, siue à consilio, quod consiliarius foret, siue Neptuni equestris: aramq; ipsam reliquum tempus latere, in equestribus verō certaminibus aperiri. Diony. libro tertio prodidit Arcades Neptuno equestri Templum, solennemq; diem constituisse. Aram vero postea Genio cuidam arcano occultorum consiliorum duci, atque custodi constructam, quibus verbis innuit Consum aram tantum, Neptunum verō templum habuisse, neque eundem esse Neptunum, qui Consus: cui ad stipulari videntur Var. verba, quæ sunt. Consualia dicta à Conso, quod rum feriæ publicæ ei deo, & in Circo Maximo ad aram eius ab sacerdotibus fiunt ludi illi, quibus Sabine sunt raptæ. Præterea anno M. D. XXVI. repertum est facellum in ipso circo, post Diuæ Anastasiæ Templum, in radicibus montis Palatini, ipsius circi fundamentis inclusum, variis conchis marinis, variisq; lapillis inuicem confertis pulcherrimè exornatum; sub maioribus conchis latebat rubra pictura, nullam tamē videbas imaginem, præter aquilæ effigiem, colore candidam, cæterum cristā rubram habentem, in testudine templi ex huiusce lapillis & conchis fabrefactam; quo in loco Deum Patrem nunc ponere solemus. Hoc Templum Neptuni fuisse constans erat omnium opinio. quod cum longe esset remotum ab ea parte circi, vbi Corn. Tacit. in descriptione Vrbis Romuli Aram Consi collocauit, non possum non probare quod Diony. videtur velle, videlicet, templum Neptuno, aram verō Conso fuisse sacram. Quanquam Liuius Consualia Neptuno attribuit, & Sex. Pompe. admonet Consuales celebrari mulis solitos esse in Circo Maximo, quia id genus quadrupedum primo putaretur currui, vehiculoq; adiunctum. Habuit Circus etiam tres Aras sacras, vnam Magnis diis, alteram diis Penatibus; tertiam diis Cœli & Terræ: à quibus omnia oriūtur. Hos Romani Genios & Penates, Vrbisq; præsidēs & custodes vocant. Liberi Liberæq; atq; Cereris Templo iuxta circum Maximum sedem Cor. Tac. sic fecit. Iisdem Temporibus dum ædes vetustate, aut igni abolitas, cœptasq; ab Augusto dedicauit, Libero, Liberæq; etiam Cereri iuxta circum Maximum. Tradunt alij Cassiū Coss. ædem Cereris & Liberi, Proserpinæq; quæ erat supra Circi terminos, vltra ipsas missiones, dedicauisse, cum vouisset diis eam repromissionem pro Vrbe Posthumius aduersus Latinos pugnaturus. At de Veneris talia habet Liuius: Q. Fabius Gurges Cos. filius aliquot matronas ad populum stupri damnatas pecunia multauit, ex quo multatitio ære Veneris ædem, quæ prope circum est, faciendam curauit. & in bello mac. scribit in eodem Ædem Iuuentutis à Lucinio dum uiro dicatam. Ouidius vero Mercurij templum circum Maximum spectauisse. Solis autem, & Floræ eodem in loco, quo Cereris locauit Corn. Tac. Verum Solis Tatium regem alteram ædem prius dedicauisse testis est Var. Plinius narrat Simulacrum Fortunæ Seixæ suo tempore in circo fuisse.

*De Naumachia Circi Mall.*

AVMACHIA locus ita appellatus, ὅτι ἀνθόντις ναῦσι μάχαις id est, quod ibi nauibus certarent. Nam loca instar lacunarum fodientes naualis pugnae simulacra ibi committebant, ad exercendam iuuentutem Romanam, quæ disceret & in a- quis aduersus hostes pugnare, huiusmodi ludicra certamina non solum in circis, verum etiam in amphitheatris commissa esse testatur Suet. Vestigia autem illius, quam diximus, comprehensam inter circum Maximum, & Auentinum, ad radices eiusdem montis adhuc apparent. est enim locus ibi depressus hortis, perpetuis aquis, irriguis.

## CAP. LXIII.

*De Obeliscis duobus Circi Max.*

N Circio Maximo alter duorum obeliscorum octuaginta octo erat pedum; alter verò iacens adhuc in naumachia, obrutus tellure, centum triginta & dodrantis, præter basim, quem Augustus ex Hieropoli Ægyptiorum Vrbe transtulit, nunc est in duas partes fractus, quod quidem accidit cum ipse princeps erigere vellet. Excisus à rege Semnefreto, quo regnante Pithagoras in Egypto fuit.

## A D N O T A T I O.

Anno M. D. LXXXVII. Sexti V. Pont. Max. iussu (postquam è priori sede Obeliscum Vaticanum auulserat, ac in Foro Principibus Apostolorum dicato non minori sumptu quàm ingenio locauerat) eruti sunt è Circi maximi cauea percelebres duo Obelisci miræ magnitudinis, poenè cōfracti, quorum maior, Constantij nempè Augusti, vt inscriptio carminibus in eius cippo insculptis testatur, pedum verò 112. longitudinis, in Lateranense forum, ingenti Pontificis sumptu, ingenio ductuq; Dominici Fontanij Architecti è pago Mili, agri Honocomensis translatus & erectus, ac sanctissimæ Cruci Saluatoris nostri ad perpetuam rei memoriam dicatus est. Alter verò minor Augusti Cæsaris, vt inscriptio in illius basi docet, longitudinis pedum LXXXII. Soli ab eodem Augusto dicatus, ante Basilicam Sanctæ Crucis (quæ dicitur in Hierusalem) in agro Sessoriano, eidemq; Sacratissimæ Cruci eodem Pontifice iubente, ipsoq; Architecto vehente erectus & sacratus est.

## A D D I T I O.

Addendum nobis fuit his quæ superius diximus de Obeliscis, inscriptiones, quæ repertæ sunt in ambobus Obeliscis effossis hoc anno M. D. LXXXVII. è Circio Maximo. In eo enim Constantij qui maximus est omnium qui in Vrbe fuerunt translati eius base, vel cippo (vt aiunt) licet satis perfracto, aderat subsequens carminibus inscriptio, è quatuor lateribus, quæ à viris literarum præditis, ac ingenio præstanti Ioanne Hieronymo Catena à secretis epistolis Illustrissimi Cardinalis Alexandrini, & Michaeli Mercato Physico, & à simplicium herbarum notione, Viridario summi Pontificis Præfecto, sic fuerunt concinnati.

*Pars Australis.*

PATRIS OPVS MVNVSQVE SVVM TIBI ROMA DICAVIT  
AVGVSTVS TOTO CONSTANTIVS ORBE RECEPTO  
ET QVOD NVLLA TVLIT TELLVS NEC VIDERAT ÆTAS  
CONDIDIT VT CLARIS EXÆQVET DONA TRIVMFIS



HOC DECUS ORNATVM GENITOR COGNOMINIS VRBIS  
ESSE VOLENS CÆSA THEBIS DE RVPE REVELLIT.

*Pars Orientalis.*

SED GRAVIOR DIVVM TANGEBAT CVRA VEHENDI  
QVOD NVLLO INGENIO NISVQVE MANVQVE MOVERI  
CAVCASEAM MOLEM DISCVRRENS FAMA MONERET  
AT DOMINVS MVNDI CONSTANTIVS OMNIA FRETVS  
CEDERE VIRTVTI TERRIS INCEDERE IVSSIT  
HAVT PARTEM EXIGVAM MONTIS PONTOQVE TVMENTI:

*Pars Septentrionalis.*

CREDIDIT ET PRACIDO VECTA EST VELOCIVS EVRO  
LITVS AD HESPERIVM POPVLO MIRANTE CARINAM  
INTEREA ROMAM TAPORO VASTANTE TYRANNO  
AVGVSTI IACVIT DONVM STVDIVMQVE LOCANDI  
NON FASTV SPRETI SED QVOD NON CREDERET VLLVS  
TANTÆ MOLIS OPVS SVPERAS CONSVRGERE IN AVRAS.

*Pars Occidentalis.*

NVNC VELVTI RVRSVS RVFIS AVVLSA METALLIS  
EMICVIT PVLSATQVE POLOS HÆC GLORIA DVDVM  
AVCTORI SERVATA SVO CVM CÆDE TYRANNI  
REDDITVR ATQVE ADITV ROMÆ VIRTVTE REPERTO  
VICTOR OVANS VRBIQVE LOCAT SVBLIME TROPÆVM  
PRINCIPIS ET MVNVS CONDIGNIS VSQVE TRIVMFIS.

In base verò seu cippo obelisci Augusti Cæsaris, qui ex eodẽ Circo paulò post, eodem tamen anno erutus, quiq; multo minor Constantiano est, tales incisæ sunt literæ, quo sequitur ordine.

IMP. CÆSAR DIVI F.

AVGVSTVS

PONTIFEX MAXIMVS

IMP. XII. COS. XI. TRIB. POT. XIV.

ÆGYPTO IN POTESTATEM

POPVLI ROMANI REDACTA

SOLI DONVM DEDIT.

C A P. LXIII.

*De Fornice Sertini in Circo, Loco Tuberonom, Lupanari-  
ribus, Pompei domo; & luturnæ Fonte.*



DECORATVS autem circus Max. erat Fornice à Sertinio ex-  
citato, vt refert Liuius his verbis: Sertinius ex vltiore Hi-  
spania, ne tentata quidem triumphi spe, quinquaginta millia  
pondo argenti in ærarium tulit, & de manubiis duos fornices  
in foro Boario ante Fortunæ ædem, & Matris Matutæ, v-  
num in Maximo circo fecit: & his fornicibus signa aurata im-  
posuit. Heliorum familia fuit haud diues, eodem autem tem-  
pore fuere sexdecim in vnis ædibus Tuberones, quibus, vt ludos spectarēt, in Cir-  
co Max. & Flaminio locus ob virtutē publicē est donatus: auth. Val. Max. Apud  
circo Lupanaria, vbi meretriculæ corporis questum faciebant, vnde Iuu.

*Et ad circum iussas proflare puellas.* Fuere etiā nostro tempore inter Ianum qua-  
drifrontē, Tyberim & scholā græcam, penē ad ipsum circū producta, à prostitu-  
tis mulieribus occupata; ceterū quatuor ab hinc annis solo æquatis ædificiis re-  
mansit area ruinis oppressa. Sunt qui in circo fuisse columnam Bellicam tradunt,  
propter Ouid. quæ sequuntur, carmina.

*Prospicit*

*Prospicit à tergo summum brevis area circum,*

*Est ibi non parua parua columna nota.*

*Hinc solet hasta manu belli prænuntia mitti,*

*In regem, & gentem cum placet arma capi.*

Nos vero dicimus Ouid. de Flaminio, non autem de circo Max. intellexisse, vt infra, vbi de circo Flaminio agitur, apparet. Pompei Domus apud circum, de qua Plin. sic meminit. Hercules apud circum Maximum in æde Pompei Magni. Iturnæ aquę Fontem in Velabro adhuc scaturire putat Ful. & olim fecisse lacum in foro Romano iuxta templum Vestæ, aquamq; ipsam saluberrimam habitam. Sed, vt declarauimus, antiqua est cloaca, vel aquæ ductus, vt fornices ex saxo quadrato in Tyberim vsque producti, clarè ostendunt.

C A P. LXV.

### *De Septizonio Seueri.*



**S**EQUITUR in sexta parte situs Urbis tertio ordine montium Cælius, quem tertium additum Urbis supra demonstratum est, sed priusquam hunc ascendamus, pauca quædam dicenda occurrunt de Seueri Septizonio, & Constantini arcu, inter ipsum Cælum & Palatinum montem excitatis: Prius autem quid sit Septizonium, vt videamus, illud nos admonet, quod annis ab hinc quatuor, dum Rhodobium natalem mihi patriam proficiscerer, essentq; verba de reliquiis Urbis cum comitibus, & conterraneis meis I A C. Bubino, & I A C. Scaramutia, viris literatis & probis, alter rogauit, quid esset, & an aliquod Romæ exstaret Septizoniū, cui memini me his verbis respondere. Est Septizonium magna quædam moles quadrata, quæ septem cingulis, id est, columnarum ordinibus inuicem superimpositis in modum quatuor porticum, ambitur, ita vt columnæ quanto altiores, eo minores, breuioręq; disponantur, in cuius medio quatuor parietes loculos quosdam facientes surgunt, in summo regum, vel imperatorum condebantur cineres. Duo autem Romæ fuisse inueniuntur; antiquiores meminit Plin. & Suet. qui ait Titum apud Septizonium cubiculo paruo, & obscuro natum quarto Cal. Ianuarij. Manet, inquit, adhuc, & ostenditur locus. vbi autem, dubitatur, constat tamen in via Noua, haud procul à Seueri fuisse Septizonio. Seueri autem adhuc supersunt e regione templi S. Gregorij tres operis ambitiosi veluti Zonæ, columnarum pulchritudine, magnificentia, altitudine spectabiles, ex quibus connectuntur, vix credibilis reliqua altitudo fastigium ad culmen æstimantibus, si moles integra cum totis septem zonis superesset. Quod autem sit illud antiquum instauratum à Seuero, vt autumat Ful. stultum est credere, cum Seuerus multis annis post Titum imperauerit, & Spartianus Septizonium Seueri in via Appia, & à Seuero exstructum constituat. Funus, inquit, Getæ illatum est maiorum sepulcro, hoc est Seueri, quod est in Appia via, euntibus ad portam dextera, specie Septizonij exstructum, quod sibi ille viuus ornauerat. Idem quum septizonium faceret, nihil aliud cogitauit, quam vt ex Africa venientibus suum corpus occurreret. Duplex autem, præter illam, quam diximus, traditur etymologia. Iulius enim Capitolinus Septodium legit. scimus enim Græcos locum ciuibz frequentatum, ad quē multa perducantur viæ, Septodium appellare, nam *ἐπὶ δὲ* septem *καὶ ἐπὶ* viā, quasi septem concurrerent viæ. Plin. Septisolum vocat, à septem solariis, in singulis enim ordinibus columnæ marmoreis trabibus superius inuicem iungebantur, aliis verò trabibus cum mole ipsa in interiore parte excitata: & ita singuli ordines vnā faciebant porticum, siue solarium. In huius Septizonij frontispicio literæ huiusmodi leguntur.



AVG. TRIB. POT. VI.

COS. FORTISSIMVS NOBILLISSIMVS QVE.

Moles enim quæ superest, ita est inclinata, vt iam iam lapsura videatur.

## CAP. LXVI.

*De Arcu Triumphali Constantini Imperatoris.*

ARCUS autem Triumphales in honorem illorum erigebantur, qui prouincijs, aut exteris nationibus debellatis, reb. Po. Ro. feliciter gestis, triumphū meriti esset, à quo triūphales denominantur, in quibus simulacra oppidorū, fluuiorum, nauium illorū, quos deuicerat, in rei perpetuā memoriam, incidebant, quemadmodum in his, qui adhuc stant, cernere licet. Sed arcus triūphales ante imperatorum tēpora excitauit nemo, vt quorundam est opinio. neque antiquiorem, quā Titi, arcum in Vrbe videmus. Plin. hunc morem suo tempore cāpisse narrat, prius enim triumphales statuas, vel trophæa ponere solebant. Romæ triumphales arcus plures, ex his verò, qui hodie, Constantini ad angulum montis Palatini, iuxta Amphiteatrum, triumphalibus ornamentis conspicuum, cumque trophæis, & victorijs allatis, parum læsum conspicimus: superato Mezentio apud Miluium pontem, à Constantino ipso positum, cum hoc indice.

IMP. CÆS. FL. CONSTANTINO MAXIMO. P. F. AVGVSTO S. P. Q. R. QVOD INSTINCTV DIVINITATIS MENTIS MAGNITVDINE CVM EXERCITV SVO TAM DE TYRANNO, QVAM DE OMNI EIVS FACTIONE VNO TEMPORE IUSTIS REMPVBLICAM VLTVS EST ARMIS ARCVN TRIVMPHIS INSIGNEM DICAVIT.

In maiori autem fornice, parteque interiori à dextris, & sinistris legitur, hinc. LIBERATORI VRBIS. illinc FVNDATORI QVIETIS. Superius extra sic. VOTIS. X. VOTIS. XX. quemadmodum apparet in quibusdam numismatibus, quæ sunt apud nos.

## CAP. LXVII.

*De Cæliomonte, & Cæliolo.*

CÆLIVM montem Querquetulanū prius appellatū scribit Cor. Tac. quod talis Syluæ frequens, secūdusque esset mox, Cæliū à Cæle Vibenna, qui dux gētis Hetruscæ fuit, sed eque in eo acceperat à Tarquinio Prisco, seu quis alius regū dedit. nam scriptores in eo dissentiūt. Recte ait dissentiūt. Sex enim Pōp. refert. Cælen Romulo auxilium præbuisse aduersus Sabinos. M. autem Var. contra Latinum regem. hinc post Cælij obitum, quod nimis munita loca tenerent, neque sine suspitione essent, deductos in planum, & ab eis vicum Thuscum appellatum, & ideo ibi Vertumnum stare, quod dis Deus Hetrurix princeps. De Cælianis, qui à suspitione liberi essent, traductos volunt in eum locum, qui vocatur Cæliolus, id est minor Cælius, de quo Mart. ita meminit. Maior Cælius, & minor fatigat. Cæliolus, siue Cælicolus, is est, vt diximus, vbi nunc diui Euangelistæ ædes, olim Dianæ, virgo enim virgini cessit. In hoc autem nihil aliud memoria dignum fuisse inueni; præter ipsam ædem Dianæ, quemadmodum de resp. arusp testatur Cic. Quare ad Cælium reuertamur, quem Tiberius, appellatione mutata, vocari Augustum iussit. auth. Suet.

*De Fauni, Veneris & Cupidinis Templo: Curia Hostilia  
Castris Peregrinis, Domo Lateranorum; de Con-  
stantini & Sessoriani Palatio, ac de  
Equo, L. Veri.*



**I**N medio igitur Cælij montis dorso exstat Templum circulari forma, nunc diuo Stephano, olim verò Fauno dicatum, Faunus enim dictus *ἰνὸς τῆς φωνῆς*, quod voce, non signis, futura ostenderet. Ex peregrinis autem diis quodam tempore hunc solum Romani coluere. Mansiones Albanæ vbi S. Mariæ in Domnica ædes. Veneris & Cupidinis Templum haud procul à porta Nævii statuit P. Vic. siue Sex. Rufus, eo in loco, vbi nunc ecclesia S. Crucis in Hierusalem fuisse, accepimus: Curiamq; Hostiliam duobus in locis, vnam, ut diximus, iuxta forum, in qua Hostilius rex prius habitavit, propè Pacis templum, alteram in Cælio monte, vbi nunc D. Ioannis & Pauli ædes. Livi: Tullus rex in Cælio monte templum, ordini ab se aucto, curiam fecit, quæ Hostilia vsq; ad patrum nostrorum ætatem appellata est: & quo frequentius habitaretur, eandem sedem regiæ cœpit. Castra peregrina Augustus in Cælio constituit, in ea parte, quæ ad ortum æstium, Exquiliasq; pertinet, quo in loco nunc ædes Sanctorum quatuor coronatorum est sita. Domus Lateranorum vbi basilica eiusdem nominis: de qua Iulius Capitolinus ita meminit. Educatus est (de M. Antonio enim loquitur) in eo loco, in quo natus est, in domo aui sui, iuxta ædes Laterani. & Iuuenalis ita.

*Clausit, & egregias lateranorum obsidet ades*

*Tota cohors.*


Flauij Constantini Palatium propè hanc domum inter Cœlimontanam, & Gabiulam portam sedem habuit. Sessoriam vero apud Næviam inter ipsam portam & ecclesiam S. Crucis in Ierusalem. In Platea Lateranensi stat ærea equestris Statua, quam M. Aurelij Antonini esse multi putant, aliqui tamen L. Veri, nō defunt etiam, qui Septimij Seueri. Herodianus enim literis tradidit post adeptum Imperium ex somnio, quod viderat, statuam sibi posuisse.

A D N O T A T I O.

Hæc ænea equestris statua translata est tempore Pauli Papæ 111. anno 1536. in aream Capitolij, ut ex illius inscriptione in marmorea base cernere licet.

C A P. LXIX.

*De Amphitheatro Statilij Tauri.*



**S**EQVITVR Statilij Tauri Amphitheatrum. Sed priusquam de ipso agamus, pauca quædam prælibanda sunt, ut quid sit amphitheatrū, & cuius rei gratia extrueretur, intelligamus. Theatrum igitur à græca trahitur etymologia, dicitur enim *θεῖον θέατρον*, quod est specto, & habet hemicycli formam. Amphitheatrum autem ovalem, appellatum *ὀρεῖον θέατρον*, quod est circumspecto, quasi in vnum iuncta duo visoria. Calpod. Titum omnium primum amphitheatrum inuenisse putavit, eius sunt hæc verba. Hoc Titi potentia principis diuitiarum profuso flumine excogitavit ædificium fieri, & cum Theatrum hemisphæriū græce dicatur, amphitheatrū, quasi in vnum iuncta duo visoria, rectè constat esse nominatum, quod speciem eius arena concludat



concludat, & vt currentibus aptum daretur spatium, & spectantes omnia facilius viderent, dum quædam prolixa rotunditas vniuersa collegerat. At prius C. Cæsarem amphitheatri molem in Campo Martio posuisse, testis est Cor. Tac. quam ab illo destinatam Augustus mox Mausoleum ædificaturus destruxit, aut. Sueto. qui etiam in Cæsaris vita commemorat Statilium Taurum prius Tito amphitheatrum posuisse, alterumq; deinde à Tyberio inchoatum sed non perfectum. In amphitheatro autem multispe premii, quod publicè dabatur, cum bestiis pugnabant. Capite etiam damnati, & bello capti hoc miserrimo certamine capitis discrimen subire cogebantur. Claudius enim Imp. pacatis Ægyptiis, cum militum non parua manus rebellasset, partem illorum occidit, partem Romam misit cùm bestiis pugnatuos. Vnde, inquit Iulius Capitolinus, tractum sit vt proficiscētes ad bellum imperatores munus gladiatorum, & venatus darent, breui dicendum est. Multi apud veteres dicunt hanc deuotionem factam contra hostes, vt non sanguine litato specie pugnarum seuerioris vim quandam fortunæ satiarent. Ituros autem ad bellū Romanos debuisse pugnās videre, & vulnera, & ferrum, & nudas inter se cohortes, ne in bello armatos hostes timerent, neue propter vulnera, aut sanguinem horrerent. Eius autem seruissimi instituti causa consueuerunt ituri ad bella exhibere in spectaculis multa gladiatorum paria, & quò quisq; ditior erat, eò plura. De partibus autem amphitheatri vide Vitruuium. Statilii Tauri amphitheatrum magnam partem adhuc extare cernimus apud Ecclesiam S. Crucis in Ierusalem, prope vrbs mœnia quod extruxit Augusto ciues Romanos hortante, vt quisq; pro viribus Urbem exornare niteretur, auth. Suet. Qui in Caligula narrat ipsum principem munera gladiatoria partim in hoc amphitheatro, partim in septis aliquot egisse.

## CAP. LXX.

*Aqua ductus cur inuenti, Quibus modis aqua deducerentur, cui vsui, quis prius deduxit, & quot aqua deductæ.*



QVONIAM de ductu aquæ Claudia locus postulat, vt loquamur, crebraq; in sequentibus de aquæductibus erit mentio, placet quædam de iis præmittere, quò causam aquas deducendi, quibus modis, cuiue vsui, & à quo primum, & quot diuersis temporibus in urbem ducta sint, intelligamus. Vrbe enim & ambitu, & hominum numero aucta, paulatim à fluuiio hunc, atq; illum locum appetendo, magna ciuium pars recessit, quæ cum longo interuallo aquam petere cogeretur, maximumq; sentiret incommodum, cogitauerunt prisce velle huic inopiæ subuenire, hinc deducendi aquas origo. Aqua enim ex omnibus elementis mortalibus maxime est necessaria. Quare Pindarus ait ipsam optimam esse, & vt aurū inter metalla, cæteris præstare elementis. Adhæc vrbs salubritati maximè contulisse, sic testatur Frontinus: Sentit hanc curam Imperatoris piissimi Neruæ principis sui Roma regina orbis, & terrarum domina, cui par est nihil, & nihil secundum, & magis sentit salubritas eiusdem æternæ Urbis aucto castellorum, operum, munerum, & lacuum numero, nec minus ad priuatos commodum ex incremento beneficiorum eius diffunditur. Nam immunditiarum facies, & impurius spiritus grauioris cœli, quibus apud veteres Urbis infamis aer fuit, sunt remoti. Duobus autem modis deductas esse: arcuato videlicet opere, & subterraneis cuniculis, idem ita declarat. Hi sunt arcus altissimi, subleuati, in quibusdam locis pedes centum nouem, tota aquarum, tam multis necessariis molibus pyramides videlicet ocio-

fas comparem, aut cætera inertia, sed fama celebrata Græcorum: per subterraneos vero meatus probat Strabo hoc modo. Tanta autem per aquæductus aquarum vbertas influit, vt per vrbē, atq; cloacas omnes inundare videantur, & vniuersæ propemodum ædes subterraneos meatus, Siphones, ac fistulas vndosas habeant. Præterea etiam hodie ad radices *Quirinalis* in villa Car. Grimaldi, in dorso eiusdem montis, in vico patricio, & *Suburra*, in via Latina, in *Auentino*, apud Iudæorum plateam, multisq; aliis in locis subterraneos aquæductus videmus. Ii autem soli in Vrbem per arcus influebant, qui iusto æquilibrio per congruentia loca poterant deduci. Deducebantur enim aquæ ex diuersis locis, & quia Anio Novus omnium erat altissimus, necessitate urgente, cæteris subueniebat. Quinq; sunt, inquit Fron. ductuum altitudines in omnem partem Vrbis, sed his aliæ maiore, aliæ leuiore pressura coguntur. Altissimus Anio est Novus. Proxima Claudia, tertium locum tenet Iulia, quartum Tepula, dehinc Martia, quæ capite etiam Claudiæ libram æquat, sextum tenet locum Anio vetus, sequitur hanc libram Virgo, deinde Appiana, omnibus humiliter Alstetina, quæ Transyberinæ regioni, & maxime subiacentibus locis feruit. Mox vero cui v-sui essent, sic ostendit. Auctores cuiusque aquæ, ætates, præterea ordinem, & longitudinem riuorum, & ordinem libræ cum prosecutus sim, non alienum mihi videtur singula subiicere, & ostendere quanta sit copia, quæ publicis, priuatisque non solum vsibus, & auxiliis, verum etiam voluptatibus sufficit, & per quot castella, quibusq; regionibus deducatur, quantum extra Vrbem, quantum intra Vrbem, & ex eo quantum lacubus, quantum muneribus, quantum operibus publicis, quantum nomine Cæsaris, quantum priuatis vsibus erogetur. Quid autem sit Castellum in aquæductibus, Vlpianus ita declarat. Castellū est receptaculum quod aquam publicam suscipit. Cum itaq; ductus aquarum ad viarum diuortia, vel regionum Vrbis fines perducti erant, castella in formarum summitate erant, ex quibus aqua per digitos, vncias, & modulos ædificiis, operibusque, & muneribus publicis, ac priuatorum vsibus diuidebatur à Castellario. Erat enim Castellarius castelli aquarum custos, vt probatur epitaphio sequenti videlicet.

D

M

CLEMENTI CÆSARVM N. SERVO CASTELLARIO AQVÆ CLAVDIÆ FECIT CLAVDIA SABBATIS ET SIBI ET SVIS.

In solo autem lacus erant alia aquarum receptacula, ex quibus cum Romanæ plebis, & fullonum, coriariorum, aliorumque opificum necessitatibus satisficeret, tum horti irrigabatur. Idem vero Fron. custodiam aquis adhibitam esse, sic testatur. Tutelam autem singularum aquarum locari solitam inuenio, positamq; redemptoribus necessitatem certum numerum circa ductus extra Vrbem centum ab Vrbe seruorum opificum habendi, & quidem ita, vt nomina quoque eorum, quos habituri sunt in ministerio per quasque regiones in tabulas publicas deferrent, eorumque operum probandorum curam fuisse per Censores aliquando, & Ædiles, interdum etiam Consulibus eam provinciam obuennisse, vt apparet ex eo quod factum est C. Lucatatio, & Cæsone Coss. Quanto opere autem curæ fuerit ne quis violare ductus aquarum, nec non concessam diuina auderet, cum ex multis apparere potest, tum ex hoc, quod Circus Maximus, ne diebus quidem ludorum circensium, nisi Ædiliū, aut Censorum permissu, irrigabatur. Agri vero, quos aqua publica contra legē, quis irrigasset publicabatur, cuius rei causa Ædiles curules iuebantur per vicos singulos, qui in vnoquoq; vico habitarent, prædium haberent, binos præficere, quorum arbitratu aqua in publicum saliret. Primus autem M. Agrippa post ædilitatem, quam gessit consularis, operum suorum, & munerum velut perpetuus curator fuit, qui iam cop-

pia per-



pia permittente, descripsit quid aquarum publicis operibus, quid lacubus, quid priuatis daretur. Omnium autem primum Ap. Claudium ex agro Lucullano arcuato opere deduxisse aquam, ab eodem autore literis traditur, qui nouem solum aquas suo tempore in Urbem fluxisse sic commemorat. Nunc autem in Urbem iassunt Appia, Anio vetus, Martia, Tepula, Iulia, Virgo, Alfietina, quæ eadem vocatur Augusta, Claudia, Anio Nouus. Quæ autem fuerint istæ aquæ, & vnde, quotq; passuum millibus, vel sub terram, vel arcubus ducerentur, pluribus verbis ipsemet recenset. Sex. vero Ruffus, eo posteriorem, quem Diocletiani temporibus Urbem Romam descripsisse putat Blon. nouem, & decem aquas posuisse animaduerti.

## CAP. LXXI.

*De Aquæductu Claudie aquæ.*

DIUVM Claudii duos aquæductus à Caligula inchoatos perfecisse, sic declarat Fron. altero Imperii sui anno duos ductus inchoauit, quod opus Claudius magnificentissime consummauit, dedicauitque alteri, quod ex fontibus Ceruleo, & Curtio perducebatur, Claudie datum nomen: hæc bonitate proxima Marcie. Altera, quoniam duæ Anienis aquæ in Urbem fluere cœperant, vt facilius appellationibus dignoscerentur, Anio Nouus vocari cœpit. Suet. opera, inquit, magna, potiusquam necessaria, quam multa perfecit, sed vel præcipue aquæductum à Caio inchoatum. Meminit & Plin. his verbis: Vicit antecedentes aquarum ductus nouissimum impendium operis inchoati à Caio, & perfecti à Claudio; quippe lapideam excelsum omnes vrbes, & montes æquantem, vt lauacra impleret, Curtios, atq; Ceruleos fontes adductos, erogata ad id opus talentum sexaginta millia. Is est aquæductus, quem à porta Næuiæ per Cœli montis dorsum in Auentinum perducit Cassi. In frontispicio autem eiusdem portæ de restitutione eiusdem aquæductus hæc leguntur.

TI. CLAVDIVS DRVSI. F. CÆSAR AVGVSTVS GERMANICVS PONTIF. MAXIM. TRIBVNICIA POTESTATE XII. COS. V. IMPERATOR XXVII. PATER PATRIÆ AQVAS CLAVDIAM EX FONTIBVS QVI VOCABANTVR CERVLEVS ET CVRT. AMILIARIO. XXXXV. ITEM ANIENEM NOVAM. A MILIARIO XII. SVA IMPENSA IN VRBEM PERDVNDAS CVRAVIT.

IMP. CÆSAR VESPASIANVS AVGVST. PONTIF. MAX. TRIBVN. POT. II. IMP. VII. COS. III. DESIG. IIII. P. P. AQVAS CVRTIAM ET CERVLEAM PERDVCTAS A DIVO CLAVDIO ET POSTEA INTERMISSAS DILLAPSASQVE PER ANNOS NOVM SVA IMPENSA VRBI RESTITVIT.

IMP. T. CÆSAR DIVI F. VESPASIANVS. AVGVSTVS PONTIFEX. MAXIMVS. TRIBVNIC. POTESTATE X. IMPERATOR XVII. PATER PATRIÆ CENSOR COS. VIII. AQVAS CVRTIAM ET CERVLEAM PERDVCTAS A DIVO CLAVDIO. ET POSTEA A DIVO VESPASIANO PATRE SVO, VRBI RESTITVTAS. CVM A CAPITE AQVAVM SOLO VETVSTATE DILAPSÆ ESSENT NOVA FORMA REDVNDAS SVA IMPENSA CVRAVIT.

In eodem aquæductu iuxta hospitale lateranense, inter alios, hic positus est index.

M. AVRELIVS ANTONIVS PIVS FELIX AVG. TRIB. POT. IIII. PROGOS. ARCVS COELIMONTANOS PLVRIFARIA MVETVSTATE CON-

LAPSOS ET CONRVPTOS A SOLO SVA PECVNIA RESTITVIT.

Partem autem huiusce aquæ in Capitolium à Caracalla fuisse deductam ferunt. Extant enim ruinæ formarum in Palatium vsque. In arcu vero tiburtino, huic aquæ ductui cōiuncto, propè ædem diuę Mariæ in Dominica, vetustate corrosæ sunt literæ tales.

P. COR. P. F. DOLOBELLA COS. C. IVNIVS. C. F. SILLANVS FLAMEN MARTIAL. EX S. C. FACIVNDVM CVRAVERVNT IDEM QVE PROBAVERVNT.

Aquam quidem ipsam à Traiano in Auentinum perductam, Traiani nomen accepit, auth. Front. cuius adhuc apparent formarum vestigia apud S. Priscam, & in ruinis Thermarū Decij marmor paucis ante annis effossum id, quod Frontini verba, significabat.

### A D D I T I O.

Pius IIII. Pontif. Maxim. Anno circiter quarto sui Pontificatus, qui fuit M. D. LXIII. cogitare cœpit de perducenda in urbem Aqua, quæ à nostris hodie Salonia dicitur, sicuti & deferendam ob Urbis ornatum & commoditatem curauit. Hæc aqua concipitur octauo circiter ab Urbe milliario inter viam Tiburtinam & Prænestinam, & ea putatur esse, quæ olim Alsetina dicebatur; nam & de distantia, & de loco cum Iulio Frontino conuenit, nisi fortè fuerit Appia, quam inde pariter originem habere idem auctor asserit. Hæc aqua in Urbe miscetur cum aqua virgine, & deriuatur primum sub colle hortulorum producens fontē in medio plateæ S. Mariæ de Populo, ad publicum & communem vsū, aliumq; ibidem ad sordes abluendas publicæ pariter commoditati, tribuit pariter artificio rotarum & machinarum instructione aquam in summitate ipsius collis hortulorum, ad hortos amplissimos & magnificentissimos Ferdinandi Cardinalis Medici, Cosmi magni Hetruriæ Ducis filij, deinde in regiones Triuij & Campi Martij affluenter suppeditat priuatos fontes & riuulos, & præsertim sub ipso colle hortulorum, vbi dicitur ad Sâctissimæ Trinitatis, regio tota perfunditur: Tum egregij fontes patent in hisce Plateis, nempe Columnæ Antoninæ vnus, S. Marci vnus, Rotundæ in qua Pantheon est vnus, in Agone tres, in platea Matthiorum, vnus: Ad fontes Triuij totius aquæ & virginis & Saloniæ caput deducitur. Præterea multis vndiq; locis per Urbē ablutorij fontes, seu lauatorij, (vt vulgò dicunt) visuntur, tum priuatim, tum etiam ad publicum omnium commoditatem fabricati, qui tempore Pij IIII. in hunc vsque diem constructi fuere.

Aquæ ductus aquæ felicis nostro tempore exstructus est à Sixto V. Pont. Max. Anno M. D. LXXXV. primo sui Pontificatus, prout testatur inscriptio, imposita arcui erecto in ipsis aquæ ductibus intra Mœnia Urbis, prope portam S. Laurentij, quæ talis est.

SIXTVS V. PONT. MAX.

DVCTVM AQVÆ FELICIS

RIVO SVBTERRANEO

MILL. PASS. XIII.

SVBSTRVCTIONE ARCVATA VII.

SVO SVMPTV EXSTRVXIT.

ANNO DOMINI M. D. LXXXV.

PONTIFICATVS I.

Hæc aqua ducta est ex agro Lucullano, vel Tusculano potius, ac ea esse putatur, quæ olim Claudia vocitata est, ab ipso Appio Claudio, vt habetur ex Andrea Fulvio, qui primus eam in Urbem duxit: constat enim hanc, Romam fuisse ductam; ex subterraneis meatibus, qui propè illius fontem apparent. Concipitur autem via



tem via Labicana, seu Prænestina. xvi. ab Vrbe milliario, diuerticulo sinistror-  
sum m. m. paf. ex fonte, seu palude, quam nostrates hodie Pantanum Gryphem  
vocant: ego verò Paludem Agrippæ potius dicerem, paucis immutatis. Nam cō-  
stat M. Agrippā (vt ex Plin. Iulio Frontino, & aliis) multas in Vrbe aquas deduci  
curauisse, ac veteres aquæ ductus restaurasse, quorum vnus aquæ huius fuisse legi-  
tur: à quo & fons ipse fortè nomen accepit. In hoc opere exstruendæ aquæ felicis  
ductum, ferunt ab eodem Pontifice centum millibus nummis aureis impensum  
fuisse.

Caput huius aquæ ad Thermas Diocletianas primum producit, ibi in par-  
tes distribuitur: nam quadrans, seu quarta pars ad hortos, seu suburbanum sum-  
mi Pontificis Sixti V. sub Exquilis tendit, portionem ex reliqua Illustrissimus  
Ferdinandus Cardinalis Mediceus ad eius amœnissimos hortos in colle hortu-  
lorum irrigandos, & fontibus exornandos accepit. Tum in area Sanctæ Sufannæ  
prope Thermas ipsas Diocletianas Summus Pontifex tres amplas ingētesq; for-  
nices ad aquas ibi subministrandas erexit. Inde s. p. q. r. eandem aquam in  
Capitolium ducendi per viam Piam facultatem tradidit: quiq; ductu subterra-  
neo, opere tamen arcuato, per Siphones in aream Capitolinā transtulit, impensa  
vt relatum est, triginta quinque millium nummum aureorum.

## CAP. LXXII.

*Deijs quæ incertam sedem nunc in Cælio monte  
habent.*



Rvrvs primus Cos. pulso Tarquinio Carnæ deæ Templum  
in Cælio monte exstruxit, sacrumq; voti reus fecit, quia cor-  
dis beneficio, cuius dissimulatione habebatur idoneus, emē-  
dationi publici status exstitit. Hanc enim deam vitalibus hu-  
manis præesse credebant, ab eaq; petebatur vt iecinora & cor-  
da, quæque sunt intrinsecus viscera salua conseruaret. Tem-  
plum Claudij Cæs. conditum à Vespasiano, sed prius cœptum  
ab Agrippinā in Cælio monte Neronem funditus destruxisse auth. est Suet. Ma-  
murra Formianus fauorur Cæsaris in Gallia præfectus, Domum, quam in mō-  
te Cælio habebat, primus omnium Romæ marmoreis crustis exornauit. Plin. In  
Cælio Domum Claudij Centimali fuisse, ait Valer. Maxim. de qua Cic. memi-  
nit. Cum in arce augurium augures acturi essent, iussissentq; T. Claudium Cen-  
timalum, qui ædes in Cælio monte habebat, demoliri eas, quarum altitudo offi-  
ceret auspiciis, emit Calphurnius Lanarius. Domus Tetricorum (inquit Pollio)  
qui duo, ex triginta tyrannorū fuerunt, hodieq; extat in monte Cælio: inter duos  
lucos, contra Ilium Metellinum pulcherrima. In eodem monte Iunij Senatoris  
Domum constituit Cor. Tac. Adduntur, ait, sententiæ, vt mons Cælius in post-  
erum Augustus appellaretur, quando cunctis conflagrantibus sola Tiberij effigies  
in domo Iunij Senatoris inuiolata mansisset. Habuit Cælius Domum T. Claudij  
clypti hymnologi, quemadmodum in eius epithaphio legimus, & Cornelij Do-  
mum, qui, vt alij volunt, primus eam marmoreis tabellis exornauit: Martialis  
Campus, in quo, si quando aquæ Tyberis Martium campum occupassent, equi-  
ria fiebant, in Cælio à Sex. Pompe. collocatur, sicut ab Ouid. his carminibus.

*Altera gramineo spectabis equiria campo,  
Quem Tyberis curuis in latus vrget aquis.  
Qui tamen electa si fortè tenebitur vnda,  
Cælius accipiet puluerulentus equos.*

Fuit in eodem monte Macellum Magnum, Antrum Cyclopi. Spoliarium, & Armamentarium. Sed de Cœlio satis. Videamus quid à latere ipsius, quod Auētinum respicit, sit, aut fuerit.

## CAP. LXXIII.

*De Appia, & Noua via, ac de Isidis, Virtutis,  
Honoris, atque Quirini, siue Mar-  
tis Aede, & Almone flu.*



Nisus Urbis descriptione dictum est conuallem, Appiamque viam, quantum ad Septentrionem spectat, à Palatino, quantum verò ad occasum hyemalem, à monte Auentino, Cœlium dirimere. Pom. autem Letus Appiam Brundisium vsque producit, à porta autem ad thermas Antonianas Nouam vult appellari. Sed Appiam etiam intra Urbem fuisse vsq; ad Constantini arcum innuit Spartianus, in ea Septizonium Seueri cum collocauerit, potuit tamen aliquando accidere, quod huius pars à Caracalla munita Nouæ nomen adepta sit. Quod autem Solinus dicit Tarquinium Priscum habitauisse ad portam Mugoniam supra summam Nouam viam, de alia intellexim. Sunt qui putant viam Nouam à porta Palatii inchoasse, & per radices Palatini montis supra circum Maximum ad infimam Piscinam peruenisse, vbi nunc Diui Sixti ædes visitur. Verum, vt diximus, viæ Nouæ diuersis temporibus à diuersis hominibus nouiter deductæ, aut munitæ plures, & multis in locis fuere. Quocirca, nisi distinguantur tempora, infinita occurrent apud scriptores, quæ inter sese contraria videbuntur. Ad caput autem viæ Nouæ in regione Piscinæ inter prædictam ædem, spectandasq; thermarum Antoniarum ruinas, fuit Templum Isidis Antenodoricæ, ab Antonio Bassiano conditum, iuxta ipsius Thermas, vbi quædam marmora eruta sunt, cum inscriptione mutilata huiusmodi.

SÆCVLO FELICI ISIAS SÁCERDOS ISIDI SALVTARIS CONSECRATIO.

In altero verò fragmento sic legebatur.

PONTIFICIS VOTIS ANNVANT DII ROMANÆ REIP. ARCANA-  
QVE MORBIS PRÆSIDIA ANNVANT QVORVM NVTV ROMANO  
IMPERIO REGNA CESSERE.

In via autem Appia, haud longè à porta Honoris, & Virtutis steterat Templum, quod M. Marcellus dedicauit, decimo septimo anno posteaquam à patre eius primo consulatu vorum in Gallia ad Clastidium fuerat. huius meminit Cic. de natu. deorū Martis Tempia duo, inquit Ser. vnū Quirini intra Urbē, propè portam; quasi custodis, & Tranquil. alterum in Appia via extra Urbem, quasi bellatoris, & gradiui. Ful. verò scribit duo extra portam fuisse Martis templa. Vnum quatuor miliarijs ab Vrbe distans: alterum paulò extra portam. quod si ita est, cur Ser. dixit duo, & non tria eius templa, vnum Quirini intra Urbem, & duo extra, quod erat consentaneum, secundum ipsum. Almo. flu. per viam Appiam, Auentini quæ radices in Tyberim fluens, longè ab Vrbe ad. X. mil. pass. in agro maritimo oritur, Appijque Riuam vulgò nunc nominant. in quo Mater deorum Cal. Aprilis singulis annis à Gallis sacerdotibus abluebatur. vnde Papinius.

*Est locus ante Urbem, qua primum nascitur ingens*

*Appia, quag; Italo genitus Almone Cybelle*

*Ponit, & Idaos iam non reminiscitur amnes.* Ouidius.

*Est locus,*



*Est locus, in Tyberim qua lubricus influit Almo,*

*Et nomen à magno perdit ab amne minor.*

## A D D I T I O.

De via quæ vocatur Pia, quæq; ætate nostra æquata, & recta ducta est, aliquid bonis in præsentiarum est deliberandum. Hæc namque sub Pio Papa IV. anno M. D. L X I I. aperta fuit, vel potius ad rectitudinem strata; quæ antea per anfractus, ut plurimum ducebat ad Exquilinam, seu Nomentanam portam. Hæc vero via incipit ab ipsis equis Viridatis, qui in Quirinali locati sunt, quibus ostendit colossi bini, simulacra nempe Alexandri M. Macedonum regis, opera egegiorum ac præstantissimorum artificum Fidiæ & Praxitelis. Hæc vero via ad portem usque Numentanum recta protenditur, tribus fere millibus pass. Ipse autem Pontifex ex valuis ædium Sancti Marci, quo ætus tempore suadebat, illam incipere voluit, sed morte præventus non perfecit opus. Sublata ergo Alta semita antiqua via, ac Nomentana porta, idem Pontifex de suo nomine utraq; vocavit, prout in frontispicio illius portæ inscriptio talis legitur.

P I V S I I I I. P O N T. M A X. P O R T A M S V B L A T A N O M E N T A N A E X S T R U X I T V I A M P I A M Æ Q V A T A A L T A S E M I T A D V X I T.

Huius etiam portæ Sciographiam delineavit egregius, ac celeberrimus artifex Michael Angelus Bonarota Florentinus, tribus artis generibus præstantissimus, prout eius opera testantur, hoc est sculptor eximius, pictor admirabilis, architectus vero singularis, ex tot qui nostra ætate floruerunt, qui paulo post, nempe anno M. D. L X I I I I. nonagenarius, & ultra è vita decessit. Porta vero ipsa Nomentana ad iactum lapidis, vel paulo, amplius ab ipsa pia clausa est, ut cernere licet inscriptiuncula in marmoreo lapide cum insignijs illius Pontificis ipsis mœnibus affixa.

Hic Pontifex in elegantior formam, ornatum, & amplitudinem renouavit & aperuit portam, ac viam Flaminiam stravit, ut in præsentiarum cernitur, superimposita ipsi portæ à parte exteriori, subsequenti inscriptione, videlicet.

P I V S I I I I. P O N T. M A X. P O R T A M I N H A N C A M P L I T V D I N E M E X T V L I T V I A M F L A M I N I A M S T R A V I T A N N O I I I.

Idem pontifex anno circiter M. D. L X I I I. postquam fossa, vallo & aggeribus molem Hadrianam, seu castrum Sancti Angeli, & Vaticanum, & vicos ipsos, qui intermedium sunt satis munierat, ceptum est ibi prope mœnia, ob loci commoditatem ædificijs hinc inde deductis, exurgere vicus, qui de nomine ipsius Pontificis Pius vocitatus est, in cuius capite dextrorsus aperuit portam, quam pariter de suo proprio nomine Angelicam vocavit, ipse enim Pontifex Ioannes Angelus in baptismo vocatus est, è domo Medicea Mediolanensis.

Gregorius vero X I I I. Pont. Max. ad maiorem populi commoditatem ac usum, viam quæ à basilica diuæ Mariæ Maioris ad sancti Ioannis Lateranensis tendit, aperuit anno Iubilei M. D. L X X V. ut cernitur in superepistilijs porticus ipsius basilicæ hac inscriptione.

G R E G O R I V S X I I I. P O N T. M A X. E V G E N I I L A B A N T E M P O R T I C V M D E I E C I T A C M A G N I F I C E N T I V S R E S T I T V I T V I A M R E C T A M A D L A T E R A N A M A P E R V I T A N N O I V B I L E I M. D. L X X V.

Quæ porticus cum ab Eugenio I I I. Pont. annis circiter 430. elapsis, erecta esset, iamque vetustate collaberetur, tamen pietas, & modestia Gregorii Pontificis non tulit aboleri penitus monumentum illius optimi Pontificis, sed inscriptionem, quæ carminibus illius tempestatis in ipsis superepistilijs columnarum inculpta erat, iussit reponi, sicut antea reperiebatur, quæ talis est.

*Tertius Eugenius Romanus Papa benignus,*

*Obtulit hoc munus virgo Maria tibi.*

*Quæ mater Christi fieri merito meruisti,*

*Salua perpetua virginitate tibi.*

*Es via, vita, salus, totius gloria mundi*

*Da veniam culpis virginitatis honor.*

E basilica D. Mariæ Maioris, præter viam Lateranam quæ à Gregorio XIII. uti diximus, aperta est, duæ aliæ nuper certæ sunt viæ, quas Sixtus V. Pont. Maximus initio feri sui Pontificatus, hoc est anno 1585. aperuit, & strauit, quæ sese ad inuicem ac in biuium ita disterminant, ut literæ Pythagoræ Y. formam quandam præferre videantur, dextra enim ad Basilicam sanctissimæ Crucis in Hierusalem in Agro Seforiano tenditur, quæ ampla satis & recta spectabilem præbet obtutum, in cuius medio, paulò ultra, ac prope veteres aquæductus aquæ Claudie in lapide marmoreo parieti nuper affixo sub insigniis eiusdem Pontificis adest subsequens inscriptio.

SIXTO V. PONTIFICI MAX. QVOD VIAM FELICEM APERVIT  
STRAVITQVE PONT. SVI ANNO I. M. D. LXXXV.

Sinistra vero non minus recta, latae quam altera, tenet portā Esquilinam, nunc sancti Laurentii, & deinde templum ipsius sancti extra mœnia, prope quam videtur erectus arcus insignis in mediis ipsius aquæductibus, qui felix dicitur, in cuius fronte è latere læuo, versus eandem portam, legitur hæc inscriptio.

SIXTVS V. PONT. MAX.

VIAS VTRASQVE ET AD S. MARIAM

MAIOREM ET AD S. MARIAM

ANGELORVM AD POPVLI

COMMODITATEM ET DEVOTIONEM

LONGAS LATASQVE

SVA IMPENSA STRAVIT

ANNO DOMINI M. D. LXXXV.

PONTIFICATVS I.

Hæc via de qua superius diximus à nonnullis Montaltam appellari audiui, de nomine patriæ ipsius summi Pontificis, altera vero, cuius ante hanc commemorari felicem etiam ex illius lapidis, quæ citauimus, inscriptione, vocatam esse probatur.

Aliam quoque viam aperuit & strauit idem Summus Pontifex, quam æque felicem appellauit, nisi malimus eam eandemque esse cum illa felice, cuius supra meminimus, interiecta media tantum Basilica eadem Sanctæ Mariæ Maioris: Hæc enim de qua nunc agimus, incipit ab ipsamet Ecclesia, sed ab ea regione quæ partem occiduam & septentrionem spectat, ac motem ipsum Exquiliarum infra se habet, obeliscum ex Augusti Mausoleo ab ipso summo Pontifice erectum, obuium tenet, ac ad templum usque sanctissimæ Trinitatis in monte Pincio protenditur, viam Piam mediam interfecans. Hæc pariter Felix (ut dixi) vocata est, cui à latere dextro, prope suburbanum Pontificis est alia noua via nuper aperta & strata, qua ad thermas Diocletianas itur, hoc est ad diuæ Mariæ Angelorum templum. Hæc via à dextra tantum habet ipsius Pontificis suburbanum, in cuius capite porta est ingens & ampla, præfati Summi Pontificis.

E Thermis Diocletianis seu potius è templo ingenti S. Mariæ Angelorum surgit alia via lata, recta & æqua, ab eodem summo Pontifice aperta & strata, quæ ducit pariter ad portam Exquilinam, nunc S. Laurentii, cuius meminit inscriptio superius à nobis citata, dum viam Montaltam adduceremus.

Aperta est pariter & strata alia via ab eodem summo Pontifice, licet non penitus æquata, quæ à Basilica præfata sanctæ Mariæ Maioris ducit ad montem, qui dicitur ad Balnea Pauli, vulgo autem, Bagnanapoli. Hæc exactis Exquiliis, Vimina-



Viminalē ascendit descenditque, ac domum montem ipsum ad balnea Pauli scandit, nec ulterius hucusque protenditur, atque inter omnes vias ab eodem summo Pontifice apertas minus æqua, & strata videtur, ob exaggerationis siue exæquationis difficultatem: nam valles profundæ nimis, æquandæ & aggerandæ forent, cum aliarum forte non modico viarum incommodo, ut inuentibus patet.

Supererat de celeberrima viarum, quæ nunc instat aperienda, aliquid dicendum. Hæc namque ab area Capitolina ad diui Ioannis Lateranensis ædes recta ferre debet, ac ibi terminare, ad scalas marmoreas, quæ sanctæ appellantur, quæque paulum amouendæ sunt, à propria sede, habebiturque Obeliscum Constantii, Deo fauente erigendum ante ipsos ædes, obuium. Hanc vero creditur, nobilissimam, & amplissimam omnium, quæ ab eodem Summo Pontifice viarum apertæ sunt, futuram.

## CAP. LXXIII.

*De Thermis, & Palatio Antonini  
Caracallæ.*



ANTONINVM Caracallam Thermas, quæ ab eò Antonianæ sunt denominatæ, struxisse, in eius vita Spartianus sic testatur: Opera Romæ reliquit, thermas sui nominis eximias, quarum cellam solearem architecti negant posse vlla ratione fieri, nisi qua facta est, nam ex ære cuprò cancelli suppositi esse dicuntur, quibus cameratio tota concredita est, & tantum est spatii, ut id ipsum potuisset fieri negant docti mechanici. Lamp. vero has inchoatas ab Antonino, Seuerum perfecisse, atque exornasse refert. Visuntur adhuc in radicibus Auentini, ad viam olim Ardeatinam, & apud nunc S. Balbinam, harum ingentes ruinæ, cum altis parietibus, columnisque semisepultis miræ & magnitudinis, & pulcritudinis. Magnum autem ambitum amplectebantur, & ductus ille aquarum, qui ante portam Capenam transit, in eas olim aquam deducebat. Sub thermis Antoninus ipse nobilissimū posuit palatium, cuius vestigia vix supersunt.

## CAP. LXXV.

*De Auentino.*



OLLIS autem Auentinus, quartus in ordine montium fuerat collocatus: de cuius ambitu & forma, cum multa supra dicta sint, reliquū est, ut quibus ædificiis exornatus esset nunc videamus, primum tamen vnde dicatur. Auentinum igitur montem ab auibus, quæ vesperi ex Tyberi illuc cubitum aduolabant, denominatum quidam volunt. Hinc Virg.

*Dirarum nidus domus opportuna volucrum.*

de Auentino locutus. Alia a rege Aboriginum illic & occiso, & sepulto. Var. tamen dicit ingentem Po. Rom. Sabinos à Romulo susceptos istum accepisse montem, quem ab Auante prouinciæ suæ fluuiio, appellarunt Auentinum. Constat ergo varias opiniones postea secutas. Nam à principio Auentinus dictus est ab auibus, vel rege Aboriginum, vnde hunc Hercules filium constat nomen à monte accepisse, non præstitisse, auth. Ser. Idem autem Var. post varias quorundam opiniones, subdit. ego maxime puto ab aduectu, nam olim paludibus mons erat ab reliquis disclusus, itaque eò ex vrbe via qui aduehebantur ratibus, quadrantem soluebant. Alia ab aduentu hominum, quod commune Latinorum ibi Dia-

na: templum sit constitutum. Huic autem monti Remurio aliquando dixerunt nomen. Et quanquam Sex. Pom. refert Remuriam locum esse in summo Auentino, ubi Remus de vrbe condenda auspicatus fuerat; non tamen obstat quin totus mons Remurius appellaretur, quem Romulus neminem passus est habitare, sed sacrum fratri esse voluit vsque ad hylernam. Dionysius autem prodidit, Ancum Martium Auentinum muro cinxisse, contra Gellii opinionem, qui, vt demonstratum est, dicit neque Ser. Tullium neque quempiam aliū, ad diui Claudii tempora vsque, hunc montem, tanquam auius obsecris ominosum, intra pomerii fines recepissee. Quare aut post Ancum statim exclusus, aut secundum Liuium, ab eo nouæ multitudini datus, non tamen Vrbi aditus est iuxta eiusdem Gellii opinionem, qui vult vrbani auspicium pomerii finem facere. Quæ autem in eo fuisse traduntur, breuiter exponamus.

## CAP. LXXVI.

*De Dianæ, Bonæ deæ, Herculis Victoris, Iunonis Regina,  
& Monetæ, Lunæ, Victoriæ, Mineruæ, & Libertatis  
Templo, ac Ara Iouis Elicij.*



N vertice autem Auentini montis, qui Tyberim despicit, stat Diuæ Sabinæ Templum, quo in loco olim Dianæ, ad eam nempe partem, quæ naualia spectat. Appianus enim commemorat Gracchum hoc ascendisse templum, atque inde ad alteram fluminis partem per pontem ligneum transiuisse. De hoc quidem templo Sex. Pomp. sic meminit. Seruorum dies festus existimatur idibus Augusti, quod eo die Ser. Tull. natus est serua ædem Dianæ dicauerit in Auentino, cuius tutelæ sunt cerui, à quorum celeritate fugituios vocent seruos. Cômune autem erat omnibus Latinis, quod ideo instituisse videtur, vt ostenderet lege naturali seruos nihil distare à ceteris hominibus. Dion. enim huius Templi Ancum Martium authorem fecisse videtur traductis, inquit, ex Tillenis, Politorio, alijsq; Urbibus quoscunq; cœperat colonos, ibi collocauit, persuasitque vt templum Dianæ ædificarent, adicerentque statutis temporibus inducias, vt si qua facta inter eos offensio esset, per hæc sacra dissoluerent, posteaque rex pecuniis, quas contulerant Vrbes ex omnes, exstruxit Dianæ fanum, in maximo Romæ collium Auentino collocatū, legesq; in base area conscripsit, in delubro Dianæ sita. Hinc patet, quod si prius hoc templum non fuit in Auentino, quàm tempore Anci regis, non potuisse ab aduentu hominū Auentinus appellari: cum constet ante Anci imperiū hoc nomen obtinuisse. Sequitur in eodem vertice, haud procul hinc, ædes S. Mariæ cognomento Auentinæ, ubi Bonæ deæ templum extitisse ferunt, in honorē Fatuæ castissimæ sororis Fauni à Claudia vestali conditū, postea vero à Luia restitutum. Bonæ deæ autem sacra à solis sceminis peragebantur, neq; licebat viris interesse: vnde Cic. criminatur P. Clod. quod ausus sit hæc sacra, quæ pro salute Po. Ro. fiebant, sua præsentia turbare, atq; polluere. Spartian. ait Hadrianum ædem Bonæ deæ transtulisse, quo autem non dicit. In crepidine ad eundem fluuiū pertinente, vbi nunc Diui Alexii, fuit Herculis victoris templum, & ab eo haud procul Iunonis Regina, ex parte Veientanæ prædæ à Camillo conditū, de quo secundo bel. pu. mentionem facit Liuius. Sed Hercules alterum habuisse dicitur, eo in loco, vbi nunc in ruinis thermarum Decii Imperatoris ecclesia D. Priscæ est sita. In dorso autem Lunæ constituit Ouid. his carminibus.



*Luna regit menses, huius quoq; tempora mensis*

*Finit Auentini Luna colenda iugo.*

Liuius: Atrox cum vento tempestas forem ex æde Lunæ, quæ in Auentino est, raptam tulit. Istis autem certum locum à peritis topographiæ Urbis assignari solet, incertum vero sequentibus, veluti Victoriæ Templo, quod ab Arcadibus exstructum, ab eisdemque sacra eidem deæ constituta narrat Diony. Mineruæ autem à Sex. Pomp. Iunonis vero à Valerio Max. in eodem monte collocatur: à Liuius vero Libertatis, multatitia pecunia cum æreis columnis, & statuis pulcherrimis à patre T. Gracchi, & conditum, & dedicatum, cuius atrium ab Helio Peto, & Cor. Cethego censoribus fuit resectum & ampliatum, & nouissime à Pollione, vt tradit Suetonius, instauratum, de quo Liuius quinto decadis quintæ meminit his verbis. Hæc inter ipsos disceptata, postremo eò descensum est, vt ex quatuor Vrbanis tribubus, vnam palam in atrio Libertatis sortirentur. Libertatē enim Deam in primis coluere Romani, vtpote Libertatis assertores. Habuit Auentinus & aram Iouis Elicii à Numa dicatam, quæ ab eliciendo secundum Var. nomen adepta est. Habuit & Murcæ veterem aram, nam prisci Venerem Murcæam vocabant, à myrto ei dicata, vel, vt alii, quod præter modum non moueret ac faceret hominem murcidum, ac nimis desidiosum & inactuosum. Iunonis Monetæ ædem etiam in Auentino fuisse, literis traditur. Camillus autem dictator in eodem, Matutæ matri templum consecrauit, auth. Blon. qui ex Plin. refert Laurentium Syluam Ioui sacram fuisse in hoc ipso colle, & in ea Valentinianum Gallæ Placidie filium interfectum. De Sylua hac vide Var. & Liuium.

## C A P. LXXVII.

*De Caco & eius Spelunca.*

Ac i Speluncam supra ædem Diuæ Mariæ in schola græca, qua parte Auentinus palatium videt, fuisse, putat Blon. at locus accliuus nullum speluncæ præferret vestigium. Virgil. autem in montis crepidine, loco maxime edito, ponit his carminibus.

*Stabat acuta silex præcis vndiq; saxis  
Spelunca dorso insurgens altissima visu.*

Melior est ratio, quod facit ad Tyberim incumbere dum subdit.

*Hanc, vt prona iugo laeum incumbebat ad amnem,*

*Dexter in aduersum nitens concussit, & imis*

*Auulsam soluit radicibus, inde repente*

*Impulit, impulsu quo maximus insonat aether.*

*Dissultant ripæ, refugitq; exterritus amnis.*

Quod si placet speluncam ipsam ad Palatinum montem pertinere, non procedit, quod ait Poeta: incumbebat ad amnem, abest enim locus ille à fluuiio ad reliquum, à Tyberi; est auersus. Quod autem Ser. dicit Tyberim per circum Maximū fluxisse, de alio tempore, quam quo Hercules in Italiā venit, loqui opinamur. Si enim ad Herculis aduentum referre volumus, obstant, que de ipso à Vir. & Liu. tradita sunt, quemadmodū de ficu ruminali scribentes supra demonstrauimus. Arbitramur igitur Caci speluncam eregione S. Mariæ Auentinæ ædis fuisse, vbi fluuius accedit quam maxime prope Auentino, & mons ipse plurimus attollitur, rupesque tota est scabra, & spelūcis aptissima, quod innuit Dio. prope portam tergemina speluncam ipsam qui constituit, narrans Herculem Caco clauo mactato & spelunca euerſa, arā Iouis Inuentoris erexisse ei loco proximam, camq; suo tempore iuxta portam tergemina exstitisse. Cacus autem

secundum fabulam Vulcani filius fuit, ore ignem, ac fumum vomens, qui vicina omnia populabatur. Veritas tamen habet, hunc fuisse Euandri nequissimum seruum ac furem, nouimus enim malum à Græcis κακὸν dici, quidam ita Arcades illo appellabant tempore: postea translatō accentu Cacus dictus. Scalæ autem Caci ad ipsam speluncam fuisse fabulantur.

## CAP. LXXVIII.

*De Armilustro, & quibusdam aliis rebus in genere  
positis.*



**V**OLATERANVS inquit, Armilustrum putauerim, id spaci, quod in Testaria nunc est: nam in regione Auentini ponitur, nec sane aptior locus recensendis armis, ac militibus ostenditur, hanc sequitur Ful. Plu. autem ait Armilustrum locum in Auentino, vbi Romulus Tatium sepeliuit. Vnde apparet istos non recte sentire, quia aliud est esse in Auentino, aliud in Auentini regione. Var. tamen Armilustrum, & circū Maximum eundem esse arbitratur. Sex. verō Pom. festum quo res diuinas armati faciebant, ac dum sacrificarent tubis canerent. Quare opinor locū in quo festū hoc agebatur, siue in Auentino ad Tatii sepulchrum, siue in circo Maximo, eodem nomine appellatum, quo & locus, vbi perfectis bellis arma reponebātur. Romani enim arma priuatim non tenebant, sed in reditu exercitus in Armilustrū, aut in Tarpeiam rupem reponebant: hinc Spartianus dicit, Vespasianum ex Armilustro arma legionibus permisisse, & Lucan. iam rupes Tarpeia sonat. In Auentino autem, iuxta Regiæ Iunonis templum, fuere Gemoniæ scalæ per quas nequā & fontes vincto trahebātur, erat enim locus præceps in quem facinorosi tracti excarnificabantur. Suet. in Tyb. Imp. funere: Alii, inquit, vncum & Gemonias minabantur, & in Vitel. Tandem apud Gemoniam munitissimis ictibus excarnificatus, inde vincto tractus in Tyberim. Domum Phylidis apud Dianæ templum. Propertius.

*Phylis Auentina quadam est vicina Diana.*

& reliqua. Remoria locus, vt dixi, in Auentino, vbi Romulus Remum sepeliuit, quandoquidem & viuens eum locum ille sedibus destinabat. Thermas Decianas in honorem Decii Imp. à S. P. Q. R. ædificatas in eodem monte fuisse volunt, & apud has Varianas. Traiani vero cum priuatis ædibus in vinea Francisci Albertini eius, qui quædam cursim de antiquitatibus Vrbs in lucem edidit. Fabulantur in Auentino fuisse Fauni, & Pici antrum, fontemq; ex quo bibebant, atq; Numā illic vino apposito eos ebrios factos coniecisse in vincula, & ab his fulmina elicere didicisse. De hoc autem fonte Ouid. in Fast. meminit.

*Lucus Auentino suberat niger ilicis umbra,*

*Quo posses viso, dicere, numen adest.*

*In medio græmen, muscoq; adoperta virenti*

*Manabat saxo vena perennis aqua.*

M. Cato Italum Auentinum coluisse, Liuius vero in eodem, cum plebs à patribus in montem sacrū secessisset, decem tribunos plebis creatos & Cor.

Tac. Diui Tiberii tempore incendio exustum esse memorant. Hactenus autem de

Auentino.



*De Testaceo monte, & de ijs, quæ in eo am-  
bitu fuere.*

NTER Auentinum montem, & Tyberim, ac vrbs mœnia, quatuor laterum inæqualium planiciem collocauimus: in qua, haud procul à mœnibus ad ortum hyemalem pertinentibus, surgit collis, quem vulgo Testaceum vocât. Quo cum animi recreandi gratia munificentissimus vir NICOLAVS Rens, prot. ap. qui rerum experientia, & singulari fide Gallorum regis à secretis existit, me adduxisset, essentq; vna AMBROSIVS Recalcatus, & ANTONIVS Carpanus Mediolanen. & quidam alii honesti viri, in quorû numero fuit etiam BART. de forbicibus, ac FRAN. pontius Placen. (hos enim omnes literis, honestisq; moribus ornatos, & integerrimos honoris causâ nomino) rogassentq;e, an collis ipse ex fragmentis valorum fictilium, in quibus provinciæ tributum Popul. Roman. ferebant, esset coaceruatus? respondi, inueteratam opinionem illam prorsus ridiculam esse, neque apud aliquẽ scriptorem inueniri, subditos Romanis tributa testaceis vasibus detulisse, sed (vt etiam Blon. refert) consueuisse Quæstores in provincias mitti, quibus ea exigendi cura esset, exactaq;e legionibus in stipendia distribuendi, nisi in ærarium Romam mallent deferri, Catonemq;e Vicensẽm Quæstorem in Asiã Cyprumq; missum, habita à provincialibus tributa non fictilibus urnis, sed sacculis in summa naui puppi gestauisse, subere ea ratione longissimis alligatis funibus, vt si naufragio cum naui ipse periisset, supernatans suber ostenderet in fundo depositum, tributorumq; pecunia Pop. Ro. salua esset, propterea me credere collem ipsum aggeratum quidem esse ex fictilium fragmentis, at ex ijs, quæ à fictulis in ista regione officinas habetibus, contulissent, quando quidem Pli. ostendit fictilium maximum vsum fuisse apud maiores, adeo vt deorû simulacra, templorumq;e ornamenta, & ipsa parietum crustamenta ex fictilibus conficerentur, cuius sunt hæc verba: Turianumq;e à Fregellis accitum, cui locarat Tarquinus Priscus Iouis effigiem in Capitolio dedicandam, fictilem fuisse eam, & ideo non mirari solere fictiles in fastigio templi eius quadrigas, de quibus sæpe diximus: ab hoc eodẽ factum Hercule, qui hodieq; materiæ nomen in vrbe retinet. Hæ enim tamẽ effigies Deum laudatissimæ erant, nec pœnitent nos illorum qui Deos tales coluere, aurum enim, & argentum ne in Diis quidem conficiebatur. Durant etiamnum plerisque in locis talia simulacra. Et mox: Atqui Numa Rex septem collegia figulorum instituit. Quin & defuncti sese fictilibus dolis condi maluere. maior pars hominum terrenis vitur vasis, M. etiam Var. figulos vno in loco fuisse indicat, cum dicit Venerem Myrteam fuisse inter figulos, & Sex. Ruff. Vrbs Romæ descriptio habet, in regione prima porta Capenâ fuisse vicum vitrariorû. Cum itaq; figulorû eam esse opifici conditionẽ videamus, vt longe ab aquis haberi non possit, cum etiã eius artis purgamenta, si nimis multa in aruis dispergantur, ea reddant cæteris vñbus inutilia, sin in flumen abiciantur, aut illud in breui compleant, aut difficillime eruantur: prudenti consilio factum tenemus, vt tam multa figulorum collegia à Numa Rege instituta myrteis, & secus flumen apud Vitrariorum vicum ibi fuerint locata, vbi nunc testaceum inter montem & Tyberim vineas videmus: Quod si Numẽ regis temporibus figulorum collegia fuerunt septem, quanto plura credimus esse addita, Romani populi multitudine non minus aucta, quam fuit imperium dilatatum. Hæc omnia attente considerantes mirari solemus, cur Testaceus mons supra fidem eorum, qui non viderunt, arduus, non in alpẽ potius insurrexerit. Ambi-

Ambitus autem huius duobus millibus vix perficiter pedibus, altitudo vero cētum sexaginta, cucurbitæq; habet formam, cuius latior pars ad Tyberim, inter translyberinam regionem, & urbem fluentem, pertinet. In eadem planicie fuisse etiam Lignarios, & Emporium ostendit Liuius.

## C A P. LXXX.

*De meta, quæ sudans dicta est, & Iouis  
Simulacro.*



OST Auentini montis descriptionem, Ianiculum recto ordine sequi dixeramus, cum autem commodius relictuos ad eam partem situs Urbis, quæ Translyberinam complectitur regionem. Succedent igitur Exquilias, quas à meridie, siue ortu hyemali via Labicana, ab occasu vero usque ad Amphitheatrum conualle, CCCC. pedum latitudine eandem viam complectente, à Caelio monte diuisimus, prius tamen quam ipsas aggrediamur, quid in hac ipsa via, & conualle fuerit, aut sit, breuiter dicendum. Ab hortis itaq; templi diuæ Mariæ nouæ, vnde digressi sumus, auspicari conueniens erit. Ante Constantini triumphalem arcum exstat antiquæ metæ latericia, & dimidiata rotunditas, quæ Meta Sudans à P. Victore appellatur, quod ex ea aquas manasse fama est, quibus plebs ex proximi Amphitheatri spectaculis sitim extingueret. In huius vertice Iouis æneum simulacrum stabat. Illud autem hoc loco notandum, maiores ad percutiendum fœdera Iouis simulacrum adhibere consueuisse, quod cum tediosum esset, præcipue quando cum longe positis gentibus percutiebantur, inuentum est, ut sceptrum tenentes quasi imaginem simulacri redderet Iouis, cuius proprium est sceptrum, ea peragerent.

## C A P. LXXXI.

*De Amphitheatro Titi Vespasiani, ac de  
Templo Fortuna &  
Quietis.*



VRGIT inter Caelium montem, & Exquilias Amphitheatrum, vulgo Colosseum appellatum, quod media urbe, ut destinasse compererat Augustum, Vespasianus excitauit, Titum deinde eius filium dedicauisse ostendit Suet. his verbis. Et tamen nemine ante se munificentia minor amphitheatro dedicato, thermisq; iuxta celeriter extructis munus apparatusissimum largissimumq; dedit. Vtrique tamē, id est patri Vespasiano & Tito eius filio, amphitheatri opus attribuere videtur. Eusebius vero extructionis & dedicationis Titum authorem facit. & Cassiodorus, qui, ut diximus, asserit ipsum Titum, falso tamen, primum omnium huiusmodi excogitauisse molem. Titum autem vel inchoauisse, & perfecisse, vel cum genitor cepisset, absoluisse nemini dubium videri potest; si quis reliqua ædificia ab eodem prope extructa cognorit. Mar. vero hanc ipsam molem Domitiano attribuit, sed id factum est per adulationem, Colosseo enim fuit nomen à Neronis Colosseo, qui erat in porticu domus, ut in æreis eius numismatibus sepe vidimus. Verum utrum Titus intra amphitheatrum concluderit, aut postea eò transfulerit, aut ædificando prope stare permiserit, parum liquet, & tamen à Colosseo nomen obtinuit, quo in loco ipsius Neronis stagna prius fuisse, idem Martialis sic testatur.



*Hic, ubi conspicui venerabilis amphitheatri*

*Erigitur moles, stagna Neronis erant.*

Ipsum autem amphitheatrum Arenam appellatum legimus, quod solum arena sparsum esset, ea nempe de causa ut gladiatores, certatoresq; reliqui sine periculo caderent; simulq; sanguis illico tegetetur, ne illius aspectu pugnantes aduersarios timerent, minusq; alacriter in certamen descenderent: & nudati perunctiq; pugiles eo puluere perfusi solidiores vicissim praberent amplexus. Amphitheatrum, inquit Plin. Tiburtino lapide exstructum tantæ altitudinis, ut eo vix humanis oculis inspicere possit. Habet autem forinsecus porticum vnus structuræ, per quam fuerant ingressus, & ascensus. In singulis verò arcubus superioribus marmoreæ statuarum cū incrustatione, & signis intrinsecus, & extrinsecus, in quibusdam verò fornicibus ornamenta ex gypso adhuc cernuntur. sub ipsa mole deductæ sunt Cloacæ, quibus magna pars sustinetur, author Pomp. Letus. Caueam, quæ ludorum diebus linteis operiebatur, loca septem & octuaginta millia cœpisse refert P. Victor. At sedentium loca, & cunei qualiter essent diuisi, & quibus gradibus singuli ordines ad sedes suas ascēderent, facilius ex Veronensi, quam è Romano amphitheatro cernere licet. cuius, cum vetustate, tum barbarorum inuidia, & immanitate magna pars euerfa est. Quæ enim penitus dele-re non poterant, impia lancinarunt manu. quemadmodum in plerisq; aliis ædificiis fecisse videmus. Exstāt, & Albæ in hortis S. Pauli antiquissimi amphitheatri vestigia. Fortunæ Equestris Ædem, apud amphitheatrum, à Fulvio Flacco positam esse Liuius secundo, quintæ dec. his verbis declarat: Q. Ful. Flaccus censor ædem Fortunæ equestris vouerat, faciebat enixo studio, ne vllum Romæ amplius, aut magnificentius templum esset, magnum ornamentum se templo ratus adiecturum, si tegulæ marmoreæ essent, profectus in Brutios Iunonis Lacinia ad partem dimidiam detegit, id satis fore ratus ad tegendum quod ædificaretur. Fortunam autem pluribus in locis templa habuisse testatur Tacitus septimo libro. In via Labicana fuit Quæritæ Ædes.

## CAP. LXXXII.

*De Exquilis.*

**E**XQVILIAS in plures partes à M. Var. diuisas esse dictum est, & quia ipsius verba nō modo earum partium nomina, verum etiam vnde denominatæ sint Exquilæ, declarant, subtexere hic non grauabor. Secundæ, inquit, regionis Exquilæ. Alij has scripserunt ab excubiis regis dictas. alij quod excultæ à rege Tullo essent. huic origini magis conueniunt luci vicini, quod ibi lucus Martis, Iunonis Lacinia, Fagutalis, & Larium querquetulanum Sacellum, & Lucus. Exquilæ duo montes habiti, quod pars Cespium mons suo antiquo nomine etiam in sacris Argeorum scriptum est sic. Oppius mons princeps Exquilinum lucum fagutalem sinistra, quæ sub mærum est. Oppius mons terticeps lucum Exquilinum dexterior via in Tabernola est. Oppius mons quadriceps lucum Exquilinum viam dexterio-rem in figulis est. Septius mons quinticeps lucum pætilium, ex quibus est. Cispius mons sexticeps, apud ædem Iunonis Lacinia, vbi æditimus habere solet. Hæc autem montium nomina aduētitorum Ducum fuisse, memoriæ proditum est, qui eos ante Urbem conditam coluere. His etenim Varoni opinionibus, alteri quidem suffragantur Ouidij hæc carmina.

*Adde, quod excubias, ubi rex Romanus agebat,  
Qui nunc Exquilias nomina collis habet.*

Z

Alteri

Alteri verò M. Cato, qui ait Exquilias ab excubiis, sed quas Romul. Locumo dedit XII. licitorum, & CCC. armatorum ad corporis custodiam, simulq; dignitatem, cum T. Tati in fide societatis non sine suspitione esse videretur. Alij ab aucupibus, quod ibi quisquiliis sparsis aues illuderentur. Volunt tamen eā partem, quæ secundum viam Labicanam, hinc ad sanctorum quadraginta Martyrum, & Clementis, inde ad S. Petri in vinculis, & Martini in montibus ecclesias perducit, Carinarum nomen habuisse, quod Liuius probat, cum sexto belli pun. inquit: Media Vrbe per Carinas Exquilias contendit, vbi vnum ab altero diuidit. Et quoniam hæc pars, antequam Ser. Tullius Exquilias augetet, prima Vrbi erat iuncta, ab ipsa rectè auspicaturi videmur.

## C A P. LXXXIII.

*De Carinis, Curia Veteri & Noua.*

ARINÆ sunt ædificia facta in modum Carinarum; quæ erant intra templum Telluris, author Seruius. Lautas dixit Poeta, aut propter elegantiam ædificiorum, aut propter Augustum, qui natus est Cunis veteribus, & nutritus in lautis Carinis. Quo in loco videndum ne apud Ser. v. lubris, non cunis sit legendum. Scribit enim Porphyrio Augustum nutritum esse in auito suburbano iuxta Velitras, locumq; Vlubrem appellari. quamquam, vt dixi, Suet. velit ipsum natum ad capita Bubula. & Porphy. nutritum, non natum scribit. Carinæ, inquit Var. postea cerionia, quod hinc oritur caput sacræ viæ ab Sterniæ Sacello. In ea autem parte Carinarum, vbi nunc apud ædem S. Petri ad vincula fornices maximos, inter ruinarum vastitatem, contra amphitheatrum exstare cernuntur, Curia veterem fuisse autumat Blon. fuerunt & Nouæ proximè compitum fabricium ædificatæ, quod parum amplæ erant veteres à Romulo factæ, vbi is populum, & sacra in partes XXX. distribuerat, vt in iis ea sacra curarent, quæ quando ex veteribus in nouas euocarentur, septem curiarum per religionem euocari nō poterat, ita quod Foriensis, raptæ, vellienis: velitiæ res diuinæ sunt in veteribus curiis auth. Sex. Pomp. Curia in qua habebatur senatus templum fuit. hinc Virg. hoc illis Curia templum. Quod autem hæ, quas Blon. dicit Veteres, sint à Romulo ædificate, non sequitur, quia fuissent extra Urbem à se conditam, & Romulum in Vrbe curiam tecisse omnium est opinio. Arbitramur igitur aut nouas fuisse, aut veteres appellatas ratione aliarum, longo tempore post, quam fuerunt ædificatæ.

## C A P. LXXXIIII.

*De Clino Virbio, & Domibus Ser. Tullyj, Aurea Neronis,  
Virgilij, ac de Turri Mæcenatis, & hortis, simulq;  
de Fortune & Felicitatis Templo.*



PARS autem ea Exquiliarum, quæ plurima ecclesiæ S. Laurentij in fontana imminet, Clius Virbius est appellata, vbi Iocus Fagutalis, quo in loco Ser. Tullium domū habuisse visum est supra, vbi de vico Scelerato egimus. Domus Aurea Neronis totū id spacij occupauit, quod est ab ea Palatij parte, quæ nunc S. Gregorij ædem eregione habet, rectè veniēdo per Constantini arcum Colosseum, atque Carinas, quousque in Exquilias, paulo vltra S. Mariæ Maioris ecclesiam, perueniamus, & Mæcenatis attin-

gamus



gamus hortos. quod probat Cor. Tac. his verbis. Eo tempore Nero Antij agens, non ante in Urbem regressus est, quam domui, qua Palatiū & Mecænatis hortos continuauerat, ignis propinquaret, neq; tamen sisti potuit, quin & Palatium, & domus, & cuncta circum haurirentur & infra: Cæterum Nero nixus est patriæ ruinis exstruere domum, in qua nō tam gemmæ, & autum miraculo essent solita pridem, & luxu vulgata, quam arua & stagna, & in modum solitudinum, hinc syluæ, inde aperta spacia & prospectus. Suet. Nero, inquit, domum à Palatio Exquilias vsque fecit, quam primo Transitoriam, mox incendio absumptam, restitutamque Auream nominauit; Huius autem amplitudinem ostendit ille, qui dixit:

*Roma domus fiet, Veios migrate Quirites;*

*Si non & Veios occupat ista domus.*

Tanta quidem fuit eius laxitas, vt porticus triplices miliarias haberet, item stagnum maris instar, circumseptum ædificiis ad urbium speciem, rura insuper aruis, atque vinetis & pascuis, syluisq; varia cum multitudine omnis generis pecudum & ferarū. In cæteris partibus cuncta auro lita, distincta gemmis, vnionumq; conchis, erant cænationes laqueatæ, tabulis eburneis versatilibus, vt flores fistulis, & vnguenta desuper spargerentur, præcipua cænationum rotunda, quæ perpetuo diebus ac noctibus, vice mundi, circumageretur. Balneæ marinis, & calbulis aquis fluētes. Huiusmodi domum cum absolutam dedicaret hætenus comprobauit, vt se diceret quasi hominem tandem habitare cœpisse. in cuius vestibulo stabat, vt dixi, eiusdem principis Colossus, altitudine cxx. pedum, qui eo defuncto mutato nomine, Soli fuit dicatus: hunc Zenodorum è Gallia accitum fecisse tradit Plin. statuarumq; moles turribus pares Colossos vocari. Sex. Pomp. à primo inuētore Colossū denominatum scribit. Idem Plin. commemorat Neronem in domo aurea Ædem Fortunæ inclusisse, quæ ex lapide phengite translucens foribus clausis claritatem diei intus haberet, hancq; prius à Ser. rege sacratam, & Sciam à segetibus appellatam. Apud thermas Diocletiani, secundum eam viam, quæ nunc est ab ipsis ad S. Antonij ædem, loco Exquiliarum editissimo, fuit celeberrima illa Mecænatis Turris, ex qua crudelissimus Nero scænico habitu aliosim Troiæ canens, Urbis incendium spectauit. cuius incendij initium ab ea parte circi Maximi originem habuit, quæ Palatino, Cælioq; montibus contigua est, finis autem ad imas Exquilias, auth. Suet. quanquam Corn. Tacit. vult Neronem Antij tunc fuisse, vt visum est. De hac turri sic meminit Hor. Molem propinquam nubibus arduis omitte mirari, vbi interpres in Mecænatis hortis statuit. qui amceniissimi erāt in campo Exquilino, de quibus Suet. hæc habet verba: Deducto in forum filio Druso statim è Carinis, ac Pompeiana domo in hortos Mecænatis transinigravit. In his colebatur Priapus, vt idem Hor. Satyr. octaua innuit, cum inquit. Nuncliket Exquiliis habitare salubribus. Virgilius apud hos hortos Domum habuit, quanquam secessu Campaniæ & Siciliæ plurimum vteretur. Felicitatis Templum, quod erat in parte domus aureæ, combussit Nero. Supra Mecænatis hortos Tarquinij aggeres adhuc apparent. de quibus Plin. ita scribit: Claudius urbs ab oriente aggere Tarquinij Superbi inter prima opere mirabili. namque cum muris æquauit, qua maxime patebat aditu plano, cætero munita erat excelsis muris, aut abruptis montibus, nisi quod expatiantia tecta multas addidere vrbes. De his verò Aggeribus perperam sensit Blon.

*De Basilica Sisimini, Campo & Foro Exquilino, Luco Querquetulano, Iunonis Lacinia, & Martis: ac de Fano & Ara mala & Fortuna.*



**B**ASILICA Sisimini ciuis Romani apud ædem S. Mariæ Maioris fuisse memorant. Campum vero Exquilinum, ab Exquilis denominatum, propè Meccænatis turrim, inter montem superaggere & Urbis mœnia, quo in loco apud priscos cadauera sepeliebantur. hinc Cic. ait Senatum censere, atq; è rep. existimare Ædiliū curulium edictum, quod de funeribus habeant Ser. Sulpitij Q. F. Lemoniæ Rufi funeri mittere: vti-que locum sepulcro in campo Exquilino C. Panfa Cōs. seu quo in loco videtur, pedes triginta quaq; versus designet, quo Seru. Sulpitius inferatur: quod sepulcrum ipsius liberorum, posteriorumq; eius sit. Hunc autem campum nunc Focalum vocant, ab antiquis vstrinis. Nam prisci cadauera ibi comburere solebant: cuius rei nidor cum Urbi esset perniciosissimus, Augustus studuit aerem emendare, & s. p. q. r. consensu campum illum Meccænati concessit, vbi ille, vt dixi, hortos suos fecit. In his quidam scribunt inuentum marmor cum indice huiusmodi.

CVRTIA. L. PRAPIS CVIVS PARS DIMIDIA HVIYS MONVMENTI CONCESSA EST AB C. MECOENATE HELIO SIBI ET P. CVRTIO SP. F. COL. MAX. FILIO ET TI. IVLIO AVG. L. GLICONI ET SVIS POSTERISQVE EORVM.

Illud autem notandum Plin. velle, ante Syllam, neminem crematum esse, eumque ideo cremari voluisse, quia reliquias Marij apud Anienem cum dissipari iussisset; verebatur ne suæ hostibus itidem ludibrio essent. Si de patricijs intelligimus verum est, nam prius cremari consueuisse ostēdit Terentius in And. in campo Exquilino Claudius Imper. ciuitatem Romanam vsurpantes securi percussit. Forum Exquilinum in Exquilis. Appianus. Dum Martius & Sulpitius ad Exquilinum forum illi occurrunt. Hæc autem pars, quæ pertinet ad collem Viminalem, habuit Lucum Querquetulanum, & Iunonis Lacinia, de quibus supra, sicut apud Ouid. his carminibus fit mentio.

*Monte sub Exquilio multis incedens annis*

*Iunonis magnæ nomine lucus erat.*

In eisdem Exquilis Fanum & Ara mala Fortunæ. de Fano meminit Plin. de Ara vero Cicer. in libris de Natur. deorum. his verbis: Aram mala Fortunæ in Exquilis videmus. In eo autem supercilio Exquiliarum, qui imminet templo S. Laurentij in Fontana circum fuisse putauit Ful. argumento, quod formam circi vestigia ostendant. Sed conuallis illa inter Viminalem, & Exquilias non facilem locum circo præstare videtur. interclusisset enim Vicum Patricium, vel suburbæ partem; neque magis circi, quam maximarum domorum illa sunt vestigia; cum ibi Ser. Tullius habitauerit, habitauerint & Patricij, à quibus vicum nomen adeptum esse, ostendimus. In ea autem via, quæ ad portam Interaggeres ducebat, in ipsis Tarquinij aggeribus, Gordiani Arcus steterat, marmoreis ornamentis, triumphis insculptis conspicuus, cuius marmora ad Palatij S. Laurentij in Damaso substru-  
ctionem fuere translata.



*De Clivo Suburrano, Arcu Galieni, Macello Lybia, Via  
Prænestina, & Marij Trophæis.*



N capite Suburrę sequitur clius ab ipsa Suburra Suburranus appellatus, in Exquilias facilem præbens ascensum. Recta mox, apud ædem S. Viti, occurrit Arcus triumphalis Galieni Imper. ex Tiburtino lapide haud ornamentis insignis, in quo legitur tantum hic titulus.

GALIEÑO CLÉMENTÍSSIMO PRINCIPI CVIVS INVICTA VIRTVS SOLA PIETATE SVPERATA EST M. AVRELIVS VICTOR DEDICATÍSSIMVS NVMINIS MAIESTATIQUE EIVS.

Propè fuit Lybiæ, siue, vt scribit P. Victor, Liuium Macellum, à quodã Macello denominatum, qui in Vrbe latrocinium exercebat, quo damnato, Censores Æmilius, & Fuluius statuerunt, vt domus eius publicaretur, venderenturq; ibi obsonia, auth. Plut. in Prob. Var. verò, præter hanc, aliam ponit huius nominis etymologiam: Hæc omnia, inquit, postquam contracta in vnum locum, quæ ad victum pertinebant, & ædificatus locus Macellum appellatus, vt quidam scribunt, quod ibi fuerit hortus. Alij, quod ibi domus fuerit, cui cognomen fuerat Macellum, quæ publicè sit diruta, & ædificatum hoc, quod vocetur ab eo Macellum. Prænestina autem Via, ad Exquilinam ducens portam, hinc principium sumit, in qua à sinistra occurrit semidiruta moles lateritia. in ea erecta sunt duo marmorea Trophæa, id est trunci cum spoliis, quorum alterum habet thoracem cum ornamentis & clypeis, & ante se imaginem captiui iuuenis brachijs post tergum victis. alterum vero instrumenta omnia ad pugnandum, & clypeos, quæ fuisse dicuntur C. Marij de triumpho Cimbrico erecta. Hæc sunt quæ à Syl-la dicte C. Cæsarem dictatorem instaurasse memorat Suetonius. Locus hodie ab incolis Cimbrum vocatur. Erant autem Romæ pluribus in locis trophæa; Marij autem duo, vt testatur Valer. Maxim. Trophæum enim dixere saxum, aut arborem decisis, vt inquit Poeta, ramis, aut arcum, aut columnam erectam, cum aliqua in laudem victoris inscriptione. Truncatis aut Sueton. arboribus, & in modum trophæorum adornatis. Plutarch. conqueritur imprudenter simul, & asperere nimis egisse primos ex Græcis, qui trophæa, aut marmore incisa, aut ære sculpta facientes, odium simul & bellum à cõseruata victi ignominia perpetuum reddidissent. Figebantur trophæa locis eminentioribus. Sal. de Pomp. Deuictis Hispanis trophæa in Pyreneis iugis constituit.

*De Domo Æliorum, Sacello Mariano, Regione Tabernola,  
Thermis, & Domo Gordiani, Basilica Caij  
& Lucij, ac de Palatio Liciniano.*




OMVS Æliorum, inquit Valer. Max. vbi nunc sunt Mariana monimenta, & Sacellũ Marianum, in quo illud S. C. de re ditu Ciceronis in patriam, Lentulo Cos. referete, factum est. Hinc ea tota Exquiliarũ pars, quæ est plana, Exquilias inter, & Cælium montẽ, basilicamq; Lateranensem, vergit. hodie dicitur Merulana pro Mariana. apud veteres regio Tabernolæ dicebatur,

batur, vt refert Var. his verbis: Exquilinus dexterior via Tabernolæ. A sinistra via Prænestina, propè S. Eusebij templum Thermæ & Domus Gordiani Imp. fuere, de quibus Capitolinus ita loquitur: Domus Gordianorum etiã nunc exstat, via Prænestina ducentas columnas vno stilo habens, & Thermas quales, præter Urbem, nusquam haberet orbis terrarum. quod ruinæ multæ ac ingentes, etiã nunc ostendunt. Inter portam Exquilinam & Næuiam haud procul à mœnibus, vetusti, insignisq; ædificij ruinæ spectantur, & inter has concameratus fornix penè integer, quo post Pantheum nullus nunc in vrbe maior. locum hunc Galutij thermas vulgo vocant. Fuit autem insignis illa Basilica, & Porticus, quam Cæsar sub nomine nepotum Caij & Lucij erexit. Haud hinc procul, iuxta S. Bibianæ ædem, ad vrsu[m] Pileatum fuit Palatium Licinianum.

## C A P. LXXXVIII.

*De Aqua Marcia, siue Traiana: & Isidis  
Templo.*



QVÆ autem Marcia ductus super Taurinam transiens portam per Exquilinum campum ad Diocletiani thermas primum, deinde in proximos colles, vt vestigia ostendunt, perducebatur. de aqua ipsa sic loquitur Plin. Clarissima aquarum omnium toto orbe frigoris, salubritatisq; palma præconio Marcia est, inter reliqua deũ munera vrbi tributa. Vocabatur hæc quondam Aufeia. Fons autem ipse Piconia oritur in vltimis môtibus Pelignorum. transit Marfos, & Fucinum lacum Romam haud dubie petens. mox specu mersa in tiburtina se aperit. Primus eam in urbem auspicatus Ancus Martius vnus ex regibus: Postea Q. Marcius rex in prætura deduxit, rursusq; restituit M. Agrippa Frontinus hanc via Valeria ad miliarium XXXIII. suo tempore in Auentinum à Traiano deductam, & ab eo denominationem habuisse docet. Marciamq; potui, reliquas verò aliis vñbus assignat. Plin. autem natationi, Virginem verò tactu præstitisse scribit. In frontispicio autem portæ Exquilinæ ita legitur.

IMP. CÆS. M. AVRELIVS ANTONINVS PIVS FELIX. AVG. PARTH. MAXIM. BRIT. MAXIMVS. PONTIFEX. MAXIMVS. AQVAM MARCIAM. VARIIS. KASIBVS. IMPEDITAM. PVRGATO FONTE. EXCISIS ET PERFORATIS MONTIBVS. RESTITVTA FORMA. ADQVISO ETIAM FONTE. NOVO. ANTONIANO IN SACRAM VRBEM SVAM PERDVCENDAM CVRAVIT.

IMP. TITVS CÆSAR DIVI F. VESPASIANVS AVG. PONTIF. MAX. TRIBVNICIÆ POTESTAT. IX. IMP. XV. CENS. COS. VII. DESIG. RIVOM AQVÆ MARCIÆ VETVSTATE DILAPSYM REFECIT. ET AQVAM QVÆ IN VSV ESSE DESIERAT REDVXIT.

Huius autem aquæ Cor. Tac. ita meminit. Luxus cupido infamiam & periculum Neroni attulit, qui fontem aquæ Marcia ad Urbem deductæ nando inceserat. Isidis templum in regione Exquilina ponitur à P. Victore.



*De Suburra, Domo Caesaris, & Lælia, ac de  
vico Patricio.*



PRIVIAM Viminalem collem ascendamus, pauca quædã dicenda sunt de Suburra, & Vico Patricio. Suburra igitur principium habuit à Foro Roman. & recta veniendo per forum Neruæ ad cliuum Suburrânũ, vnde initium viæ Prænestinæ est, desinebat. Alij tamen (quod non probatur) à regione Tabernolæ supra Colosseum, vbi caput viæ Labicanæ est, inchoasse volunt, & per Exquiliarium radices vsque ad ædem S. Lucie in Orphea peruenisse, dicta quod sub muro terreo Carinarum esset. Iu-nius vero scribit ab eo, quodd fuerit sub antiqua Vrbe. Var. autem à Pago succu-fano litera detrita, & c. in b. murata. De Suburra meminit Liuius tertio ab vr. co. Iuuen. vicum frequentissimum fuisse his ostendit carminibus.

*Cadere namq. foro iam non est deterius, quàm*

*Exquilias à feruente migrare Suburra.*

In hoc vico Cæsarem Dictatorem Domum habuisse Suet. sic probat. Habi-tauit prius in Suburra modicis ædibus. & meretrices quæstum corporis tecisse, sic Mart.

*Fama non nimium bona puella,*

*Quales in media sedent Suburra.*

Ser. autem Tullius Urbem in quatuor regiones diuidens vnam ex his subur-ranam appellauit, cuius princeps fuit Cælius, auth. Var. Vicus Patricius, oblique Exquilias à Viminali ad Diocletiani thermas propè vsque determinans, à Patri-cius est denominatus: qui iubente eodem Tullio ibi habitauere, vt, si quid moli-rentur aduersus ipsum, ex locis superioribus opprimi possent. In hoc Læliam Domum habuisse ostendit idem Mart. cum ait.

*Sed domus in vico Lælia Patritio.*

CAP. XC.

*De Suburra Plana, Templo Siluani, & testamento  
militari Iocundi.*



VIMINALIS autem collis ab occasu partem Quirinalis op-positam habet, & valli interiacenti Planæ Suburræ fuit nomẽ, vbi ad radices tamen Viminalis fermè eregione S. Agathæ, Siluani Templum exstitisse, cùm ex marmoris frusto ipsius diui memoriæ continenti, tum ex militari testamẽto in Lu-sitania reperto, dicimus, quod pulcherrimum, memoratuq; dignum IACOBI Simonetæ Episc. Pisaurien. & Rotæ audi-toris clarissimi monitis, libuit hic subiungere.

I O C V N D I.



GO Gallus Fauonius Iocundus P. Fauonij F. qui bello contra Viriatum occubui. Iocundum & Prudentem, filios è me, & Quintia Fabia cõiuge mea ortos, & bonorum Iocundi patris mei, & eorum, quæ mihi ipse acquisiui, hæredes relinquo. hæc tamen conditione, vt ab vrbe Roma huc veniant, & ossa hinc mea intra quinquennium exportent, & via Latina con-dant, in sepulcro iussu meo condito, & mea voluntate.

In quo

In quo velim neminem mecum, neque seruum, neque libertum inferri. Et velim ossa quorumcunque sepulcro statim meo eruantur, & iura Rom. seruentur in sepulcris ritu maiorū retinendis voluntatem testatoris. Et si secus fecerint, nisi legitime oriantur causæ, velim ea omnia, quæ filiis meis relinquo, pro reparando templo dei Siluani, quod sub Viminali monte est, attribui, Manesq; mei à Pont. Max. & à Flaminibus Dialibus, qui in Capitolio sunt, opem implorent ad liberorum meorum impietatem vlciscendam. Teneanturq; sacerdotes dei Siluani me in Urbem referre, & sepulcro me meo condere. Volo quoque Vernas, qui domi meæ sunt, omnes à Prætorē vrbano liberos cum matribus dimitti, singulisq; libram argenti puri, & vestem vnā dari. In Lusitania in agro. VIII. Cal. Quintiles, bello Viriatio. De templo Siluani meminit Vopiscus. In eadem autem valle fuere decem Tabernæ, ita à numero denominatæ, quemadmodum apud ædem S. Agathæ effossi tiburtini lapides indicarunt. Puteus diuæ Probæ, quem Proba fecit, iuxta ædem S. Mariæ, cognomento in Campo.

## C A P. XCI.

*De Viminali, Palatio Decij, Lauacro Agrippinæ, Thermis Olympiadis & Nouati, ac de Domo Q. Catuli, Crassi, & C. Aquilij.*



VIMINALIS autem inter Exquilias à M. Var. connumeratur, collemq; non montem appellat, à Ioue Vimineo, quod eius aræ ibi essent, & quod ibi Vimina nata. Angustam sed oblongam formam habere in situs Urbis expositione visum est. In primo autem cliuo, apud S. Laurentij in panis perna ædem, Decij Imper. Palatium fuisse inuenio, & ruine ingentes ostendunt. Hinc haud procul, in ea parte, quæ S. Vitalis despicit ecclesiam. Lauacrum Agrippinæ matris Neronis. vbi superioribus annis duo simulacra Bacchi reperta fuere, cum hoc indice.

## IN LAVACRO AGRIPPINÆ.

At quæ Suburram, Thermæ Olympiadis ponuntur ab iis, qui beati Laurentij gesta narrant. Nouatianæ verò vbi S. Pudentianæ templum. Blon. tamen vnas potius putat, quam duas. Sed Olympiadis in montis supercilio exstant vestigia, ad radices verò Nouati: quas paruas fuisse canales fuliginosi, qui nunc sunt in eadem, aperte ostendunt. Habuit Viminalis inter cætera, tres nobilissimas domos, vnā M. Crassi, aliam Q. Catuli illius, qui cum Mario Cimbros fudit, ac Capitolij tegulas inaurauit. Tertiam verò C. Aquilij equitis Romani, quem clarissimum iuris Ciuilis scientia fecit. harum domorum vestigia ex fundamentis vinctis coniectis in dorso eiusdem montis adhuc cernuntur. In eodem colle fiebat olim sacrificium nomine Fagutal, vt memoriæ prodidit Antistius Labeo.



*De Thermis Diocletiani, Bibliotheca vulpia, Campo Viminali, Porta interaggeres, & valle Quirinali.*



HERMÆ Diocletiani in dorso Viminalis maiori ex parte diruta adhuc cernitur. Fornices tamen amplissimi existentes, & colūnæ, atq; concamerata loca miræ amplitudinis & capacitatis, operis magnificentiam satis declarant. Has Diocletianus, & Maximianus Hercules Imp̃p. inchoarunt, in quibus exstruendis memorant x l. millia Christianorum pluribus annis in modum seruitij habuisse. Inchoatæ igitur à veteribus principibus a nouis Constantio, & Maximiano dedicatæ fuere, & statuis propriis, conditorumq; erectis exornatæ, vt marmor ibi effossum offendit huiusmodi titulo.

M. AVRELIVS VAL. MAXIMIANO INVICTO AVG. PONT. MAX. IMP. VIII. COS. III. P. P. P.

In altero verò hæc legimus.

THERMAS DIOCLITIANVS A VETERIBVS PRINCIPIB. INSTITVTAS OMN. Item. D. D. N. N. DIOCLITIANVS ET MAXIMIANVS INVICTI SENIORES AVGVSTI PATRES IMPERATORVM ET CÆSARVM CONSTANTIVS ET MAXIMIANVS INVICTI AVGG. ET SEVERVS ET MAXIMIANVS NOBILISS. CÆSARES THERMAS FELICES DIOCLITIANI AVG. FRATRIS SVI NOMINE CONSECRAVIT COEPTIS ÆDIFICIIS PRO TANTI OPERIS MAGNITVDINE OMNI CVLTV PERFECTAS ROMANIS SVIS DEDICA.

Quam autem infans sumptu exstruerentur, docet Sem. his verbis: At nunc quis est, qui sic lauari sustineat: pauper sibi videtur, & sobrius, nisi parietes magnis & pretiosis orbibus refulserunt, nisi Alexandrina marmora Numidicis crustis distincta sunt, nisi thasius lapis, quondam rarum in aliquo spectaculum templo, piscinas nostras circumdedit, in quas multa sudatione corpora exanimata dimitimus, nisi aquam argentea epitonia fuderint: & adhuc plebeias fistulas loquor. Quid cum ad Balnea libertinorum peruenero? quantum statuarum? quantum columnarum est: nihil sustinentium, sed in ornamentum positarum, impensæ causa. quantum aquarum per gradus cum frigore labentium? Hinc Iulius Capitolinus. Lauacra in modum prouinciarum exstructa. Bibliothecam autem Vulpianam Hadrianus in Diocletiani thermas posuit, & in ea libros linteos, elephantinosq; principum gesta, & S. C. conscripta, author. Pollione. Locus hic, quoniam obscuritatem fortè haud paruam legentibus parere potuerit, habito respectu & temporum & Imperatorum; quippe cum Hadrianus ex Eutropij numeratione, annis fermè centum septuaginta ante Diocletiani tempora existerit; id eo ita forte legendum videtur. Bibliothecam autem Vulpianam Hadrianus eo in loco statuit, vbi longo tempore post Diocletianus thermas excitauit: & in ea libros linteos, Elephantinosq; principum gesta, & S. C. conscripta, auctore Pollione, posuit. De hac etiã Vopiscus ita meminit. Vfus sum præcipuè libris ex Bibliotheca Vulpia, ætate mea thermis Diocletianis, & alibi. Bibliotheca Vulpia elephantini pugilares in sexto armario siti. Sunt qui huiusmodi constitutionem Traiano adscribant. In vinea enim posita inter ipsas thermas, & viam ad portam Numentanam ducentem, me spectante repertum est Sacellum, cuius testudo in morem conchæ marinæ sculpta, ex duobus frustis marmoris candidissimi,

constabat. huius autem ornamenta contemplatus, cui Deo esset dicatus nullo potui signo comprehendere. Post thermas, sub aggere Tarquinij, Viminalis campus vsque ad mœnia diffunditur, vbi porta Interaggeres clausa adhuc cernitur. quanquam nobis placet ipsam in Exquilino campo sitam esse. Inibi autem fuerat Puteus aquæ salientis, qui dicebatur puteus Viuarij, quo nomine nunc appellatur campus ille ab incolis, quia in eo loco apud antiquos animalia includerentur. Exstant adhuc ad mœnia cæuernæ opera hominum ad id factæ, veluti ferarum latibula. Hæc de Viminali, qui licet à thermis Diocletiani ad mœnia, hinc cum Exquiliis, inde cum Quirinali iungatur, pars tamen, quæ est à Diocletiani vsque ad Constantini thermas, diuiditur valle, quæ Quirinalis dicitur: de qua meminit Iuu. cum inquit. Officium cras, primo sole mihi peragendum valle Quirini. Et alibi. In vallem descendendo Quirini. In hac ferunt Romulum cum cœlum ascenderet, Iulio Proculo Alba redeunti ante lucem apparuisse. Sunt autem qui velint in cliuo montis, supra ædem nunc S. Vitalis. In eadem valle fuit Fortunæ Publicæ Aedes. de qua Ouid. sunt hæc carmina.

*Qui decet quondam sacrata in valle Quirini,  
Hac fortuna die publica, ver vi erit.*

## C A P. XCIII.

*Montem nunc Caballum Quirinalem esse, contra  
Blondi opinionem.*



SCRIPTIS quinq; montibus ex septem, quos Vrbs Roma complexa est, restat citra Tyberim vltimus Quirinalis, cuius ædificia priusquam attingamus, libet cōtra Blon. opinionem eum esse, qui vulgo mons Caballus dicitur, demonstrare, & quamquam diligenter consideratis iis, quæ de Vrbs ampliatione scripta sunt, quisque in nostram sententiam facillimè veniet, tamen ad ea, hæc addimus: quod P. Victor, postquam Exquilinam regionem, cum turri, & colle Viminali in quinto regionum statuit ordine: in sexto altam semitā ponit, & in eo Domum Pomponij Attici, ceteraq; omnia, quæ ex variis rationibus, & authoribus in Quirinali fuisse traduntur, in ea inquam parte, quæ à Blond. inter Exquilias est comprehesa. Quod si, vt ipse vult, accipimus collem, quem nos hortulorum dicimus, Quirinalem esse, multa sequentur inconuenientia: verum illud maxime, quod Campus intra Vrbem receptus videretur, quem extra fuisse dubium est nemini: vnde Appianus ait Cæsarem exercitum propius Vrbi admouisse, in campum qui Martius diceretur. Præterea cum Diony. libro secundo inquit, inter Quirinalem & Capitolium castra posuit, satis innuit Caballum montem Quirinalem esse. non enim aliter procederet, castra inter ipsos montes posita esse, si eum in Exquiliis statueremus. Huic opinioni suffragantur, & quæ sequuntur, eiusdem authoris verba Vrbem maiorem effecere, adiicientes Quirinalem & Cœlium. Romulus quidem Palatinum occupans, & Cœlium Palatio propinquum, Tatiū verò Capitolium, quod ab initio cœperat, & Quirinalem rupem. Quare non fit verisimile Tatiū interiecta, secundum Blon. Exquiliarum parte, secundum nos Quirinali, collem hortulorum occupauisse. Insuper si Mæcenatis horti in monte Caballo fuerant, qui erat necesse, vt ait Sueton. Tiberio deducto filo in forum, inde in Carinas, & in domum Pompeianam peruenire, vt hinc in illos transmigraret cum rectior, breuiorq; esset via à sinistra, quàm à dextera. Ad hæc natura loci satis ostendit Blondum non bene de Quirinali sentire. Miror autem Pomp. Latum in frontispicio Domus suæ, in Exquiliis scripsisse, cum in eius moni-

mentis



mentis eum collem, vt Quirinalem, agnoscat. Sed iam ipsius etymologiam, & quid in eo sit, aut fuerit, videamus.

## C A P. XCIV.

*De Quirinalis etymologia, Turri Militiarum, Balneis  
Pauli, Sacello Neptuni, Thermis Constantini,  
& de Domo, & Vico Corneliorum.*



ONTIS Quirinalis etymologiam docet Var. his verbis. Tertiæ regionis colles quinque, à deorum fanis appellati, è quibus nobilissimi Viminalis, à Ioue vimineo; Quirinalis à Quirini Fano. Var. secutus Quid. in fast. ait.

*Templa deo faciunt, collis quoque dictus ab illo est.*

*Et referunt certi sacra paterna dies.*

Sunt autem qui à Quiritibus, qui cum Tatio Curibus venientes ibi castra posuerunt, eam denominationem accepisse velint. Collis est oblongus, sicut Viminalis, sed eo ampliore habet ambitum, quod etiam (vt quibusdam placet) complectitur eum collem, qui est à Collina ad Collatinam portam, in quo iacet obeliscus Ægyptiacis literis inscriptus, Lunæ, vt ferunt, dicatus. Et secundum verò latitudinem Viminalis porrigitur à Septentrione in meridiem, instar curuati ad cubitum brachij, vsque ad turrim nunc Comitum, vnde exordiri ex situs Urbis descriptione optimè conuenit. In primo igitur cliuo, supra forum Traiani, statim occurrit Turris Militiarum, cui milites Traiani, ibi stationem olim habentes, nomen fecere. quo in loco, inferius tamen, exstant triplici concameratione fornices, & in hemicycli forma cryptoporticus, à fronte caueam theatralem reddentes, propè quæ loca effossa fuere marmora hoc titulo notata.

PÖTENTISSIMA DOS IN PRINCIPE LIBERALITAS, ET CLEMEN-  
TIA.

Haud ita multo post, eodem cliuo Balnea Pauli stetitisse ferunt. qui locus corrupto vocabulo Bagnanapoli nunc dicitur. In descensu verò eius partis Quirinalis, cui planam Suburram subiaceret scriptum est, in hortis Leonardi Bartholini stat adhuc Sacellum variorum piscium, marinarumque concharum nobili pictura eleganter exornatum, quod ex ipsa pictura Neptuno sacrum fuisse suspicari licet. Hinc autem in septentrionem quis progrediens, in maximi olim ædificij illico incidet ruinas, quas, licet domum Corneliorum reliquias esse multi opinentur, fornices tamen amplissimi, & concamerata loca ingentia, non aliam, quam thermarum ostendunt formam. quòd si consuevere principes omnia sui monumenta vno in loco ædificare, dicimus statuas Constantini pedestres, militari habitu, quales in numismatibus ipsius vidimus, nunc in angulis basis equorū Phidiæ, & Praxitelis stantes, argumento esse thermas Constantini ibi fuisse. Domus vero Corneliorum in vico eiusdem gentis adhuc retinenti nomen. Sed ad thermas redeamus, quas Ful. auth. Apollodoro & Marcellino asserit à Constantino exstructas esse. At Marcellinus de Lauacro Constantiano tantum meminit, neque apud veterem scriptorem vlla apparet ratio cur pro certo teneamus, has Constantinum excitauisse, præter illam, quam diximus, & quod in his olim legebatur talis inscriptio.

PETRONIVS PERPENNA MAGNVS QVADRATIANVS. V. C. MI. PRÆF.  
VRB. THERMAS CONSTANTIANAS LONGA INIVRIA ET ABOLENDÆ  
CIVILIS. VEL PÖTIVS FOEDALIS CLADIS VASTATIONE VEHEMENTER

AFFLICTAS ITA AGNITIONE SVI EX OMNI PARTE PERDITA DESPERATIONE CUNCTIS REPARATIONIS ADFERANT DEPVATO AB AMPLISSIMO ORDINE PARVO SVMP TV QVANTVM PVBLICÆ PATIEBANTVR ANGVSTIÆ AB EXTREMO VINDICAVIT ET PROVISIONE LONGISSIMA IN PRISTINAM FACIEM SPLENDOREMQ. RESTITVIT.

Et quod inuentum est marmor continens ipsius Constantini memoriam huiusmodi.

Q. FABIVS HONORATVS. T. ANNÆVS  
PLACIDVS AMPLIFICATORI VRBIS RÔMÆ  
DOMINO NOSTRO CONSTANTINO MAXIMO PIO FELICI VICTORI AC TRIVMPHATORI SEMPER  
AVG. ANITIVS PAVLINVS IVN. V. C. CONCORDANIVS PRÆF. VRBIS ET IVDEX SACRARVM CONSTITVTIONVM PIETATI EIVS SEMPER DEDICATISSIMVS.

## C A P. XCV.

*De Saturni, Bacchi, Solis, & Quirini Templo & Porticu, Capitolio Veteri, Sacello Iouis, Junonis, & Minervæ, ac de Domo Pomp.*

*Attici.*



POLLODORVS, de quo proximè est mentio, memoriam prodidit, in vico Corneliorum fuisse statuas duas Colosseas senum seminudorum, qui cum reliquo corpore iacerent, pectore fuerat erecti, alteraq; manu cornucopiam tenerent, quas Saturno & Baccho adiudicauit, addiditq; in proximis ruinis, quorum frontispicium non omnino corruisset, eorum decorum extitisse templi. Eregione autem thermarum Constantini, in montis supercilio planam Urbem despiciente, surgit marmorea dimidiata Turris, Mesa vulgò appellata, quam Blon. Meccenatis esse putat, quod mesa sincopato nomine pro Meccenatiana dicatur. At multis rationibus supra patuit, Meccenatis turrim sub Aggeribus Tarquinij fuisse. Non desunt enim qui hanc turrim ponant inter ornamenta templi Solis ab Aureliano Imperatore excitati, quod si non ibi, haud inde procul certè fuit, de quo Vopiscus scribit: Aurelianus Rômæ Soli templum posuit in maiori honorificentia consecratum. Ferunt quidam eius matrem Solis sacerdotem, & ob id Solis templum in eius gratiâ excitauisse. Nos verò in huius principis numismatibus legimus. SOLI INVICTO. In dorso montis, propè dictas thermas, Equi duo marmorei, Praxiteles vnus, alter verò Phidias, vt tituli indicant. quibus equis astant viri nudi loro eos trahen-



trahentes. Tiridatis regis hos fuisse Sex. Ruffi Urbis descriptio admonet. Romam enim delati, quo tempore Nero, ut laute ipsum regem exciperet, vno die Pompei theatrum inaurauit. Ea autem Quirinalis pars, quæ vallem Martiam despicit, Mons cum templo Clatræ, & Apollinis vocitata est. Haud ita multo post surgit collis alter, ubi Capitolium vetus, Sacellum Iouis, Iunonis & Mineræ fuisse literis traditur, eaq; prius capitolinis condita. A dextera, eregione horum locorum, propè S. Vitalis ædem Pomponius Atticus Domum habuit, cognomento Pamphilianam, ab auunculo hæreditate relictam, cuius amœnitas non ædificio, sed sylua constabat. auth. Cor. Nepos, quo in loco Quirini templum postea conditum fuit, ex cuius ornamentis in vinea Hieronym. Genutij effossis structi sunt gradus in Capitolio, ad Aræcæli ecclesiam. Quirini autem templum omni tempore erat clausum, quod aperire non licebat, quasi arcanum habere vellent, humi ne iaceret, an in deorum numerum relatus esset. Quidam propè Quirini templum, volunt fuisse Porticum eiusdem nominis, quo conueniebant homines componendorum negotiorum causa, ibiq; aliquando sponsalia esse peracta, de qua porticu Mart. ita meminit:

*Vicini pete porticum Quirini.*

## ADNOTATIO.

Cum de equis (vulgo) Tiridatis regis Ponti seu Armeniæ hic ageretur, is enim Romam Neroni asportandos curauit, non piguit hic pauca subnectere: Simulacra namq; ipsa marmorea alterum Phidiæ, alterum Praxitelis præstantissimorum artificum opus, quæ equos regere videtur, pro certo est inter antiquarum rerum peritos esse ipsum Alexandri Macedonum regis effigiem ad viuum representantia, ut ex eiusdem aureis argenteis, æreisq; numismatibus compertum est.

## CAP. XCVI.

*De Alta Semita, Domo Sabini, Vico & Statua Mamurri,  
Foro & Hortis Sallustij, ac de campo  
Scelerato.*



ALTA autem Semita à thermis Constantini ad portam Viminalem per Quirinalis dorsum erat producta, cuius vestigia (erat enim ex quadrato lapide strata) nuper in vinea Sodoleti vidimus ipsi. in eademq; ad Malum Punicum fuisse Domum Flauij Sabini, in qua Domitianum natum esse scribit Suet. ex Tiburtino lapide ibi effosso didicimus. In eo enim legi Indicem huiusmodi.

INTER DVOS PARIETES PRIVATVS ANDITVS FLAVI SABINI.

Exstant in eadem vinea, vno lapide sculpta, tria deorum simulacra, quorum à sinistra sedens vnum, Genius Cœlimonteis, ut titulus ostendit, erat cōsecratum. Alterum à sinistra stans, Herculi Iulio. Tertium Ioui Cœlimonteis. Visuntur ibidè, in radice montis antiqui aquæductus vestigia, cum aquis limpidissimis, & potui non ingratis. Vicus autem Mamurri, in quo illi statua fuerat posita, apud ecclesiam S. Sufannæ à diuo Ambrosio collocatur. fuit enim haud procul à Sallustij foro, cuius Horti ab eadem ecclesia ad campum Sceleratum, propè portam Collinam existentem, diffundebantur: in quibus hortis voluit fuisse aquas subterraneas hominum opera scaturientes, ad irrigandum ipsos hortos commodissimos. At de Hortis Cor. Tac. meminit his verbis: Ventitabat Nero ad pontem Miluium, quo solutius Urbem extra lasciuiet. Igitur regrediente per viam Flaminiam compositas insidias, fatoq; euitatas, quoniam diuerso itinere Sallustianos in hortos remeauerit. & Vopiscus de Aureliano loquens sic. Displicebat ei, cum esset Romæ, habitare in Palatio, ac magis placebat in hortis Sallust. vel Domitij viuere.

Sallustius enim patrocínio & Cæsaris fauore consecutus dicitur præturam Africæ interioris, ex qua diues factus hos hortos comparauit, & villam Tiburtinam, quæ illi a Cic. identidem obiicitur. Exstant adhuc hortorum vestigia in profunda valle inter montem, & viam quæ ducit ad portam Salariam, cuius vallis partem hi horti cum cisternis occupabant. vnde collis, in quo quora pars Domus Sallustij conspicitur, ab incolis Sallusticum dicitur. quo in loco effossum fuit marmor cum hoc indice.

M. AVRELIVS PACORVS ET M. COCCEIVS STRATOCLES ÆDITVI  
VENERIS HORTORVM SALLVSTIANORVM BASEM CVM PAVIMENTO  
MARMORATO DIANÆ. D. D.

Vltra autem hos hortos, propè portam Collinam, locus est editus, vbi olim Vestales, quæ incestum commississent, viua sepeliebantur, & totus ille campus, sicut & via ad eum, Sceleratus appellatus, auth. Sex. Pomp. Liuius; Eo anno, inquit, Mutia Vestalis factio inditio viua sub terra ad portam Collinam dextera via strata defossa scelerato campo; ab incesto id ei loco nomen factum.

## C A P. XCVII.

### *De Templo Salutis, Dij Fidij, Fortuna primigenia, Gentis Flauie, Honoris, Herculis, Quirini, ac de na- tali loco Domitiani, & Senatulo mulierum.*



**Q**UIRINALIS habuit multas ædes sacras, quibus non est certus in eo locus, veluti Apis Salutis, à Fabio pictore depicta, Claudij verò tempore incensa. hanc cum Iunius Bibaculus dictator de Equis triumphans vouisset, Censor locauit, & Dictator dicauit.

Sanctus, Fidius dij fuerunt Sabinorum; quos domo demigrantes in collem Quirinalem cum cætera suppellectile detulerunt, idq; nomen verbis trinum, re vnicum esse dixerunt. vnde licet tribus ipsis esset in eodem colle Templum dicatum, vnus tamen sancti vocabulo appellabantur, obtinuitq; huiusmodi nominis opinio sanctitatis magnam vim habere iusiurandum, quo in trino & vnico numine medium esse quis Fidium affirmaret. Plaut. Per deum fidium credis iurato mihi. Fortunæ primigeniæ Ædes in eodem monte à Domitio prætoris vrbanus posita fuit. Herculis Templum in eodem, eregione Quirini. similiter Honoris, vt testatur Cicero de leg. Senatulum mulierum. inquit Lamprius in Heliogabali vita, id est, mulierum senatum,

in Quirinali fecit, in quo ante fuerat conuentus matronalis  
solennis duntaxat diebus. Agonalia etiam  
in Quirinali celebrata fuisse  
legimus.



*De Foro Archimonij, pila Tiburtina, Domo Martialis, Circo  
Floralium, Floræ Templo, Officinis minij; &  
Cliuo publico.*



NSTAVRATIS Vrbis Romæ reliquiis, iis quæ ad sex mō-  
tes citra Tyberim pertinere videbantur, reliquum fuerat  
in Translyberinam transire regionem, & Ianiculū, septi-  
mum antiquæ Vrbis montem, his adiungere. verū cum  
multis iam annis, ne dicam seculis, collis Hortulorū cum  
campo Martio intra pomerium sit receptus, prius hunc,  
totamq; Vrbem planam percurrere optimum fore arbi-  
tratur. Interigitur ipsum collem & Quirinalem, vallem  
quadrangularem, sed oblongam formam habentem iace-  
re, in descriptione situs vrbis declaratum est, in cuius parte sub Clatræ, & Apol-  
linis monte, Archimonium forum fuisse memorant. argumento quòd ibi sit æ-  
des S. Nicolai cognomento de Archimoniis. Haud ita multo post fuit locus, Pi-  
la Tiburtina, quasi Tibur, denominatus: vbi Mart. se Domum habuisse, his testa-  
tur carminibus.

*Sed Tiburtina sum proximus attola pile,  
Qua videt antiquum rustica Flora Iouem.*

Sequebatur deinceps Circus vbi Floralia in honorem deæ Floræ agitantur.  
Flora enim cum magnas opes ex arte meretricia quæsuisset, Popul. Roman. scri-  
psit hæredē, certamq; pecuniā reliquit, cuius ex annuo fœnore suus natalis dies  
celebraretur, editione ludorum, quos appellabant Floralia. quod quia Senatui  
flagitiosum videbatur, vt pudendæ rei quædam dignitas adderetur, deam finxe-  
runt esse, quæ floribus præesset, eamq; oportere placari, vt fruges cum arboribus  
bene, prospereq; florescerent. Sunt autem qui huiusce deæ templum in Quirina-  
li statuunt: sed siue in colle, siue in valle, omnino fuit prope circum. Paulo vltra  
circum, Officinæ conficiendi minium occurrebant, vt scribit Vitruuius. prope  
quas Publicum cliuum fuisse sic docet Var. Clius proximus ad florales, versus  
Capitolium Vetus.

C A P. XCIX.

*De Colle Hortulorum, Templo Solis, & Sepulcro  
Neronis.*



XPOSITIS iis, quæ videbantur pertinere ad vallem supradi-  
ctam, ipsum ascendamus Hortulorum collem, qui licet ma-  
gnū habeat ambitum, tamen ob eam rationem, quòd pri-  
cis temporibus extra pomerium fuerat, pauca memoratu  
digna complectitur, inter quæ Domum Pincij Senatoris, qui  
& colli, & portæ cognomen fecit. hodie enim mons Pincius,  
Pincianaq; dicitur porta. Huius autem domus vestigia exsta-  
re traduntur apud partem antiqui muri laxata compage inclinati, cadentiq; si-  
milis. Hinc autem secundum muros progrediens longo interuallo occurrit mo-  
les in hemicycli formam, quam Solis templum quidam fuisse autumant. In hoc  
ipso colle fermè eregione, secundum aliquos, sepulcri Marcelli in via Flaminia  
positi, Nero suum sortitus est, vt docet Suet. his verbis. Reliquias Ægloge, & Ale-  
xandria nutrices, cum Actia concubina gentili Domitiorum monumento con-  
siderunt, quod conspicitur è Martio campo, impositum colle Hortulorum. in  
eo monumento solum porphyretici marmori superstanti lunensi ara circumse-  
ptum

ptum è lapide thasio. Hic collis Hortulorum quidem obtinuit cognomen, quod sub ipso olim fertilissimi, & perpetuis aquis irrigui fuerant horti, vt vbi de Augusti Mausoleo mentionem facimus, infra apparebit. Ex hortulorum colle magistratus peturi in Martium campum olim descendebant. Descendamus nos in eundem Urbemq; planam.

## C A P. C.

*De Urbe plana, & Theatro in genere.*

**I**N Urbis planæ descriptione vt quid, quo ve loco sit, aut fuerit certis sedibus collocatis magis pateat, à Capitolio per Pantheon (est enim Pantheon huius Urbis vmbilicus) ad fluminis ripam, propè S. Rochi ædem, linea recta deducatur, quæ ita deducta in duas propemodum æquales partes hanc urbem intersecabit. quarum altera à fronte, & à latere ad Tyberim, altera vero à foro Traiani, vsque ad portam Flumentanam, ad Quirinalis, hortulorumq; collis radices, iacebit. Illud autem in primis sciendum, difficillimum esse omnia ad huius partis cognitionem pertinentia ad vnguem explicare, quòd prioris seculi homines prisca illa, & diuina quodammodo Urbis ornamenta, quo sordidissimas exornarent domunculas, ita distraxere, aut vilissimis opprèssere ædificiis, vt veteris fundamenti vestigia paucis in locis agnoscantur. Quare velim doctos, Urbisq; prisca studiosos non mihi magis, quàm impiis istorum manibus irasci, si pauca videbor attigisse. Sed iam ad locorum declarationem aggrediamur. & quia à Theatro Marcelli principium rectè facturi vide-mur, pauca de theatrò prælibanda sunt. Theatri igitur originem huiusmodi tradit Cassiodorus. Cum agricultores feriatis diebus sacra diuersis numinibus per lucos vicosq; celebrarent, Athenienses primum agreste principium in vrbanum spectaculum collegerunt, Theatrum græco vocabulo visorium appellantes, quod eminus astans turba conueniens sine aliquo impedimento videatur. Et infra: Ritus Romani, sicut cætera externa, ad suam remp. non inutiliter trahentes, ædificium alta cogitatione conceptum magnanimitate mirabili condiderunt. Theatra prius ad tempus lignea posita fuere: postea versatilia inuenta, quæ modo vnam, modo alteram faciem ostēderent, qualia duo M. Curius in funebri patris munere iuxta fecit. Primum autem theatrum Romæ fecit M. Scaurus in ædilitate sua XXX. dierum spacio duraturum, omnium maximum quæ vnquam humana manu facta fuere. cauea enim hominum octuaginta millia capiebat. L. Mumius primus, theatro temporaneo ludos suo triumpho dedisse dicitur, deinde Scaurus. Vitruuius autem scribit post Scenam porticus esse constituendas, vti cum imbres repentini interpellarint, habeat populus quo se recipiat ex theatro, & non modo porticus, sed etiam ambulationes, quæ ita collocabantur, vt duplices essent, haberentq; exteriores columnas doricæ, cum epistylis & ornamentis ex ratione modulationis perfectas. & alibi: Tectum, inquit, porticus quod futurum est, in summa gradatione cum scænæ altitudine librarum perspiciatur, ideo quod vox crescens æqualiter ad summas gradationes, & tectum perueniet. Sed symmetrias, & locorum distinctiones docet libro quinto.



*De Theatro Marcelli, & Bibliotheca, ac de Porticu, & Curia Octauia.*

VGVSTVS multa sub alieno nomine condidit, & inprimis Theatrum Marcelli nepotis ex sorore Octauia, cuius pars vetustate, igneque corrupta, vbi nunc est Palatium Sabelliorum inter Capitolium & Tyberim, adhuc cernitur. Capiebat autem loca octuaginta millia, opus sane maximum, simul & pulcerrimum, vtpote ab eo excitatum, qui maxime exoptabat multis & præclaris ornamentis Urbem illustrare. In hoc, scena restituta, Vespasianus ludos edidit: at de hoc theatro lege Asconium. Iuxta theatrum Porticum Octauiam in gratiam Octauiae sororis idem Augustus condidit, quam mox incendio deformatam, restituit. In hac porticu raptus Proserpinæ, Bacchus, & Satyrus fuere, Praxitelis opera. In eadem Apollinem, Dianam, nouem Musas fecit Timarchites. Intra hanc ipsam porticum Iunonis Ædem ponit Plin. in qua eiusdem deæ simulacrum Dionysius, & Polycles fecere. Idem auth. de Octauiae curia meminit, & in ea Cupidinem fulmen tenentem ponit. Consentaneum autem est hanc curiam fuisse vbi porticus, quā ante theatrum statuit Appianus. Includebatur autem inter ædes sacras D. Nicolai in carcere, & S. Mariæ, quæ ab ea in porticu cognomen obtinuit, qui locus ex ruinis, & curiæ, & porticus eminentior cernitur, ibiq; saxa tiburtina, & marmora plurima effodiuntur. Defuncto vero Marcello prope theatrum Octauia mater Bibliothecam instituit, id est, librorum repositorium, quæ Liberaria etiam dicitur. Gellius: forte, inquit, in liberaria ego, & L. Paulus poeta vir memoria nostra clarissimus confederamus. Tradunt autem Pisistratum tyrannū primum omnium Athenis disciplinarum liberaliū libros publicè legendos posuisse, Romæ verò Asinium Pollionem.

*De Circo Flaminio, & Templo Apollinis.*

IRCVS autem Flaminius vbi fuerit, permagna est inter scriptores dubitatio, & contentio. Blo. namq; quibusdam coniecturis admodum leuibus conatur ostendere, quem nunc Agona, olim Circum Flaminium appellatum, cuius rei nulum habens argumentum, Pandulphum Lateranensis Ecclesiae ostiariū tantum adducit, qui scribit Hadrianum Pontificem S. Apollinaris ædem ædificauisse, vbi prius Apollinis fuerat. Po. vero Let. quē deīde secutus est Ful. eū esse vult, cuius vestigia quibusdā in locis adhuc extant apud Apothecas obscuras, in cuius medio nunc ædes S. Catharinæ est sita, & funes torquentur. Quidam vero Blon. opinionem approbantes Balbi Theatrum hoc in loco fuisse contendunt. Quare in re tam antiqua, tam dubia, in tantaq; scriptorum varietate, quem potissimū sequeremur, nulla erat certa ratio, coniecturæ vero non valde probabiles, in his animi anxietatibus diu versatus, tandem forte fortuna, quid probarem, inuenimus. Sedebamus enim nuper in Liberaria Pontificis Max. Ego, IOHANNES Moronus Episcopus Mutinen. magni ingenii, magnæq; probitatis iuuenis nobilissimus, nec non THOMAS Cadamustus patricius Lauden. iisdem ornatus animi virtutibus, humanarumq; literarum studio virorum doctorum fautor & singulare præsidium. Sedebant & quidam prudentes viri, incideratq; mentio de Mario iuniore, de cuius morte cum quidā dubitarent, quid, inquit Episc. dubitatis de re omnibus

nota: heus puer affer M. T. Ciceronis orationes. Legebatur in toga candida. Catilinam caput Marii plenum adhuc animæ, & spiritus gestauisse ab Ianiculo ad ædem Apoll. tunc Thom. antiquitatis vrbis studiosissimus, & in medicina alter Apollo, in me conuersus: vbi inquit, erat Apollinis ædes. Iube inquam Afc. Ped. afferri, apud ipsum quædam vidi, quæ nunc memoriæ non occurrunt, eo allato hæc legimus. Omnia sunt manifesta, sed tamen ne erretis, quod his temporibus ædes Apollinis in Palatio fuit nobilissima, admonendi estis, non hanc à Cicer. significari, quam post mortem Ciceronis multis annis Imp. Cæsar, quem nunc D. Augustum dicimus, post actiacam victoriam fecerit: sed illam demonstrari, quæ est extra portam Carmentalem, inter forum Holitorium, & circum Flaminium. Quibus verbis obseruauim nullo modo Agonium campum circum Flaminium esse. Et si quis consideret forum Holitorium, ædemq; Apollinis inter ipsum & circum Flaminium voluerit collocare, certe Pomponii opinionem facillime probabit: non enim procul à porta Carmentali fuit Apollinis ædes. Liuius. Ab æde Apollinis boues scæminæ duæ, albæ, porta Carmentali in urbem ductæ. Quæ vero à Blon. adducuntur, ea omnia, præter Pandulphi argumentum, non magis suam confirmant, quam destruunt opinionem. Quid enim sibi volunt hæc Liuii verba: Itaque inde Consules ne criminationi locus esset, in prata Flaminia, vbi nunc ædes Apollinis est, iam tum Apollinarem appellabant, aduocauere Senatum, nempe nihil aliud, quam sæpenumero Romanos è proximo Capitolio consulendi gratia in circum Flaminium descendisse. Vnde alibi Liuius: Actum de imperio Marcelli in circo Flaminio. Quid Cassiodori? solitos esse ab Augusti Mausoleo sex portis dimitti iunctos currus, qui per Equiria in Flaminium circum currebant: nihil, nisi ab Equiriis, vbi ædes S. Mariæ in Equiro recta currus solitos esse venire ad Apothecas obscuras, & per portam antiquam, cuius vestigia adhuc existunt, circum ingressos, metas circuire, quod si de Agonio intelligatur campo, non recta à Mausoleo Augusti, verum ad dextram necesse erit currus flectere, vt in Agonium peruenias campum, quem in Martio, cum in pratis Flaminiiis, circus Flaminius esse conser. Circus Flaminius, inquit M. Var. dicitur, qui ædificatus est circum Flaminium campum, & quod ibi quoque ludis tauricis equi circum metas currunt. Sex. vero Pom. à Flaminio Col. apud lacum Trasimenum ab Hannibale interfecto circum, simul & viam, denominationem coepisse refert. Plut. vero in probl. de huius nominis etymologia dubitare videtur. Quid est, inquit, quod circus Flam. dictus est, an quod Flami. quidam priscus, cum ciuitati agrum reliquisset equestribus ludis eius fructu, & vectigalibus utebantur, nam cum pecunia suppeteret, viam quoque Flaminiam munierunt. Cui autem vsui esset illa indicant Var. verba paulo ante adducta, & quæ retulimus ex Liuiio, quod circo Flaminio mundato ludi Apollinares extra portam Collinam portati sunt. Inter S. nunc Angeli, olim, vt quidam putant, Iunonis Ædem, & Citranguli turrim, marmoreæ columnæ tres miræ altitudinis, & crassitudinis adhuc extant, quo in loco Martis templum fuisse tenemus, columnæ enim reliquæ videntur earum, quæ in huius diui templo ab Ouidio mirum in modum celebrantur. Apollinis vero Ædes, vbi nunc Ecclesia diuæ Mariæ cognomento sub Capitolio, inter forum Holitorium, & circum Flaminium, secundum Afc. & prope portam Carmentalem, quod innuit Liuius, qui primo dec. quintæ docet S. C. in ea sæpe factum esse, eius sunt hæc verba: Cn. Cornelio Scipione Hispalo, & Q. Petilio Spurino Cos. senatus in æde Apollinis legatorum verbis auditis, supplicationem in biduum decreuit. In eodem circo etiam Neptunum ædem habuisse testatur epitaphium quod sequitur.

ABSCANTO AVG. LIB. ÆDITVO ÆDIS NEPTVNI QVÆ EST IN  
CIRCO FLAMINIO FLAVIVS ASCANIYS ET PALLANS  
CÆS.



CÆS. N. SER. ADIVTOR A RATIONIBVS PATRI PIISSIMO FEC.

C. A. P. CIII.

*De Vulcani, Martis, Bellonæ, Herculis, Jovis Statoris  
Templo; ac de Columna Bellica, Ara Neptuni,  
Porticu Corinthia, & Colosso  
Martis.*



VERE autem cum in circo Flaminio, tum apud, aliæ cele- berrimæ deorum ædes sacræ, veluti Vulcani, in qua pro edi- tuis canes fuisse fabulantur, sacrilegis tatum allatrantes. Mar- tia iuxta eundem circum, vt diximus: Simul & Bellonæ: ver- sus portam Carmentalem inquit P. Viçtor. inter Martis & A- pollinis templum, ac portam Carmentalem, qui locus ex rui- nis eminentior nunc cernitur, vbi frequenter Senatus habe- bantur. Liuius quinto dec. quintæ: M. inquit, Pompilius Cos. Romani rediit, Senatuque extemplo ad ædem Bellonæ vocato. Antè Bellonæ existentis, auth. Sex. Pom. ante portam Carmentalem, fuerat Columna marmorea index belli inferendi, Bellica denominata, à qua Romani in bellum profecturi hastam in eam partem versus mittebant, in quam ituri erant, quia laboriosum admodum videbatur propagato imperio ad hostium fines ex instituto peruenire, in eorūq; agros iacere.

Hanc Columnam Blon. iuxta circum Maximum perperam statuit, dece- ptus illis Ouidii carminibus, quæ sunt supra à nobis adducta, vbi de ipso circo, & iis, quæ in eo erant, fumus locuti. Ædis Bellonæ Appium Claudium cæcum au- thorem Ouid. sic facit.

*Hac sacrata die thufco Bellona duello*

*Dicitur, & Latio prospera semper adest.*

*Appius est author Pyrrho qui pace negata*

*Mulum animo vidit, lumine cæcus erat.*

Herculi magno custodi circi Flaminii Ædis ponitur à P. Viçtore, de qua idē author vt quidam aiunt, sic meminit.

*Alter a pars circi custode sub Hercule tuta est,*

*Quod Deus Euboico carmine munus habet.*

Steterat autem in aditu circi, vbi nunc ecclesia diuæ Lucix in Apothecis ob- scuris, & propterea Ouidius custodem illius ipsum Herculem appellauit, argu- mento etiā, quod aperiētibus Vespillonib. sepulchrū quoddam, legimus in fru- sto marmoris reperto cognomentum, quod in antiquis monumentis vbiq; Her- culi datur, videlicet: INVICTO. Decoratus est arcus Flamin. altera æde cogno- mento Herculis Musarum, quod cum Musis esset communis, à M. Fulvio No- biliore ex pecunia cenforis ædificata, ea ratione quod in Græcia acceperat Her- culem Musagetem esse, id est comitem, ducemque Musarum, idemque pri- mus nouem signa, hoc est omnium Camœnarum simulacra, ex Ambraciensi op- pido translata sub tutela fortissimi numinis consecrauit, quia mutuis operibus, & præmiis ornari, iuuariq; deberent, Musarum quies defensione Herculis, & virtus Herculis voce Musarum: lege Eumenium. Ædem autem hanc vetustate defor- matam, Martius Philippus Augusti vitricus refecit, quod Qui. in fast. sic detegit.

*Sic ego, sic Clio, clari monumenta Philippi*

*Aspicis, vnde trahit martia casta genus.*

In eodem Circo Macro. Iouis Statoris statuit delubrum. Et calices fieri soli- tos, sic testatur Mar.

*Accipe de circo pocula Flaminio.*

Plin. vero aram Neptuni fuisse ait, eamque olim sudore manasse. Et à Consulatu Octauii, qui de Perseo rege triumphum nauale egit, factam Porticum duplicem apud eundem circum, quæ à capitulis æreis columnarum Corinthia, & ab authore Octauia est appellata. Fuit autem inter ipsum circum, & ecclesiam S. Nic. cognomēto in chalcaria, quod ab ipsa porticu cognomē retinuisse videtur, χαλκός enim ædes dicitur. Idem tradit Colossium Martis fuisse in templo Bruti Callaici apud circum Flaminium.

## C A P. CIIII.

*De porticu Mercurij, & Octauij, Pompei theatro, Domino, Atrio, & Porticu eiusdem, ac de Templo Veneris Victricis.*



INTER Flaminium circum, & Tyberim extat porticus in vestibulo ædis nunc S. Angeli in piscina, olim Mercurio, vel, vt alii, Iunoni sacra, quam igne exhaustam L. Septimium Seuerum restituisse inscriptio ostendit huiusmodi.

IMP. CÆS. L. SEPTIMIVS  
SEVERVS PIVS PERTI-  
NAX AVG. ARABIC.  
ADIBENIC. PARTHIC.  
MAXIM. TRIB. POTE-  
STAT. XI. IMP. XI. COS.  
III. P. P. &  
IMP. CAES. M. AVRELIVS  
ANTONINVS PIVS FELIX  
AVG. PONT. MAX. TRIB.  
POT. VI. COS. PROCOS. IN  
CENDIO CONSVMP TAM  
RESTITVERVNT.

Porticum autem illam, quæ nunc diruta apud plateam Iudæorum Ceuram appellant, Seueri Impera. fuisse tenet fama, nos vero de hac nihil certi habemus. Sequitur Theatrum Pompei, inter Marcelli, & molem Hadriani fere medium, quod mansurum primus omnium ipse Pompeius extruxit. Quin, inquit, Cornelius Tacit. Cn. quoque Pompeium accusatum à senioribus ferunt, quod mansuram theatri sedem posuisset: Nam antea subitariis gradibus, scena in tempus structa. Sed consultum parsimonix, quod perpetua theatro sedes locata sit, potius quam immenso sumptu per singulos annos confurgeret, ac strueretur. Et licet Pompeius inchoauerit, magna que ex parte extruxerit, C. Caligulam tamen absoluisse scribit Sueton. cum fortuito igne consumptum se extructurum pollicitus est Tyberius. Longo autem tempore post, Theodoricus Ostrogothorum rex magna ex parte disturbatum instauravit, sicuti Cassio. verba ad Senatum indicant, quæ sunt: Et ideo theatri fabricam se mole soluente, consilio vestro credimus esse roborandam, vt quod ab authoribus nostris in ornatu patriæ constat esse concessum, non videatur sub melioribus posteris immunitum. Quid nõ solus senectus, quæ tam robusta quassasti? Montes facilius cadere putarentur, quam soliditas illa, quæ tenetur, quando moles ipsa sic tecta cautibus fuit, vt præter artem additam, & ipsa quoque naturalis esse credatur. Hoc potuissimus for-



te negligere si nos contigisset talia non videre: & reliqua. Huius magnitudinem ex eo etiam coniciimus, quod Nero nobilibus Germanis Po. Ro. multitudinem ostensurus, eos in hoc theatrum populo plenum introduxit. Capiebat enim loca LXXX. millia cuius vestigia in cella vinaria, & in stabulo Vrsinorum in campo Floræ adhuc cernuntur. Veneris Victricis ædem in eo fuisse scribit Porphyrio, & Plutar. in ipsius Pompei vita. Ego vero anno M. D. XXV. post ædem S. Mariæ cognomento in cripta picta, vidi effodi marmor in quo erat index talis. VENERIS VICTRICIS. Prope theatrum autē Atrium, siue curiam, & domū, & ante ipsam porticum Pompeius habuisse dicitur. Plutarchus. Atqui ipse, Pompeius ipse vsque ad tertium triumphum modice, atque in composita habitauit, pulcrum deinde theatrum longe à Romanis diffamatum cum struxisset, splendidiorem domum, veluti theatro appendicem, ædificauit. Curia ea fuit, in qua C. Cæsarem occisum esse docet Sueton. Is locus nunc Satrium additaliter s. pro atrium appellatur. De porticu vero Ouid. sic meminit.

*Tu modo Pompeia lentus spaciare sub umbra,  
Dum sol berculei terga leonis adit.*

Campum, quem Florem vocitant, à Flora à Pompeio adamata, ita denominatum putauerim, non a loci præstantia, quasi florem, vt autumat Ful. Hæc autem Pompei monumenta Philippo, qui post Gordianum imperauit, regnante, igni absumpta sunt, auth. Pomp. lætus: Nam cum Philippus ipse in theatro ludos scenicos celebraret tribus diebus, totidemque noctibus peruigil populus spectauit, funalibus atque lychnist tenebras vincentibus, & cum multitudo solennibus ludis intenta esset, incendium, aut ex luminaribus, aut ex ignibus coalitum, in Curiam deuagatum est, arsit theatrum, & ei propinquum hecatonstylon, id est centum columnarum porticum. Iuxta theatrum Tyberio Cæsaris arcum marmoreum, prius à Senatu decretum, sed omissum, peregit Diuus Claudius. Suetonius.

## CAP. CV.

*De Thermis Agrippinis, Pantheone, eiusq; Porticu, ac  
Boni Euentus Templo.*



DESCEDENS quis à Pompei theatro in septentrionem ad locum perueniet, qui nunc Cyambella dicitur, prope Pantheon, ubi M. Agrippæ Thymarum reliquiæ adhuc extant: eis namque Agrippinis à suo nomine nomen imposuit Agrippa, de quibus meminit Plin. his verbis: M. Agrippa rusticitati, quam deliciis propior, vnicumque felicitatis exemplum multa, & egregia in vrbe perfecit opera, Augusto eius locero imperante. Idem thermas de suo nomine excitauit, has lithostrato, & encausto pinxit, arcus, & pauimenta ex vitro posuit. Et rursus: Lithostrata, & pauimenta cæptanere iam sub Syl. paruulis certe crustis, exstatque hodie quod in Fortunæ delubro Præneste fecit: pulsa deinde ex humo pauimenta in cameras trāsire, vt pronū vitium, & hoc certe inuentum ab Agrippa in thermis, quas Romæ fecit, figlinum opus encausto pinxit, reliqua albaria adornauit, non dubie vitreas facturum cameras, si prius inuentū fuisset. Conspicitur prope thermas templū inter antiqua vrbis ædificia valde cōspiciuū, & ferme integrū: ab antiquis, quasi omnibus diis sacrum, Pantheon, à nostris, à circulari forma S. Maria rotūda, nūcupatū. Est enim spherica forma, & veteri structura, quod Ioui vltori ab eodē Agripp. positū

esse testatur Plin. Dion. vero, siue quod Matri deum, atque omnibus diis sacrum esset, siue quod mundi formam haberet, Pantheona appellatum tradit. Id cum Agrippa Augusto vellet dedicare, ac ille respuerit, Marti & Veneri consecrauit. Huius autem magnificentiam, & pulcritudinem non facile verbis quis exprimeret. Habet enim intrinsecus lithostratum variis marmoribus perpulchrè exornatum, columnasq; circumquaq; nobili structura, & epistyllis optime cōcinnatas, ac inter ipsas, sacella, in quibus per ambitum statuarum olim erant collocatæ: Syracusana, inquit Plin. sunt in Pantheo capita columnarum à M. Agrippa posita, in columnis templi eius probantur inter pauca eius opera, sicut in fastigio posita signa, sed propter altitudinem loci minus celebrata. Altitudo enim brachia cōtinet LXXVII. & totidem latitudo. Huius templi concamerata testudo, mira arte laqueata, habet in summo vertice circulare foramen, quo solo liberum lumē cœli admittitur, & ad huius imbres excipiendos recto diametro in ipso lithostrato impluuium. Verum ne testudo immenso pondere grauaretur, vacui circumquaque specus ab imo ad summum relictī sunt. Intus tota ædes, aut marmorata, aut marmoreis crustis exornata est, exterius tectorio illita, à fronte vero æreis laminis argento, auroq; illitis tecta. Testudo nunc plumbeis, olim argenteis laminis cooperta fuerat, quas Constantinus tertius Heraclii nepos Romam veniens sustulit, simulq; omnes statuas ex ære, & marmore ad vrbis ornatum positas, omniaq; templorum ornamenta paulò decentiora detraxit, nauibusq; ad id paratis impositis asportauit. Portæ vero templi æreæ, miræ magnitudinis, veteri structura, cum æreis supra valuas cancellis. In pronao Augusti, & Agrippæ fuere simulacra. In ipso vero templo Martis, & Veneris, ex cuius auribus pendeat vnio miræ magnitudinis, & taxationis, quem, vt scribit Macro. Cleopatra in auribus gerebat, cuius magnam partem, aceto consumpserat in cōuiuio, quo M. Antonium sumptibus superare contendebat, que vno haustu centies sestertium ebibit, sed qui superfluit victa regina, capta Ægypto Romam delatus, dissectusq; est, & factæ ex vna margarite duæ, posita, vt diximus, Veneris simulacro: Phidias, inquit Plin. fecit ex ebore Minervam Athenis, quæ est in Pantheo. altans. Hercules in Pantheone, ad quem Pœni omnibus annis humanas sacrificant victimas humi stans. Virg. enim Didonis describens templum alludere videtur ad hoc, in quo tot gradibus nunc descenditur, quot olim ascēdebat, vt columnarum basis in porticu ipsius existentium ostendit, simul & area ex quadrato lapide superioribus annis detecta, ex quo deprehendi potest quantum ruinis creuerit Urbis solum. Notandumq; etiam hoc in loco omnia templa apud veteres in sublimi condita gradibus ascendi, atq; vnum tantum habuisse aditum. Vnde Var. Omne enim templum debet esse continuo septum, nec plusquam vnum introitum habere. Agrippa autem templo porticum addidit, à quibusdam prothyrum appellatam, cuius verbi significationem Accursius Iurecon. se ignorare fatetur. Est autem locus ornamenti causa ante ianuam, veluti vestibulum, aut porticum, quasi *πρυθῆναι*. Hæc vero porticus pulcherrima, & ferme integra adhuc stat, cuius tectum æreis, ac inauratis trabibus canalium modo compactis sustentatur: rotundis, ingentibusq; attollitur columnis, de qua Baptista Leo hæc habet verba: Extant in hunc vsque diem ad porticum Agrippæ contignationes æreis trabibus pedum XL. opus in quo nescias impensam ne magis, an artificis ingenium, mirere. Præter columnas rotundas, habet quasdam alias quadratas, quæ dicuntur anthæ, anthes quadraturam significare Nonius affirmat. In huius frontispicio literæ cubitalis, operis authorem ostendentes, sunt hæc.

M. AGRIPPA L. F. COS. TERTIVM FECIT.

De instauratione vero eiusdem templi infra minores literæ leguntur, hæc.

IMP. CÆS. L. SEPTIMIVS SEVERVS PIVS PERTINAX ARABICVS  
ADIA-



ADIABENICVS PARTHICVS MAXIMVS PONTIF. MAX. TRIB. POT. XI. COS. III. PP. PROCOS.

IMP. CÆS. M. AVRELIVS ANTONINVS PIVS FELIX. AVG. TRIB. POTEST. V. COS. PROCOS. PANTHEON VETVSTATE CORRVTVM CVM OMNI CVLTV RESTITVERVNT.

Spartianus autem ait Hadrianum prius Pantheon instaurasse. Iulius Capit. in vita ipsius Antonini pii de ipsa instauratione ita meminit: Opera eius hæc extat, templum Hadriani honori patris dicatum, instauratum Amphitheatrum, sepulcrum Hadriani, templum Agrippæ. Porticus autem numinibus præscos dedicare consueuisse, probat in marmore excisus hic index.

SILVANO SANCTO L. VALLIVS SOLON PORTICVM EX VOTO FECIT DEDICAVITQVE KAL. APRILIB. PISONE ET BOLANO COSS.

In area autem Pantheonis visuntur pari forma duo leonum simulacra ex marmaridum lapide subnigro, sub suis basibus collocata, cum hieroglyphicis literis, inter duo porphyretica labra, quæ in proximis Agrippæ, aut Neronis thermis fuisse multi opinantur. Templi Boni euentus vestigia quadrata, & oblonga spectantur inter Mineruæ, & Sancti Eustachii plateas. Colebatur autem Euentus, vt omnia prospere, feliciterq; euenirent: quare Var. ad Fundaniam scribens ipsum inuocauit, cuius simulacrum erat habitu pauperis, dextera manu pateram, sinistra vero tenens spicam. Praxitelem huius diui simulacrum in Capitolio fecisse, testatur Plinius.

## CAP. CVI.

*De Thermis Neronianis, & Alexandrinis, ac de Circo, qui Agon dicitur.*



HERMARVM olim Neron. fornices, & arcus quidã adhuc extare videmus, post S. Eustac. eadẽ, inter Pantheonis & Longobardorum plateas: de quibus Mar. Quid Nerone peius, quid thermis melius Neronianis? Has Alexandrum instaurauisse nõnulli arbitrantur. Lampridius vero nouas iuxta Neronianas Alexandrum excitauisse: cuius sunt hæc verba: Thermas sui nominis fecit, iuxta eas, quæ Neronianæ fuerũt, aqua inducta, nunc Alexandrina quæ dicitur. Nemius thermis de priuatis edibus suis, quas emerat, diruptis edificijs fecit. Pulcherrimum fere omnium artium vetigal instituit: ex eoque iussit thermas, & quas ipse fundauerat, & superiores populi vsui exhiberi. Syluas & in thermis publicis deputauit, & quia thermarum vestigia late patent, à S. Eustachio vsque ad domum Gregorii Narnien. viri optimi & humanissimi, in cella vinaria, cuius vidimus thermarum pauimenta, & plumbeas fistulas, Lampridii opinionem potius probamus, videlicet Alexandrum nouas prope Neronianas excitauisse thermas, præsertim quod in eadem domo, & in proximis, sunt putei aquis limpidissimis, qui nulla arte possunt excicari, vt existimem esse ductum illius aquæ, quæ ab Alexandro inducta, eiusdem adquisiuit nomen. Iuxta autem has P. Victor thermas Hadriani posuit: quidam ferunt fuisse, vbi nunc S. Aloysii templum, sed cum nulla ibi appareant Thermarum vestigia, certum locum illis non audeo assignare. Visuntur hodie in celeberrima Urbis planæ parte vestigia spaciosissimi Circi, quem nunc Agonem vocitant, quod in eo ad nonum diem Ianuarii Agonalia Iano sacra celebrantur, à Numa, vt scriptum reliquit Antias, instituta. Is enim Deus rebus

agen-

agendis præsidere credebatur. Ego vero crediderim ibi non solum Agonalia, verum varios ludos, variâq; edita spectacula, & communi nomine Agonem denominatum, quo nomine cuiuslibet generis spectacula appellant Græci. Non enim placet, quod vult Ful. huic loco Equiriæ nomen fuisse, quia, vt diximus, rectior erat via ab Augusti Mausol. ad S. Mariæ in Equiro ædem, vt inde currus in circum Flaminiû, sicuti Cassio. ait, dimitterentur. Præterea ædes ipsa in Equiro dicitur, non in Aquiro, neq; legitur vsquam, locum ibi fuisse paludosum, vt ab aquis ædes ipsa nomen sit adepta. Leue sane est argumentû, quod æreæ anates in ea fuisse dicantur, solent enim antiqua hominum, & deorum signa simul, & animalium ad locorum ornatum, huc, illuc transferri, sicuti videmus ænecos pavonès in S. Petri basilica, quos olim in pinu ænea ad Scipionû sepulcrum fuisse memorant. Quare cum solerent principes, vt supra patuit, omnia sui monumenta vno in loco extruere, Neronis, siue Alexand. circum existimauerim. Sunt enim horum thermarum vestigia prope, & ferme contigua. Non negamus tamẽ in eo Equiria sicut alia certamina, fuisse celebrata. Sunt autem Equiria ludi, quos apud Elidẽ Græciẽ ciuitatẽ Oenomaum primum omniû edidisse scribit Sex. Pom. & Pindari interpretes. Romulus postea cum imitatus eosdem in raptu Sabinarum Italiæ ostendit, de quibus Ouid. 2. fast. ita meminit.

*Iamq; duæ restant noctes de mense secundo,*

*Marsq; citos tunel's curribus urget equos.*

*Ex vero positis permansit equiria nomen.*

*Quæ Deus in campo præstitit ipse suo.*

Quidam autem aiunt in via triumphali Arcum Theodosii, Valentiniiani, & Gratian. Im. fuisse, quo in loco nũc pecunia signatur, nos vero de his nil certi inuenimus, nisi quod fragmenta quædam superioribus annis apud ædem S. Celsi inuenta dicuntur, horum principium de arcu inditium facientia. Aliqui dicunt in eo arcu titulum insculptum esse huiusmodi.

IMPP. CÆSSS. D. D. D. N. N. N. GRATIANVS VALENTINIANVS ET  
THEODOSIVS PII FELICES ET SEMP. AVGG. ARCVM AD CONCLV  
DENDVM OPVS OMNE PORTICVM MAXIMARVM ÆTERNI NO  
MINIS SVI PECVNIA PROPRIA FIERI ORNARIO IVSSERVNT.

## C A P. CVII.

### *De Templo Neptuni, Terento, Ara Ditis ac Palude Caprea.*



**I**N ripa autem Tyberis, vbi nunc S. Basilii, olim Neptuni stabat Ædes, ab Hadriano restituta, quemadmodũ in niarmore ibi inuento titulus nobis significauit. In Neptuni naufragio seruati solebant tabellas naufragium ipsum pictum habentes ponere, auth. Fulgentius: Terentus, inquit Pom. locus in cãpo dictus quod eo loco ara Ditis patris occultaretur, vel quod profluẽtis Tyber. ripas aquarũ cursus tereret. Quo in loco Euand. ex Arcadia profectus cũ chaffe subtituisse dicitur, hinc Ouid.

*Iamq; ratem doctæ monitu Carmentis in amnem*


*Egerat, & thuscis obuius ibat aquis.*

*Fluminis illa latus, cui sunt vada iuncta Terenti*

*Aspicit, & sparsas per loca sola casas.*

Notandum autem non solum Ditis, sed & Proserpinæ aram subterraneam fuisse quam Val. Max. tradit egesta terra ad XX. pedum altitudinem, apud Terentum inuentam Valefio quodam authore, è Sabinis locuplete, & rusticæ vitæ ho-

mine





mine, qui liberatis tribus filiis ibi trinoctium furuæ hostiæ sacrificium exhibuit. vnde Aufonius.

*Terna terentino celebrata trinoctia ludo.*

Ipsam quidam aram Romani bello Albano constituerant, atque alta occultauerant terra, vt omnibus, præterquam ipsis, esset ignobilis. Capream Paludem in campo Martio ante Urbem statuit Liuius. Plut. verò locum esse dicit versus mare in rheumatibus Tyberis, ad quem vnus erat aditus, & propterea tutus; vbi Romulus cum exercitum recenseret, subita orta tempestate, sublatus è medio apparere desit.

## C A P. CVIII.

*De Domo Coruina, Via Lata, & Templo  
Isidis.*



LETÆ autem pars Urbis planæ, secundum radices Quirinalis, à foro Traiani ad portam Flaminiam producta, habuit prope Capitolium Domum Coruinam: à qua locus in hanc vsq; diem nomen seruat, Macellum enim Coruorum vulgo dicitur. vbi in pariete domus Virgilij de Mantaco tiburtinis faxis insculpta leguntur hæc.

C. POBLITIO. L. F. BIBVLO ÆD. PL. HONORIS VIRTVTISQVE CAUSA SENATVS CONSVLTO

POPVLIQVE IVSSV LOCVS MONVMENTO QVO IPSE POSTERIQVE EIVS INFERRENTVR PVBLICE DATVS EST.

Vbi notandum honoris, virtutisq; causa additum, quia Duellio Cos. cautum fuerat S. C. ne quis in Vrbe sepeliretur nisi, qui virtutis causa, legibus non tenerentur. Vnde Cic. Hominem mortuum, inquit, lex in XII. tabulis, in Vrbe ne sepelito, neve urito. credo propter ignis periculum, atq; in Vrbe sepulti sunt clari viri. Credimus eos. quibus ante hanc legem, virtutis causa tributum est, vt Publicolæ, vt Tiburtæ, quod eorum posteri iure tenuerūt: aut eos, si quibus hoc, vt C. Fabricius virtutis causa soluti legibus non sunt secuti. Propterea Imperatores, & virgines Vestæ, quia legibus non tenerentur, in ciuitate habebant sepulcra. Denique etiam nocentes virgines Vestæ, licet viuæ, tamen intra Urbem campo Scelerato obruebantur. Sed vnde digressi, eo reuertamur. A Macello Coruorum ad septa campi Martij via Lata, adhuc priscum obtinens nomen, producit: à qua ædes S. Mariæ in via lata nomen accepit: propè quam nunc multa erunt marmora, in quibus trophæa, triumphalesq; imagines vidi, cum hac inscriptione. VOTIS. X. ET. XX. qualem esse in arcu Constantini dictum est supra, ex quo coniicimus arcum triumphalem ibi stetisse. hætenus tamen nihil aliud apparuit, vt cuius esset, iudicarem. Ferunt Innocentium octauum Pontificem, in renouatione prædictæ ædis, hunc diruisse. In hac ipsa via Isidis Templum extitit. Blo. autè ex Sex. Ruff. descriptione, vbi ædes nūc S. Marcelli ponit: in quo Vespasium & Titum nocte illa, quæ triumphum præcessit, quicuisse memorat Suet. Iuuenalis verò propè septa statuit, cum inquit.

*A meroe portabat aquas, quas spargat in ædem  
Isidis, antiquo quæ proxima surgit ouili.*

Et licet ædes prædictæ non multum à Septis distet, non tamen proxima dicitur. Vnde alij posuere Isidis in Platea nunc Sciaræ, nonnulli apud ædem S. Mariæ in Equito. At certū locum nobis non licet assignare, nisi quod propè S. Marcelli templum inuentum est marmor hoc titulo insculptum.

Fuit autem Isis Ægyptiorum dea, & in magna apud ipsos veneratione, cuius sacra Romam aduecta esse testatur Lucanus. Lampridius in Com. Ant. Imp. vita Sacra, inquit, Isidis ita coaluit, vt & caput raderet, Isiacos vero pineis vsque ad perniciem pectus tūdere iubebat. Colebatur autem Isis cum Osiride viro, qui Serapis est nominatus; à quibus Iseum & Serapeum loca publica in regione Flaminia nomen sumpsere. In Isidis autem templo magna dabatur adulteriorum occasio, vnde Ouid. ad amantem.

*Ne fuge niliacæ memphitica sacra iuuenta,  
Multas illa facit, quod fuit ipsa Ioui.*

Quò in loco non de latrociniis, quemadmodum opinatur Fuluius, verum de adulteriis & stupris intelligit. Ouid. Nam & Iosephus commemorat iuuenem quendam nomine Mundum Paulinam generosam, & pudicam alioquin matronam, cum impatienter amaret, sacerdotes Isidis pecunia corrupisse, qui nouo religionis commento mulierem in templum vocarent, eosq; finxisse, per noctem cum Osiride collocutos, persuasisq; eam à deo desiderari, illam vero cum in templum venisset à iuvene, tanquam ab Osiride, compressam, & cum mox petulātius stuprum ei exprobrasset, mulierē marito rem detulisse Tiberio, atq; ipsum indignatum sacerdotes cū Mundi liberta, quæ facinoris fuerat conciliatrix, crucibus affixisse, temploq; Isidis euerso, simulacrū eius in Tyberim præcipitari iussisse. De incendio autem huius templi meminit Dion. his verbis: Ignis diuinitus, potius quam ab homine Romæ excitatus, eamq; depopulatus. Nam Serapis & Isidis templum, & Septa, Neptuni ædem, thermas Agrippæ, Pantheum, Diribitorium, Balbi theatrum, Pompei Porticum, Octauix domum cum Bibliotheca, Templum Iouis Capitolini cum ædibus & sacellis coniunctis exhaustit. Pluribus autem in locis fuisse Isidis templum testatur Spartianus in vita Caracallæ. Idem ait sacra Isidis Romam deportauisse, & templa vbique magnifice eidem deæ fecisse.

#### A D N O T A T I O.

Cum de viis, quæ nostris temporibus in Vrbe apertæ sunt, aliquid non ab re fuerit hic inferere: sciendum itaq; est anno 1561. à Pio IIII. Pont. Max. vbi olim alta semita fuerat, ductam & stratam esse viam, quæ de suo nomine Pia vocata, hæc autem ab equis Tiridatis incipiens in ipso Quirinali, vsque ad portam eiusedem quoque nominis ducit, & inde etiam recta ad pontem qui Nomentanus, vulgo Lamentano, dicitur, trium circiter mill. pass. Tempore verò Gregorij Papæ XIII. anno 1575. via quæ à diuæ Mariæ Maioris ad basilicam Lateranensem ducit, aperta est, vt ex inscriptione in porticu illius Ecclesiæ ab Eugenio III. exstructo apparet. At S. D. N. Sixtus V. qui nunc viget Viam Felicem de suo nomine, quæ ab ipsius diuæ Mariæ Maioris templo ad ædes Sanctissimæ Trinitatis in colle Hortulorum, seu monte Pincio, duxit. Aperuit & eam qua à diuæ Mariæ Maioris ad Sanctæ Crucis in Ierusalem in agro Seforiano recta tenditur, eamque pariter, qua ab ædibus diuæ Mariæ Maioris ad portam S. Laurentij recto tramite itur. Dum vero hæc scribebamus agebatur de aperienda via, quæ à Capitolio recta ad Lateranum duceret, ac etiam alia, quæ à templo diui Pauli extra mœnia in via Hostiensis ad Lateranum ipsum pariter deueniret, quæ Deo adiuuante quamprimum aperiendas fore cōditur.



*De Arcu Camilli, Templo Minervæ, &  
Foro Suario.*



IS CEDENS quis à via Lata versus Pantheona, non multò post illi occurret rudis, nullisq̃ue ornamentis insignis arcus: cæterum, vt videtur, antiquissimus, quem Camillianum, tanquam Camillo erectum, nunc vocitant. At nescio quo modo velint Camillum arcum habuisse triumphalem, cuius vsus multis seculis post Camillum inuentus à multis dicitur. prius enim triumphalia tantum signa cum statuis, & trophæis, ducibus & triumphatoribus erigi solebant, qualia Marij esse adhuc videmus. quòd si, vt par est, triumphalem arcum esse concedimus, non alicuius imperatoris, aut ducis fuit, quam ex ijs, qui post C. Cæsarem fuerunt. Sequitur statim inter Pantheona, & hunc arcum, Templū Mineruæ, à quo nunc diuæ Mariæ sacrum, nomen retinet. Illius autem antiqui exstant in cœnobio fratrum parietes, oblongam & quadratam formam templi ostendentes, sed non magnam. Quod templum olim testudinatum, multisq̃ue ornamentis insignitum Pompeius condidit, in quo triumphalia, & gestorum breuiarium posuit, vt in marmorea tabula legimus, & eisdem ferè verbis Plin. sic testatur. Toties Imperator antequam miles, postea ad tot maria, & deinde solis ad ortus missus hos retulit patriæ titulos, more sacris certaminibus vincentium, neque ipsi coronantur, sed patrias suas coronant. hos ergo honores Vrbi tribuit in Delubro Mineruæ, quod ex Manubiis dedicabat Cn. Pompeius Magnus Imperator. Bello XXX. annorum confecto, fufis, fugatis, occisis, & in deditionem acceptis hominum centies vices semel LXXXIII. millibus, depressis aut captis nauibus DCCCXLVI. Oppidis, castellis mille quingentis. XXXVIII. in fidem receptis, terris à Mæotis lacu ad Rubrum mare subactis, votum merito Minervæ. hoc breuiarium eius ab oriente. Ad radices autem Quirinalis in hortis Columnensium propè clium, qui nunc in montem Caballum ducit, Forum Suarium olim fuerat, ita denominatum, quod eo in loco sues venundarentur. quapropter Sancti Nicolai ædes inibi nunc sita, in Porcilibus cognomentum retinet. M. quidem Var. docet antiquos habuisse loca constituta, vbi res pecuariae venderentur, quæ loca nomen fortirentur ab ipsis rebus, vt Boarium vbi boues, Piscarium vbi pisces, Holitorium vbi holera, Suarium vbi sues. Quidam in radice eiusdem montis, in regione viæ Latæ, campum Agrippæ, & Septa fuisse, authore Lampridio, afferunt. Sed certum locum non ostendunt Lampridij verba, quæ sunt hæc. Instituerat & Alexander Seuerus basilicam Alexandrinam inter campum Martium & septa Agrippina.

*De Campo Martio siue Tyberino.*

VANQVAM in eo capite, quod est de vario Urbis ambitu, satis declaratum arbitror, quid de campi Martij terminis, finibusq; sentirem: tamen cum ad eum peruenerimus, libet quarumdam inter sese contraria quæ videntur, addere, quo euidencioribus coniecturis, & argumētis pateat Ful. haud rectè hunc montium radicibus, fluminisque ripa terminauisse. licet Liuius, quem habet authorem, agrum Tarquiniorum Marti consecratum inter Urbem & Tyberim iacere dicat. quia aliud est inter Urbem & Tyberim, ab eo, quod ipse vult, inter montes & Tyberim. ex quo Liuij verba non repugnant iis, quæ diximus, videlicet mœnia à porta Collina deducta per mediam Urbem planam ad ripam Tyberis fuisse, eregione murorum structorum ab Anco rege in TransTyberina regione. At melior est ratio. Si Urbis mœnia montes non excedebant, cur idem Liuius in pratis Flaminii ea omnia acta dixit, & non in campo Martio, cum Flaminij prata inter montes & Tyberim quin iaceant, negare possit nemo, nempe, quia non erant campi Martij pars. Non fit quippe verisimile eum agrum, qui fuerat Marti sacer, in ius priuatum transiuisse. Præterea cum Diony. omnia circum Urbem habitata commemoret, domusque priuatas in hac planitie fuisse legerimus, vt Coruinorum, Pompei, Martialis, in campo Martio has statuemus; iusq; priuatis hominibus struendi domos in loco sacro dabitur, aut forum in quo fues venundentur instituetur. Quare huius planicie partem ædificiis, tanquam Fo. Rom. proximiorum, secundum Diony. occupatam, Martij campi non esse partem, tenemus. Nunquid Urbis? & intra mœnia receptam? Licet locorum natura, quibusdamve coniecturis quandoque muris septam coniicere videar; Liuius tamen sexto belli pu. facit, vt quo tempore fuerit septa, non aulim affirmare. Scribit enim ab æde Apollinis boues scæminas duas, albas, porta Carmentali in Urbem ductas. cui portæ cum sub Capitolio fuerit locus, omnia ab ipso ad Tyberim extra Urbem exitisse videntur. Illud autem non prætereundum. Ful. non satis de campo Martio sibi constare. Nam in eo capite, quod est de Quirinali, ex Suet. refert Domitium natum ad malum Punicum in domo, quam postea in Templum gentis Flauie conuertit, iuxta hortos Sallustianos, quorum, inquit, vestigia adhuc existant in profunda valle inter portam Salariam, montem Quirinalem, & collem Hortulorum; & sic ipsos hortos in Vrbe ponit. vbi verò de obeliscis agit: Alter, ait, obeliscus Lunæ dicatus adhuc cernitur in colle Hortulorum, in hortis Sallustianis, qui locus Gyrus ab incolis nunc dicitur. & cum collis Hortulorum fuerit extra Urbem, necesse est eosdem hortos extra fuisse. & ita non solum de loco, verum & de vulgari nomine tirubat. Hic enim Gyrum: illic Sallusticum ait. Quinimo campum ipsum Martium totum, nedum partem, mœnibus modo excludit, modo, portam Aureliam prope Hadriani molem transferendo, intra Urbem recipit. Sed ad Campi descriptionem aggrediamur, qui Martius ideo cognominatus dicitur, quia Marti à maioribus fuerat consecratus. Nam cum cæteri campi regis Tarquinij, qui ob iustitiæ contemptum dictus est superbus, post eius exilium dati iis essent, qui agros non haberent, vnus hic ager Marti fuit consecratus, campusq; Martius dictus auth. Liuius & Dionys. meminit & Strabo in hæc verba: Veteres illi Romani necessariis rebus magis intenti, Urbis pulchritudinem contempserunt. Posteriores verò, & ij præsertim qui nostris fuere temporibus, innumerabilibus, & præclarissimis



rissimis impleuerunt insignibus. Pompeius enim & D. Cæsar, & Octavius, & eius filij & familiares, & vxor, & soror cunctorum studium simul, & impensas ad præparanda decora superauerunt. Maximam autem horum partem Martius campus habet, præter natium locorum amœnitatem, artis, & solertiæ exercitationes admittens. Campi enim admirabilis magnitudo, simul & curules pariter cursus, & alia equestria certamina expedita suppeditat. nec minus tam multis, pilam, circulum, palæstram exercitatione tractantibus aliaq; incumbentia simul opera. Quid perennes solo herbas, coronatosque ad fluminis aluicem colles? Scœnicarum ostentatio picturarum, eiusq; generis spectacula, præstant, vt difficulter, & inuitus abscedas. Priusquam enim Marti consecraretur, Tyberinus, auth. Gellio, dicebatur Campus, sicut Tyberis Martius, vt testis est Statius secundo Syl. Belisarium autem huius campi partem (erat enim ad pontem Miluium vsque productus) muris per radices collis hortulorum, & inde ad Tyberim ductis, intra Urbem recepisse, scribit Procopius. Sciendum quod in campo Martio, veluti in Capitolio, statuæ virorum illustrium erigebantur. Vnde Caligula quasdam ab Augusto ex capitolina area, propter angustias illo translatas, ita subuertit, atque disiecit, vt restitui saluis titulis non valuerint. Sed alia eius ornamenta iam percurramus.

## CAP. CXI.

*De Porticu, Templo, Columna, & Palatio Antonini Pij,  
ac de Septis, siue Ouilibus.*



**E**STAT hodie inter Sciaræ, Pantheonisq; plateas, iuxta ædem S. Stephani de Trullio, Porticus, cuius principium & finis licet non appareat, columnæ tamen marmoreæ, ingentes, numero vndecim, quæ super sunt, ita dispositæ cernuntur, vt stadiatam porticum Antonini Pij Impe. fuisse multi arbitrentur. quo in loco Templum etiam habuisse dicitur, argumento quod literæ cubitales, in marmore ibi inuento incisæ, huius templi memoriam continerent. Sunt tamen qui Martis templum ibidem fuisse contendunt. Hinc enim ipsius Antonini cochlidis Columnam parum distare videmus, quam instar Traiani ipse sibi erexit. altitudinis pedum CLXXVI. cum inferiore cochlea, & gradibus CVI. ac fenestellis LVI. incendio parum deformatam, circumquaq; res à se gestæ incisæ nunc spectantur. in vertice vero eius olim simulacrum nudum, quale in ipsius numismatibus cernere licet. Columnam autem Sex. Ruffus in ara Flaminij esse scribit. inter quam, & porticum Imper. ipse Palatium habuit. ex cuius ruinis locus paulo eminentior factus videtur. Inter ipsam autem columnam, & aquam Virginem Septa fuere. Erant enim septa loca tabulis inclusa, & vallata, in quibus Po. Ro. suffragia laturus claudabatur. Martialis. In septis Mamurra diu multumq; rogatus. Ouilia etiâ sumpta similitudine ab ouium septis, sunt appellata. licet Blon. velit Ouilia fuisse minoris ambitus loca, in quibus centuriæ à tota tribu separatæ de agendis, priusquam citarentur, consultabant. de iis Lucanus. Et miseræ maculauit Ouilia Romæ. Hæc iuxta viam Fornicatam, Flaminiamq; à Liuiο ponuntur. Notandum & hoc in loco Fuluij contrarietatem. Lucanus, inquit, non de Septis, vt creditur, sed de villa Publica intellexit, vbi I. X. debitorum millia cæsa dicuntur authore Sylla. Demus autem in villa Publica istos cæsos fuisse, nunquid ipsam villam Ouilia appellauit Lucanus: certe non: sed idè Ouilia maculasse ait Syllam, quia ex ea nonnulli fugientes in Ouilibus

libus sunt interfecti, nisi dicemus ratione vicinitatis locum pro loco posuisse. cui opinioni verba ipsius Fuluij aperte repugnant, quæ sunt: Satis constat septa fuisse in eo ambitu, ubi nunc columna cochlidis Antonini pij. Supra verò villam Publicam sub Capitolio ponit, quæ, ex verbis Ciceronis, per ipsum etiam adducta, prope septa fuisse, mox apparebit.

## C A P. CXII.

*De Monte Citatorum, Villa Publica, Templo Neptuni,  
& Ponte in Campo Martio.*



VRGIT inter columnam Antoninam, & S. Laurentij in Lucina ædem tumulus, nunc Citorus mons, pro, Citatorum, vocatus. non quòd ibi esset mons, verum quod eo Po. Rom. ad creandos magistratus citatus olim conueneret. Sunt qui Acceptorium ab acceptandis suffragiis, siue Septorum à proximis septis, nomē obtinuisse volunt. Non placet autem, quod putat Fuluius, locum editum factum ex egestionē terræ ex fundamentis columnæ Antonini. quia non fit quippe verisimile tumulo terræ, & ruderibus eum locum occupatum esse, qui celeberrimus erat ædificiis & comitiis, alijsq; publicis negociis destinatus. Et cum planities illa æqualis latē pateat, nisi ab ea parte, ubi mōs ipse Citorus attollitur, absurdum est etiam dicere, quod Fuluius, positum pro aggere ad reprimendum Tyberis inundationes. quia circularem propemodum habens formam, nullā præ se fert aggeris speciem. Quare credimus potius ex ruinis alicuius ædificij, veluti porticus, Amphitheatri, aut villæ publicæ locum excreuisse. Erat enim Villa Publica domus ampla, veluti Curia, in qua hostium legati, quibus neque in Urbem aditus patebat, neque in Grægostrati hospitium concedebatur, recipiebantur, & de publico alebantur. Liius. Macedones deducti extra Urbem in villā Publicam, ibiq; iis locus, & lautia præbita. Quod autem hostium legati intra Urbem non susciperentur, Rhodiorum legati apud eundem Liium quinto dec. quintæ conquerentes, ita probant. Antea Carthaginensibus victis, Philippo, Antiocho superatis, cum Romam venissemus, ex publico hospitio in curiam gratulatum vobis P. C. ex Curia in Capitolium ad deos vestros dona ferentes, nunc ex fordissimo diuersorio vix mercede recepti, ac propè hostium more extra Urbem manere iussi, in hoc æqualore venimus in Curiam Romanam Rhodij. Notandum est etiam, eodem autore, Romanos consuevisse sumptum, & locum præbere de publico, nō solum legatis verum etiam amicis Pop. Roma. eius sunt hæc verba ex quarto eiusdem dec. Onesimo Pythonis filio nobili Macedoni ad Romanos cum transfugisset Senatus locum, Lautiam præberi iussit. Sed ad Villam Publicam reuertamur, in qua etiam censum haberi solitum ferunt. Sylla, inquit Val. Max. in Publica villa, quæ in campo Martio erat, quatuor legiones contrariæ partis fidem suam secutas, obtruncari iussit. Meminit etiā L. Florus, & Cic. ad Atticum his verbis. Efficiemus rem gloriosam. nam in campo Martio Septa tribuniciis comitiis marmorea sumus, & tecta facturi, eaq; cingemus excelsa porticu, vt mille passuum conficiatur, simul adiungetur huic operi Villa Publica. Quo in loco innuit villam publicam propè Septa excitari solitam esse. neq; intelligit Cicero se septa alibi, quam ubi prius erant, sed lignea, quæ erant ex marmore, facturum. Quod tamen nec Cicero ipse, neque alius postea fecit, bello ciuili. post eam epistolam suborto, prohibente. Iuxta autem Septa Neptuni Templum cum Porticu pulcherrima fuisse, scri-



se, scribit Dionys. quem locum M. Agrippa multis decorauit ornamentis. Erat autem apud Citatorum montem, Antoniniq; columnam Pons, per quem citati, postquā tulerant suffragia, ne laturis se immiscerent, & cui fauissent dicere possent, transeuntes separabantur. de quo Suetonio intelligit, ubi de consiliis coniatorum his disserit verbis. Qui primi cunctati utrum illum in campo per comitia, & tribus ad suffragia vocantem partibus diuisis è ponte deicerent, atque exceptum trucidarent, an in Sacra via, vel in aditu theatri adorirentur. Nonius Mar. refert sexagenarios per pontem non mittendos, quia suffragium non ferant, quod pro ponte fiebat.

## CAP. CXIII.

*De Aqua Virgine, Lacu, & Æde Iuturna, ac  
Pietatis.*



QUA autem Virgo, quæ nunc potu suaui antiquum retinet nomen, propè pontem Solarium concipitur, & profundissimo fluës cuniculo, per Collatinamq; ingrediens portam, sub colle Hortulorum attollitur. opere deinde arcuato per Marcium campum deducta multis fistulis priuatis edibus, & accolis commodissimè aquam subministrat. Sub hortis verò Lucullanis in eodè campo, sicut Appia & Alsietina olim finiebatur. In eius aquæductu marmor inclusum, hunc indicem incisum continet.

TIBERIVS CLAVDIVS DRVSI FILIVS CÆSAR AVG. DVCTVS AQVÆ VIRGINIS DESTINATOS PER CÆSAREM A FVNDAMENTIS NOVOS REFECIT AC RESTITVIT.

In hortulo vero Angeli Colorij antiquitatis viri studiosissimi, tiburtino lapide sculpta huiusmodi leguntur.

TI. CLAVDIVS DRVSI. F. CÆSAR AVGVSTVS GERMANICVS PONTIFEX MAXIM. TRIB. POT. V. IMP. XI. P. P. COS. DESIG. IIII. ARCVS AQVÆ DVCTVS VIRGINIS DISTVRBATO PER C. CÆSAREM A FVNDAMENTIS NOVOS FECIT AC RESTITVIT.

Suetoni. tamen aquæ Virginis in Urbem perductæ M. Agrippæ laudem attribuit, ut infra ostendemus. Forma autem huius aquæ magnam Martij campi obibat partem. Ouidius.

*Te quoque lux eadem Turni soror ade recepit.*

*Hic, ubi virginæ campus obitur aqua.*

Ex quo apparet Iuturnam Ædem in campo habuisse, iuxta eiusdem nominis lacum. Fuit enim Iuturna Turni soror, quæ lacui, in quo submersa est, nomen dedit, qui locus nunc pro Iuturna corrupto nomine dicitur Lotreglio. Hæc autem aqua apud veteres salubris habebatur. Vnde Varr. Nympha, inquit, Iuturna quæ iuuarer: Quare ægroti propter id nomen ex eo fonte aquam petere solebant. Pietatis Templum, ut quidam tradidere, fuit in campo Martio, ubi nunc ædes Sancti Saluatoris de Pietate.

*De Arcu Domitiani, Obelisco Campi Martij, Amphitheatroq; Claudij Imperator.*



**I**RIVMPHALIS arcus mutilatus, suisq; spoliatus ornamentis & titulis inter S. Sylvestri & Laurē. in Lucin. sacras ædes, viam amplexus Flaminiam, Domitiano Imper. adjudicatur, argumento, quod in ipso cernitur talis, qualis à Suet. describitur, videlicet somnians se à Minerua destitutum, & illam excedere sacrario, negantemq; se vltra tueri cum posse, quod exarmata esset à Ioue. De arcu autem ipso sic meminit Mart. Stat sacer, & domitis gentibus arcus ouans. Domitianus enim per omnes regiones fecit Ianos, arcusq; cum insignibus triumphalibus. quos in ipsius vnus titulum, ac nomen substructos, postea disturbatos esse affirmat Dion. Qui verò nunc exstat arcus Tripholi vulgo appellatur, quasi tripolis, vt quibusdam placet, ob victoriam trium vrbiū. vel, vt alii, à deuicta Tripoli Thessaliæ ciuitate; de qua Liuius secundo 5. dec. sic meminit: Consul cum III. milia fermè abesset à Tripoli (Secam vocant) super Peneum amnem posuit castra. Vetus autem huius arcus inscriptio patrum nostrorum memoria adhuc legebatur. Augustus ex vrbe Hieropoli duos Obeliscos Romam transtulit, quorum maiorem in circo Maximo iacere dictum est. Alter verò minor ped. 1 x. in campo Martio, propè S. Laurentij in Lucina ædem, in cella vinaria cuiusdam ciuis Rom. visitur contractus; in cuius base huiusmodi legitur titulus.

CÆSAR. DIVI. IVL. F. AVGVSTVS

PONTIFEX MAXIMVS IMP.

XII. COS. XI. TRIB. POT.

XIV. ÆGYPTO IN POTESTATEM.

POPVLII

ROMANI REDACT.

SOLI DONVM DEDIT.

De quo loquitur Plin. his verbis. Is obeliscus, qui est in campo Martio centum decem pedum est à Merfodide inscriptus, rerumq; interpretationem Ægyptiorum philosophiæ continet. cui Augustus addidit mirabilem vsum ad deprehendas solis vmbas, dierumq; ac noctium magnitudines, strato lapide ad obelisci magnitudinem, cui par fieret vmbra Romæ, cōfecto die, sexta hora, paulatim per regulas, quæ sunt ex ære inclusæ, singulis diebus decreverent, ac rursus augeretur. digna cognitu res, & ingenio fecundo. Manlius mathematicus apici pilam auratam addidit: cuius vertice vmbra colligeretur in semetipsam alia, atque alia incrementa iaculante apice, ratione, vt ferunt, à capite hominis intellecta. hæc dierum observatio triginta terè annis non congruit, siue solis ipsius dissono cursu, & cœli aliqua ratione mutato, siue vniuersæ tellure aliquid à centro suo dimota, vt deprehendi, & in aliis locis accipio, siue Vrbis tremoribus ibi tantum gnomone intorto, siue inundatione Tyberis sedimento molis facto. Ibidem autem effossum fuit Horologium cum lineis, & gradibus deauratis. in singulis verò quatuor ventorum imagines ex opere musiuo sculptæ visebantur, cum hac inscriptione. VT BOREAS SPIRAT. Claudium autē Imp. Amphitheatrū iuxta septa ædificauisse statuis, & columnis pulcherrimè exornatum, quod à Tiberio imperfectum fuerat relictum, scribit Suet. item, Neronem ludos spectauisse è proscenij fastigio munere, quod in amphitheatro ligneo, in regione Martij campi intra anni spaciū fabricato, dedit. Iunonis Lucinæ ædes vbi nunc Sancti Laurentij in Lucina.



*De Valle Martia, Palatio & Porticu Augusti, & de Domitiani Naumachia, ac Flauia gentis Templo.*



ALLIS autem Martia à campo, cui cohæret, vel in quo est, nomen sortita, iacet inter Tyberim & collem Hortulorum. In hac autem ad radices eiusdem collis, loco maximè deprefso, apparent Naumachia Domitiani vestigia. Nam Suet. ait ipsum edidisse nauales pugnas penè iustarum classium effosso, & circumstructo iuxta Tyberim lacu, atque inter magnos imbres spectauisse; struxisseq; Stadium Methodæum, & Naumachiam, ac ex eius lapide postea circum Maximum, deustis vtrinque lateribus, exstructum. Hanc quidem Domitiani Naumachiam, vbi prius Augusti, fuisse opinamur, Augustiq; stagnum longa disſuetudine limo repletum, ab ipſo expurgatum, denominationemq; accepisse. Sed cum circa Tyberim dicat Suet. non sub colle hortulorum, de loco dubium facere videtur. Solutio est. Quod parum distat, iuxta dici potest. Nam & Strabo colles, qui plus distare cernuntur, coronatos ad fluminis alueum dixit. Legimus autem Augusti, & Domitiani monumenta quædam circa hunc locum fuisse, vt par sit credere (sicut & naturalis ostendit) ibi vtriusque Naumachiam steterisse. Iuxta quam idem Suet. gentis Flauia Templum collocauit. cuius quadratos lateres amplissimos ex ruinis, quæ ecclesiam S. Syluestri, eiusq; monialium monasterium sepiunt, extractos se vidisse ait Blon. quorum nonnulli literas haberent in hæc verba. DOMITIANA MAIOR PARS. DOMITIANA MINOR.

Ex quo se coniecere dicit, quidquid, siue Thermæ, siue Methodæum, siue Naumachia fuerit, Domitiani opera omnia, quæ ad S. Syluestrum vndiq; nunc cernuntur, vsq; ad S. Laurentij in Lucina ædem. Illud autem incertum, Naumachia & lacus vnum & idem, vno in loco: an nomine & loco diuersa. Iulius Capitolinus refert Augustum instituisse Porticum in campo sub colle pedum mille, ita vt ab altera parte porticus mille pedum fieret, atque inter eas spatium hinc inde viridaria essent, lauro, myrto, & buxo frequentata. medium vero lithostratum breuius columnis intrinsecus positis, & singulis per pedum mille, quod esset deambulatorium, ita vt à capite esset Basilica pedum quingentorum. cuius vestigia in radicibus collis Hortulorum secus Naumachiam adhuc apparere dicuntur. Sunt qui putant eiusdem principis Palatium fuisse inter ædem S. Felicis in pincis & Augustam.

## CAP. CXVI.

*De Augusti Mausoleo, & ad eum de duobus Obeliscis; ac de Marcelli sepulcro.*



VGVS TVS in valle Martia, interq; viam Flaminiam, & ripam Tyberis, sexto suo consulatu Mausoleum, non suum modo, sed omnium Imperatorum & cognatorum sepulcrum, exstruxit. Hinc Sueton. in ipsius Augusti funere: Reliquias, inquit, Mausoleo cõdiderunt. de eodem Cassio. ita scribit: Sed mundi dominus ad potentiam suam opus extollens mirandum Romanis, etiam erigens fabricam in vallem Martiam tetendit Augustus, immensa moles firmiter præcincta montib. cõtinetur, vbi magnarum

Dd

rum

rum rerum inditia clauderentur. Biffena quippe ostia ad XII. signa posuerunt. Commemoratione, inquit Strabo, dignissimum est, quod Mausoleum appellant, in excelsis fundatum molibus, lapide niueo, & perpetuæ viriditatis arboribus coopertum. In summum usque ad verticem cubitorum CCL. ad fluminis ripam aggeratum. In summo autem positum est Cæs. Augusti simulacrum ex ære fabricatum. Sub aggere ipso sunt eius loculi, & cognatorum & necessariorum. A tergo verò locus est mirifica continens ambulacra. In medio autem campi spacio buli exstat ambitus, & hic ipse niueo perfectus lapide, in circuitu ferreos cancellos habens, & plantatas interius præ se ferētes populos. Huius autem Mausolei meminit & Hierony. primo contra Iouianum. Exstat adhuc ubi vulgo Augusta dicitur, iuxta S. Rochi ecclesiam interior circumferentia reticulato opere. olim verò tres circumferentias fuisse, vestigia satis ostēdunt, inuicem ita distantes, ut in plures partes interfecarentur, pluresq; efficerent loculos, quo quisq; seorsum à cæteris sepeliretur. Habuit enim hic locus in honorem Augusti, Pacis, ac Victoriæ, & P. P. inscriptionem. Quod verò cognati, & non modo Imperatores in eo conderentur, probat Virg. in Marcelli funere, cum ait.

*Quantos ille virum magnam Mauortis ad Urbem  
Campus aget gemitus? vel qua Tyberine videbis  
Funera, cum tumulum præterlabere recentem?*

Quamquam nonnulli molem illam instar turris, quæ est ad portam nunc Populi ornamentis spoliata, Marcelli sepulcrum esse putent. sed cum vltra Scorpionis iactum distet à Tyberi, rectius intelligemus de Mausoleo Tyberi incumbenti. Nam poeta eo verbo præterlabere, innuit Marcelli sepulcrum iuxta fluiuium. Et in Mausoleo etiam liberos, vel certè apud, conditos esse probat epitaphium cuiusdam liberti Augusti in marmore excisum, ibique inuentum, quod est.

D.

M.

VVLPIO MARTIALI AVGVSTI LIBERTO A MARMORIBVS.

Mausolei autem nomen imposuit Augustus, quia ad similitudinem sepulcri Mausolei regis Carix ab Artemisia eius vxore structi fabricauerat. Apud hoc enim duo fuere Obelisci magnitudine pares, singuli pedum XLII. quorum alterum inter ipsum Mausoleum & Tyberim confractum iacere in via videmus. Alter verò inuentus, nec effossus, post S. Rochi ædem sub tellure latet.

#### A D N O T A T I O.

Iacuit ad nostram usque ætatem, per multa sæcula (ut creditur) vnus ex obeliscis Mausolei Augusti Cæsaris fractus ante ædes diui Rochi, in ipsa valle Martia, seu via Flaminia, quem inde Anno 1586. Sixtus V. Pon. Max. ornandæ basilicæ D. Mariæ Maioris gratia, ubi etiam sacellum eminens instar templi, maximo sumptu & ornatu erexerat, ac Natali Saluatoris Domini nostri ad Præsepe, insigni pietate dicauerat, asportari iussit, Dominico Fontanio Architecto vehente & erigente; qui hodie ante ipsas ædes è conspectu viæ Felicis, quam idem summus

Pontifex de suo nomine eodem anno aperuit, & strauit, sublatus cernitur.



*De Via Flaminia, Trophæis Marij, & quibusdam alijs  
ornamentis campi Martij in genere.*



I A M Flaminiam, quæ olim iuxta Antonini Pij columnam inchoabat, Cn. Flaminius M. Lepidi collega in consulatu victor Ligurum strauit. Hæc autem per Narniam, Fuliginum, Nuceriam, Callium, Fanum fortunæ, Pisaurum, Ariminum ducebat. Liuius verò scribit: M. Æmilius Cos. Liguribus subactis, viam à Placentia productam Flaminie coniunxisse, & Q. Flaminium viam, quam flaminiam appellauit, strauisse, innuitq; habuisse fines ab Iſauro, nunc Folia, ad Vaternum Fori Cornelij annem. Æmiliam verò inde ad Trebiâ Placentiæ vrbis fluuium. Sed Flaminia erat consularis: de qua Suet. in Augusto ita meminit: Quo facilius vndiq; Vrbs adiretur, desumpta sibi Flaminia via Arimino tenus munienda, reliquas triumphalibus viris ex nauali pecunia sternendas curauit. Et Cicer. ad Atticum: Propterea, inquit, quod Thermus curator est viæ Flaminie, quæ cum erit absoluta; & reliqua. In hac autem Augusti Mausoleum inter, & collem Hortulorum Trophæa Marij de Iugurtha fuere, argumento quòd ibi marmorea tabula inuenta est, cum indice C. Marij de triumpho Iugurthino huiusmodi.

PR. TR. PL. Q. AVGV. TR. MIL. EX SORTE M BELLVM CVM IVGVTHA NVMI. VEL PROCOS. GESSIT. EVM COËPIT ET TRIVMPHANS IN IOVIS AVTEM SECVNDO CONSVLATV ANTE CVRRVM SVVM DVCTVSSIT. III. CONSVL. APSENS CREATVS EST. IIII. TEVTONVRVM EXERCITVM DELEVIT. V. CONSVL CIMBROS FVGAVIT EX EIS ET TEVTONIS ITERVM TRIVMPHAVIT. REM. TVRBATAM SEDITIONIBVS ET TR. PL. ET PRÆTOR QVI ARMATI CAPITOLIVM OCCVPAVERANT. VI. COSS. VINDICAVIT POST LXX. ANNV PATRIA PER ARMA CIVILIA PVLSVS ARMIS RESTITVTVS. VII. COS. FACTVS EST DE MANVBIIS CIMBRICIS ET TEVTONICIS ÆDEM HONORI ET VIRTVTI VICTOR VESTE TRIVMPHALI CALCEIS PVNICEIS.

Trophæi autem significatio à V.. Humarco ita traditur. Fuga hostium græcè vocatur *τλεση*, hinc spolia capta fixa stipitibus appellantur trophæa. Syllæ sepulchrum Martio in campo statuit Appianus, Liuius Hircij & Pansa, Florus vero Iulie. Nam Augustus Iulias filiam, neptemq; si quid eis accidisset, vetuit sepulchro suo inferri. auth. Suet. In eodem campo Cor. Tac. Britanici sepulchrum posuit, in quo prius expugnationem fecerat. Suet. Drusi, diui Claudij patris. In domo autem & hortulo Angeli Colotij hæc visuntur, Socratis Statua Alcibiadem amplexantis. Iouis Hammonis, Protheique & Æsculapij simulacra. Menses cum signis, & diis tutelariis. Scyphius, & Arion equi, quos in Thessalia, percussa terra tridente, Neptunus eduxit, Mensuraq; pedis Romani, qua nos Vrbem sumus dimensi. Verù in priuatis ædibus, quæ nunc sunt ex prisca ornamentis si numerare vellemus, longum simul, & laboriosum utiq; foret, fructus verò peritui: cum ibi non sint inuenta, sed hinc inde translata. Quare hæc plus satis curiosis relinquimus. Martio autem alterum minorem campum proximum fuisse quidam volunt, propter, qui sequuntur, Catulli versus.

*Si me quæsieris minore Campo.*

Tum innumerabiles circum circæ porticus, horti numerosi, theatra tria, simul & amphitheatrù, templa magnificentissima inter se contigua, ut quasi aliud agentia, reliquam vrbis verustatem ostentare videantur. Viam rectam appellatam, in campo Martio fuisse scribit Sen.

*De Tyberino Flumine.*

TEMPTVS erat in Ianiculum, siue, vt nunc aiunt, in Transtiberinam regionem transeuntes antiquę Vrbis monumentis extremam manum imponere: occurrente autē Tyberino flumine, quem regionem ab Vrbe determinare supra declaratum est, nō videtur alienum de eius etymologia, variis nominibus, latitudine, altitudine, natura & lapsu, pauca quędam prius exponere. Tyberis igitur vnde dictus varia est opinio. Aliqui dicunt quodam tempore Syracusanos victores cępisse Atheniensium hostium ingentem multitudinem, & eam cęsis montibus fecisse, vt adderent munimenta ciuitati, & tunc auctis muris, & fossam intrinsecus factam esse, quę flumine admissio repleta munitiorem reddidit Vrbem, hancq; fossam per hostium penam, & contumeliam factam Thybrim vocasse *ἡμὲ τῆς ἰβρίας*. i. à contumelia, & postea profectos Siculos ad Italiam, eam tenuisse partem, vbi nunc Roma est, Albulamq; flumē ad imaginem fossę Syracusanę Thybrim, quasi *ἰβελί* vocauisse. Alij vero Thybrim regem Thuscorum fuisse, & iuxta hunc fluuium pugnatem cecidisse, fecisseq; ei nomen. Alij volunt istū ipsum regem latrocinatū esse circa huius fluminis ripas, & transeuntib. crebras iniurias intulisse, Thybrimq; quasi *ἰβελί* dictum. Quidam à Tyberi vicino regulo Veientum Tebrim appellatum putant, auth. Varr. Quod autē à Tiberino Albanorum rege sit Tiberinus nuncupatus, vt scribit Ful. non procedit, ideo quia etiam ante Albam Tybris dictus inuenitur. In sacris quidem Tyberinus: in communi sermone Tyberis: in poemate Tybris vocatur. Sed quod prius Albula diceretur, ostendit Virg. cum inquit. Amisit veterum vetus Albula nomen, quod à colore aquarum prius obtinuerat. Antea vero Rumon vocabatur, quasi ripas ruminans & exedens, & in sacris Serra. vnde est. Et pingua culta secantem. In aliqua etiam Vrbis parte, Terentum, eo quod ripas tereret. Idem poeta cęruleum, Horatius verò flauum appellat. Oritur autem ex Apennino paulo supra Arnum, tenuis primum, deinde XLII. amnis auctus, excreuit, præcipuē Nare & Aniene. Thusciam primum ab Vmbris, deinde à Sabinis, nouissimē à Latinis dirimens, Vrbemq; à septentrione ingrediens, à meridie inter Hostiensem & Portuensem viam à dextris Ianiculum, à sinistris Vrbem relinquens, egreditur, in mareq; Tyrrenum propē Hostiam vno legitimo ostio se exonerat; qualibet magnarum nauium mercator placidissimus. hinc Dion. Ex Ianiculo conspicua est Roma, latitudo Tyberis quatuor est iugerum, altitudo tanta, vt possit magnas perferre naues, neq; pedibus transiri queat, nisi per pontem, qui Cos. L. Ebutio. & P. Seruilio vnicus erat. Sinum autem, vt dictum est, Tyberis effundebat vsque ad radices Capitolij, Tarquinius enim primus omnium Alueum direxit. Postea Agrippa ædilis, & cursum direxit, & alueum mutauit, magnisq; saxorum molibus in vtraque ripa locatis solidauit. Augustus verò ad coercendas inundationes eundem laxauit ac repurgauit. Longo tempore post Aurelianus Imperator firmissimo muro vtrinque vsque ad mare extructo, coercuit; cuius operis vestigia multis in locis adhuc cernuntur. Ancum autem Martium naualia exstruxisse commemorat Dionys. his verbis: Cumq; esset amnis vsque ad pontes fluuialibus scaphis latis, magnis nauigari idoneus: ad Romam autem maritimis quoq; nauibus, onerariis, magnis, nauale aliquod excogitauit ad egressum eius exstruere, vtens, vt portu, ostio amnis ipsius. Panditur autem multum in latitudine coniungens se mari, sinusq; concipit magnos, quales portuum maritimarum illustrium, nec destruitur ad ostium marinolitore, incorruptus sicut pleraque alia flumina, nec paludibus, aut stagnis errans aliquo in loco



loco consumitur priusquam mare contingat riuus : sed est peruius vbique nauibus, vno tantum effluit ostio legitimo, persecans dorsum maris. Naues igitur actuariæ per ostium eius intrant, & Romam vsque remigio, & funibus tractæ adducuntur, maiores vero ante ostium & anchoram fluctuantes fluuialibus euacuatæ scaphis exonerantur. Plinius. Pluribus propè solus in omnibus terris amnis accolitur, aspiciturq; villis, nulliq; fluuiorum minus licet inclusus vtrinque lateribus, nec tamen ipse pugnat, quanquam creber, & nunquam magnis aquas, quam in ipsa Vrbe, restagnantibus. quinimmo vates intelligitur potius monitor auctu semper religiosus. Plura autem erant hoc in loco dicenda de huius flu. natura, & cur Plin. auctu suo religiosum esse velit. Sed cum **LYDOVICVS** Gomecius (quem iuris diuini, & humani scientia, ac vitæ integritas præstantissimum Rotæ auditor fecere) de his libellum eleganti oratione in lucem ediderit, eadem in nostrum transferre superuacaneum esse duximus. Quare de Tyberino flu. hætenus. Illud tamen vos monitos velim, priscis temporibus non licuisse in huius ripa quidpiam ædificare, tanquam numini sacra, fuisseq; aluei & riparum curatores, vt ex indice, apud pontem **Ælium** reperto habetur huiusmodi.

EX AVCTORITATE IMP. CÆS. VESPASIANI AVG. P. M. TRIB. POT. IIII. IMP. X. P. P. COS. IIII. V. CENSOR. CAIVS CALPETANVS RANTIVS QVIRINALIS. VALERIVS CESTIVS CVRATOR RIPARVM ET ALVEI TYBERIS TERMINAVIT. R. R. PROXI. CL. P. P. CLXXIII.

## CAP. CXIX.

*De pontibus supra Tyberim exstructis.*

**M**V Tyberis, nisi per pontes, in transTyberinam regionem transmittat, operæpretium erit videre, quis omnium primus supra Tyberim pontem struxerit, quot nunc exstent, quibus appellentur nominibus, à quibusve excitati singuli dicantur. Epicardus enim memoriæ prodidit **Herculem**, occiso **Gerione** cum victor per Italiam armenta duxisset, pontem supra Tyberim ad tempus struxisse. Vnde si quis sitû locorum & ea, quæ de **Caco**, ipsoq; **Hercule** narrantur, consideret, facillimè iudicabit non alibi **Herculem** ipsum posuisse, quam ad radices **Auentini**, vbi postea **Sublicius** fuit. **Ful.** autem scribit ante **Vrbem** conditam fuisse pontem **Sacrum**, ex auctoritate **Dionys.** cuius sunt hæc verba: Nam cum per cædes hominum **Saturno** sacrificaretur, ad placadam dei iram, hoc more sublato ab **Hercule**, factum est pro hominibus, qui in Tyberim deiiciebantur, simulacra eorum scirpea deiicerent, quos argeos vocabât. creditur ibi ante fuisse, vbi postea **Sublicius**, vel idem pons, argumêto est, quod etiam inde simulacra scirpea eodè more in Tyberim deiecta scribit **M. Var.** cum inquit: Argei fiunt ex scirpeis virgultis simulacra hominum, & quotannos è ponte **Sublicio** à sacerdotibus iaci solent. **Ouid.** in **Fast.**

*Tum quoq; priscorum virgo simulacra virorum,*


*Mittere roboreo scirpea ponte solet.*

Sed in his verbis nulla fit mentio de ponte **Sacro**. **Sublicium** verò post **Vrbem** conditam positum esse satis constat. **Lactantius** verò de ponte **Milui** præcipitari solere ait, in hæc verba: **Saturnus** in **Latio** ita cultus est, vt homo in Tyberim de ponte **Milui** mitteretur, quod ex responso quodam factitatum **Varro** est auctor. Sunt autem pontes numero octo; **Miluius**, **Ælius**, **Varicanus**, **Ianiculensis**, **Cestius**, **Fabricius**, **Palatinus**, **Sublicius**, quos præter **Sublicium**, **Totilas** olim demolitus est.

*De ponte Milvio.*

ILVIVS Pons, quem nunc vulgo Mollium vocitant, in via Flaminia situs, vltra primum lapidem distat ab Urbe. Ferunt autem hunc sæpius euersum, sæpiusq; instauratum, nihil ex veteri structura, præter fundamenta retinere. de quo meminit Plinius de viris illustribus, & Ammianus Marcellinus, atque à M. Scauro (qui fuit tempore Syllæ) in censura exstructum: ad quem pontem Neronem ventitasse, supra demonstratum est. In eodem legati Allobrogum nocturno tempore cum literis ad Catilinam deprehensi sunt, quibus coniurationem patefactam esse scribit Cicero. Apud eundem pontem Constantinus Magnus Imper. Maxentium tyrannum Maximiani filium magicis artibus deditum, militari stragemate materia, ac nauibus supra Tyberim dispositis certasset præliis, conspecto demum in æthere crucis vexillo, clamantisq; voce audita, *ex tunc videt*, id est, in hoc victoria: tandem victor fuit, quæ victoria exstat in eius triumphali arcu sculpta, & in aureis numismatibus sæpe vidimus ipsi.

## CAP. CXXI.

*De ponte Ælio, nunc S. Angeli, Vaticano, siue Triumphali, ac Ianiculensi, siue Aurelio.*

EQVITVR, post Miluium, Pons nunc S. Angeli, olim Ælius, ab Ælio Hadriano, qui cum iuxta sui sepulcri molem exci-  
tauit, denominatus. Spartianus, Fecit, inquit, & sui nominis pontem, & sepulchrum iuxta Tyberim. Quem pontem nulla alia de causa posuisse credendum est, quam vt per ipsum transeuntes propius molem ipsum spectarent; eo maxime, quod inferius erat pōs, quod in Vaticanū montem & campū mitteret, Vaticanus, alio verò nomine Triumphalis nuncupatus: quia per ipsum triumphantes transeuntes via eiusdem nominis, in Capitolium Ioui gratulatum ascenderent. & cum nobilium tantum esset, nulli ruricolæ per ipsum transire licebat. Huius pontis pilæ eregione hospitalis S. Spiritus in Tyberi adhuc exstant. Tertius est in ordine, à proximo Ianiculo, Ianiculensis, qui & Aurelij, à via, vel portu Aurelia, nomen obtinuit. Legebatur olim in eo titulus huiusmodi.

IMP. CÆS. DIVI TRAIANI PARTHICI DIVI NERVÆ NEPOTIS TRAIANI ET HADRIANI AVG. PONT. MAX. TRIB. POT. IMP. IIII. COS. III. DERESIVS RVSTICVS CVRATOR VALETRIARVM TYBERIS ET CLOACARVM VRBIS. R. R. RESTITVIT SECVNDVM PRÆSENT. TERMINATIONEM PROXIMAM. CC. P. P. C. II.

Tradunt autem Antoninum Pium marmoreum fecisse, & civilibus bellis demolitum, pontem ruptum vocitatum. Longitudo est pedum CCXV. Xystus verò quartus Pon. Max. multis post seculis in eam, quam cernimus, magnificentiam & pulchritudinem instauravit, quemadmodum titulus ibidem in marmore excisus ostendit.

vnde ab eodem nomen accepit.



*De Ponte Fabricio & Cestio.*

OST Aurelium pontem ad stadium, eregione theatri Marcelli, surgit in mediis Tyberinis fluctibus insula, quam vrbi cōiungit Pons prius Tarpeius à Tarpeia rupe propinqua: deinde Fabricius à L. Fabricio, qui eum faciendum curauit, denominatus. vt testatur index in arcu pontis insculptus huiusmodi.

L. FABRICIVS. C. F. CVR. VIAR. FACIENDVM COERAVIT. IDEM QVE PROBAVIT. Q. LEPIDVS. M. F. M. LOLLIVS. M. F. COS. S. C. PROBAVERVNT.

Nunc dicitur pons quatuor Caputum, à quatuor marmoreis simulacris quadristrontibus in aditu pontis collocatis. Qui verò eandem insulam trans Tyberinæ regioni connectit, Exquilinus, siue Cestius olim, nunc verò Pons S. Bartholomæi, à propinquo huius diui templo, nuncupatur, quem Valentinianum & Valentem instaurasse à dextris & sinistris, in tabulis marmoreis ibi collocatis hæ inscriptiones testantur.

DOMINI NOSTRI IMPERATORES CÆSARES FL. VALENTINIANVS. PIVS. FELIX. MAX. VICTOR AC TRIVMF. SEMPER AVG. PONTIF. MAXIMVS GERMANIC. MAX. ALAMANN. MAX. FRAN. MAX. GOTH. MAX. TRIB. POT. VII. IMP. VI. COS. II. PPP. II. & FL. VALENS PIVS FELIX MAX. VICTOR AC TRIVMF. SEMPER AVG. PONTIF. MAX. GERMANIC. MAX. ALAMANN. MAX. FRANC. MAX. GOTHIC. MAX. TRIB. POT. VII. IMP. VI. COS. II. P. P. P.

&

FL. GRATIANVS PIVS FELIX MAX. VICTOR AC TRIVMF. SEMPER AVG. PONTIF. MAX. GERMANIC. MAX. ALAMANN. FRANC. MAX. GOTHIC. MAX. TRIB. POT. III. IMP. II. COS. PRIMVM. P. P. P.

PONTEM FELICIS NOMINIS GRATIANI IN VSVM SENATVS AC POPVLI ROM. CONSTITVI DEDICARIQ. IVSSERVNT.

Longitudinem autem passuum nostratum LX. habere dicitur, superior vero LXX.

*De Insula Tyberina.*

RIVSQVAM autem ad reliquos pontes deveniamus, videndum est, vnde origo Insulæ tyberinæ, quam formam habeat, quanta sit, quidue in ea fuerit. Principium vero huius nihil magis cognoscitur, quàm ex verbis Dio. Postquam, n. Tarquinij in Lucretiam stuprum commemorat, ob idq; Tarquinius omnes ad vnum vrbe ciectos ostēdit, subdit: Decretum consilium, deinde bona omnia tyrannorum ferentes in publicū cūcibus omnibus exposuerunt, vt quicunque ex eis caperent, quisquis obtineret, agrumq; omnem, quantum illi possederant, iis, qui nullam haberent sortem, diuiserunt: vnum tantum capientes campum, inter Vrbem & Tyberim iacentem, quem sacrum esse Marti antea decreuerunt, equis gratum, atque iuuenibus ad bellicas exercitationes ludum opportunissimum. Hunc campum, priusquam Marti sacrum, ascribens sibi Tarquinius fuerat. Nam cum cætera tyrannorum

norum

norum bona populo auferenda concessissent, sed quod in campo illo natum erat frumentum, aliud in arcis adhuc iacens, aliud in culmis, & quoddam tritum erat auferre nemini permiserunt, sed ut execrabile, nec idoneum quod in ædes portaretur, iaciendum furcis in flumen esse decreuerunt, unde insula creuit Tyberina. Liuius etiam eadem ferè, quæ Dion. de origine insulæ dicit. Formam autem biremis habet, ut malus sit inter ipsos pontes, parsq; superior in acutum magis tendens prora, inferior vero tanquam latior puppis. Latitudo, ubi maior, teli tactum non excedit. longitudo verò stadiorum duorum, vel circa. Hanc quidem describit Ouid. his carminibus.

*Scinditur in geminas partes circumfluit amnis.  
Insula nomen habet, laterum qua a parte duorum  
Porrigit æquales media tellure lacertos.*

Priscis autem temporibus Insula licaonia vocabatur, licet tota Æsculapio esset sacra, propter eius simulacrum ex Epidaurio in eam aduectum, unde formam eius naui, qua aduectum est, locus accepisse dicitur. Quum enim ciuitas pestilentia vexaretur, inspectis libris sibyllinis sacerdotes animaduertunt non aliter pristinam recuperari salubritatem posse, quam si ab Epidaurio Æsculapius esset accersitus. Itaq; missi legati Epidaurum in templum Æsculapij perducti, benignissimè deum inuitarunt. Numen autem ipsius subsecutum est. Siquidem is anguis, quem Epidaurij venerabantur, in triremem Romanorum perrexit, ubi Q. Ogulini legati tabernaculum erat. Legati læti Urbis aduexere in insulam, ubi ei templum dedicatum. Plin. Atqui inquit, anguis Æsculapius Romam aduectus est, vulgoq; pascitur, & in domibus. Visitur adhuc in hortis S. Bartholomei forma nauis ex lapide talio, & in eius latere reptantis serpentis simulacrum. Ædis verò Æsculapij exstant adhuc vestigia quædam in eisdem hortis, cui iuncta erat aui sui Iouis Ædes. Ouid.

*Quod tamen ex ipsis licuit mihi dicere fastis  
Sacrare patres hæc duo templa die.  
Accepit phæbo, nymphaq; Coronide natum  
Insula, diuidua quam premit amnis aqua.  
Iuppiter in parte est, caput locus vnus vtrumq;  
Iunctaq; sunt magno templa nepotis auro.*

Iouis autem C. Seruilius duumuir dedicauit, votam sex annis ante Gallico bello a L. Furio Purpurione prætorè, & ab eodem consule locatam. In insula ideo ægroti exponebantur, quia Æsculapius medicinæ deus habetur: & ob hanc scientiam in deorum numerum acceptus, auth. Cor. Celsus. Ad Æsculapij templum, fuit Nosocomion, id est, locus ubi ægroti curabantur. Vnde Aristophanes in Pluto inducit languentes in æde Æsculapij, ut medelarum fomentis refocillentur, & Plut. in Curt. Lenonem Capadocem, lienosum, iecorosum, pulmonarium in eiusdem dei ædem incubantem. Sunt qui velint Æsculapio ædem in insula, ideo constitutâ, quod ægroti in primis aqua indigere arbitrarètur, vel auth. Plut. quod fluxu, motuq; aquarum aer esset salubrior, nam alioquin huius sacræ ædes extra Urbem excitari solebant. Claudius Imper. quum quidam ægra & affecta mancipia in insula tædio medendi exponerent: liberos esse sanxit. Liuius tertio quintæ dec. commemorat Lucretium prætorem tabulis pictis ex præda sanum Æsculapij exornauisse. Habuit hæc insula in prora, & Fauni ædè, quæ ita fluctibus cessit, ut, ne vestigia quidem, appareât. Meminit huius Vitruuius, in hæc verba: Prostyli exemplar est in insula Tyberina, in æde Iouis & Fauni. Ouidius.

*Idibus agrestis fumant altaria Fauni  
Hic, ubi discretæ in insula rumpit aquas.*

Liuius autem ait Cn. Domitium Ænobarbum, & Cn. Scribonium ædiles multos



multos pecuarios ad populi iudicium adduxisse, tresq; ex his damnatos esse, & ex eorum multatitia pecunia ædem Fauni in insula fecisse. Probus scribit Faunum primum ædificia numinibus, lucosq; sacrasse, & ab eo Fana dicta esse. In hac insula fuit Statua D. Iulij, quæ sereno & immoto die ab occidente in orientem conuersa est: sicuti Cor. Tac. & Sueton. testantur.

## CAP. CXXIV.

*De Ponte Senatorum, sive Palatino, &  
Sublicio.*



INTRA insulam autem succedit, ad teli iactum, septimus pons, à Senatoribus Senatorum, qui & Palatinus à Palatino monte propinquo est denominatus. Nam aucta Vrbe & mœnibus, & ciuium numero, cum Sublicius non satis videretur facere, hunc, qui via Aurelia in maritima, Thusciamq; mitteret, addidere; de quo intellexisse opinantur Liuium, cum inquit: M. Fuluius maioris vsus locauit portum, & pilas ponti in Tyberi, quibus pilis fornices post aliquot annos P. Scipio, & L. Mumius censores locauerunt imponendos. Est enim pons multiplici fornice compactus ad excipiendos bifidos proximæ imminentis insulæ alueos, hodie Pons S. Mariæ Ægyptiacæ à propinqua eius æde nuncupatur, in eo autem inculpta sunt hæc, videlicet.

NVMINI DEORVM AVG. IOVI OPT. MAX. ÆDEM VOTO SVSCEPTO.  
Q. LEPIDVS. M. F. M. CVRIVS. M. F. COS. III.

S. P. Q. R.

IMP. CÆSAR DIVI TRAIANI PARTHICI NERVÆ NEPOTI TRAIANO  
HADRIANO AVG. PONT. MAX. TRIB. POT. II. COS. II. QVOVIS OM-  
NIVM PRINCIPVM ET SOLVS REMITTENDO SEXTERTIVM NAVES  
MILLIES CENTENA MILLIA ENIM DEBITVM FISCII PATRES EIVS  
SVAQ. ET POSTEROS SVOS RESTITVIT HAC LIBERTATE SECVROS  
IVLIA AVG. MATER AVGG. ET CASTORVM MATRONIS RESTITVIT.

SABINA

AVGVSTA

MATRONIS

DIVVS AVG. PON. MAX. EX. S. C. REFECIT.

Vltimus verò & antiquissimus omnium sequitur Sublicius, ab Anco Martio rege non ad tempus, vt prius Hercules, at in vsu Po. Rom. perpetuo mansurus, exstructus, licet totus ligneus. Nam sine ferreo clauo, sine fulturis ita dispositus erat contignatione, vt trabes per bella eximerentur, ac reponerentur. quod quidem sic facere religiosum fuerat, postquam Coclite defendente ægrè reuulsus est, auth. Plin. Sublicius autem dictus, quia ilex species est quercus, ex qua confici solebat. vel, vt alij, à sublicibus lignis. lingua enim Volscæ magnæ trabes sublices vocantur. Lapidem deinde Æmilium Lepidum prætorem fecisse memorant, & ab eo Æmilium pontem denominatum. Vnde Ant. in itin. Post iterum, inquit, vnus effectus (de Tyberi enim loquitur) per pontem Lepidi, qui nunc abusu lapideus dicitur, & reliqua. Hunc tyberinis fluctibus læsum restituit Tiberius. Cor. Tac. refert Othone imperatæ subita inundatione fuisse per ruptum. quem longo tempore post Antoninum Pium restituisse, author est Iulius Capitolinus. Quidam marmoreum posuisse dicunt, & in hunc vsque diem pontem marmoratum appellari. Huius enim vestigia in medio alueo ipsius fluminis, pa-

Ec

rum

rum supra Naualia, adhuc cernuntur. Et quanquam de loco varia traduntur, constat tamen ad Auentini montis radices fuisse, quod innuit Appianus, cum inquit: Auentinum ascenderat Gracchus; mox inde fugiens per pontem ligneū ad alteram fluminis partem euectus est. In Sublicio autem ponte confidebant pauperes stipem à transeuntibus petentes. Sen. In sublicium pontem me transfer, & inter egenos abige, non ideo tamen me despiciam, quod in illorum numero confedero, qui manum ad stipem porrigunt. Ex eodem facinorosi præcipitabantur in Tyberim: ex quo & Heliogabali Imp. cadauer annexo pondere, ne fluitaret, deiectum est. Post vero incensam à Gallis Vrbem ob inopiam cibarium decretum tulerunt, vt sexagenarij è ponte Sublicio in Tyberim, tanquam patriæ inutiles, deiicerentur, vnde de pontanei sexagenarij dicebantur. Veritas tamen hoc habet, quòd sexagenarij à suffragio repellebantur, & ita eos ponte deiici solitos ferunt. qui pons, vt retuli, olim erat apud Septa. Illud autem sciendum pontes, tam qui extra, quàm qui in Vrbe erant, variis temporibus à diuersis fuisse restitutos hominibus, & inter alios ab Vrso Alo, vt hoc eius epitaphium testatur.

VRVS ALVS CIVIS SATRAPES EX VMBRIA IN ARMIS FLORVIT  
ADVLESCENS VERO POSTQVAM FACTVS EST ÆQVATVM CAPITOLIVM  
RECONDIDIT TABVLARIVM LEGES SERVAVIT. R. P. A FALISCIS  
LIBERAVIT QVIRITES IN EXILIVM PONTES REFECIT PLEBEM  
PACAVIT DIVISVM IMPERIVM RECONCILIAVIT.

VIX. AN. XLIII. MEN. X. D. IIII.

### A D D I T I O.

Pons Senatorius, seu Palatinus nunc Sanctæ Mariæ, qui vi & impetu fluminis Anno M. D. LVII. deiectus ferè medius fuerat. S. P. Q. R. Anno M. D. LXI. tempore Pij Papæ IIII. ex ligneis machinis illum reficere curauit. Sed cum opus iam absolutum esset, dum hinc illuc, ex latere nempe ad latus conantur attrahere, perfracto vno ex validioribus rudentibus, quod maxime tota machina subnitebatur, præceps in Tybrim proruit, quasi lata mole, & abrupta; in qua ad nummum octonum millium impensum fuisse constat; sicq; ad vsque tempora Gregorij XIII. hoc est, Anno M. D. LXXIIII. inuius perstitit. quo demum tempore, cum sacri Iubilei annus aduentaret, idem Pop. Rom. auctoritate Pontificis, substructione arcuata, ingenti solidaq; parastata Flumini iniecta, duobusq; eminentibus fornibus à Tiburtino lapide superimpositis, ad pristinam formam, & decorem restituendum curauit: in quo opere impēsi summa ad quatuor & quinquaginta millia nummum aureorum extitit; vt ex Matthæo Typhernate illius fabricæ Architecto accepimus. In cuius lateribus vtrinq; legitur in tabulis marmoreis sequens inscriptio.

EX AVCTORITATE GREGORII XIII.

PONT. MAX.

S. P. Q. R.

PONTEM SENATORIVM CVIVS FORNICES VETVSTATE COLLAPPOS  
ET IAMPRIDEM REFECTOS FLVMINIS IMPETVS DENO DEIECE-  
RAT IN PRISTINAM FIRMITATEM AC PVLCHRITVDINEM RESTI-  
TVIT ANNO IVBILEI M. D. LXXV.

Sed pontibus exstructis, in Transyberinam regionem transeamus.

C A P.



*De Transtyberina regione. Rauennatium, & Fortis Fortuna  
Templo; Thermis Seuerianis, Hortis Cæsaris, ac de  
Aqua Alsietina, & de Pratis  
Mutis.*



REGIO TRANSTYBERINA priscis temporibus Ianiculi, à monte, qui plurimus ei imminet, nomen accepit. Rauennatium etiam Urbem nominatam inuenio. Augustus enim contra Antonium & Cleopatram victoria potitus, binā instituit classem, vnam apud Mesenium Lucanę portum, qua Italię insula, oramq; Galliarum maritimam, Hispanias, Africam, Mauritaniasq; tueretur. Alteram apud Rauennam, cuius partes essent Adriatici sinus, Illyrici, Dalmatię, Gręcię, Thracię, Ponti & Asię, atque Egypti orę necessitatibus subuenire. Cum itaque Romano Senatui ea in primis esset cura, vt nulla posset Romam frequentare multitudo, cui non esset habitandi locus publice assignatus, attributa est Rauennatis classis militibus regio Transtyberina, quę exinde vrbs Rauennatium dicta est, sicut & Templum, Meritoriaq; taberna; vbi nunc S. Marię ædes. In hac autem regione pauca admodum memoratu digna extitere, quia addita cum fuisset Vrbi non inopia loci, sed ne Ianiculus mons arx hostium quandoque esset, propter pestiferos austros, quibus infestabatur, à vilissimis tantum hominibus, sordidissimasq; exercentibus artes, culta erat. Quare minime mirum videri potest, si paucis transigi verbis videbitur. Spartianus tradit Seuerum Imp. Thermas sui nominis in regione Transtyberina fecisse. & Vopiscus, Aurelianum hyemales, quod aquę frigidi aeris illic deessent. Quarum vestigia, licet quidam inter montem aureum, & S. Francisci ædem esse dicant, nullibi tamen certa apparent. Cæsar Hortos, & Naumachiam iuxta Tyberim habuisse dicitur, vbi Fortis Fortunę templum, Tiberij tempore dicarum. Alsietina aqua, quę & Augusta dicebatur, ex lacu Alsietino via Claudia miliario XIII. ab Augusto in hortos & naumachiam perducta Transtiberinę seruebat regioni, de qua ita scribit Fron. Quę ratio mouit Augustum providentissimum Principem, producere Alsietinā aquam, quę vocatur Augusta, non satis perspicio nullius gratię, imò & parum salubrem, & nusquam in vsu populi fluentem; nisi fortē cum opus naumachię aggredieretur, ne quis salubrioribus aquis detraheret, hanc proprio opere perduxit, & quod naumachię cœperat superesse, hortis subiacentibus, & priuatorum vsibus concessit. Solet tamen ex Transtyberina regione; quoties pontes reficiuntur, & à ceteriore ripa aquę necesse sit in subsidium publicarum salientium dari. Hanc autem aquam Hadrianum primum Pontificem restituisse, eiusq; aquę fontem in platea S. Marię transtyberinę exstare, tenet fama; Albionamq; in hac regione agrum ab Albionarū luco, quo in loco bos alba immolabatur fuisse. Prataq; Mutia eregione Nauallium. Dionys. Mutium autem mori eligentem pro patria regionem Transtiberim donauere de publico. hic locus prata Mutia vsque ad hanc aratem vocatur. Ludi piscatorij in ripa Tiberis, propē vbi nunc Naualia, olim celebrabantur, auth. Sex. Pomp.

*De Sepulcro Numæ & Cecilij poetæ, Tribunali Aurelio,  
Janiculo, & Hortis Martialis.*

NUMA rex sub Ianiculo sepultus est, inquit Solinus. Dionys. Iacet autem Numa in Ianiculo transtiberim. Cassius Hemi- na quarto annalium libro prodidit. Cn. Terentium scribam agrum suum in Ianiculo repastinantem offendisse arcam, in qua Numa situs fuisset, in eademq; libros eius repertos P. Cornelio L. filio Cethego M. Bebio Q. filio Paphilo Cos. ad quos à regno Numæ colliguntur anni D. XXXV. & hos fuisse ex Cartha. De Numæ libris & sepulcro Liuius hæc habet verba: In agro L. Petilij Scribæ sub Ianiculo, dum cultores altius moliuntur terram, duæ lapideæ arcæ octonos ferme pedes longæ, quaternos latæ, inuentæ sunt; operculis plumbo deuinctis, literis latinis, græcisq; vtraque arca inscripta erat. in altera Numam Pompilium regem sepultum esse, in altera libros Numæ inesse. Eas arcas cum ex amicorum sententia dominus aperuisset, quæ titulum sepulti regis habuerat, inanis inuenta: sine vlllo corporis humani vestigio: aut alterius rei, per tabem tot annorum omnibus absumptis. in altera duo fasces candelis inuoluti septenos habuere libros, non integros modo, sed recentissima specie. septem libri latini de iure Pontificio, septem græci de disciplina sapientiæ: in quibus cum animaduertetur pleraq; friuolas religionum causas continere, ex S. C. in Comitio cremati sunt. Tribunal Aurelium in transtiberinâ regione fuisse arbitramur. de quo Cicero ad Quirites ita meminit: Ego cum homines in tribunali Aurelio palâ conscribiq; vidiissem. Naualia autem prisca temporibus vbi & nunc, de quibus Liuius quinto quintæ dec. hæc scribit L. milio Cos. naues, quæ in Tyberi paratæ, instructæq; stabant, vt si rex posset resistere in Macedoniam mitterentur, subduci, & in naualibus collocari, Senatus iussit. Sed in Ianiculum tempus est ascendere, quem montem Ouid. arcem appellauit, his carminibus.

*Arcx mea collis erat, quem cultrix nomine nostri*

*Nuncupat hac aras, Ianiculumq; vocat.*

Hoc illi nomen fuisse putant, quod Ianus ibi, vel sit sepultus, vel habitauerit, Virgilius.

*Hic duo præterea disiectis oppida muris*

*Reliquias, veterumq; vides monumenta virorum.*

*Hanc Ianus pater, hanc Saturnus condidit urbem.*

*Ianiculum illi, huic fuerat Saturnia nomen.*

Alij quod ex Ianiculo Romani primum iter in Hetruriâ fecere, & ab eo transitu Ianiculum dictum. Ianus enim transitus vocatur, vt visum est supra. Plinius: Saturnia, inquit, vbi nunc Roma est, Antipolis, vbi Ianiculus, in parte Romæ. In hoc colle Martialis hortos amoenissimos habuit, quos ipsemet libro primo multis celebrat versibus. Idem Plin. tradit Q. Hortensium dictatorem, cum in Ianiculo secessisset legem in æsculeto tulisse. Eusebius verò Cecilium Statium, poetam, in eodem sepultum esse. Huius autem collis forma in longum porrigitur, auspiciatur à porta nunc Turrionis, & sex plus minus stadiis in meridiem extenditur: assurgit plurimus ad portam Aureliam.



*De Monte & Campo Vaticano, Templo Apollinis & Martis,  
Naumachia, Circo; & hortis Neronis, ac de  
Obelisco Cæsaris.*



XPOSITIS iis, quæ ad Transyberinam regionem, siue Ianiculum, pertinere videbantur, Vaticanum dico montem, & campum (quanquam extra Urbem) his proximum addere, ex situs descriptione, admonemur. Vaticanus igitur Mōs is est, in quo S. Petri templum, Pontificisq; Palatium spectatur. Vaticani autem varia traditur etymologia. Gellius enim scribit, agrum Vaticanum, & eiusdem agri deum præsidem appellatum à Vaticanis, quæ vi & instinctu dei eius in eo agro fieri solita essent. Var. in libris diuinarum aliam tradit istius nominis rationem. Nam sicut Aius, inquit, deus, araq; ei statuta, quæ est in infima Noua via, quod in eo loco diuinitus vox edita erat, ita Vaticanus deus nominatus, penes quem essent vocis humanæ initia, quoniam pueri simulatq; parti sunt, eam primum vocem edunt, quæ prima in Vaticano syllaba est. Sex. vero Pompeius, vult collem hunc Vaticanum nuncupatum, quod pulsus Hetruscis eo potitus sit Po. Rom. vatum responsis. Plinius refert tempestate sua Ilicem in Vaticano fuisse, in qua titulus æneis literis, Hetruscis religione iam tum dignum arborem fuisse, signaret. Apollinis templum eo in loco statuunt, vbi nunc sacellum S. Petronillæ, sicut Martis, vbi Sanctæ Mariæ cognomēto de Febribus, in via olim triumphali Iulium Paulum Poetam, Prædiolum in Vaticano possedisse commemorat Gellius. Cor. autem Tac. Neronem clausisse in valle Vaticanæ spacium in quo equos regeret, apudque nemus, quod nauali stagno circumposuit, consueuisse. Conuenticula & cauponas extruxisse, obtulisseq; hortos suos ad varia in Christianos tormentorum genera; spaciumq; illud circum appellatum. In quo idem Nero circense ludicrum habitu aurigæ edebat, permixtus plebi, vel \*circulo insistens. Et quia Plinius Obeliscum Vaticanum in Caij & Neronis Circo ponit, arbitrantur nonnulli nauale stagnum, siue Naumachiam secus ipsum montem, qua ad portam Pertusam itur, fuisse. Hortos verò à clausura illius circi ad Tyberim. Obeliscus autem secus ecclesiam Apostolorum in via olim triumphali, solus ex maioribus omnibus, nunc est erectus, his titulis inscriptus.

DIVO CÆSARI DIVI IULII F. AVGVSTO. TI. CÆSARI DIVI AVGVSTI.  
F. AVGVSTO SACRVM. Ab altero vero latere.

DIVO CÆSARI DIVI IULII F. AVGVSTO. TI. CÆSARI DIVI AVGVSTI.  
F. AVGVSTO SACRVM.

In cuius vertice pila aurata posita est. De hoc autem obelisco Plin. ita scribit. Tertius est in Vaticano Caij, & Neronis principiū circo, ex omnibus vnus omnino fractus in molitudine eius, quem fecerat Sostridis filius Nuncoreus, & post cæcitate, visu reddito, Soli sacrauit, altitudine cubitorum cētum. Idem vbi de magnitudine arborum tractat hæc habet verba: Abies admirationis præcipuè visa est in naui, quæ ex Ægypto Caij principis iussu Obeliscum in Vaticano circo statutum, quatuorq; truncos lapidis eiusdem ad sustinendum eum adduxit. qua naui nihil admirabilius visum in mari certum est: centum viginti modij lentis pro saburra ei fuere. Longitudo spatium obtinuit magna ex parte Hostiænsis portus, latere læuo: ibi namq; demersa est à Claudio principe. Arboris eius crassitudo quatuor hominum vlnas complectentium implebat.

Obeliscus Vaticanus qui vnicus ad ætatem vsque nostram erectus permanfit, antequam è priori illa sua sede amoueretur, in eo stabat loco qui sacrario basilicæ Principis Apostolorum est proximus, è regione celeberrimi Vrbis cœmeterij, totumq; bali, & vltra obrutus, quod vulgo Campi Sancti fertur via publica; At Sixtus V. Pont. Max. Pontificatus sui anno primo, qui fuit salutis humanæ 1585. de eo transferendo in forum Principis Apostolorum, sanctissimæque Cruci consecrando statuit, gentium superstitione amota. Itaque paratis iis quæ ad tantam molem amouendam, vehendamq; necessaria erant, anno sequenti 1586. ingenti sumptu est translatus, ingenio, & opera Dominici Fontanij Architecti è pago Mili Agri Monocomenfis, imposita Cruce, magna populi frequentia, & deuotione.

## C A P. CXXVIII.

*De via Triumphali, Aqua Sabbatina, & sepulcro  
Scipionis.*

TRIUMPHALIS aut viæ mentio licet facta sit supra, tamen libet hic ostendere quo tramite in Capitoliũ pduceret. Parata igitur triumphali pōpa in territorio triũphali, per viã procedebant triumphalẽ, cuius strata silicib. particula adhuc cernitur sub S. Spiritus hospitali, vt per nunc dirutũ pōtem Tyberis triumphalẽ, cuius ampla cernere est fundamẽta, in vrbem, & ad Capitolium duceretur. Cōtinuabatur autem via triumphalis ad posteriorem olim porticum S. Celsi. inde S. Laurentij in Damaso ecclesiam, & post Floræ campum petebat. idq; hinc maximẽ proximis temporibus cernere fuit, quod in continuatis super eam domibus fundamenta iacere, aut puteos effodere molientes, silicem veterem offenderunt, spaciosissimam, à campo Floræ ad nunc plateam Iudæorum, inde Iunonis templum, nunc S. Angeli ecclesiam, postea ad S. Georg. in velabro procedens via, sub nouis ædibus, ruinisq; ab effodientibus inuenitur, quousq; Iani templo, velabroq; proxima in clium desitura capitolum detecta cernitur, Blon. In hortis Pontificis visitur hodie Nili simulacrum, & circumquaque animalium genera in eo flu. nascentium, ac Tyberis, cum pueris vrbis conditoribus lupæ mammam tractantibus. Apollinis cum arcu & spiculis Signum, Laocoontisq; Virgiliani cum duobus filiis, de quo supra facta est mentio: Veneris paruum Cupidinem iuxta se despicientis, & Cleopatrz fonti appositum, exangui similis. Quæ omnia exornandi locum gratia hinc inde eo sunt translata. Exstant & multa alia antiqua monimenta in porticu eiusdem Pontificis, ac in vinea ad primum lapidem fermẽ eregione pontis Miluij, quæ, cum ibi non sint inuenta, nullam antiquorum locorum præbent cognitionem. Quare his omiſſis ad vtiliora veniamus. Sabbatina aqua à Sabbatino Anguillariz lacu Romam perducta erat, cuius formæ vestigia quẽdam extra portam Aureliam exstare dicuntur. hanc Adrianus primus pontifex restituit, perduxitq; in Basilicam diui Petri ad vsum sacerdotum, & ad lauandos pauperum pedes in cœna domini. In campo Vaticano, haud procul à mole Hadriani fuit ingens Meta, siue Pyramis, quam Alexander sextus Pontifex destruxit, vt viam ad eandem basilicam aperiret, vel ne esset hostibus, tanquam propugnaculum contra propinquam arcem, cuius fundamenta vidimus effodi superioribus annis. Sunt autem qui velint Septem Epulonum fuisse sepulcrum, vel Scipionis de quo Acron Horatij interpres sic meminit. Deuicta Carthagine virtute Scipionis Africani, cum Afri aduersus Romanos denuò rebellarent, consulto oraculo responsum est, vt Sepulcrum Scipionis fieret, quod Carthaginem respiceret, tunc leuati



uati cineres sunt de pyramide in Vaticano, & humati in sepulcro eius in portu, vt Carthaginem respiceret. Gentile tamen Scipionum sepulcrum in via Appia fuisse declarabimus. Huius autem pyramidis forma visitur in porta ænea ecclesiæ Apostolorum celata.

## C A P. CXXIX.

*De iis quæ extra portam Flumentanam, & Collatinam  
fuere, vel nunc sunt.*



**Q**UAM ex situs descriptione antiquæ Vrbi, & nouæ iure optimo finem imponere liceret, tamè eum maiorè quandoq; ambitum adepta sit, suburbiaq; in eum producta essent spacium, vt hinc Tyrrenum mare, inde Otriculi attingeret pontem, multa memoratu digna extra relinquuntur, ex quibus & temporis vetustate, & bellorum iniuria pauca quedam in nostram peruenere cognitionem, quæ percurrisse non minus conducere, grataq; fore arbitramur iis, quæ intra Urbis mœnia sunt comprehensa. Quare, ex ordine instituto, à porta Flumentana exordium sumamus: à qua vltra primum lapidem occurrit Miluius pons: de quo paulo ante satis declaratum est, sicut de ortu, naturaq; Tyberis, ac via Flaminia: quæ, vt diximus, à Cn. Flaminio Ariminum vsque strata, ab eodem etià denominationem accepit. Vias enim vrbs ex silice fermè omnes stratas fuisse indicant vestigia, tam extra, quam intra Vrbem multis in locis existentia. Ideo, fermè omnes, dictum est, quia Liu. primo dec. quintæ ait, M. Æmilio Cos. Censores vias sternendas silice in Vrbe, glareâ extra vrbem substruendas, marginandasq; omnium primos locauisse. & Plutarch. Cn. Gracchum certis regionibus vias direxisse, & eas passim lapide strauisse, partimq; arenâ muniuisse aggeribus, iniqua adæquantem, & quantum valles, torrentesq; abrumpebant, pontibus æquali altitudine coniungentem. Quibus verbis patet non omnes silice fuisse stratas. Idem autem Gracchus dimenso viarum spacio singulis miliaris columnas lapideas, spacij signa præferentes, constituit, lapidesq; parum inter se distantes ex vtrâq; viarum parte disposuit, vt ex illis facile in equos esset ascensus. In Flaminia Augustus quatuor pontes, præter minorum pontium turbam, maximo exstruxit opere, atque impendio, ex quibus nunc integer solus exstat, qui Ariminum, suburbiumq; coniungit. Miluius multa, quæ ab eo accepit ornamenta, prorsus amisit: & qui Tyberim item sub Otriculo iungebat parte vnam succisus, in arcis fundamenta concessit. Is verò qui sub Narnea Narem amplexabatur Flu. multis, vt videtur, seculis, vel succisum, vel collapsum vetustate, fornicem medium amisit, Blon. In eadem autem via sepeliebantur defuncti. Iuu.

*Quorum Flaminia tegitur cinis, atque Latina.*

Videntur & hodie in ea magnæ sepulcrorum moles. Plinius docet in Flaminia Cæsaris villam, quæ ad Gallinas dicebatur, positam esse, eius sunt hæc verba: Sed & circa diuum Augustum cuncta eius digna memoratu. Namq; Liviæ Drusillæ, quæ postea Augusta matrimonij nomen accepit, cum pacta esset illa Cæsari, gallinam conspicui candoris sedenti aquila ex alto abiecit in gremium, illæsam: intrepideq; miranti accessit miraculum, quoniam tenentem rostro laureum ramum onustus suis baccis: cōseruari alitem, & sobolem iussere aruspices, ramumq; eum feri, ac rite custodiri, quodq; factum est in villa Cæsaris fluuii Tyberi imposita, iuxta nonum lapidem Flaminia via, quæ ob id vocatur ad Gallinas. Eadem fermè scribit Suet. in Galbæ vita. Huic autem viæ iuncta erat Claudia, vbi Horri Ouidij, vt ipse testatur his versibus.


*Nec quæ pomiferis positos in collibus hortos*

*Speſtat flaminie Claudia iuncta via.*

Æmilia via à Lepido Flaminij collega ſtrata, vt quorundam eſt opinio, ab Æmilia regione Bononiam uſque, cuius veſtigia multis in locis adhuc cernuntur. Fuerunt autem Æmiliæ duæ, altera, quæ Flaminiam excipiebat, altera quam ſtrauit Scaurus per Piſas, & Lunam in Sabatios uſque. Fuit & Tyberina via, & Caſſia extra portam nunc Vicilariam, quæ Sutrium, Vetrallam, Viterbiumq; & Vullinenſem mittebat, cuius quota pars, ex ſaxo quadrato ſtrata, alicubi adhuc videtur. Clitellæ, inquit Sextus Pompeius, dicuntur non tam hæ, quibus ſarci-næ colligatæ mulis portantur, ſed etiam locus Romæ per ſimilitudinem, & in via Flaminia loca quædam deuexa, & accliuia. Galienus autem Imperator paraue-rat porticum Flaminium uſq; ad pontem Miluium, vt tetractice fieret, ſiue pen-tactice, vt primus ordo pilas haberet, & ante ſe columnas cum ſtatuis, ſecundus & tertius deinde diateſaron columnas, auth. Tremellius. Perfecerit ne, incer-tum. Extra autem portam Collatinam via eiufdem nominis exit, in qua Virgo a-quæ concipitur: Collatiam olim mittebat, nunc verò, haud procul à porta, Sala-riæ viæ iungitur. Et quia mœnia Collinam portam non excedebant, Collatina priſcæ Urbis porta non erat, ideo pauca, quæ extra hanc fuere, in cognitionem noſtram poſſunt peruenire.

#### C A P. CXXX.

#### *De iis quæ extra Portam Collinam fuiſſe traduntur.*



**S**EQVITVR porta Collina, cuius via nunc, vt olim, Salaria nuncupatur, quod per eam Sabini ſalem in Urbem defere-bant: ducit in Sabinos, & apud Eretum in ipſam incidit Nu-mentana. De Salaria meminit Cor. Tac. hoc modo: Tertium agmen per Salariam Collinæ portæ appropinquabat. In hac Veneris Erycinæ Templum fuiſſe diximus, vbi reſtagnante Tyberi Apollinares celebrabâtur. hoc autem templum pro-pe portâ fuiſſe Appianus ſic docet. Cum copiis ſubinde prouectus Sylla ad Colli-nam portam caſtra locat, non longe à Veneris templo. & Ouid. ſic.

*Templa frequentari collina proxima portæ*

*Nunc decet, à Siculo nomina rege tenet.*

*Utg. Syraenſis Aretuſidas abſtulit armis*

*Claudius, & bello re quoque caput Erys.*

Votum quidem ferunt à Fabio dictatore: dicatum verò L. Portio, idq; inſignè Porticum habuiſſe ſcribit Strabo. Veneri autem virgines paruas imagunculas, quas in delitias habebant, olim offerebant. Perſius. Nempe hoc quod Veneri donatæ à virgine Pupæ. Ad id etiam matronæ virilis membri figurâ diuinis præ-colentes honoribus, magna ſacrorum pompa perferebant. vbi fuit & ſimula-chrum Veneris Verticordiæ, quod homines ab effuſa libidine auerteret. Ouidius.

*Roma pudicitia proauorum tempore lapſa*

*Cumq; veteres conſuluiſtis anum.*

*Templa iubet Veneri fieri, quibus ordine factis*

*Inde Venus verſo nomine corda tenet.*

Pudiciſſima, inquit Plin. ſcæmina ſemel matronarum ſententia iudicata eſt Sulpicia Patereuli filia, vxor Fuluij Flacci, electa ex centum præcipuis, quæ ſimu-lacrum Veneris ex Sibyllinis carminibus dedicaret. Eadem via, ad II. lapidem inſigni



signi monumento sepultus fuit Licinus tonfor Augusti, prædiues. Secus eandem viam extat sepulcrum quoddam, in templi formam constructum, in quo Cere-  
ris, Bacchi quæ picturæ cum vitibus, & hydriis cernuntur. Extra vero Collinam  
portam Honoris templum statuit Cic. secundo de le. cum inquit: Nostis extra  
portam Collinam Ædem Honoris? & aram in eo loco fuisse memoriam proditum  
est: Ad eam cum Lamina fuisset inuenta, in qua scriptum, domina honoris, ea  
causa fuit ædis ædificandæ. Sed cum multa in eo loco sepulcra fuissent, exara-  
ta sunt. Statuit enim Collegium locum publicum non potuisse priuata religio-  
ne obligari. Per Collinam autem memorant Gallos Senonas ingressos, urbem di-  
ripuisse. Ab ipsa porta tertio miliario procul Annibal castra cum posuisset, ad  
Herculis templum progressus est, urbem expugnaturus, sed ter imbris, & grâ-  
dine repulsus, obsidione Urbem soluit. Via salaria ad III. lapidem supra Anie-  
nem occurrit pons Salaris, præscum adhuc seruans nomen, sicut & via: In eo au-  
tem incisa sunt huiusmodi.

IMPERANTE. D. N. PISSIMO. AC. TRIUMPHALI. SEMPER. IV-  
STINIANO. P. P. AVG. ANN. XXXVIII. NARSSES. VIR. GLORIO-  
SVS. EX. PRÆPOSITO. SACRI. PALATII. EX. CONS. ATQVE. PA-  
TRICIVS. POST. VICTORIAM. GOTHICAM. IPSIS. EORVM. RE-  
GIBVS. CELERITATE. MIRABILI. CONFLICTV. PVBLICO. SVPE-  
RATIS. ATQVE. PROSTRATIS. LIBERTATE. VRBIS. ROMÆ. AC.  
TOTIVS. ITALIÆ. RESTITVTA. PONTEM. VIÆ. SALARIÆ. VS-  
QVE. ADAQVAM. A. NEFANDISSIMO. TOTILA. TYRANNO. DI-  
STRVCTVM. PVRGATO. FLVMINIS. ALVEO. IN. MELIOREM.  
STATVM. QVAM. QVONDAM. FVERAT. RENOVAVIT.

Item carmina hæc.

*Quàm bene turbati directæ est semita pontis,  
Atq; interruptum continuatur iter.  
Calcamus rapidas subiecti gurgitis undas,  
Et libet irata cernere murmur aquæ.  
Ite igitur faciles per gaudia vestra Quirites,  
Et Nar sin resonans plausus ubiq; canat,  
Qui potuit rigidas Gothorum subdere mentes,  
Hic docuit durum flumina ferre iugum.*

Anio, inquit Dionys. ex vrbe Tybure effusus per excelsum scopulum multus  
per planiciem Sabinorum, Romanorumq; fertur, determinans vtranque regio-  
nem, influit quæ in Tyberim parum infra pontem Salarium, aspectu pulcher, &  
potu dulcis. Et quia ex sublimi in vallem subiectam fertur, & præcipitem Ho-  
ratius appellauit: sicut & Statius primo Syl. In hoc sepultam fuisse Iliam scribit

Acron. Apud eundem pugnavit Torquatus. Merii quæ sepulcrum fuisse  
testis est Cic. de legib. Simulacrum Sibyllæ Tiburtinæ, quæ Tibu-  
ri colebatur, vt dea, in gurgite Anienis inuentum est,  
tenens in manulibrum, cuius sacra  
senatus in Capitolium  
transtulit.

*De ijs quæ extra portam Numentanam, & Interaggeres fuere, vel hodie sunt.*



**Q**UARTO ordine succedit porta Numentana, ab ipsa incipit eiusdem nominis via, qua itur Numentum, quod est in Sabinis. Dicta est etiam Ficulnensis via. Livi: Decemviri Numentana, cui tum ficulnensis nomen fuit, profecti, castrum in monte Sacro locauere. Ficulnensem autem appellauit à loco ubi figulinæ, sicut apud Testac. fiebant. Extra eandem portam Neniæ, quæ cantu quæculo funeribus adesset, templum fuisse legitur. Nam Deorum, quos obesse putabant, Tempa, extra Urbem, ut plurimum, ponebantur, ideo, ut plurimum dicimus, quia in Palatio Febris Fanum, in Exquilis Mala Fortunæ, ad radices Auentini Socordix, & apud Augusti forum Martis Vltoris templum fuisse, visum est, quæ numina, non ut opem ferrent, sed ne obessent, colebantur. Via Numentana, citra secundum lapidem, occurrit à sinistra S. Agnetis ædes, prope quam visitur vetustissimum Bacchi Templum, Sphærica forma, columnis circumquaque in gyrum dispositis, templiq; testudinem sustinentibus, ubi è musuo opere ornamenta picturæ, & ipsius Dei gesta effigiata cernuntur, & Porphyreticum sepulcrum vitibus, & vis insculptum, quod Bacchi esse multi fabulantur. Apparent autem apud hoc templum, versus septentrionem, magni cuiusdam ædificii ruinæ, ubi theatrum extitisse memorant, nos vero nihil certi habemus, quod de ipso dicatur. Hinc vero ad stadia quatuor iterum se offert Anio, super quo est pons Numentanus, priscum retinens nomē, sicut & via, quem pontē Narses eunuchus exstruxit. Inter hanc quidem viam, & Salariam ad IIII. miliarium fuit Suburbanum liberti Neronis, quo fugiens ipse Princeps, se ipsum interfecit, auth. Suet. Extra autem portam Interaggeres occurrit statim locus planus, instar magnæ aræ, quadrata forma, parietibus circumseptus, qui dicebatur Castrum Custodiæ, ubi fuerant olim in statione milites prætoriani Dioclitiani Imp. Procopius verò scribit eregione Viuarii forinsecus veteres Romanos alterum breuem murum modico intervallo adiecisse, non ad tutelam, sed ad delicias, ut leones eo loco, & alias bestias seruarent. Vnde olim locum ipsum Viuarium, hodie vero Viuariolum vocant.

## CAP. CXXXII.

*De ijs quæ extra portam Exquilinam, Nauiam, Cæli-  
montanam, & Gabiusam fuere, vel sunt.*



**T**ERTIA à porta Tyburtina eiusdem nominis via, quæ Tybur mittit. In hac apud S. Laurentium iacet Obeliscus in vinetis contractus, haud ita multo post obuius sit supra Anienem pons Mammeus, vulgo Mammolo appellatus, ab Antonino Pio extructus, qui à Mammea Alexandri matre instauratus, eius nomen acquisiuit. Quartus pons super eundem fluium Lucanus nuncupatur, qui propior est Tiburi, quam Romæ, ibiq; est sphærica moles. In ponte vero legitur index Ti. Plantii authoris. Supra Tibur autē XX. miliar. cōcipitur Anio vetus, partim in Tiburtinū vsum, partim Romam deductus, qui minus salubris in hortorū rigatorem, atq; vrbis sordidiora extaret ministeria: hanc aquam post annos XL. quam Appia perducta est, an. ab vr.co. CCCCLXXX. Curius enim dētatus censor cū L. Papir. deducendam

curauit



curauit ex manubiis de Pirrho captis. Item post biennium actum est in Senatu de consumatione eius, tamen ex S. C. duumviri aquam perducentes creati, Curius, & Fuluius Flaccus locauerant. Curius intra quintum diem decessit, gloria perdu&æ pertinuit ad Fuluium. Sed quoniam duæ Anienis aquæ in urbem fluebant, ut facilius dignoscerentur, Anio nouus cœpit vocari, priori vero cognomē vetus adiectum. Nouus autem Anio Sublaecenſi concipitur via, ad miliar. XLII. iungitur ei riuus Herculaneus, oriens eadem via ad miliarium XLIII. Du&us Anienis noui efficit pas. LVIII. milia, cuius riuum Frontinus à Nerua Imp. procurator aquarum constitutus, restituit, & in urbem deduxit. Strabo extra Exquilinam portam Labicanam, & Prænestinam viā egredi ostendit, his verbis. Porro in vnum cadit Labicana via à porta quidem exquilina, à qua & Prænestina, à sinistra vero hanc, & Exquilinum campum omittas, ultra centum viginti stadia pergit, tum & Labio propinquit, & Thufculum relinquit. Ab hac eadem porta haud procul, erat locus, qui olim Puticulæ dicebatur, quod ibi essent frequentes putei in quibus condebantur combustorum ossa ex propinquo campo Exquilino. Puticulæ inquit Elius, quod putrescant ibi cadauera proiecta, qui locus publicus vltra Exquilias. Via prænestina, inter sextum, & octauum miliarium, in agro Lucullano concipitur aqua Appia, diuerticulo sinistrorsus passuum DCCCLXXX. habet longitudinem à capite vsque ad Salinas, hæc M. Valerio Max. P. Decio Mure Cos. anno XX. post initium Samnitici belli inducta est ab Appio Claudio censore, cui postea Ægro fuit cognomen. Collegam autem habuit C. Plautium, cui ob inuestigas eius venas Venocis cognomen datum est, sed is intra annum, & sex menses deceptus à collega, tanquam idem facturo, abdicauit à censura, nomen aquæ ad Appii honorem tantum pertinuit, qui multis tergiuersationib. extraxisse censuram traditur, donec & viam, & aqueductum consummaret. Plin. Agrippa, inquit, & Virginem adduxit ab octauo lapide diuerticulo II. mil. pas. via prænestina, iuxta Herculaneum riuum, quem refugiens Virginis nomen obtinuit, & rursus: Agrip. in ædilitate sua adiecta virginea aqua, cæterisq; corruatis, atq; emendatis lacus septingentos fecit. Ex quo Augustū Po. Ro. vinum petenti subiratum respondisse ferunt: Totas aquas introduxit Agrippa gener meus, & vinum quæritis: Addidit autem Agrippa omnibus aquis signa ærea, aut marmorea, utpote dei aquarum, qualia nunc quædam in vrbe cernuntur. Quod etiam testantur carmina insculpta in marmore, in centi inter spineta, in platea S. Pauli, quæ sunt hæc:

PERDIDERAT LATICVM LONGEVA IN CVRIA CVRSVS.

QVOS TIBI NVNC PLENO CANTHARVS ORE VOMIT. & Propertij hæc.

*Et leuiter lymphis tota crepitantibus vrbe,*

*Cum subito Triton ore recondit aquam.*

Ædícula, inquit Frontinus, fonti apposita hanc virginem pictam ostendit. Alia autem Virginem appellatam tradunt, quod quærentibus aquam militibus, Virguncula venas quasdam mōstrauit, quas secuti ingentem aquæ modum inuenerunt. Fuluius autem ab ea porta, quæ maior nunc vocatur, tanquam olim ab Exquilina, aut certe prope quæ fuerit, Labicanam, & Prænestinam viam nunc egredi, scribit. Labicana à dextris, iuxta formam aquæ Claud. ad Columnam opidum, Prænestina vero Gallicanum nunc, olim Gabios, deinde Præneste, à quo nomen accepit, tendit. A Cœlimontana vero incipit, via Campana, quæ statim extra portam in duas dirimitur semitas, sed post pauca stadia vtrâq; Latinæ iungitur. Inter Cœlimontanam, & Latinam Gabiusam locauimus portam, à qua olim exibat via Gabina, de eaita meminit Liuius: P. Valerius T. Herminium cum modicis copiis, ad II lapidem Gabina via occultatum obfidere iubet. Idem:

ad III. lapidem venire via Gabina, fuerunt autem Gabii, vt diximus, via prænestina, Strabo: Sunt & Romanorum oppida à sinistra Latinæ, inter eam, & Valeriam Gabii extant, in via prænestina, vbi lathomix sunt plusquam reliquæ, lapides Romæ suppeditantes, distantes Roma, & Præneste ex æquo stadiis centum.

## C A P. CXXXIII.

*De ijs quæ extra portam Latinam; & Capenam  
fuere, vel sunt.*



**L**ATINA autem porta Via, eiusdem nominis exit, quæ in Latinos populos ducit, videlicet per Leuicanum, nunc Valmontonum, & nunc Campaniam vsque ad Casinatem S. Germani Saltum, de qua Strabo sic scribit: Præclarissimæ sunt viæ, Appia, & Valeria, media inter has Latina est, ad Casinum oppidum iungitur Appiæ XIX. à Capua distans stadiis. In hac III. ab Vrbe lapide, fuit Templum Fortunæ Muliebris, eiusdemque deæ simulacrum, nephas attingi nisi ab ea, quæ semel nupsit, Valer. Max. Muliebre inquit, Fortunæ simulacrum, quod est in via Latina ad quartum miliarium eo tempore cum in æde sua consecratum Cal. Decembris, quo Coriolanum ab excidio Urbis maternæ præces repulerunt, non semel, sed bis locutum constitit, his verbis: Rite me vidistis: Rite me dedicastis. Eadem concipitur aqua Tepula XI. miliario diuerticulo euntibus ab Roma dextrorsus, sub terraprius: deinde arcuato opere, Iuliæ post admista. M. Agrippa ædilis proprias vires collegit, & Tepulæ riuum intercœpit, acquisitæque ab inuentore nomen Iuliæ datum. Iulia autem reuocatis deriuationibus, per quas subripiebatur, modum suum, quamuis notabili siccitate, seruauit. Tepula igitur inuenta, & deducta ab Agrippa est, anno ab Vrbe co. DCCXIX. Imp. Cæs. Iulia vero ab Aureliano, vt scribit Ant. in Itinerario. Via autem Valeria ad miliarium XXXIII. Fron. aquam Marciam concipi scribit, de qua plura superius locuti sumus. Penultimam enim omnium portarum cis Tyberim, Appiam appellauimus, à qua eiusdem nominis, cuius & portæ, egreditur via; Ab Appio Claudio Censore, qui Capuam vsque eam strauit, denominationem accepit, ea latitudine, vt plaustra duo, ex aduerso inuicem occurrentia, libere exciperet. Liuius: Memoriam felicitatis nomen Appii, & viam muniuit, & Appiam aquam in Urbem deduxit. Quam quidem viam Cæsar Dictator, vel exornauit, vel restituit. Plut. Commissa dehinc illi Appiæ viæ cura, ingentes prodegit pecunias. Nouissime vero Traianus eam restituens Brundisium vsque strauit, desiccatis paludibus, excisis collibus, aggeratis vallibus, saxis constratis reliquis iis circum, ac pontibus magnificentissimi operis excitatis, permeabilis fecit. auth. Dionys. Traianum autem quamplurima ædificia restituisse, ex literis in marmore apud circum Maximum inuento incisis, satis apparet, quæ sunt huiusmodi.

IMP. CÆS. DIVI NERVÆ, F. TRAIANO GERMANICO DACICO  
PONT. MAX. TRIB. POT. VIII. IMP. IX. COS. PP. TRIB. QVOD  
LIBERALITATE OPTIMI PRINCIPIS COMMODA EARVM ETIAM  
LOCORVM ADIECTIONE AMPLIATA SINT.

Appia, inquit Strabo, ad mare protendit: prius tamen in Albæ, Aritiæque ruinas perducit, & muros olim Pontinæ paludis ad Terracinam, inde per Fundos, Molas, & postea Sinuessam, & medium stellatum campum vsque Brundisium, mox transuerso itinere per Atellam nunc aduersam, Puteolis, & circum Baianum olim sinum, nunc Tripergulæ Balneas vsque Cumas. Huic viæ & Claudix nomen datum inuenio. Sen. in ludo mortis Claudii ait, Augustum, & Tiberium



rium Cæs. Appia via ad deos iuiffe. Templum Martis celeberrimum eadem via. Ouidius.

*Lux eadem Marti festa est, quem prospicit extra  
Appositum recta porta Capena via.*

Liuius. Viam Cenfores sternendam à porta Capena ad Martis templum locauere, semitamq; saxo quadrato strauerunt, hoc templum à Sylla in ædilitate sua consecratum fuit, supra centum columnas positum. Memorant autem Martis duo fuisse templa, vnum intra urbem Quirini, quasi custodis, & tranquillæ, alterû, de quo nunc, extra urbem, quasi bellatoris vel gradiui. In Mart. Ancyle fuisse scribit Ser. gram. Verum cum præter hoc, & in vrbe, & in Campo Martio fuerint Martis Templa, de quo intelligat Ser. ignoratur, sicuti & de Senatulo, quod erat apud Bellonæ, iuxta Martis fuit Manalis lapis, quo per siccitatem in Urbem relato, pluuia statim manabat, hinc Manalem dixere, Sextus Pomp. author. Martis Signum in via Appia, idque Cneio Seruilio, & Flaminio Coss. sudasse memorat Liuius. In eadem fuit Bonæ deæ Sacrarium, apud quod Clodium & M. Papirium interfectum fuisse, ait Cic. Lucus, & ædes Camænarum extra portam Appiam à Fulvio Nobiliori condita fuit, auth. Ascan. Ara Apollinis Ædis spei, Mineruæ, extra eandem portam præterea Lucus Honoris, Virtutis Ædes: Liuius. Ædem Virtutis ad portam Capenam Marcellus dedicauit. At Honoris, & Virtutis intra urbem fuisse crediderim, ad ipsam tamen portam, vt dixi. Sunt enim hæc numina optimi omnis, quorum templa in vrbe excitanda venirent, potiusquam extra. Ad portam autem quasi admonerent proficiscentes ad bella, nisi per virtutem res strenue gessissent, aditum sibi non futurum ad honorem, & gloriam, hoc est ad triumphum: Hinc est quod Augustinus ait: Neminem honoris templum ingredi posse, nisi prius virtutis esset ingressus. Marcell. autem in Corsicam & Sardiniam nauigans, grauissimam passus est tempestatem: cumq; naufragio esset seruatus, Romam reuersus Tempestatis Ædē extra portam Capenam excitauit. Ouidius.

*Te quoq; tempestas meritam delubra fatentur,  
Cum penè est Corsis obruta puppis aquis.*

Extra eandem portam, ad II lapidem, Templum Ridiculi, cui nomen inditum est, quod ibi Annibal castrametatus illusus reuersus esset. Via Appia hortos Terentianos XX. iugerum fuisse legimus. Eadem via ad secundum lapidem inter ædem Sancti Sebastiani, & Caput Bouis in prælonga conualle extat Circus, siue Hippodromus, satis rudis, ab Antonino Bassiano (vt creditur) extructus, vbi in medio adhuc apparent metarum signa, & Obeliscus miræ magnitudinis, in plures contraactus partes, cum notis Aegyptiorum, vbi olympici olim fiebant ludi, ad exercendos milites prætorianos, qui illic contubernia à Tyberio Cæsare constituta habebant. Calori anni secundo supra Sabbatum miliario Valentinus pons fuit, in via Appia positus, & appellatus à Valente Imperatore, nunc dirutus. In eadem via vbi ea primum attingit Maficum montem, vrbs est Sinuessæ, olim Pometia. Fuit præcis temporibus Appia veterum sepulchris à dextris, & sinistris frequentissima, quorum multa adhuc cernuntur vestigia, velut ex Tyburtino lapide extructa spherica forma sine apice meta, cognomento nunc caput bouis, quod illic vndiq; bubulorum capitū simulacra lapide cælata viderentur, vbi sepulcrum Metellæ vxoris Crassi fuisse hic index ostendit.

CÆCILIAE. Q. CRETICI. F.  
METELLÆ CRASSI.

Cic. primo Tusc. an tu egressus, inquit, porta Capena cum Colatini, Scipionum, Seruiliorum, Metellorum sepulcra vides, miseros putas illos? in eadem Appia. VI. ab vrbe lapide M. Tullii, & Tullior. monumenta fuere, vt marmora

inſcripta ibiq; inuenta aperte ſignificarunt. In gentili autem Scipionum ſepulcro Ennium poſitum commemorat Cic. pro Archia. Charus, inquit, fuit Africano ſuperiori noſter Ennius, itaque in ſepulcro Scipionum putatur iſſe conſtitutus. Ad huius ſepulcri ornamentum tres fuerant ſtatux, duæ P. & L. Scipionum, tertia ipſius Ennii, auth. Liuius, qui de loco ubi Publius mortuus, & ſepultus anceps, ſic ſequitur. Alii Romæ, alii Literni, & mortuum, & ſepultum; utrobique monimenta oſtenduntur, & ſtatux. Nam & Literni monumentum monimentoque ſtatua ſuperimpoſita fuit, quam tempeſtate diſiectam nuper vidimus ipſi, & Romæ extra portam Capenam in Scipionum monumento tres ſtatux ſunt, duæ P. & L. Scipionum dicuntur eſſe, tertia Poetæ Q. Ennii. Et tamen quinto quintæ dec. pro certo videtur tenere Africanum Literni eſſe ſepultum. Sunt enim apud ipſum M. Seruillii Coſſ. contra Ser. Galbam pro L. Paulo Æmilio verba hæc. Satis peccatum in Camillo à maioribus noſtris eſt, quem tamen ante receptam per eum à Gallis urbem violauerunt. Satis inſuper vobis in P. Africano, Literni domicilium, & ſedem fuiſſe domitoris Africæ, Lit. ſepulcrum oſtendi. In baſi autem ſtatue Ennii, hæc erant incifa carmina.

ASPICITE. O. CIVES. SENIS. ENNII. IMAGINIS. FORMAM. HEIC. VOSTRVM. PANXIT. MAXIMA. FACTA. PATRVM. NEMO. ME. LACRVMIS. DECORET. NEQVE. FVNERA. FLETV. FAXIT. CVR. VOLITO. VIVVS. PER. ORA. VIRVM.

Sepulcrum ſororis Horatii, eius qui ex tergeminiſ ſuperſtes ipſam interfecit, ex ſaxo quadrato conſtructum fuit ante portam Capenam, quo in loco ipſa ceciderat. Extra eandem portam Horatiorum ſepulcra, Campusque ubi pugnaverunt collocatur, & locus Mercurio ſacer, Aquaque Mercurii appellata, ad quam conueniſſet Po. Ro. vnufquiſq; lauri ramo alterius caput ea aſpergebat aqua, Mercurium inuocans vt aſperſis peccata, præſertim periuria dilueret.

*Eſt aqua Mercurii portæ vicina Capenæ.*

*Si inuat expertis credere, numen habet.*

Status autem Appiam omnium aliarum viarum reginam appellauit, in qua ad quintum lapidem ſepultus eſt Pomponius Atticus, in monumento Q. Ceciliii auunculi ſui, vt inquit Cor. Nepos. Cæditix Tabernæ in via Appia, Domini nomine ſunt vocatæ. Sextus Pom. Lucus Egeriæ extra portam Capenam, quod Camcænis ſacravit Numa. Via Laurentina in Appiam incidebat, in qua ſexto ab Urbe miliario, ferme ubi S. Sebaſtiani eſt paſſionis locus, Terminalia, id eſt feſta Terminio Deo ſacra, magno populi concuſſu celebrabantur. Eſtque iſ Terminus, qui cum in Capitolio ædes Iouis dedicaretur, cæteris diis cedentibus credere noluit.

#### C A P. CXXXIV.

*De ijs quæ extra portam Hoſtienſem, & reliquas in genere.*



**V**LTIMA Urbis porta cis Tyberim, & ab ea, quæ egreditur via Hoſtienſis dicitur: quod Hoſtiam Tyberinam, ab Anco rege conditam, mittat, hæc autem porta prius Tergeminorum ſortita nomen ad radices Auentini, vt viſum eſt, ſteterat, extra quam Liuius primo dec. quintæ Emporium ſic ponit. Ædiles extra portam Tergeminam Emporium lapide ſtrauerunt, ſtipitibusque ſeſperunt, & Porticum Æmiliam reſciendam curarunt, gradibusque aſcentum ab Tyberi in Emporium fecerunt. Sed nunc locum intra urbem eſſe opinamur, quod innuunt verba Li. ultimo loco poſita,



lita, emporium ipsum prope Tyberim ostendentia. In Transyberina regione tres extant portæ: Portuenfis, Aurelia, Fontinalis, siue, vt alii volunt, Septimiana. A Portuenfi inchoat via eiusdem nominis, quæ ducit ad portum Hostiensem: à quo, sicut & porta, nomen accepisse fertur. In eo autem portu fuit ædes Portu-  
mni, qui portubus præest, in cuius ædis ædificatione portum nalia celebrata esse traditur. Via autem Aurelia egreditur à porta eiusdem nominis, quæ vt diximus, tendit per maritima Thulciæ, Pisas versus, ab Aurelio consulari viro, & strata, & denominata, vnde consularis erat via, huius meminit Cic. in Catil. & Eutropius sic. Etruriæ per Aureliam vsque ad Alpes maritimas ingentes agri sunt. Traiana etiam est dicta à Traiano Imper. qui eam restituit: In hac fuerunt Horti Galbæ Imp. vbi idem princeps sepultus fuit auth. Suet. Fontinalis, siue Septimiana porta, in Campum Vaticanum olim mittebat, & Ianiculum, sicut Vaticana, seu Triumphalis, de qua supra facta est mentio: Sueto. tradit viam Viteliam fuisse ab Ianiculo vsque ad mare.

## C A P. CXXXV.

*Zethi, Amphionis & Dirces fabula, quam egregia simulacra unico saxo ab Apollonio, & Taurisco præstantissimis artificibus olim insculpta representant, sic se habet.*



YCVS Bæotiæ rex, Antiopam Nicæi regis filiam, vxorem duxit: quam postea, cum à Ioue in satyrum conuerso compressam cognouisset, repudiavit, Dircenque vxorem duxit, quæ verita ne Antiope cum Lyco in gratiam rediret, artificibus eam vinculis asseruauit, quibus Iouis miseratione dissolutis, in Cithæronem profugit, vbi Amphionem & Zethum peperit: qui postea à pastore, qui ipsos nutrierat, de Lyci iniuriis edocti, eum interfecerunt, Dirce vero caudæ indomiti equi, vel, vt alii malunt, cornibus ferocissimi tauri alligarunt, quæ diu ita per terram raptata, tandè Deorum commiseratione in sui nominis fontem conuersa est. De qua Propert. lib. 3. eleg. 13. fere per totam, sic meminit:

*Testis erit Dirce tam verò crimine saua*

*Nyctæos Antiopem accubuisse Lyco.*

Et paulo inferius sic subsequitur:

*Tu reddis pueris matrem, pueriq, trahendam*

*Vinxerunt Dircem sub truci ora bouis.*

*Antiope cognosce Iouem, tibi gloria Dirce*

*Ducitur in multis mortem habitura locis. &c.*

Amphionem vero Dirces filium, adeo lyra suauiter cecinisse traditur, vt saxa ad struendos muros Thebanos traxisse dicatur: de quo Horatius de arte poetica:

*Ductus & Amphion Thebana conditor \* vrbis \* al. arcis*

*Saxa mouere sono testudinis, &c.*

Quod ideo fictum, quia eloquii suauitate homines rudes, & incultis moribus ad obsequii ciuilis pellegerit disciplinam. Item de Amphione habetur in Apollonii Rhodii Argonaut. lib. 1. Sed, vt eò quò cæpi pergam, simulacra hæc, quæ C. Asinii Pollionis fuerunt, commemorauit Plin. lib. 36. cap. 5. his verbis: Pollio Asinius, vt fuit acris vehementiæ, sic quoque spectari monumenta sua voluit. In iis sunt Centauri nymphas gerentes Archesite, Thespiades Cleomenis, Oceanus, & Iupi-

& Iupiter Eutochi, Hippiades Stephani, Hermerotes Taurisci, non cælatoris, sed Tralliani, Iupiter Hospitalis Pamphili Praxitelis discipuli: Zethus, & Amphion & Dirce & Taurus, vinculumque ex eodem lapide à Rhodo aduecta opera Apollonii, & Taurisci. Parentum ij certamen de se fecere, Menecratem videri professi, sed esse naturalem Artemidorum &c. Hactenus Plinius de huiusmodi simulacris, qui ad ostendendam eorum, & artificum excellentiam, pluribus in iis verbis immoratus est. Verum cum hæc variis temporum casibus agitantur tandem M. Antonini Pii L. Septimii Seueri filii temporibus, cum Thermas, quæ in hunc vsque diem Antonianæ dicuntur, prope piscinam publicam sub Auentino construxisset, eadem ornatus causa adhibuit, quæ tandem ibi reperta sunt in effodiendis ruinis, & ruderibus Thermarum earundem Pauli III. Pontificis Max. tempore, ac restaurata: nunc vero in ædibus celeberrimis Illustriss. Alexandri Cardinalis Farnesii, maxima admiratione, tum præstantissimorum artificum opere, tum & auctoris celeberrimi mentione, nempe Plinii, qui eorum, vt superius vidimus, commemorat, visuntur in posteriori atrio ipsarum ædium Farnesiorum, & licet vñdique clausa sint, venia tamen impetrata, ad introspectiendum perhumaniter patet aditus.

## CAP. CXXXVI.

*Taberna meritoria.*

**T**ABERNA meritoria insigne legitur ædificium fuisse Transiberina in regione, vbi præsens templum ingens beatæ Mariæ Virginis cernitur, à populo Rom. pietatis ergo olim erectum, quasi Nosocomium, aut Xenodochium quoddam esset veteranis militibus, qui pro Romana republica aliquandiu meruissent, vnde forte meritoria nomē sibi vendicauit, in eamq; milites ij, qui aut senio confecti, aut vulneribus in prælio suscepti, claudi seu mæci quoquomodo effecti fuissent, quoad reliquū supererant alebantur, ne victum emendicare cogerentur, aut à mero forte meritoria dicta est, eò quod in ea non nisi senes & claudi degerent, qui vt plurimum mæsti & tristes esse solent: alii vero existimant, hanc militibus tantum prætorianis erectam fuisse, ac inibi tanquam in castris constituisse, atque castra Rauennatum diu postea appellata. Hic autem Deum Opt. Max. eius pietatis, & misericordiæ signa ostendisse pro comperto est: nocte enim ea qua Saluator noster in mundum prodiit, fontem ibi olei vberimum scaturisse testantur, quem toto insequenti die, populo inspectante & admirante, ad Tyberim vsque procurrisse: quod signum & inditium fuit, natum esse in mundo Dominum Iesum, nempe Saluatorem mundi, cuius nomen oleum effusum est, testante scriptura Cantic. 1. de fama Domini: atque ita ex tanti memoria miraculi, templum ibi primum à Callisto summo Pontifice, huius nominis primo, beatæ Virgini est erectum, quo postea diruto, à Gregorio Papa III. à fundamentis denuo est constructum, quod templum S. Mariæ in Translyberim vocitatum est. Sed quid de hoc dixerit Marlianus, videndum: ille enim lib. 5. cap. 19. loquens de Translyberina regione, sic scriptum reliquit: Rauennatum etiam urbem nominatam inuenio. Nam Augustus victoria contra Antonium, & Cleopatram potitus, binam instituit classem, vnam apud Mesenium Lucaniæ portum, alteram vero apud Rauennam. Cumque Senatui esset cura, vt nulla Romam frequentaret multitudo, cui non esset habitandi locus publice assignatus, militibus Rauennatis classis hæc regio fuit assignata, quæ exinde Rauennatum vrbs cæpit appellari: quo nomine appellatum est templum, & meritoria taberna: quam vbi nunc est ædes diuæ Mariæ fuisse legimus.



legimus. Ex quo templo Augusti tempore fons olei ex terra exundauit, ac per totum diem largissimo riuo fluxit, significans ex gentibus gratiam Christi, vt scribit Eutropius. Sed hæc regio propter pestiferos austros, à vilissimis sordidasq; artes exercentibus habitabatur: vnde pauca memoratu digna continet, &c. Hætenus Marlianus.

## CAP. CXXXVII.

*Domus Flauiorum.*

FLAUIORVM domus in Exquilis fuisse, authorum testimonio comprobatur, Marlianus enim lib. 4. cap. 23. de Flauii Sabini domo hæc innuit: Alta semita à thermis Constantini ad portam Viminalem vsque per dorsum Quirinalis erat producta, cuius vestigia sæpe nec vno tantum loco vidimus: & prope eum locum, qui dicebatur ad Malum Punicum, fuit Flauii Sabini domus, in qua natum esse Domitianum testatur Suet. consentitq; hic titulus ibidem repertus, & adhuc iacens

INTER DVOS  
PARIETES  
AMBITVS PRIVAT.  
FLAUI SABINI

C. enim Suetonius Tranquillus in initio vitæ ipsius Domitiani, hæc habet verba: Domitianus natus est IX. Calend. Nouembris, patre Cos. designato, inituroque mense insequenti honorem, Regionie vrbis sexta, ad Malum Punicum, domo, quam postea in templum gentis Flauiae conuertit, &c.

## CAP. CXXXVIII.

*Asylus.*

ASYLVS quidnam fuerit, quo tempore, vbi & à quo institutū, facile innuere videntur Liuii verba libro primo circa principium, ita scribentis: Crescebat interim vrbs munitionibus cum alia atque alia appetēdo loca, in spem magis futuræ multitudinis, quam ad id, quod tum hominum erat, munirent. Deinde ne vana vrbis magnitudo esset, adiiciendæ multitudinis causa vetere consilio condentium vrbes, qui obscuram, atque humilem conciendo ad se multitudinem natam è terra sibi prolem mētiebantur, locum, qui nunc septus densis sentibus inter duos lucos est, Asylum aperit, eò ex finitimis populis turba omnis sine discrimine liber an seruus esset, auida nouarum rerum perfugit: idq; primum ad ceptam magnitudinem roboris fuit, &c. Hætenus Liu. Plut. vero in vita Romuli de Asylo Romano hæc inquit: Primis deinde Vrbi fundamentis iactis, sacrum quendam locum eò cōfugientibus perfugium statuentes, Asylum vocarunt: eoque omnes sine villo discrimine exceperunt, nec domino seruus, nec debitor creditoribus, nec homicida magistratibus debebatur, cum dicerent firmum ac ratum id omnia Pythico oraculo esse oportere. Itaque quàm celeberrimè Vrbs hominibus abundabat, &c. Marlianus autem cum de colle Capitolino ageret, libro 2. cap. 2. ostendens Asylum fuisse in summo Capitolio, diffusus in hæc verba protulit: Veiovis ædem in area nunc Capitolina locum obtinuisse hæc verba Gellii docent. Est autem etiam ædes Veiovis Romæ inter arcem, & Capitolium, & mox subdit: Cum Iouem igitur, & Diuiuem à iuuando nominassent, eum quoq; contra, Deum qui

non iuuandi, sed vim nocendi haberet (nam deos quosdam, ut prodesse, celebrabant, quosdam ne obessent placabant) Veioem appellauerunt, dempta atque detracta iuuandi facultate. Eius simulacrum, quod est in æde de qua supra dixi, sagittas tenet, quæ sunt videlicet paratæ ad nocendum. Quapropter cum Deum plerique Apollinem esse dixerunt: immolaturque illi ritu humano capra, eiusque animalis signum iuxta simulacrum stat: & paulo post subdit: Asylū templum in dicta area fuisse significat Dionysius, sic enim inquit: Lucum vmbrosū medium Capitoliique & arcis, quod vocatur inter montium duorum quercetorum templum Romulus constituit, de eodem Strabo: Romulus Asylum aperiens inter collem & Capitolium, huc perfugientes ciuitate donatos designat, & Liuius (quem supra citauimus) locum, inquit, qui nūc septus densis sentibus inter duos lucos, Asylum appellat. Ex eo finitimus populus omnis turba sine discrimine, & seruus & liber, auida nouarum rerum perfugit, & hunc locum Ouidius attigit his versibus:

*Romulus, ut saxo lucum circumdedit alto*

*Quilibet huc, inquit, confuge, tutus eris.*

Ex eo enim nemo extrahebatur. Varios autem terminos habuisse testatur Strabo his verbis: Templum & nunc, & olim Asylum erat, cuius libertatis termini sunt mutati: Alexander ad stadium extendit: Mitridati vero dimissa ab angulo Cerami sagitta visum est paululum ipsum stadium transcendere: Antonius huic proxime accessit, & cum eo termino Urbis partem comprehendit. Postea Cæs. Aug. cum id damnosum existimaret, & nihil aliud esse, quam multis malefaciendi causam exhibere, irritum fecit. Suet. de Tiberio loquens: Aboluit, inquit, & vim moremque Asylorum, quæ usquam erant. Primi autem omnium Herculis nepotes timentes insidias illorum, quos auus, priusquam è terris migraret affligerat, Asylum instituisse dicuntur, hinc Statius:

*Asylum herculeos fama est fundasse nepotes.*

Et quia nonnulli ex quibusdam Ouidii carminibus, sub rupe Tarpeia Asylum fterisse volunt, quid de hac opinione sentiam, ubi de basilica Sempronii erit sermo, dicetur. Et subdit postea idem auctor lib. 4. cap. 13. ubi de ipsa basilica & de aliis agit, in hæc verba: Apud ædem nunc D. Georgii fuit domus P. Africani, ubi deinde T. Sempronius basilicam fecit, de qua Liuius quarto decadis quintæ sic loquitur: T. Sempronius ex ea pecunia, quæ ipsi attributa erat, ædes P. Africani pone veteres ad Vertumni signum laneasque & tabernas coniunctas in publicū emit, basilicamque faciendam curauit, quæ Sempronia appellata est. Qui autem volunt Asylum, de quo dictum est, fuisse sub rupe Tarpeia, ut id comprobent citant Ouidii hæc carmina:

*Tum quoque, vicini lucus celebratur Asyli,*

*Qua petit aquoreas aduena Tybris aquas.*

Et quanquam hi versus non faciunt de loco Asyli certam fidem, tamen cum in Capitolio, in quo prius fuerat constitutus, fuissent multa templa, atque ædificia excitata, credendum omnino esse censemus, in alium locum esse translatum, atque in eum quem dicunt totum id spatii occupauisse, quod est à rupe Tarpeia, hinc ad forum boarium usque, inde ad pontem Senatorium, & ad radices usque

Auentini montis. Hactenus Marlianus de Asylo, nos autem quod de hac re apud auctores scriptum inuenimus, retulimus: quod satis esse factum desiderio legentium existimauius



*Templum Carmentæ.*

**D**ICTURI de templo, seu Fano Carmentæ, non ab re videtur aliquid prius de ipsius Carmentis nomine, & quanam ea fuerit, attingere: Plutarchus namque in vita Romuli sic habet: Carmentam quidam proprium hominum procreationis factum opinantur esse, ob id hæc sacra matres agitare. Alii Euandri Arcad. matrē fatidicā, eam Phæb. dicatā fuisse tradunt, & Carmentam, quod carmine responsa ederet nuncupatam: Nicostratæ enim proprium illi nomen fuerat: hæc communior de Carm. opinio est, quæ plurimos auctores habet. Nonnulli tamen nomen Carm. sane haud inapte interpretantur, ut sit Carmenta amens & mente carens quod numine afflata furere, atque insanire sit solita. Hactenus Plutarchus de nomine ipsius Carmentæ, Marlianus vero lib. 1. cap. 3. ubi de portis urbis Romuli agit, postquam de porta Carmentali nonnulla disseruit, citat Solinum his verbis: pars infima Capitolini montis habitaculum Carmentæ fuit, ubi Carmentale fanum nunc est, à qua Carmentalis portæ nomen est, &c. Deinde vero libro tertio, capite duodecimo, ubi de Foro Holitorio, & de quibusdam Templis agit, hæc infert: Fanum Carmentæ sub Capitolio esse scribit Dionysius: meminit & Gellius libr. 18. ca. 7. Obiter tangens Fanum Carmentis (ut ipse ait) Positum autem fuit apud portam Carmentalem à Carmenta, ut supra diximus, nuncupatam: ubi reliquæ S. Catharinæ hodie cernuntur. Quod si fanum mulieres Romanæ ei deæ ædificarunt, gratiam referentes, quod vehiculo, quibus S. C. priuatæ fuerant, ipsis est restituta. Carmenta enim Euandri mater fuit, Nicostrata prius appellata: quæ quia carminibus oracula edebat, Carmenta postea est dicta, ab eaque carmina auctore Plutarch. in problem.

## CAP. CXL.

*Templum Æsculapii in Insula Tiberina.*

**M**ARLIANVS de templo Æsculapii in Insula Licaonia (sic enim vocitata est Insula Tyberis, à templo nempe Iouis Licaonii ibidem constructo) sic scriptum reliquit, collectis ex authoribus fide dignis iis, quæ sequuntur: ait enim lib. 2. cap. 16. loquens de Insula Tyberina, ac templis quæ in ea fuere in hunc qui sequitur ordinem: Tota erat Æsculapio sacra, propter eius simulacrum ex Epidaurio in eam aduectum, ut refert Liuius. De eo autem Plin. lib. 29. cap. 4. n. 50. sic meminit: atqui anguis Æsculapius Romam aduectus est, vulgoque pascitur, & in domibus. Vnde forma navis, qua simulacrum aduectum dicitur, non modo Insulæ est data, verum memoria eius rei causa, navis etiam ex lapide thasio sculpta in eiusdem Insulæ puppi collocata fuit, quæ etiam hodie visitur, & in altero eius latere serpentis simulacrum. Ædes eiusdem Dei posita erat ubi nunc S. Bartholomæi est templum: de qua Sex. Pom. sic meminit: In Insula Æsculapio facta fuit ædes, quod ægroti à medicis aqua maxime sustententur: Eiusdem esse tutelæ draconem aiunt, quod vigilantissimum sit animal: quæ res ad ruendam valetudinem ægroti maxima est. Canes adhibentur eius templo, quia is verberibus canis sit nutritus: bacillum habet nodosum, quod difficultatem significat artis. Laurea coronatur, quod ea arbor sit plurimorum remediō. Huic gallinæ immolabantur, eo quod infirmis eiusmodi præcipue altilibus opus sit. Aliqui vero volunt ædem hanc in Insula fuisse constitutam, quod fluxu & motu

aquarum aer sit salubrior: alioquin extra urbem collocari solebat, quod Plin. etiā affirmat lib. 29. c. 1. his verbis: Ideo Romani templum Æsculapii, etiam cum reciperetur is deus, extra urbem fecisse, iterumque in Insula traduntur. Hoc templum Lucretium Prætorem tabulis pictis ex præda exornauisse commemorat Livi. tertio decad. quintæ. Prope ipsum fuit Nosocomion, ubi ægroti curabantur. Quo in loco cū quidā ægra, & affecta mancipia tædio medendi exposuissent, Claudius Imp. liberos esse sanxit. Ad Æsculapii autem fuisse Iouis templum docent Ovidii hæc carmina.

*Quod tamen ex ipsis licuit mihi dicere Fastis*

*Sacrare patres hæc duo templa die.*

*Accipit Phæbo, nymphæq; Coronide natum*

*Insula, diuidua quam premit amnis aqua.*

*Iupiter in parte est, caput locus unus utrunq;*

*Iunæq; sunt magno templa nepotis auro.*

Hæc à Marliano de templo Æsculapii, quod in Insula Tyberina fuit.

## C A P. CXLI.


### *Balnea Pauli Aemilij.*



AVLI Aemilij Balnea prope Quirinalem fuerunt, qui locus olim dicebatur, Mons ad balnea Pauli, nunc autem corrupto vocabulo Mons ad bagnarapoli, vel magnanapoli vulgo dicitur: in eo maxime loco ubi ad præsens cœnobium monialium Sancti Sixti, & in sequenti cliuo vergens ad Ecclesiam Sanctæ Agathæ, quo loci dum in exequenda via, quæ strata est à Sixto Papa V. de mense Septembri anni 1586. reperta sunt balnea quædam tabulis marmoreis incrustata: prope hæc sunt ædes hinc Vitellior inde Comitum, ac turris quæ militiarum dicitur: sed videndum quid de illis specificè Marl. dicat, ipse enim lib. 4. cap. 22. eius Urbis Topographiæ loquens de monte Quirinali, sic ait: Balnea Pauli Aemilii in proximo fuere, ubi nunc Monialium est habitaculum, locusq; dicitur Bagnarapoli. In descensu cliui qui ad Viminalem vergit, à dextra annis ab hinc duodecim vidimus sacellum variorum piscium, marinarumq; concharum nobili pictura adornatum, quibus inditiis Neptuni fuisse omnes asserabant, &c.

## C A P. CXLII.

### *Basilica Divi Antonini.*



ASILICA principio dicta fuit domus ampla & spatiosa, causarū cognitioni destinata, ab eo (ut creditur) dicta, quod principes eo ad ius dicendum convenirent, aut quod Græci τοὺς βασιλείους appellatione, etiam iudicem intelligerent, astipulante etiam Hesiod. qui δαίμονες appellat βασιλῆας hoc est, doniuoros iudices interprete Budæo. Plinius in epistol. Descenderam in basilic. Iuliam auditorus, quibus proxima comperendinatione respondere debeam. Erat autem basilica templo persimilis, ambulationibus amplissimis instructa, ad quam multi tota ex urbe, alii causas agendi, alii consultandi, alii aliud agendi gratia confluebant, Cic. ad Attic. li. 2. Basilicam habeo, non villam frequentia formianorum. Postea etiam basilicæ ædificatæ in vsum negotiorum, eaque in locis foro proximis, de quo videndus Vitru. li. 5. Basilica



filica autem Antonina, quam Marlianus porticum, seu palatium Antonini Pii vocitat, ita de ea lib. 5. cap. 4. asserit: Extat, inquit, iuxta ædem Sancti Stephani de Trullio porticus, cuius principiū & finis non apparet: columnæ tamen marmoreæ ingentes numero vndecim stantes ita dispositæ cernuntur, ut ex his, aliisque eiusdem generis nuper à tergo harum effossis, porticum quadratū fuisse dubium non sit: siquidem sub ipsis columnis locus est amplissimus concameratus in modum cellæ vinariæ, ut falsum esse constet, quod aliqui dicunt, ibi fuisse templum eiusdem Antonini vel Martis, &c. De hac porticu seu Basilica hætenus habet Marlianus, quem primum ex recentioribus in hac re sequendum duxi, cum explicatius præ cunctis de urbis locis, ac cæteris aliis agat.

## C A P. CXLIII.

*Castra Pratoria.*

ASTRVM quid sit, vel potius castra multitudinis numero, ipse nomen compiler sic docet: Castra, inquit, appellantur loca in quibus milites tentoria fixerunt, vel ipsa tentoria ubi milites diuersantur. Cic. ad Atti. Cum Cæsar ad oppidum castra haberet: Vnde & de nauibus Virgil. dixit: Nos castra mouemus, quoniam in illis milites essent. Cæsar 5. bell. Gall. imperat, ut castra naualia adorianur, dicta à castris similitudine, quod fossa valloque quasi muro circumdari solent. Hinc Castra Pratoria dicta ubi prætoriarum cohortis milites diuersabantur, Prætorii dicti à Prætoribus, id est, Imper. corporis sui custodiæ causa delecti Cicer. pro Cælio Nemini vnquam Prætor. maiores honores habuerunt. & Plin. lib. 9. c. 6. sic meminit. Prætoris iussu Cæsar plagas multiplices inter ora portus, profectusque ipse cum Prætorianis cohortibus. pop. Romano spectaculum præbuit, &c. Marlian. vero de his castris li 5. c. 27. loquens de via Appia, ac de aliis quæ in ea fuerunt, sic ait: Circus Antonini Caracallæ is est, ut plerique omnes consentiunt, cuius ingentes ruinae, & inter eas Obeliscus metarumque vestigia non procul ab æde S. Sebastiani cernuntur, ubi aiunt, prius Prætoria castra à Tiberio Cæsare fuisse constituta. Nam Suetonius scribit, hunc Romæ castra constituisse, quibus Prætorianæ cohortes vagæ ante ea tempora, & per hospitia dispersæ continerentur. Hætenus Marlianus. At Pyrrhus Ligorius Neapolitanus, qui nostra tempestate pictor, antiquarius, & architectus non contemnendus extitit, in chorographia quam protulit antiquæ urbis, quæ in hunc usque diem multis in locis cernitur, Castra Pratoria intra urbis mœnia locauit. Sed iam videamus quid de hisce castris diffusius quam cæteri Blondus Flavius scriptum reliquerit, ipse enim libro secundo, numero 87. & seq. agens de re militari, ita prosequitur: Res militaris, cuius disciplina rem auxit, & tutata est Romanam, nullum ante violatam à principibus libertatem, locum in vrbe habuit. Nam etsi Capit. Arcem videmus ubique appellari: tamen Romani nullo vnquam præter inuasionis Gallorum Senonum tempore, pro munitione & tutela sunt vsi. Etsi vero Octavianus Augustus locum castris in vrbe primus omnium principum constituit, nulla tamen alia ratione id fecit, quam ne milites vagi, & per urbem dispersi, rapinis, tumultu, & contentionibus ciuitatem redderent inquietam. Hinc Rauennatum in Ianiculo, & Misernatum, peregrinorumque militum in Cælio monte castra sunt ab illo constituta. Tiberius autem perniciosissimam ciuitati libertatiquæ etiam impiorum exorsus, castra, sicut ait Suet. Romæ constituit, quibus Prætorianæ cohortes vagæ ante id tempus, & per hospitia dispersæ continerentur. Fuitque eius arcis, & tyrannidum fomitis locus, quem apud S. Sebastiana. via Appia, ad caput bouis appellant. Primus autem qui horum Castrorum

& corrupte præmio eius militiæ præsidio, Consulibus, Senatuque renitentibus, imperium assumpserit, fuit Claudius, quod Sucto. verbis ostendere libet: Claudium latentem forte discurrens gregarius miles animaduersis pedibus ex studio sciscitandi quisnam esset agnouit, exauctumque & præ metu ad genua sibi accedentem Imperatorem salutauit. Hinc ad alios cõmilitones fluctuantes, nec quicquam adhuc, quam frementes perduxit, ab his lecticæ impositus, & quia sui diffugerant, vicissim succolantibus, in castra delatus est tristis ac trepidus, miserante obuia turba, quasi ad pœnam raperetur insons. Receptus intra vallum, inter excubias multum pernoctauit, aliquanto minori spe quam fiducia. Nam Coss. cum Senatu cohortibusque vrbani forum Capitoliumque occupauerant, asserturi Romam in libertatem: accitusque & ipse per Trib. Pl. in curiam, ad suadenda quæ viderentur, vi & necessitate teneri respondit. Verum postero die & Senatu segnior in exequendis conatibus, per tadium, & defensionem diuersa crescentium, & multitudine quæ circumstabat, vnum rectorem iam, & nominatum exposcente, armatos pro concione in nomen suum iurare passus est, promisitque singulis quindena sestertia, primus Cæsarum fidem militis etiam præmio pignorat. Hactenus Suetoni. & prosequitur idem Flavius. Si quis autem Castra Prætoriana, vtrum in Vrbe sicut aliqui contendunt, an extra Urbem, sicut diximus fuerint, certius nosse cupit, Corne. Tacitum legat, ubi de Galbæ morte, & nouo Othonis Imperio tractans, prælium narrat, quod acerrimum est commissum in Circo Maximo, in Capitolio, & Palatio, ubi apertissime apparet prætorianos milites munimento Castrorum innixos Coss. Senatui, & Romano Populo aliter sentientibus, quos voluerunt tyrannos effecisse, & multorum bonorum cædem in Vrbe cõmisisse. Helius Spartian. ingressum Seueri Imperatoris in urbem Romam talem describit: Quum Romam venisset Seuerus, Prætorianis cum subarmalibus inermes iussit sibi occurrere: eosdem sic ad tribunal vocauit armatis vndique circumdatus. Eo autem processit Prætorianorum militum, siue auctoritas, siue audacia, vt quem vellent Imperatorē facerent, factumque Imperio deturbarent. Helius Lampridius narratis Heliogabali flagitiis, talia scribit, per quæ ostendit Imperii ac vitæ, & necis illius arbitrium in Prætorianos fuisse constitutum. Suntque hæc Lampridii verba: In castris vero milites precanti Præfecto dixerunt, se parafuros esse Heliogabalo sic, vt impuros homines, & aurigas ab se dimoueret, atque ad bonam frugem rediret, & Iul. Capitolinus in Maximor. vita ostendit eadē fuisse in Prætorianis castris, in quam Senatus aliquando vocari consueuerit, præsertim cum de abrogando alicui Imperio agendum esset. Sicque abrogato Imperio Maximini patri & filio, Gordiani duo pater item & filius in æde Castrorum declarati sunt Augusti: cuius Senatus consulti hanc formam Lampridius ponit. Quum ventum esset in eadem castrorum sexto Calendarum Iuliarum &c. Iul. Capitolinus Pupieni, & Balbini Imperatorum gesta describens, quantum Castra Prætoriana Romæ obfuerint ostendit his verbis: Et Maximino quidem ad bellum profecto, Romæ Prætoriani remanserunt, inter quos & populum tanta seditio fuit, vt ad bellum veniretur intestinum, Romæ pars maxima incenderetur, templa fœdarentur, omnes plateæ cruore polluerentur, & infra; Interea Romæ iterum seditiones inter populum, & milites ortæ, vt nec cum edicta proponeret Balbinus audiretur. Veterani se in castra Prætoriana contulerunt cum ipsis Prætorianis, quos cœpit populus obsidere; nec vnquam ad amicitiam essent redacti, nisi fistulas aquarias populis incidisset. Et idem Capitolinus prædictorum Imperatorum vitæ exitum narrans, hæc habet verba, quæ Castra Prætoriana extra Urbem fuisse demonstrant; In hac contradictione illis contendentibus, milites superuenerunt, atque eos nudatos ambos vestibus regalibus, de Palatio cum iniuriis perduxerunt, & per mediam ciuitatem ad castra raptare voluerunt magna ex parte



ex parte laniatos. Sed vbi compertum est Germanos ad defensionem illorum superuenire, ambos occiderunt, & in itinere medio reliquerunt. Inter hæc Gordianus Cæsar sublatuſ à militibus, Imperator eſt appellatuſ Auguſtuſ, quia non erat aliuſ in præſenti, inſultantibus militibus Senatuſ, & Pop. Rom. qui ſe ſtatim in caſtra receperunt. Idem quoque Capitolinuſ ſcribit, Senatuſ conſultum de Imperio Valeriani principis optimi in Prætorianiſ caſtris factuſ fuiſſe, &c. Haſtenuſ Blonduſ Flaviuſ de Caſtris Prætoriiſ: quæ vti ipſe ſcribit, & ex ſuperiuſ narratiſ, nulli dubiuſ eſſe puto, quin bina fuerint Caſtra Prætoria, altera nẽpe Urbana, ſcilicet in ipſa vrbe erant: altera vero externa, quæ extra Urbem, ſeu mœnia ipſiuſ Urbis, & via Appia fuiſſe traditur.

## C A P. CXLIV.

*Circuſ Antonini Pij Seueri, qui & Caracalla.*

IRCVS M. Antonini Pii Aug. L. Septimii Seueri Imp. filii, qui & Caracalla vocitatuſ eſt, exiſtat adhuc pene integer via Appia ſecundo ab vrbe lapide, vbi Caſtra Prætoria fuiſſe nonnulli prodidere, inter eccleſiam S. Sebaſtiani, & ſepulcrum Ceciliæ Metellæ M. Craſſi vxoriſ, qui locuſ hodie dicitur caput bouiſ, in quo etiam noſtra ætate cernitur iacens obeliſcuſ contraſctuſ, notuſq; hieroglyphicis inciuſuſ, ac metaruſ ſigna, & ſedilia circumiacentia: de quo Marlianuſ lib. 5. c. 27. loquens de via Appia, ita ſcribit: Via præterea Appia hortuſ Terentianoſ fuiſſe legimuſ X X. iugeruſ. Circuſ Antonini Caracallæ iſ eſt, vt plerique omneſ conſentiunt, cuiuſ ingenteſ ruina, & inter eoſ obeliſcuſ, metaruſq; veſtigia non procul ab æde D. Sebaſtiani cernuntur: vbi aiunt priuſ Prætoria Caſtra à Tyber. Cæſ. fuiſſe conſtituta, &c. Raphael Volaterranuſ putat circuſ hunc ob Prætorianoſ exercitationeſ fuiſſe condituſ, lib. 6. Comm. Urban.

## C A P. CXLV.

*Amphitheatruſ Statiliij Tauri.*

STATILII Tauri Amphitheatruſ, qui inter primarioſ ciueſ Roman. Auguſti tempore floruit, videtur adhuc dictuſ in cœnobio baſilicæ S. Crucis in Hieruſalem in agro Seſſor. & in ipſiſ mœnibuſ urbis, quod lateritiuſ, vt plurimuſ eſt. De hoc Marl. lib. 4. c. 9. loquens de Palatio Seſſoriano, & ceteriſ ibi proximis, in hæc habet verba: In proximo loco extant Statilii Tauri Amphitheatri reliquię, quod Statiliuſ poſuit, Auguſto ciueſ Roman. horcante, vt pro viribuſ quiſq; conaretur urbem exornare, auth. Sueton. qui etiam commemorat Caligulaſ munera gladiatoria partim in Statilii Amphitheatro, partim in ſeptiſ aliquot egiſſe, &c. Blonduſ Flaviuſ Romę iuſtaurata libro 1. numero 87. de hoc Amphitheatro obiter, ſic ait. Viſitur quoque in Cælio monte portam inter nunc dictam Maioreſ, quam olim diximuſ fuiſſe Neuiam, & Amphitheatruſ ſemidirutuſ, quod Statilii Tauri maioreſ appellauerunt S. Crucis in Hieruſal. eccleſia, Helenæ Conſtantini Flauii genitriciſ opuſ, &c. & Raphael Volaterranuſ Commentarioſ Urbanoruſ, lib. 5. ſic inferit. Amphitheatra duo, primum Titi notiffimuſ fonteſ habebat duoſ ad recreanduſ aſtu laborantẽ turbam: alteriuſ ſane fontis, nunc in via inter Amphit. & Arcũ Conſt. ſuperſunt veſtigia, habuiq; ego iam vetuſ numiſma habentẽ à tergo Amphitheatruſ cum hiſ fontibuſ. Alteruſ Tauri Statilii ex hortuſ cœnobii S. Crucis oſtenditur, &c. Sed de hiſ haſtenuſ.

*Templum Fortunæ Virilis.*

NONnulli scriptorum ex recentioribus opinati sunt, templum Fortunæ Virilis fuisse pudicitia dicatum, inter quos & Marlianus lib. 3. cap. 16. in figura Urbis, ut ipse ait, communē est opinionem secutus. Sed tamen ipse quoque fatetur esse fortunæ, quod præter verba Dionysii eius quoque structura suadeat, cum sit Ionica, quæ media est inter Corinthiam, & Doricam: Nam ex Vitruvii sententia, huic potius Deæ convenit. Nam & ipsa media est, bona scilicet & mala, cuius templi longitudo est pedum 56. latitudo 26. De hoc itidem ipse Marlianus eodem ferme loco, postquam de foro piscario commemorat, ita scribit: Divæ autem Mariæ Ægyptiacæ hodie sacrum, olim vero Fortunæ Virili Templum pene integrum etiam nunc extat. De eo Dionysius sic ait: Duobus extructis templis Fortunæ, altero in foro Boario, altero ad ripas Tyb. quam appellavit virilem. Et quanquam de hoc variæ opiniones sint, nemo tamen suam sententiam probato auctore tucur. Subdit deinde idem auctor, in hoc templo fuisse statuam ligneam Ser. Tullii auro superfusam, quæ, orto incendio cæteris concrematis, sola incorrupta permansit, auctore Val. Max. Legimus apud Strabonem, Lucull. Fortunæ templum struxisse, eius sunt hæc verba: Lucullus cum ædem Fortunæ cōstruxisset, & porticum quandam, statuas, quas Mamius habebat, petiit in eum usum, ut ædem exornaret ad ostentationem: mox deinde fore, ut restitueret, minime restituit, sed eas, ut dona deæ posuit. De qua autem Fortunæ æde Strabo intelligat, dubium est, &c. Hactenus Marlianus.

## CAP. CXLVII.

*Viuarium.*

Vo loco Viuarium fuerit multi ex Romauis incolis probe norunt, nam & id ipsum nomen adhuc retinet, (extat enim prope Urbis mœnia intra portam quæ nunc Pia vocatur, & S. Laurentii) quid autem fuerit oppidum, quam pauci. Nam putant nonnulli hoc fuisse viridarium quoddam, aut huiusmodi quidpiam virens, arboribusq; consitum: sed horum nihil in eo, tantum enim abest virentis quicquam in eo fuisse, ut Sylvestrium animalium belluarumq; cubilia & diuersoria totum id spatium passim occupauerit. Nam Pop. Roman. publica cum edere spectacula soleret, in quibus multa variaque animantium belluarumque sylvestrium genera, ut puta leones pardos, pantheras, tygres, rhinoceros, elephantosque, & id genus similia producere vellet, hæc in aliquo loco publico, suo tempore emittenda, alere, & alseruare consuevit: & quoniam ibi animalia quæque viua seruabantur ad huiusmodi spectacula, hinc locus ille Viuarium est appellatus. Sed quid Marlianus de eo scripserit, iam videamus. Ille enim libro quinto capite 25. loquens de Via Nomentana, & aliis, quæ in ea sunt, sic ait: Extra Querquetulanam autem portam, locus est quadratus, parietibus circumseptus, qui dicebatur Castrum Custodia, ubi fuerant olim in statione milites prætoriani Diocletiani, ut quidam testatur. Procopius scribit: E regione Viuarii extra muros veteres alterum breuem murum modico intervallo adiecisse, non ad tutelam, sed ad delicias, ut leones, & alias feras ibi seruarent, quem locum olim Viuarium, nunc vero quibus prædia habent, Viuariolum vocant. Hactenus

Marlianus.



*Campus Exquilinus.*

AMPRVM Exquilinum, in summitate Exquiliarum fuisse constat, vnde nomen sumpsit, in ea parte qua domus postea Mecœnatis exstructa est: Campus namque locus patens, & apertus esse videtur, quasi à capiendo dictus, quod longe lateque in planum pateat. Campus ludæorum etiam Romæ ætate nostra, dicitur ager ille Transtiberinus sub Ianiculo positus, ac prope portam olim Naualem, quæ & Portuensis hodie dicitur, vbi Iudæi defunctorum suorum cadauera humantur. In Exquilino igitur Campo pauperes qui ob inopiam funus sibi efferre, & conflare non erat, hic publico officio cremabantur, ac busta eorum in puticulis, quos vocabant, eodem fermè loco circumquaque dispositis deiiciebantur. Sed cum nidor vstrinæ huius diu multumq; Urbem affecisset, tandem Augustus Cæsar ex eo loco funus hoc amouendum curauit, Mecœnatiq; tradidit locum hunc. Sed quid de hac tota re Marlianus dicat, quæso videamus; ipse enim libro 4. cap. 19. dum loquitur de aggere Tarquinij Superbi, & hortis Mecœnatiæ, quæ in Exquilis fuerunt, ita scribit: Hi horti fuerunt in Campo Exquilino, inter dictum aggerem & mœnia Urbis sito, vbi prius cadauera sepeliebantur. Locum innuit Sex. Pomp. his verbis: Puticuli sunt appellati, quod vetustissimum genus sepulture, vt puteus fuerit: & dicti puticuli, quia ibi cadauera putrescunt: quem locum publicum vltra Exquilias fuisse prodidit Helius. Eundem locum attingit Cic. vbi inquit: Senatum censere, atque è Repub. existimare Ædiliū Curulium edictum, quod de funeribus habeant Ser. Sulpitij Q. Fil. Lemoniæ Rufi funeri mittere vtique locum sepulcro in campo Exquilino C. Panfa Cos. seu quo in loco videtur pedes triginta quoquo versus designet, quo Ser. Sulpitius inferatur: quod sepulcrum ipsius, liberorum, posterumq; eius sit. Fuit autem postea consuetudo, vt ibidem cadauera comburerentur. Sed cum nidor esset Vrbi perniciosus, Augustus studens aerem emendare S. P. Q. R. consensu Campum hunc Mecœnati concessit, vbi fecit hortos, quos superius demonstrauimus. In eodem Campo plurima variaq; sepulcra effodi vidimus variis exornata marmoribus. Quædam erant concamerata vnica testudine, alia duplici concameratione, vt ex superiore in inferius sepulcrum esset descensus. Erant & pavimenta tesellata vermiculataq; in parietibus per ambitum oculi, in singulis vrne binæ: extra cameram sepulcri longitudinis latitudinisq; inscriptio. Quædam verò sepulcra ex pluribus constabant parietibus parum inuicem distantibus, in quibus vrnæ similiter binæ ferè contiguæ, modicoq; intervallo aliæ binæ, & super his totidem, ita vt ex ordine decedentium vrnæ additæ nouo includerentur muro. Hæc pauperum, illa diuitem sepulcra fuisse opinamur. In vrnis autem ossa, cineres & carbones adhuc erant. Erat & vas vstrinum appellatum, quod in eo cadauera comburerentur, in quo & vitreum vasculum fuit repertum, in eoq; suauissimos liquores multi fuisse asserabant, quibus etiam cadauera aspergerentur, &c. Hactenus Marlianus de Campo Exquilino. Ego verò Campum hunc extitisse crediderim, vbi ad præsens ætate nostra visuntur vineta Cœnobij Monachorum Sanctę Prædis, qui vallis Vmbrosæ dicuntur; quibus ex multis Carinarum locis patet prospectus; nam & ea Campi superficies plana est & ampla, ac (quod maxime ad rem facit) supra ipsarum ædium ruinas, quæ Mecœnatis existimantur, posita est.

*De Agricultura.*

I figuram hanc ritè recteq; consideremus, neutiquam prorsus aliud innuere videbitur, quàm quod à præstanti aliquo viro, cuius nomen ignorare me tædet, quod & hic appofuifsemus, fequenti interpretatione ostendiffe videmus, & licet pluribus locis in Vrbe huiusce simulacri videantur fragmenta, nempe vnum affixum muris ædium S. Marci sub turri in ipsa platea, alterum pene integrum in ædibus Cæfianis prope Vaticanum; tertium vero perfectius aliis vnde hæc sumpta sunt, ex ædibus (vt ipse interpres ait) quondam Octauiani Zeni, prope Theatrum Pompeij integrum adhuc cernitur, cuius tenor talis est, vt sequitur.

Hac vetusta marmorea tabula, quæ Romæ in ædibus Octauiani Zeno prope Theatrum Pompeij, & Campum Floræ exstat, vbi satrium dicitur, hisce signis ornata; veteres rerum naturalium periti, optimi Agricola munus significare voluerunt.

K M G H C A F D B  
Qui assiduo labore die noctuque tribus Solis, quatuor Lunæ stationibus, & naturali vtiusque sideris cursu obseruatis, fortitudine, prouidentia, fide, & diligentia terram fatigando, rem agrariam tractat: & proinde earum frugum, quæ  
X V R S  
lucis & tenebrarum tempore creantur, oriuntur, excolunturq; vberrium prouentum fert.

*Declaratio specifica omnium imaginum in hac Tabella contentarum.*

- |  |   |
|--|---|
| A. Sol oriens.   | M. Gladius tauro infixus, qui laborem ostendit.       |
| B. Rerum natura solis comes.                                       | N. Sanguis qui terræ fructus demonstrat.              |
| C. Tria solis tempora Oriens, Meridies, Occidens.                  | O. Canis quo amor & fides.                            |
| D. Luna occidens.  | P. Serpens quo prouidentia.                           |
| E. Rerum natura velox Lunæ sideri præcipiti comes: ideò alata.     | Q. Leo quo robur vel fortitudo significatur.          |
| F. Quatuor Lunæ tempora, noua, semiplena, plena, iterum semiplena. | R. Cancer qui creationem.                             |
| G. Dies facem extollens.   | S. Scorpio, qui generationem.                         |
| H. Nox facem deiiciens.  | T. Spicæ, quæ terræ fructus designant.                |
| I. Coruus, qui diligentiam significat.                             | V. Arbor nocturna cum Scorpione, quæ generationem.    |
| K. Terræ laborator optimus & diligens agricola.                    | X. Arbor diurna cum bouis capite laborem significant. |
| L. Bos siue taurus, qui terram designat.                           |   |

*Hactenus de signis quibus totius Agricultura scopus designatur.*



*Obeliscus Sanctæ Mariæ Maioris in  
Exquilis.*



BELISCVS qui ætate nostra hoc anno M. D. LXXXVII. erectus est à Sixto V. Pont. Max. ante basilicam S. Mariæ Maioris in Exquilis, diu iacuit ante fores ecclesiæ Sancti Rochi; vnus enim est è duobus qui erecti erant in Mausoleo Augusti prope eandem ecclesiam, multasq; erat fractus in partes; cui superimpositum est sacrosanctæ Crucis signum, vna cum stigmatibus, seu insigniis ipsius Pontificis, tribus nempe montibus & Itella; ac è conspectu viæ Felicis ab ipso summo Pontifice apertæ & strætæ cernitur: cuique quaterna latera talibus sunt ad memoriam, & perpetuum monumentum inscriptionibus obsignata, videlicet.

In eo latere qui Orientem seu Ecclesiam ipsam spectat, sic habet.

CHRISTVS PER INVICTAM CRUCEM POPVLO PACEM PRÆBEAT QVI  
AVGVSTI PACE IN PRÆSEPE NASCI VOLVIT.

In eo verò, qui Meridiem Carina versus.

SIXTVS V. PONT. MAX. OBELISCVM ÆGYPTO ADVECTVM AVGVSTO  
IN EIVS MAVSOLEO DICATVM EVERSVM DEINDE AC IN PLVRES  
CONFRACTVM PARTES IN VIA AD SANCTVM RÔCHVM IACENTEM  
IN PRISTINAM FACIEM RESTITVTVM SALVTIFERÆ CRVCI FELI-  
CIVS HIC ERIGI IVSSIT AN. M. D. LXXXVII. PONT. III.

In latere Occidentis viam Felicem versus, hæc leguntur.

CHRISTVM DOMINVM QVEM AVGVSTVS DE VIRGINE NASCITVRVM  
VIVENS ADORAVIT SEQ. DEINCEPS DOMINVM DICI VETVIT ADORO.  
Ea verò quæ Septentrionalem plagam, ac aggerem Tarquinij, & Suburbanum  
ingens ipsius summi Pontificis spectant, hæc sunt, in personam ipsius Obelisci.  
CHRISTI DEI IN ÆTERNVM VIVENTIS CYNABVLA LÆTISIME COLO  
QVI MORTVI SEPVLCHRO AVGVSTI TRISTIS SERVIEBAM.

## CAP. CLI.

*Statua Herculis anea.*



INFANTIS Herculis serpentis occidentis duo quam mira antiqua simulacra Romæ visuntur, alterum æneum, alterum marmoreum, illud olim Reuerendiss. Antonij Fusconij Nursini Episcopi Aquinatis, vt ferunt, hoc verè quond. Reuerendiss. D. Hieronymi Garimberti Parmensis Episcopi Gallefani, omnigenæ dum viueret selectæ antiquitatis excultoris: quæ ambo inter se operis excellentia æquè certare videntur. Sed quid hæc simulacra velint, iam videamus. de hisce enim auctorem non habeo quem sequar: sed quod ad historiam pertinet agamus. Macrobius Saturn. lib. 3. c. 6. vbi de sacris quæ teste Virg. Apollini Delio & Herculi fieri solita scribit, sic ait: Idem curauit Herculem vocando victorem.

*hæc (inquit) limina victor.*

*Alcides subiit.* Varro rerum humanarum lib. 4. victorem Herculem putat ditum, quod omne animalium genus vicerit, & infert: Romæ autem victoris Herculis ædes duæ sunt, vna ad portam Trigeminam, altera in foro Boario, &c. Hæc Macrobius. Sed cum de statuâ hac ænea Herculis, in infantia constituti nostrum

sic institutum edifferere, & quid sibi velit labor ille in ea ætate cum serpentibus dimicare, ac eius historia, eam rem totam ordine pendamus. Nam ut prætereamus id quod M. Varronem scripsisse constat, nempe 43. quos ipse nominavit, Hercules fuisse, ac quod idem Macrobius, omnes quotquot robore præstiterunt Hercules fuisse vocatos, & quod Cic. lib. 3. de Nat. Deor. sex hoc nomine appellatos fuisse commemoraverit: vnum tantum nobis Herculem Thebanum, Iovis nempe & Alcmenæ filium, qui ob fortitudinem & gloriam creditus fuit inter deos esse relatus, ac duodecim eius præcipuos labores quos viriliter sustinuit ad præsens enitendam. Primò itaque cum adhuc in cunabulis infans iaceret, geminos angues (ut in hoc simulacro cernitur) à Iunone immisos, ut eum occiderent, elisit. Sed ut paulo altius id tractemus, sic se res habet. Cum Iuno rescivisset Alcmenam Electrionis filiam Amphitritionisq; Thebanorum regis vxorem, à Ioue cognitam, atque ex eo Herculem infantem esse prognatum, odio accensa, misit duos angues, ut puerulum statim deuorarent: quos Hercules in cunabulis adhuc vagiens utraque manu comprehensos occidit: ut in hoc simulacro ostenditur, & sic primas à Iunone sibi paratas insidias euasit: Secundo verò iam adultus Hydram colubris & capitibus pullulantem, face & ferro in lerna palude oppressit. Tercio Ceruam tripodem, aureaq; habentem cornua in Menalo monte cursu comprehendit, atque interfecit. Quarto in Nemea silua, iuxta Cleonas inulsiatē magnitudinis leonem iugulauit, & detractam pellem pro insigni gestauit. Quinto Diomedem Thraciæ regem, qui equos suos hospitum carnibus & sanguine pascebat, deuicit, victumq; ipsius equis in pabulū dedit. Sexto in Erimætho Arcadiæ monte terribilem aprum, & omnia circa illum locum deuantem, cepit, eumq; viuum ad Eurystheum Scheneli Mycenarum regis filium attulit. Septimo Stymphalides aues, sagittis, ut quidam volunt, interfecit, ut alij sonitu atheni crepitaculi, vsq; ad insulam Aretiada fugauit. Octauo Taurum cui Neptunus furorem immiserat, eo quod Minos Neptuno sacrificaturus, optasset victimam maiestati illius dignam, cui cum pulcherrimus taurus ab eodem deo fuisset oblatu, ipsum Minos seruare voluisset insulam Cretam fere totā deuantem, domuit, eumq; victum ad Eurystheum attulit, qui postea eum Atticæ regione immisit, cui plurimum damni intulit, sed à Theseo interfectus fuit apud Marathonem, ut canit Ouid. lib. 7. Metam. Nono Busiridem Ægypti regem hospites suos mactantem occidit. Decimo Antæum gigantem in Lybia, luctu victum suffocauit. Vndecimo Calpen & Abilan montes antea coniunctos diuisit. Duodecimo Aurea mala in Hesperidum hortis, interempto prius dracone peruigili, qui ea custodiebat, sustulit, & tandem ut Decimum tertium addamus, Cælum iam fessò, & succubente ponderi Atlante, humeris tulit. Multos aliosq; tulit Hercules labores, ob quos Alcides est appellatus, hoc est viribus, robore & fortitudine præstans: nam & Geryonem Hispaniæ regem tricorneporem, bello superauit, eiusq; armenta abduxit. Cacum latronem Vulcani filium semihominem & scammiorum oppressit. Centauros domuit, Hesionem Laomedontis filiam monstro marino expositā liberauit, occiso prius Ceto: Amazonas debellauit, earumque reginam Hippolyten cepit, cui baltheum abstulit, Eurystheoq; regi tradidit: captam vero Amazonem Theseo bellorum socio dedit. Ad inferos descendit, & Cerberum iter prohibentem triplici catena victum ad superos traxit. Tandem Eurytum Oechaliæ regem occidit, ipsamq; Oechaliam Urbem deleuit ac Iolem Euryti filiam sibi in vxorem denegatam (quam tamen parens antea ei desponderat) vi obtinuit eamq; secum in Euboiam adduxit. Quod cum Deianira cōiux rescivisset, maritum suum Ioles amore detineri, per Lycham feruum vestem illi misit, Nessi Centauri sanguine infectam, futurum rata, ut ea ratione languentem viri amorem excitaret, eumq; ab aliis auulsum ad se vnā reuocaret, quem-



ret, quemadmodum Centaurus ipsi persuaserat. Cum itaque Hercules vestem sacrificaturus induisset, in tantam rabiem versus est, ut constructa pyra seipsum combusserit. Post mortem verò in deorum numerum relatus est. Habentur & alia res ab eo gestæ apud Diodorum Siculum, quas inde cupidus lector haurire poterit.

## CAP. CLII.

*Pinea ænea quæ in atrio principis Apostolorum  
cernitur.*



YRRHV S Ligorius, qui nostra tempestate floruit, quiq; dum viueret pictor egregius, necnon Architectonicæ artis & antiquarius præstantissimus fuit, in sua quam protulit antiquæ urbis chorographia, in Hadrianicæ molis summitate pineam æneam miro artificio fabrefactam locauit; quam ad præsens, ac diu ab hinc in medio atrio principis Apostolorum in Vaticano videmus, altitudinis pedum duodecim, latitudinis sex. Et licet alias vulgo prædicetur, hæc tamen coniectura verisimilis sit, cū hæcenus auctorum neminem reperimus, qui de huiusmodi singulatim ad vnguē perscripserit: & si de mole Hadriani multi sunt qui tractent, inter quos Marlian. adeundus, qui lib. 5. cap. 22. loquens de aqua Sabatina, seu Sabbatia, ac de sepulcro Scipionis & Hadriani, sic prosequitur: Inter hunc fontem & Hadriani sepulcrum fuit ingens meta, cuius fundamenta nonnullis ab hinc annis effodi vidimus. Sunt qui velint septem Epulorum fuisse sepulcrum, vel Scipionis de quo Acron sic inquit: deuicta Carthagine virtute Scipionis Africani; cum Afri aduersus Romanos denuo rebellarent, consulto oraculo responsum est, ut sepulcrū Scipionis fieret, quod Carthaginem respiceret: tunc leuati cineres sunt de pyramide in Vaticano, & humati in sepulcro eius in portu, ut Carthaginem respiceret. Gentile tamen Scipionum sepulcrum in via Appia fuisse ostendemus. Huius autem pyramidis & molis Hadriani forma, siue simulacrum visitur in porta ænea ædis S. Petri. Sepulcrum Hadriani iuxta sui nominis pontem positum esse adhuc videtur, licet suis ornamentis expoliatum, in quo legitur titulus, qui sequitur.

L. HÆLIO CÆS. DIVI HADRIANI AVG. F. COS. II. F.

Spartianus: Fecit, inquit, & sui nominis sepulcrū iuxta Tyberim. In hoc autem ipse primus omnium sepultus dicitur. Et deinde omnium Antoninorum cineres conditos esse ostendunt epitaphia quædam in ipso sepulcro incisa, quæ hic apponere superfluum esse putauimus. Lampridius etiam refert Commodum iussu Pertinacis in monumentum Hadriani translatum. Iulius vero Capitolinus Seueri cadauer illatum in Hadriani sepulcrum in quo & Cæsar pater eius naturalis fuerat sepultus. Idem ait, Antoninum Pium Hadriani patris sepulcrum instaurauisse, eiq; templum dedicasse. Hanc autem molē describit Procopius his verbis: Hadriani quondam Imperatoris sepulcrum extra portam Aureliam iactu lapidis impositum: primus eius ambitus quadrati figuram habet. Constat enim totus ex marmore pario, summa artificum diligentia ædificatus. In medio huius quadrati rotunda moles assurgit excelsa altitudine, & tanta, ut in suprema eius parte area sit, cuius diameter vix iactu lapidis transigitur. Hæc moles in arcis formam redacta est, castellumq; Sancti Angeli vocitant, &c. Hæcenus Marlianus de Hadriani mole. Sed nō ab re apposuius de Scipionis sepulcro mentionem: circum enim pineam, de qua loquimur, superimposita sunt simulacra aliquot ænea paunum, ac delphinorum, quæ inaurata olim fuisse videntur: quæq; ad ornatum huiusmodi sepulcri Scipionis fuisse inter antiquarū rerum existimatores

creduntur. Caterum de pinea ænea satis sit dictum, quam, vt superius demonstrauimus, in ipsa summitate Molis Hadriani ad pulchritudinem & ornatum extitisse traditur.

## CAP. CLIII.

*Forma molis, seu lignæ machinæ, quod castellum vocitatum est, quo subductus est Obeliscus Vaticanus, ac tum idem, & Circensēs, & qui in Mausoleo Augusti fuerat, sublati sunt.*



VM Sixtus V. Pont. Max. in ipsis initiis sui pontificatus anno nempe M. D. LXXXV. de transferendo Obelisco Vaticano a sua priori sede (abditus enim quodammodo erat, ac semisepultus in latenti, & angustiori loco) in forum principis Apostolorum, vbi ad præsens cernitur, ageret: multi ex præcipuis architectonicæ disciplinæ artificibus, nedum Urbis verum etiam variis ex Italiæ locis (fama audita) conuenere; spectaculum enim ingens, & nouum mirandumq; in Vrbe parabatur, qui singula singuli, & plastici, & modulum (vt aiunt) certatim producentes, varios pro suo quisque ingenio & viribus ostendere modos, & structuras Obeliscum huiusmodi amouendi, atque euehendi. Verum tandem iussu Pontificis negocium, & tota rei summa Dominico Fontanio ex pago Miliagri Nouocomenis demandata est, vt pote qui illius ædificiis longè ante quam ad Pontificatum eueheretur præfuisset: atque ita vt in imagine cernitur erecta est machina ad tollendam, curuandam, erigendamq; molem maximam, Vaticani nempe Obelisci. Primum enim quaternæ vtrinque maximæq; antennæ sublicesve erectæ sunt, ab vno scilicet & altero obelisci latere; dein totidem singulæ suffultæ sunt trabibus à summo ad imum, ne huc illuc cederent, aut quaterentur: eæ verò quatuor quæ in angulis extitere, duplicatis fulturis pronis à duobus nempe lateribus sunt innixæ. Tum variæ dispositæ sunt hinc inde lignæ colligationes, transversis vndiq; intrinsecus & extrinsecus ligaminibus ex arte, & ingenio architectonico; rudentibusq; demum in summitatibus antennarum alligatis, easq; contra fulcimenta trahentibus. Superius verò ad totius molis attollendæ sustentationem compositæ sunt trabes arculeatæ quatuor, annis superimpositæ, laquearium seu tignorum instar, quos equos ligneos artifices vocitant: ac multa alia instrumenta & machine, quod non facile in hac plastice delineare omnia fuit. Atque ita primum amoueri Vaticanum Obeliscum vidimus pridie Cal. Maij, Anno 1586. tum itidem non diu post, eodem nempe anno, ac die quarto Iduum Septembris, eodemque armamento, seu castello eundem assurgere: quod quidem maius constructum est in erectione, quam in declinatione. Nam prius, quàm e sua sede amoueretur, bases ambæ, seu columnæ ex eodemmet lapide, quæ eundem sustinent, sepultæ erant, adeo quod vnusquisque hominum manibus ferè antiquam inscriptionem illius Obelisci attingebat, quæ talis est:

DIVO CÆSARI DIVI IVLII F. AVGVSTO TI. CÆSARI DIVI AVGVSTI F. AVGVSTO SACRVM.

qua ostenditur, cui primum dicatus fuerit, à C. Cæsare, vt creditur, qui Caligula est appellatus. Sed vt non nihil etiam de ipso amotionis actu eiusdem Obelisci pro viribus, & ingenio edisseramus, vnum erit nobis agendum, vt de quantitate rotarum equorumque, quibus motus illius molis est actus breui tangamus, vt poste-



vt posteri (si tamen tenuia scripta hæc tamdiu viuent, vt ad manus eorum perueniant) qui huiusce rei spectaculo non interfuerunt, hisce saltem aliquatenus scriptum inueniant, aut secum perpendant, quoniam hoc fieri pacto potuerit. Mane namque summo, fuit autem hoc nonis Maij eiusdem anni, cum parata essent omnia, quæ ad amotionem tanti saxi opportuna erant, circumquaq; Obeliscum pro loci & situs opportunitate quadraginta machinarû volubilium instrumenta, seu rotæ, vt Ammia. Marcell. vocitat (argana nostrates appellant) sunt disposita, singula singulos triplicatos habentia rudentes, quaternosq; equos validos, qui ea in gyrum agerent, vicinosq; viros in singulis itidem, qui & auxilium diuerticulis, & vbi esset opus ferrent, ac ad alia suppeditandum extra adminicula præsto essent, nam & ipsis machinis, centum & sexaginta equi, quatuor neupæ in singula, ac octingenti homines diuerticulis ipsis assistere. Sed vt ordine quodam præuio ad hanc rem procederetur, ac vno eodemq; tempore tum simul verterent, tum etiam vbi esset opus sisterent, adhibitus est tibicen ex cohorte equitum leuuis armaturæ, à custodia summi Pontificis, vt omnes simul dato signo ad tubæ sonitum equos incesserent: tum interim, si quid non æqui processisset, ipse operis auctor & caput, pulsata campana, quæ ad hoc in summitate molis locata erat, omnes simul consistebant. Inter vertendum vero adeo ingens trochlearum, ac poliarum strepitus, stridorq; rudentum & rotarum erat, vt terræ motui aut tonitruui simile quidpiam esse videretur, & vix humanæ voces exaudirentur: sed & campana, & manibus, & pileis ad consistendum annuerent. Deinde cum exactum esset, quod refarciendum & colligendum erat, tum denuo signo dato ab ipso architecto, ad tubæ sonitum opus instaurabatur, atque adeo vicissim pluries, prout opus erat, tum ad motum, tum etiam ad consistentiam est processum, donec primo die ternos circiter pedes à columine sublatus est: atque lignea eidem fulcimenta supposita, vt inde ad vehendum curuaretur. Octauo deinde subsequenti die, qui fuit Nonis Maij, ad id peragendum paratis eodem ordine struendis: sed magna ex parte dies ea actione consumptus, tandem vespere incolumis Obeliscus, & illæsus in via stratus, & coæquatus est. Verum in ipsa coæquatione hic ordo, vt memini, seruatus: cum enim lapis hic erectus esset prope antiquam tribunam, quod sacrarium hodie est basilicæ principis Apostolorum, frangendus fuit paries eiusdem sacrarij ab utroque latere, (ex eoque sepulcrum Calisti III. summi Pontificis, quod in ea sacrarij parte intrinsecus exstabat tollendum, atque in Ecclesia reponendum) vt dum curuaretur calx Obelisci sensim retraheretur, senis (si probè memini) rotis seu arganis, quod mox paulatim in ipsa declinatione pondus machinæ ad terram vergentis tum diminueretur, tum etiam quo rectius res procederet, vt penitus scilicet prostrata mole, radix Obelisci leniter in columine reperiretur, sicq; ita demum ex animi sententia res processit, vt manibus propemodum in planum reposita, & collocata moles videretur. De euectione à suo priori loco ad forum vsque nihil referre attinet, tum modicum ob intervallum, tum etiam ob facilitatem euehendi, nam via qua vectus est, ab vna ad alteram sedem in æquum strata ac complanata est, aggeribus vbi esset opus additis, qui ad duorum columinum ipsius Obelisci coæquationem extitere, vt facilius eleuaretur. In subleuatione deinde, quæ acta est die quarto Iduum Septembris sequentis, postquam in forum est deuectus, vbi ad præsens exstat fabricata denuo eadem mole lignea, seu castello aliquatenus altiori, ob altitudinem nempe duorum columinum, seu basarum, quibus superimponi debebat, eodem ordine, forma, machinis, & instrumentis, quibus ad declinationem sunt vsi, in pristinam faciem restituerunt. Iam verò quàm à primæua sede conspicuus appareat, Leonumque inauratorum simulacris æneis quatuor, quasi in Obelisci fulcimentum additis, in singulisq; angulis dispositis, facile

facile fecernere licet, quātum ab eo quo prius vidimus statu distet, honorificentiorq; sit; superimposito maximè stigmatibus summi Pontificis sacratissimæ crucis signo, in quo est salus, vita, & resurrectio nostra. Nam et si antea pila ænea imposita ei erat, (in qua Iulij Cæsaris extitisse circumferebant) quæ nempe figura est orbis, & mundi huius: nunc demum pila ablata, & cruce reposita. Hæc est quæ vincit mūdum & potestatem diaboli, in qua Saluator noster triumphauit; quam vtinam sic recipiamus, vt gloriam in ea triumphati videamus.

Inscriptio autem quæ vndiq; post Obelisci translationem à summo Pontifice addita est, talis exstat.

In superiori primum parte ab occiduo latere, qui nempe basilicæ principis Apostolorum opponitur, sic habet.

SANCTISSIMÆ CRVCI SIXTVS V. PONT. MAX. SACRAVIT E PRIORI SEDE AVVLVSVM ET CÆSS. AVG. AC TIB. I. L. ABLATVM. M. D. LXXXVI.

In eodem latere in cippo, seu basi, qua Obeliscus sustinetur.

CHRISTVS VINCIT CHRISTVS REGNAT CHRISTVS IMPERAT CHRISTVS AB OMNI MALO PLEBEM SVAM DEFENDAT.

In eo latere, qui Meridiem spectat.

SIXTVS V. PONT. MAX. OBELISCVM VATICANVM DIS GENTIVM IMPIO CVLTV DICATVM AD APOSTOLORVM LIMINA OPEROSO LABORE TRANSTVLIT, ANNO. M. D. LXXXVI. PONT. II.

In eo qui ad Orientem vergit.

ECCE CRVX DOMINI FVGITE PARTES ADVERSÆ VICIT LEO DE TRIBV IYDA.

In ea parte, quæ Septentrioni opponitur.


SIXTVS V. PONT. MAX. CRVCI INVICTÆ OBELISCVM VATICANVM AB IMPVRA SVPERSTITIONE EXPIATVM IVSTVS ET FELICIVS CONSECRAVIT ANNO M. D. LXXXVI. PONT. II.

Inferius verò minoribus litteris, sic habet.

Dominicus Fontana ex pago Mili agri Nouocomensis, transfudit & crexit.

## C A P. CLIV.

### *Equi ænei simulacrum in ædibus Oricellariorum.*



QVI ænei simulacrum ingens, quod ad præsens in ædibus Oricellariorum visitur, prope arcum Domitiani (decem enim cubitorum, seu maius viginti palmorum altitudinis, totidemq; lōgitudinis exstat) de anno 1563. & 1564. pro Henrici II. Galliarū regis memoria, & monumento in summitate montis Quirinalis, in ipsis Thermis Constantinianis, ac domo Martij Cæcij, prope parvam Ecclesiam S. Hieronymi conflatus est à Daniele Ricciarello Volaterrano, præstanti illius temporis artifice, cui cum Michaeli Angelo Bonarota artifice celeberrimo, ac præstantissimo summa familiaritas intercessit: qui cum plasticen, seu formam ipsius equi, antequam conflaretur animaduertisset, plurimum collaudasse ferunt præstatiā ingenij viri illius ex eo opere; Nam cum ipsi Michaeli Angelo negotium hoc equi conficiendi demandatum esset; ipseq; iam senio confectum se videret, nonagenarius



narius enim & ultra tunc degebat, huius operis prouinciam cum regiis agentibus Danieli demandandam curauit: fore enim ut ipsa cōflatio egregia prodiret: Sed eo fere tempore quo simulacrum id est cōflatum, ipse Michael Angelus vita functus est, ac paulo post ipse etiā Daniel eum est sequutus. neuter enim eorum cōflatū vidit opus. Interea mortuo Henrico Galliarum rege, ac bellis intestinis & tumultibus vexata Gallia, mansit idem equus eo quo cōflatus fuerat loco, annos fermè duos & viginti: Lutetias enim Parisiorum asportandus erat, ac in principali illius ciuitatis foro locandus, ob ipsius Henrici regis monumentum, vna cum eius itidem æneo simulacro assidente, uti videmus in equestri statua ænea M. Aurelij Antonini in area Capitolina locata, ad cuius ferè imitationem exemplar effectum est, præter id, quod Antoninus pedem dextrum, hic verò sinistram attollit, ne vnum & idem opus artificem cōfecisse videretur: sub cuius solea sublato pedis, auctoris nomen insculptum cernere licet. Verum cum ob diutina bella (ut diximus) quæ in Galliis diu consequuta sunt, regij simulacri opus destitutum esset: cumq; Horatius Oricellarius negociator primarius Florētinus, quo Henricus III. Galliarum rex, eiusdem Henrici cuius supra meminimus, filius, in publicis aliquot regni negociis utebatur, bene de ipso rege commeruisset: ob ingenij præstantiam fideiq; integritatem, ab eodem, (ut ferunt) equi ipsius quem diximus simulacro liberaliter donatus est, quod anno 1586. è Quirinali ad suas ædes deuehendum curauit, vbi ad præsens sub vna ex porticibus domus parastatæ impositum extat. Ferunt in hoc simulacro ad sex millium & quingentorum numorum aureorum summam impensum: ac quinque & viginti millium pondo constare, quod à Michaele Albertio, qui & operi equi illius interfuit, & totius negotij & impensæ notitiam habebat, nobis relatum est.

## C A P. CLV.

*Fons in Platea Matthæiorum.*

OSTEAQVAM aqua quæ Salonia dicitur, Gregorij XIII. Pon. Max. tempore in vrbe ad fontes producēdos, aliosq; varios vsus cœpta est deriuari; inter alios qui sumpto publico ad eiusdem vrbis ornatum & commodum, fabricati sunt fontes, præstantissimus, ob artificij excellentiam Pop. Rom. iubente, ac Mutio Matthæio viro inter Romanos ciues primario curante, ille videtur, qui in foro Matthæiorum cernitur, vbi olim circum Flaminium fuisse scribitur. In eo namq; quatuor sunt vasa ad conchiliorum similitudinem ex Africano marmore insculpta, quibus totidem ænei Delphini superstant, ore in vasis hisce suppositis aquam promentes; superq; his quaternaria iuuenum ænea simulacra miro artificio cōflata, quæ pedes alternos attollentia, delphinatorum capita premunt, alternosq; extendunt, sicut itidem manu altera caudam ipsius marinæ belluæ vicissim attrēctant, altera ad inuicem quasi labrum, seu concham superiorem fulcientia, eniti videntur. Hic inter cæteros, qui nostra ætate Romæ constructi sunt fontes, præstantioris atque absolutioris operis spectatur. Quæ simulacra ænea, anno 1585. cōflata sunt ab egregio artifice Thadæio Landino Florentino. In hoc toto fontis opere ad mille ducentos nummos aureos impensum esse, nobis à fide dignis relatum est.

*Hippodromus.*

**D**YRRHVS Ligorius qui præstans fuit nostra tempestate artifex, & antiquitatum vrbis Romæ peritus, cuius etiam alibi (vt decet) honeste meminimus, ac eius sententiæ plurimum in hoc assentimur, in illius quam protulit antiquæ vrbis chorographia, Hippodromum Caii & Neronis Cæs. in ea Vaticani parte locauit, vbi ingens Obeliscus (qui ad præfens media in area principis Apostolorum erectus cernitur) etiam ætate nostra fuerat locatus; qui locus prope sacrarium, ac ingentem ipsius Basilicæ fabricam extat, ac celebre cæmeterium, qui vulgo Campus Sanctus dicitur: ibi namque equorum cursus & exercitatio habebatur, atque ludi, & spectacula quadrigarum nonnunquam exhibebantur: Hippodromus enim ab ἵππος Græcè hoc est equus, & δρόμος, hoc est cursus, dicitur, quasi equorum cursus, seu agitatio, vt nostrates aiunt. Locus hic latus ac patens in planum campum fuisse, nulli dubium esse opinor: de quo Martialis libro duodecimo, & Plaut. in Cistellaria meminere. Marlianus autem noster in pratis Quintiis Hippodromum extitisse scriptum reliquit, libro enim quinto, c. 22. in fine, cum de pratis Quintiis egisset in hæc ait verba: Prata autem Quintia à L. Quintio Circinnato denominata in Campo Vaticano fuisse, Pli. sic commemorat. Aranti quatuor sui iugera in Vaticano, quæ prata Quintia appellatur, viator attulit dictaturam. Nunc cernuntur adhuc vestigia (vt videtur) cuiusdam Circi siue Hippodromi. Hactenus Marlianus: At idem auctor lib. eodem capit. superiori, vbi de campo Vaticano tractat, sic suggerit. Cornelius vero Tacit. ait Neronem clausisse in valle Vaticana spacium, in quo equos regeret, atque permixtum plebi circensè ludicrum habitu aurigæ edidisse, obtulisseq; hortos suos ad varia in Christianos tormentorum genera. Et quia Pli. Obeliscum Vaticani in Neronis circo stare scribit, arbitrantur nonnulli non tantum circum ipsum, sed & nauale stagnum eo in loco secus montem, qua ad portam itur nunc Pertusam appellatum, hortosque eius à clausura Circi ad Tyberim fuisse, &c. Meminit & Circi Neronis Blon. Flau. lib. 1. Romę instauratæ n. 45. & 46. his verbis: Hortos suos ei spectaculo Nero obtulerat, & circensè ludicrum edebat habitu aurigæ, permixtus plebi, vel curriculo insidens. Vnde quanquam aduersus fontes, & nouissima exempla meritos animaduerneretur miseratio oriebatur, tanquā nō vtilitate publica, sed in seuitiā vnus absumeretur. Ostendimus autem supra Cor. Tacitum scripsisse, Neronem clausisse in valle Vaticana spacium in quo equos regeret, haud promiscuo spacio, & hoc in loco dicit hortos illum suos spectaculo supplicii Christianorum obtulisse, & circensè ludicrum edidisse. Clausum itaque in valle Vaticana spacium illud non dubitamus esse, cuius nunc multis in partibus demoliti muros, & sediliū dimidiatos fornices per vineas, quæ moli Hadriani subiacent, cernuntur, quam Plin. semper, vbi de Obelisco, qui est in Vaticano mentionem facit, illum designat in Caii & Neronis circo positum fuisse. Et cum neque ipsa Had. moles, neq; coniunctus pons tunc essent, quæ anno ab inde centesimo Hadriani Imperatoris opera fuerunt, non immerito (vt mihi videor) crediderim circum Caii, & Neronis partem suburbii, qui nunc est Vaticani, occupauisse, & hortos à Circi illius clausura, ad Tyberim pertinuisse. Hactenus Flavius: quibus verbis & superius citatis clare videtur Hippodromum in iplo circo Caii, & Neronis penitus extitisse, licet vno tantum nomine Circus appellabatur.



*Templum Pudicitiae.*

VO D duo fuerint templa Pudicitiae, alterum nempe Patriciae alterum Plebeiae ex variis auctoribus patet, licet satis fuerit ex vno Liuidio hoc ostendere, cuius locum totum hic subnectendum duxi, ait enim lib. 10. ab V. C. anno 456. de templo, seu sacello Pudicitiae, in haec verba: Eo anno multa prodigia fuerunt, quorum auerruncandorum causa, supplicationes in biduum Senatus decreuit: publice vinum ac thus sacrificiis praebitum supplicatum iere frequentes viri feminaeque. Insignem supplicationem fecit certamen in sacello pudicitiae patriciae, quae in foro boario est ad eodem rotundam Herc. inter matronas ortum. Virginiam Auli filiam patriciam plebeio nuptam L. Vol. Cos. matronae quod est patribus enupsisset, sacris arcuerant. Breuis altercatio inde ex iracundia muliebri in contentionem animorum exarsit, cum se Virginia & patriciam & pudicam in patriciae Pudicitiae templum ingressum, & vni nuptam, ad quem virgo deducta sit, nec se viri honorumque eius, ac rerum gestarum penitere, verogloriaretur. Facto deinde egregio magnifica verba adauxit. In vico longo vbi habitabat ex parte aedium quod satis esset loci modico sacello exclusit, aramque ibi posuit, & conuocatis plebeiis matronis, conquesta iniuriam Patriciarum: Hanc ego aram, inquit, pudicitiae plebeiae dedico, vosque hortor, ut quod certamen virtutis viros in hac ciuitate tenet, hoc pudicitiae inter matronas sit, detisque operam, ut haec ara, quam illa, si quid potest esse sanctius, & a castioribus coli dicatur. Eodem ferme ritu & haec ara quo illa antiquior culta est, ut nulla nisi spectatae pudicitiae matrona, & quae vni viro nupta fuisset, ius sacrificandi haberet. Vulgata deinde religio a pollutis, nec matronis solum, sed omnis ordinis feminis, postremo in obliuionem venit, &c. Haec de Pudicitiae sacellis habet Liuius, cuius etsi solo testimonio satis superque esset inniti, tamen Marliani etiam in hoc videnda est assertio, qui quidem eius urbis Topographiae lib. tertio, capite 15. cum aedis arae, ac simulacri Herculis commemorasset, in haec verba de templis ipsius Pudicitiae subdit. Non procul ab hac ara fuit Pudicitiae patriciae aedes ab Aemilio condita, auctor Liuius: Cuius deae plures aedes sacras Romae fuisse innunt Prop. haec carmina, lib. 2. Eleg. 6.

*Templa Pudicitiae quid opus statuisse puellis?*

*Si cuius nuptae quidlibet esse licet?*

Et prosequitur idem author: Signum Pudicitiae, quam quidem (ut refert Sex. Pompeius) fortunam esse existimant, fuit in foro boario, vbi familia sedisset Hercules, cuius sacra non obibant plebeiae: quare in Vico longo Pudicitiae sacellum a Virginia plebeia excitatum est, ut in eo eius deae sacra plebeiae peragerent. Haec tenus Marlianus, quibus colligitur vbi fuerint Pudicitiae templa, & a quam alterum eorum, plebeiae nimirum, excitatum fuerit.

*Pons Triumphalis.*

E Ponte Triumphali quicquid apud probatos auctores scriptum inuenimus, & quo nempe loci, & ad quem finem & effectum erectum fuerit, in medium nunc afferamus. Blondus enim Flavius lib. 1. eius Romae instauratae num. 41. de eo sic habet: Pons cuius pilarum fundamenta nunc ad Sancti Spiritus hospitale in Tyberi cernuntur; & porta in intimam Tyberis ripam cuius fundamentorum moles extat, & via ab

eo ponte ad Cæsaris Obeliscum ad arcem Basilicæ S. Petri subiectum: secundum radius montis Vaticani protensa triumphali nomine appellabantur, nec alterius quam ad Beati Petri Basilicam, ea via (quod coniecere potuerim) protendebatur. Quin mihi constat, viam ipsam nullatenus fuisse largiorem, quicquid soli prædictam Basilicam, aut Obeliscum, & Apollinis Templum adiacebat, Triumphale appellabatur. De porta autem quod diximus, clare & copiose probat Iosephus in libro septimo de captiuitate Iudaica, vbi Vespasiani, & Titi Imperatorum describit Triumphum. Dicit enim ipsos Imperatores, qui non in Palatio maiori, sed in Iſidis templo nocte quieuerant, ad Octauianas deambulationes transiisse, vbi eos Senatus, & honorati equites præstolabantur. Et cum fauor militaris eisdem meritis ornasset laudibus, votis rite celebratis, ad portam recessisse, quæ ab eo quod per illam semper triumphorum pompa duceretur, nomen accepit, finisque pompæ fuit Capitolini Iouis templum. Territorii etiam triumphalis non leue testimonium habet vita Beati Petri Apostolorum principis à beato Hieronymo presbytero, vt titulus præfert, siue, vt aliqui volunt à Damaso Papa scripta, vbi dicitur beatum Petrum fuisse sepultum in Ecclesia sui nominis, quæ ad templum Apollinis, iuxta territorium Triumphale fuerit ædificata, & constantem retinet famam ætas nostra, pontem de quo diximus, nobilium fuisse, nec ille vnquam rucolas transiisse. Habet etiam incidenter monumenta commutationis factæ Calendis mensis Aug. siue Sextilis à memoria victoriæ Octauiani Cæsaris Augusti de Anton. & Cleopatra, ad liberationem Beati Petri à carcere, & catenis Herodis: Vnde festum ipsius D. Petri ad Vincula celebramus. Cineres C. Cæsar. Obelisco insigni positos, qui cernitur in territorio triumphali. Hactenus Flavius de Ponte, Porta, Via, ac territorio Triumphali, quem diffusius quam cæteri hanc rem sequutum, hic ad verbum totumque eius locum apponendum censui. Marlianus autem fere ad verbum locum Flauii describens libro secundo, capite 8. in hæc habet verba: Vrbis portis tandem descriptis, portæ etiam Triumphalis licet extra pomerium esset, operæpretium fuerit locum ostendere. Pontem igitur cuius pilarum fundamenta infra pontem Hælium cernuntur, & portam, cuius vestigia ad intimam Tyberis ripam olim extabat, viamque ad Cæsaris Obeliscum protensam, Triumphali nomine appellatos esse nonnulli opinantur: quoniam Iosephus Vespasiani, & Titi triumphum describens, ait ipsos, non in palatio maiori, sed in Iſidis templo nocte quieuisse, transiisseque ad Octauianas ambulationes, votisque rite celebratis, recessisse ad portam, quæ ab eo, quod per illam semper triumphorum pompa duceretur nomen acceperit. Quibus verbis constat Capenam non esse eandem quæ triumphalis: Nam ambulationes Augusti fuere ad Mausoleum. Fit igitur verisimile hinc per portam & pontem Triumphalem eò profectum esse, vbi nunc est hospitale Sancti Spiritus. Suetonius commemorat, quosdam Senatores censuisse Augusti funus porta Triumphali ducendum. Hactenus Marlianus. Sed idem auctor libro quinto cap. 18. cum de pontibus in specie loqueretur, ac præcipue de ipso Triumphali, ita subscribit: Pontis autem Triumphalis pilæ in Tyberi adhuc cernuntur è regione hospitalis Sancti Spiritus. Triumphalis est nuncupatus, quod per ipsum triumphantes transirent, sequitur supra hunc ad teli iactum pons, nunc Sancti angeli dictus, olim vero Hælius ab Hælio Hadriano, qui eum prope sui sepulcri molem excitauit: Spartianus: Fecit, inquit, & sui nominis pontem & sepulchrum iuxta Tyberim: quem pontem nulla alia de causa posuisse arbitramur, quam vt per ipsum transeuntes propius dictam Molem spectarent, cum Triumphalis publico vsui satisfacere videretur. Quibus verbisprehenditur pontem Triumphalem non ad alium finem excitatum esse, quam vt per eam tantum Triumphantes urbem ingredientibus cum pompa, manubiis, &



captiuis transire solitos fuisse, non vt triumphantes tantum, & nobiles per ipsum vt Flavius innuere videtur, sed (mea quidem sententia) vt Triumphantes, Vrbem, vt diximus, ingressuri, cum pompa apparata, & captiuis per pontem illum tantum, & non aliunde transire deberent. Hunc autem quando, & à quo excitatum, nihil adhuc certi nobis est, nisi coniectari liceat Consulum tempore, cum primum Romæ triumphari est ceptum, vt aliquis esset peculiaris triumphantibus in Vrbe locus, tum in ingressu ipsius Urbis, tum etiam in transitu, ac demum accessu ad ipsum Capitolium, vbi certum est triumphantes Ioui Victori constitisse, ædificari sit ceptus ad publicum Urbis decorem & ornatum. Itaque & porta primum, & territorium, & pons, atque via, hac de causa Triumphalia vocitata fuisse. Pontem hunc vel fluminis impetu deiectum, prout Senatorium ætate nostra vidimus, ac denuo resectum, seu barbarorum sæuitia & feritate euersum adhuc nobis exploratum est: iamdudum vero pro certo esse esse desiisse.

C A P. CLIX.

*Pons Sublicius.*

ONTEM Sublicium ab Anco Martio ligneum primo excitatum fuisse Liuius memorat, ab eoq; Sublicius dictus, quasi subligatus: postea vero ab Æmilio lapideus factus, Æmilius dictus est, licet Sublicii nomen nunquam amiserit. Super hunc pontem narrat idem Liuius Horatium Coclitum Romanum ciuem præstantissima virtute, & robore virum, solum Hetruscorum in urbem irrumpentium impetum vsque adeo sustinuisse, quoad Romani pontem ipsum post illius terga perfregissent: atque cum inde se vna cum equo in Tyberim præceps deiiceret, incolumis verique vna cum patria seruatus est. Vnde pariter ob tanti viri, & facti memoriæ egregiè veteres ex ponte illo Argeos, hoc est Scirpeas imagines quotannis per Virgines Vestal. in Tyb. proicere solitos fuisse, quod & testantur nonnulla argentea verusta, ac parua numismata Argeorum hac historia insculpta: de quibus etiam Festus sic ait: Argeos vocabant scirpeas effigies, quæ per Virgines Vest. annis singulis iaciebantur in Tyberim. Põtis huius in hunc vsq; diem pilarum fundamenta cernuntur ad eam pertinentia Tyberis ripam, vbi naualia sunt ad præsens. De ponte hoc Pli. ita meminit lib. 36. c. 15. vbi de ædificiis sine clauo & aliis mirabilibus ædificiorum Rom. agit, in hæc verba: Olympiæ autem arte, mirabili modo, in porticu, quam oppidani heptaphonon appellant, quoniam septies eadē redditur. Cyxici & buleutorium vocant ædificium amplū sine ferreo clauo, ita disposita contignatione, vt eximantur trabes sine fulturis, ac reponantur. Quod itē Romæ in Ponte Sublicio religiosum est, postquam Coclitæ Hor. defendente agrè reuulsus est, &c. Hactenus Plin. Legitur etiam ex Blondi Flauii Rom. instauratæ lib. 1. num. 29. Antoninum Pium Imperatorem marmoreum fecisse, seu potius iustaurasse, nam ex Liuiο Æmiliū Lepidum marmoreum construxisse constat. De eius pontis prima constructione sic habet Liuius primo ab Vrbe condita in Anci Marcii gestis: Ianiculum quoque adiectum, non inopia loci, sed ne quando ea arua hostium esset id non muro solum, sed etiam ob commoditatem itineris, Ponte Sublicio tum primum in Tyberi factō, iungi vrbi placuit, &c. Sed quid de hac tota re Liuius habeat, dum ne lectorem legere pigeat, totam huius rei seriem & historiam ex Liuiο hic subtexuimus, quam ex libro 2. Annalium 246. ad V. C. sic refert: Cum hostes adessent, pro se quisque in urbem ex agris emigrant: Urbem ipsam sæpiunt præsidiiis, alia muris, alia Tyberi obiecto videbantur tuta. Pons Sublicius iter pene hostibus dedit, ni vnus viri fuisset Hor. Cocles id munimentū illo die Fortuna vrbs R. habuit, qui positus forte in statione põtis

cum captum repentino impetu Ianiculum, atque inde citatos decurrere hostes vidisset, trepidamque turbam suorum, arma aditusque relinquere, reprehensans singulos, obstitens obtestansque Deum & hominum fidem, testabatur nequidquam, deserto præsidio eos fugere, si transitum pontem à tergo reliquissent: iam plus hostium in Palatio Capitolioque quam in Ianiculo fore, itaque monere, præcipere, ut pontem ferro, igni, & quacunque vi possent interrompant: se imperiū hostium, quantum corpore vno posset obstiti excepturum. Vadit inde in primum aditum pontis, insignisque inter conspecta cedentium pugnae terga obuersis cominus ad ineundum prælium armis ipso miraculo audacię obstupescit hostes, duos tamen cum eo pudor tenuit, Sp. Lartium, ac T. Herminium, ambos claros genere factisque, cum his primam periculi procellam, & quod tumultuosissimum pugnae erat, parumper sustinuit: deinde eos quoque ipsos exigua parte pontis relicta, reuocantibus, qui rescindebant cedere, in tutum coegit: circumferens inde truces minaciter oculos ad proceres Etruscorum, nunc singulos prouocare, nunc increpare omnes: sequitia regum superborum suae libertatis immemores alienam oppugnatum venire. Cunctati aliquandiu sunt, dum alius alium, ut prælium incipiant, circumspectant. Pudor deinde commouit aciem, & clamore sublato, vndique in vnum hostem tela coniciunt, quæ cum in obiecto cuncta scuto hæssissent, neque ille minus obstinatus, ingenti pontem obtineret gradu, iam impetu detrudere conabantur virum, cum simul fragor rupti pontis, simul clamor Romanorum alacritate perfecti operis sublatus, pauore subito impetum sustinuit. Tum Cocles; Tyberine pater, inquit, te sancte precor, hæc arma, & hunc militem propitio flumine accipias. Inde sic armatus in Tyberim desiluit, multisque super incidētibz telis, incolumis ad suos transiuit, rem ausus pueritas fuit, statua in Comitio posita, agri quantum vno die circumarauit, datum: priuata quoque inter publicos honores studia eminebant: nam in magna inopia pro domesticis copiis vnusquisque ei aliquid fraudans se ipse victu suo contulit. Porcenna primo conatu repulsus, consiliis ab oppugnanda Vrbe ad obsidendam versis, præsidio in Ianiculo locato, ipse in plano ripisque Tyberis castra posuit, nauibus vndique accitis, & ad custodiam positis, ne quid Romam frumenti subuehi sineret, &c. Hæc tenus Liu. de historia Hor. Cocli. super ipso ponte gestorum. Marlianus vero de ponte hoc variis in locis subscribit, primum namque libro primo capite 4. vbi de vario vrbis ambitu disserit, sic habet; Ancus Urbem ampliavit, nouæque multitudini Auentinum concessit. Multis postea Latinis in ciuitatem acceptis, Ianiculū quoque vrbiconiunxit, ponte Sublic. tunc primum factō, Quiritium fossam in planioribus Vrbis circumduxit, &c. Idem auctor deinde li. quinto cap. 14. vbi ex professo de ponte sacro, & Sublicio edisserit, sic apponit: Auspicemur autem ab eo qui omnium primus positus est. Epicardus enim prodidit, Herculem, occiso Gerione, cum victor per Italiam armenta duxisset, pontem supra Tyberim ad tempus struxisse, quem pontem sacrum appellatum esse ait Dionysius: Fuitque ea parte, qua postea Sublicius ab Anc. rege perpetuo māsurus extructus, licet totus ligneus. Nā sine ferreo clauo, sine fulturis ita dispositus erat contignatione, ut trabes per bella eximerentur, ac reponerentur. Quod quidem sic facere religiosum fuerat, postquam Coclite defendente agrē reuulsus est, auctor Plinius. Hunc pontem Sublicium Lapidium, deinde Æmilium Lepidum Prætorem fecisse memorant, & ab eo Æmilium pontem, Lepidiue denominatum. Vnde Antoninus imperator in Itinerario: Post iterum inquit vnus effectus per pontem Lepidi, qui nunc abusiue Lapidius dicitur. Hunc Tyberinis fluctibus læsum restituit Tiberius. Cornelius Tacit. refert Othone imperante, subita inundatione fuisse diruptum, quem longotem-



go tempore post Antoninum Pium restituisse scribit Iul. Capitolin. Huius pontis supra naualia extant vestigia ex magnis marmoreisque saxis. Neque enim est cur non credamus hæc fuisse huius pontis vestigia, quanquam de eius loco varia traduntur: constat enim ad Auentini radices stetisse, quod etiam innuit Appian. his verbis: Auentinus ascenderat Gracchus, mox inde fugiens per pontem ligneum ad alteram fluminis partem euectus est. Sublicius autem dictus est quia ilex species est quercus ex qua confici solebat, vel ut alii à Sublicibus lignis, lingua enim Volscæ magnæ trabes ad perpendicularum directæ Sublices vocantur, quales in pontium substructionibus fere defiguntur, quia pronæ nimio sui pondere minus firmiter iacerent, & ideo Cæsar in pontis supra Rhenum institutione ait se tigna posuisse, non sublice modo directæ, sed pronæ. Hactenus Marlianus de ponte Sublicio, cuius ne longior sum, cætera omittenda duximus.

## C A P. CLX.

*Senaculum seu Senatulum.*

**V**i & quid fuerit Senaculum, facile innuitur (si Blondo Flauio credimus) ex eius libro secundo, nu. 62. & 65. his verbis: Varr. namque cum dixisset Tullum Hostilium regem curiam Hostiliam ædificasse, sic sequitur: Ante hanc Rostra, sub dextra huius Comitio substructus, vbi nationum subsisterent legati, qui ad Senatum essent missi: hic Græcostasis à parte vt multa, Senaculum supra Græcostasim, vbi Ædes Concordiæ & Basilica Opimia, Senaculum vocatum, vbi Senatus, aut vbi Seniores consisterent. Quatuor hic, Rostra, Comitium, Græcostasim, & Senaculum, quæ in Reipublicæ administratione maximo semper vsui fuerunt indicaturi, ordinem Varro nis sequimur: Et sequitur idem auctor infra numero 65. Senaculi autem locus supra Græcostasim constructus, vbi fuerit, vltra dicere non expedit, cum vtriusq; ædificii ruinas in vinetis coniunctas consulasque cernamus, &c. Sed cum hic de Senaculo mulierum dicere aggressi, non nihil edisseramus, videndum nobis primum est quid de eo Marlianus scripserit, is enim lib. quarto, cap. 23. Senaculum mulierum in colle Quirinali Lampridii testimonio fuisse subscribit, dum ea quæ in eodem colle fuerant recenset his verbis: Senatulum mulierum in Quirinali Heliogabalum fecisse, eo in loco in quo antea fuerat conuentus matronalis solennibus duntaxat diebus refert Lampridius, &c. De Senaculo autem in genere idem auctor alibi insinuat, & vbi ab initio fuerit, libro enim secundo capite secundo sic ait, cum de nonnullis, quæ in Capitolino Colle fuerunt, sermonem haberet, in hæc Vitruuii verba: Item in Capitolio commune facere potest & significare mores vetustatis, Romuli casa in arcu sacrorum stramentis tecta. Ad eandem autem, vel vbi illa fuerat, Senaculum stetisse innuit Liuius, cum ait, Censores porticum ab æde Saturni in Capitolium ad Senaculum, ac super id Curiam strauisse, &c. & alibi nempe libro tertio capite decimo, ostendens Curiam & Senaculum idem prorsus esse, ait his verbis: Non enim omnes ædes sacra erant templa: Curia augurato condita erat templum, ædes sacræ non augurato conditæ, templa non dicebantur, neque in illis poterat haberi Senatus, auctor Varro, qui cum duo Curiarum genera fuisse ostendat, videlicet Curiam vbi curarent Sacerdotes res diuinas, vt Curiæ veteres, & vbi Senatus humanas, vt Curia Hostilia, apparet Curiam & Senaculum idem esse, alterumque à cura, alterum à Senatu, id est senioribus, publicas res curantibus denominatum. Et quia in hostilia res humanæ tantum curabantur, ideo alibi ait eam esse quidam templum

sa&ndum non esse. Verum quoniam Sex. Pompeius ex Nicostrato memoriæ prodidit, Senacula Romę tria fuisse: Vnum inquit, vbi nunc ædes Concordiæ inter Capitolium & forum, in quo solebant magistratus cum senioribus deliberare: alterum ad portam Capenam: tertium intra ædem Bellonæ, in quo exterarū nationum legatis, quos in Urbem admittere volebant Senatus dabatur, significat suo tempore desisse S. C. fieri in Concordiæ templo, alioquin solent, non solebant, dixisset, & templum nō ædem appellauisset. Eius enim verba innuunt, Senaculum diuersis temporibus variis in locis institutum. Sed nec te moueat quod cum ipse tria Senacula tantum cōmemorarit, hos quartum ex verbis Cor. Tac. in Capitolio fuisse ostenderit: Varroq; supra Græcostasim quintum. Nā pleriq; augment, plerique fundant, & ad eos transeunt nomina; & in tam multis locis: in tanta etiam rerum varietate, nomina, locaq; & numerus ipsorū sæpē est mutatus, &c. Idem etiam auctor alibi, eodē nempe li. 2. c. 16. cum de Græcostasi, & aliis quæ in dorso Palatini mōris fuere, sermōcinaretur, in hæc ait verba: Quod autem ait Plin. in delubro Concordiæ cornu aureo Augustæ dono fuisse gemmam sardonichem inclusam, Marfyamq; religatam, & Cassandram à Theodoro pictam, de quo delubro intelligat dubium est. Senaculum autem fuisse supra Græcostasim, vbi ædes Concordiæ, & Basilica Opimij Senaculumq; vocatum, vbi Senatus, vel vbi Senatores consisterent; dictumq; à *serena* auctor est Varro. Hactenus Marlianus de Senaculo; cuius satis abundē sit dictum ne longior sit sermō quā res exposcere videatur. Ego verò quid de Senaculo mulierum existimem, breui subscribam: Duplici namque ratione id mihi institutum fuisse videtur publicum ædificium; primò quod inibi mulieres tantum, & fortè pauperculæ tanquam ad proprium tribunal in ius vocarentur; vel alias euocarent, vt quamprimum earum lites & causæ sub certis iudicibus expēdirentur, ne ad Curias, aut alia frequentiora Urbis loca, ac tribunalia trahi cogerentur: vel ad hoc vt matronæ, & quæ moribus & ætate præstantes in Vrbe erant, statis quibusdam diebus, vt Marlianus ipse innuit, ad earum sacra peragenda sisterent, quicquid alij de hoc senserint.

### *Templum Serapidis.*



X Pub. Victoris, seu Fabij (vt nonnulli malunt) libello, quatuordecim in regiones Urbem fuisse olim diuisam accepimus; quod & antiquus lapis marmoreus, in area Capitolina adhuc nostra tempestate exstans, id pariter indicat, cuius inscriptio talis est:

IMP. CÆSARI DIVI TRAIANI PARTHICI FIL. DIVI NERVÆ NEPOTI TRAIANO HADRIANO AVG. PONT. MAX. TRIB. POT. XX. IMPER. II. COS. III. P. P. MAGISTRI VICORVM VRBIS REGIONVM XIII.

Cuius tertia regio, eodem auctore Isidi & Serapidi tribuitur; sic enim in eodem libello habetur; quem etiam & Blondus Flavius, & Raphael Volaterranus, & alij auctores citant, in hæc verba: Regio III. Isis & Serapis continet Monetam, Amphitheatrum, quod capit loca 387. milia, Ludum magnum & Dacium, domum Bruti, Suburam, Lucum pastorum, scholas quæstorū, & capulatorum, Thermas Titi & Traiani, Porticū Liuiæ, Castra Misenatium, &c. ex quo patet, ac pro comperto habetur, Serapidis templum in ipsa regione sui nominis extitisse; quanquā nō desunt qui velint eodē in templo Isidi & Serapidi sacra olim veteres factitasse, Macrobius fultus testim. qui li. 1. Sat. c. 20. Isida & Serapidem vnū & idem cū sole esse ostendit, nec ab eo distingui; illiusq; simulacrum tricipitis animātis signo effingi: quod



quod exprimat medio eodemq; maximo capite leonis effigiem: à dextera parte caput canis mansueta specie blandientis exoriri: pars verò leua ceruicis, rapacis lupi capite finiri: easq; formas animalium draconem suo volumine connectere, capite redeunte ad Dei dexteram, qua conspicitur monstrum: quodq; leonis capite præsens tempus demonstraretur, quia conditio eius inter præteritum futurumq; actu præsenti valida feruensq; sit. Sed præteritum tempus lupi capite signari, quod memoria rerum transactarum rapiatur & auferatur. Item canis blandientis effigiem futuri temporis designare euentum, de quo nobis spes licet incerta blanditur. Tempora autem ritè proprio famulantur auctori, cuius vertex insignitus calathò, & altitudinem sideris, & potentiam capacitatis ostendit, quia in eum omnia terrena redeunt. Hæc ex Macrobo. Sed & vt aliquid etiam liceat de ipso Serapide subnectere, quis nam fuerit, & vbi primum cultus, attendamus. Serapis igitur apud Ægyptios idem sonat quod sacer bos (apis enim bos appellatur eorum lingua) cuius historia fufius tum apud Herodotum, ac Diodorum Siculū, tum etiam Ammian. Marcellin. libro 22. innuitur. sic namq; se habet. Apis nomen fuit bouis apud Ægyptios, quem pro deo colebant; alio nomine Serapis: corpore erat niger, candida fronte, in tergo alba nota insignis, duplicibus pilis in cauda, & lingua cantharo notatus, quem certos vitæ annos excedere non licebat. Hunc in lacum demersum Ægyptij indicto iustitio, veste scissa, & laceratis crinibus defunctum plangebant: inuentò verò alio mirificè lætabantur. Responsa autem dare non vt cætera oracula solitus: sed si manu oblatum pabulum sumpsisset à consulentibus, secundus euentus; atque omnia prospera decernebat: si verò abnuerat, omnia sinistra protendebat. Ideo cum à Germanico Cæsare pabulum oblatum renuisset, functum omén & indubiani necem, quæ paulo post secuta est, pronunciauit.

Ipse etiam Serapis Osiris prius dictus est, qui fuit Iouis filius ex Niobe Phoro-nei filia: qui Phronco in regnum Argiuorum successit, qui postea Ægiale fratre præfecit regno Achæ, & ad Ægyptios transfretauit gloriæ desiderio, quos cum subegisset, Isidem quæ & Io vocabatur, Inachi primi regis Argiuorum filiam duxit vxorem. Vbi cum illa literas, Osiris varias artes Ægyptios docuisset, vterque diuinis honores meruerunt. Tandem à Sityphone Ægyptio, vel (vt Seruius ait) à Typhone fratre clam occisus ab Iside diu quaesitus est. Demum apud Phialam iuxta Syenem laceratus repertus est; curauitq; eum Isis sepeliendum in Abato insula eius paludis, quæ Memphi proxima est, quam etiam Stygeni, id est, mærorè appellauit, nec nisi sacerdotes certis diebus, eosq; vittatos eò accedere voluit. Sed cum apparuisset Ægyptiis deinde bos quidam, Osirim putarunt, adoraueruntq; vt deum, & vocauerunt Apim, id est bouem, eorum lingua; deinde verò dictus est Serapis, de quo Tibull. lib. 1. eleg. 7.

*Tecanit atque suum pubes miratur Osirim  
Barbara, Memphitem plangere docta bouem.*

De Osiride sic habet Euseb. lib. de Præpar. Euangel. Diodorus Siculus inducens: Ægyptios ferunt primos omnium motum, ordinemq; cælestium corporum admiratos, Solem & Lunam, deos putasse, ac Solem quidem Osirim, Lunam Isim nuncupasse. Ferunt Osirim apud Ægyptios, inuentionem & aratrum, viniq; vsum primum reperisse, aliaq; nonnulla, quæ latè prosequitur Tibull. loco superius citatò.

De templo quoque Serapidis, quod Thebis fuit, meminit Plin. lib. 36. cap. 7. vbi de generibus marmorum & porphireticis agit in hæc verba: Nunquam hic maior repertus est, quam in templo Pacis ab Imperatore Vespasiano Augusto dicatus, argumento Nili 16. liberis circa ludentibus, per quos totidem cubiti summi incrementi augentis se amnis eius intelliguntur. Non ab similibus illi narratur in

Thebis delubro Serapis, vt putant Memnonis statua dicatus, quem quotidiano folis ortu contactum radiis, crepare dicunt, &c. Idem etiam auctor lib. 38. cap. 5. de colosso quodam Serapis sic habet: Apion cognominatus Plistonius paulo ante scriptum reliquit, esse etiam nunc in Labyrintho Ægypti colosseum Serapim à Smaragdo nouem cubitorum, &c. Sed vt de templo Serapidis quæ nobis supersunt complectamur, nonnulli insinuant eo loci in Vrbe fterisse, vbi ad præfens in Cænobio sanctæ Mariæ Nouæ propè celeberrimum Templum Pacis exstat fornicus quædam ampla & ingens vtrinque, seu ab vtroque latere concamerata, in ea parte hortorum, quæ Amphitheatrum spectat; licet alij velint id Iano esse sacrû; quodq; auctore Tito Vespasiani Aug. filio erectum æstimatur, sicut & templum ipsum Pacis ab ipso Vespasiano constructum, & Amphitheatrum ipsum ædificari cœptum, à Titoq; eius filio, debellatis Hierosolymis perfectum: licet aliqui in cænobio S. Crucis in agro Sessoriano, ac nonnulli in Exquilijis extitisse credant. Mihi autem, ex superius deductis verisimilius fit, fuisse in eius regione Urbis 111. vt supra docuimus: cum ab iisdem Iside & Serapide nomen sumperit. Sed cum neminem adhuc legerimus qui Serapidis templo constanter locum præbuerit, opinamur id fuisse sub monte ad balnea Pauli: nam & in ea regione quam P. Victor describit fuisse compertum est, nempe Isidis & Serapidis, cui opinioni ad stipulatur titulus sequens in vetusto marmoreo lapide incisus, etsi ab vtroque latere mutilus, qui que ad præfens hac nostra ætate legitur palmularis literis in pavimento Ecclesiæ S. Agathæ, sub ipso monte vel balnea Pauli, qui talis est.

SERAPIDI DEO

.. M. AVRELIVS ANTONINVS ..

.. IFEX MAX. TRIBVNIC. POTE ..

ÆDEM ..

### Comitium.



COMITIVM, hoc est, ipse Comitiorum locus, nam nostrum id primum institutum est aggredi, vbi, quid, vnde dictum, & ad quid esset, reliquum est vt videamus. Ipsa namq; quæ ad Comitia & ad varia eorum genera spectant, tum Agellius lib. 15. cap. 27. tum etiam ex recentioribus accuratissimè Nicolaus Gruchius Rotomagensis, vir nostra ferè tempestate eruditissimus, ad vnguem perscripsit. Ideo vt ad rem nostram veniamus, Comitium fuit locus, seu ædificium latum & patens in foro, seu propè ipsum forum, in ea parte Palatini montis, mea quidem sententia, quæ propè circû Titi Imperatoris exstat, seu parum infra ipsum arcum, vbi turreis satis magnæ ac vetustæ fragmentum adhuc cernitur, quæ vulgo Pallaria nuncupatur, & infra ipsum Palladium, qui locus superior fuit Comitio, vt ex ipso aspectu patet. Et videtur ab eo Comitij nomen deductum, quasi à coeundo teste Festo, qui sic ait: Comitiales dies appellabant, cum in Comitio conueniebant, qui locus à coeundo, id est, simul veniendo dictus est. Hactenus Festus, vel vt nostro more loquamur à populi multitudine & frequentia, quæ stato quodam tempore & præscriptis diebus illuc, vel ad magistratus eligendos, vel ad alias res quæ ad Rempubl. pertinerent acturi, se conferebant. Sed quid de ipso auctores mei referant, videamus; Blondus namque Flavius in eius Romæ instaurata libro secundo, numero 62. de Rostris & alijs quæ in foro Romano erant, sic pergit: Varro namque cum dixisset Tullum Hostilium regem Curiam Hostiliam ædificasse, sic sequitur: Ante hanc Rostra, sub dextra huius Comitio locus substructus, vbi nationum subsisterent legati, qui ad Senatum essent missi, hic Græcostasis apertè vt multa; Senaculum



Senaculum supra Græcostasim, ubi ædes Concordiæ, & basilica Opimia Senaculum vocatum, ubi Senatus, aut seniores confisterent. Quatuor hic Rostra, Comitia, Græcostasim, & Senaculū, quæ in Reipub. administratione maximo semper vsui fuerunt, indicaturi, ordinem Varronis sequimur, &c. & subdit idem auctor paulò inferius, numero nempe 67. de Comitio ubi fuerit, his verbis: Comitium fuisse in foro Romano inter turrim, quæ Pallata appellatur, & lacus Curtij locum, collisq; Palatini, quem foro imminere videmus, radices & Faustinae monumenta, siue sancti Laurentij in Miranda Ecclesiam, facile intelligi poterit ex superius dictis: de quo quid fuerit, priusquam dicamus, doloris impetu nos trahente, nostris & futurorum sæculorum hominibus notum fore volumus: Porcos nunc ex publico ætatis nostræ instituto, ibi, & nullo alio in loco (quod sæpe vidimus) venundari, &c. & prosequitur infra numero 68. Comitij vocabulum, sicut A. Gellius in nostris Atticis ostendit, & loco, & actui commune fuit. De loco quidem, quando satis dictum est, de actu plura dicamus. Duobus in locis, supra dicto scilicet, & Campo Martio omnes deligebantur, siue Dictatores, siue Consules & Prætores, siue alij Magistratus, &c. Hactenus Flavius: si quis plura de his nosse cupiat, illum consulat, & superius citatos auctores. Marlianus vero noster lib. 3. cap. 1. vult Comitium in ea parte Palatini montis extitisse, quæ vergit ad Arcum Titi, his verbis: Ab eadem autem Palatij parte ferè ad arcum Vespasiani, Comitij nomen obtinuit; & prosequitur inferius eodem cap. Nam quæ pars fori Comitium appellabatur, nomen fori obtinebat; & inferius sic subdit: quod Plinius etiam significat, quilibet. 14. ait, sicum arborem in foro atque Comitio coli; cum tamen unica esset arbor, eaq; in Comitio. Verum tempore quo primum Hannibal in Italiam descendit, cum Comitium tectum esset, ut Liuius septimo belli Punici prodidit à foro, caput distingui. Cur autem Suetonius non dixerit templum Pacis positum esse Comitio, ea videtur ratio, quia inter utrunque media intercurrerebat via sacra, &c. Et subdit idem auctor de Comitio libro eod. cap. 6. ubi de his quæ in foro fuere agit in hæc verba: Comitiales dies appellabant, cum in Comitio conveniebant, qui locus à coeundo, id est, simul veniendo est dictus, auth. Sex. Pomp. Plutarch. verò, quod illic Titus Tatius & Römulus coierint, & inter eos fœderis cōditiones sancitæ firmatæq; fuerint, Comitium dictum putat. Asconius ait esse locum, quo coire equitibus Po. Rom. liceret, &c. Hactenus Marlianus de Comitio. Meminit & Comitiorum Sueton. in vita Cæsaris, ubi agit de coniuratis, qui Cæsarem ipsum interfecerunt, quænam eorum consilia fuerint in constituendo seu deligendo occisionis loco, in hæc verba: Conspiratum est in eum à 60. amplius, C. Cassio, Marcoq; & Decio Bruto principibus conspirationis: qui primum cunctati, vsumne illum in Campo per Comitia tribus ad suffragia vocantem, partibus diuisis è ponte deiicerent, atque exceptum trucidarent: an in sacra via, vel in aditu theatri adirentur postquam Senatus Idibus Martiis in Pompeij Curiam edictus est, facile tempus & locum prætulere. Hæc de Comitio factis dicta nobis sufficiant.

F I N I S.

Kk 2

INDEX





# INDEX ANTIQVITA- TVM ET INSCRIPTIONVM RO-

MANARVM, HOC I. VOLVGINE OR-  
DINE PROPOSITARVM.

Numerus Præpositus seriem pagellarum notat, qui verò  
suis locis ad monumenta apponitur, is ordinem eo-  
rundem numerat.

*Pagella.*

43. *In palatio Cardinalis Casij in ea Vaticani parte, quam Bur-  
gum vocant.*

I. Siluano & Herculi sanctissimis Diis sacrum, &c. Caius  
Domitius Marcus donum fecit.

44. *In palatio Cardinalis Casij in Burgo.*

II. M. Fabio M. T. Gal. Coloni, &c. Mediolanenses patrono.

45. *In palatio Cæsiano.*

III. P. Cælio P. F. Ser. Balbino, &c. Decuriones sua pe-  
cunia.

46. *In palatio Cæsiano.*

IV. Monumentum græcum.

47.

V. L. Cornelius Scipio Oreitus, V. C. augur, &c. Tusco &  
Anulino Cos.

48. *In domo Cardinalis Casij.*

VI. Epitaphium Mygdonis Carmine.

VII. Q. Cæcilio Feroche epitaphium M. Gaius Charinus  
statuit.

49. *In domo Cardinalis Casij.*

VIII. Monumentum græcum.



50. *In palatio Casiano.*

IX. P. Scanius Florus Herculi D. D.

51. *In domo Casiana.*

X. Statua cum hac inscriptione *καλὸς τελευτήσας*.

52. *In domo Card. Casij in Burgo.*

XI. Ex autoritate Imp. Cæsaris Diui Neruæ F. Neruæ &c. Titus Iulius Ferox Curator aluei & riparum Tyberis & cloacarum vrbis terminauit, &c.

53. *In domo Casiana.*

XII. Diua Plotina Aug. statua.

54. *In domo Cardinalis Casij.*

XIII. Caio Heluio Caij filio Cor. Celeri & Heluio felici patri, &c.

55. *In domo Casiana.*

XIV. Imp. Cæsaris Diui F. Augustus pontifex maxim. &c.

56. *In domo Cardinalis Casij.*

XV. Colleg. II. Augurum autore Imp. Cæsari Diui Traiani Parthici F. &c. terminos pomerij restituendos curauit.

57. *In domo Cardinalis Casij.*

XVI. Anubis in forma matronæ Statua cum literis Hieroglyphicis.

58. *In domo Casiana.*

XVII. Lemno Aug. I. proc. patrimonii & Hered. & Domitiæ Phyllidi, L. Domitius Lemnus.

59. *In palatio Cardinalis Casij.*

XVIII. C. Domiti C. F. Pal. Veri vixit annis XXXXI. Mensibus VII. Dieb. XII. Volusia Seuera Coniunx Marito optumo & indulgentissimo.

60. *In palatio Cardinalis Casij.*

XIX. Des Manibus. Cn. Ofillio Cn. F. &c. Cn. Ofillius Successus & Antonia Restituta parentes filiis pientissimis fecerunt, & sibi & suis libertis libertabusq; posterisque eorum.

61. *In domo Cardinalis Casij.*

XX. D. M. Q. Val. Q. F. Postimio Romulo patri dulcissimo equo publico, &c. Postimius Romulus filius & nepotes.

62. *In domo Cardinalis Casij.*

XXI. D. M. Otacilia L. L. primigenia fecit sibi & collibertis, &c.

63. *In palatio Cæsiano.*

XXII. Statuæ matronæ. EAE. Pyrallidi.

64. *In palatio Cardinalis Casij.*

XXIII. De M. L. Iauoleno Phæbi marito optimo Licinia Cynegis fecit.

65. *In domo Cardinalis Casij.*

XXIV. D. M. Eugrapho F. Apate matri eius, Eugrapho nepoticius, Adeptus & sibi & suis.

66.

XXV. D. M. M. Ogulnio ab Ascanto vixit ann. L. &c.

67. *In ædibus Cardinalis Casij.*

XXVI. Dis Man. M. Numisio Loto, &c. patri optimo indulgentissimo, &c.

68. *In ædibus Cardinalis Casij.*

XXVII. D. M. Clodiæ Auitæ, hæredes ex testamento.

69. *In ædibus Cardinalis Casij.*

XXVIII. Diis Manibus. Claudio Hylio, vixit ann. IIII. &c. pater filio Karissimo.

70. *In ædibus Cardinalis Casij.*

XXIX. Dis Mani. Sacr.

71. *In palatio Cardinalis Casij.*

XXX. Dis Manibus, C. Vmbricius Veteranus, sibi & Vmbriciæ Delphidi coniugi suæ, &c.

72. *In domo Cardinalis Casij.*

XXXI. L. Veturio Aug. L. ab Epistulis latinis, Manto Vxor marito posuit.

73. *In domo Cardinalis Casij.*

XXXII. Flauiae Aug. L. Doris fecit & suis, &c.

74. *In domo Cardinalis Casij.*

XXXIV. Sexto Petronio Probo Anitianæ domus columni, &c. deuotissimi filij dedicarunt.

75. *In ædibus Cæsianis.*

XXXV. Epitaphium M. Ogulinij primi.

XXXVI. Epitaph. Philippidis.

XXXVII.



XXXVII. Epitaph. Aniciæ Falconiæ probæ.

76. *Apud Cardinalem Cæsum.*

XXXVIII. D.M.Vllæ Secundinæ filiæ Corneliæ Tyches vxoris, &c.

77. *Apud Cardinalem Cæsum.*

XXXIX. Diis Man. Mystil Volusi &c. permissu Q.N.

78. *In ædibus Cæsianis.*

XL. P. Scantius Phieetus fecit, sibi & Scantiæ Nicelib. re-  
quietorium. Amicis benefacere semper studiosus fui.

XLI. Diis Manibus. Successi Eil Cæsia Gemella mater  
piissimo filio de suo. Vixit ann. IX. Mens. IIII. Dieb. XV.

Fatis peractis mater eodem est condita, quæ post obitum fi-  
lij vix. ann. IIII. Mens. XI. D. VIII.

XLII. Sexto Petronio Probo Prouinciæ Africæ præfecto.

XLIII. Dis Manibus. Libano Aug. L. à cura amicorum.  
vix. ann. XXXIX.

79. *In hortis Cæsianis.*

XLIV. Cæsoniæ M. F. primæ, &c.

XLV. D. M. M. Cæzio Epaphrodito.

XLVI. T. Cæsius Priscillæ L. Hermes, &c.

80. *Apud Cardinalem Cæsum.*

XLVII. Dis Manib. L. Munati. Plancinæ L. Polycliti.

81. *Apud Cardinalem Cæsum.*

XLVIII. Ingratæ Veneri spondebam munera supplex  
Erepta Coniux virginitate tibi, &c.

82. *In hortis Cæsianis.*

XLIX. D. M. Cæsiæ Daphe Dianæ & coniugi optimus  
maritus.

L. I. O. M. D. Aur. Iulianus Eq. R. sacerdos huius loci DD.

83. *In ædibus Cardinalis Cæsij.*

LI. Atimetus Pamphili Ti. Cæsaris Aug. L. L. Anterotia-  
nus sibi & Claudæ Homonocæ collibertæ & cõtubernali, &c.

84. *In domo Cæsiana.*

LII. Dis Manibus Athaniæ Epierlidis, &c.

85. *In domo Cæsiana.*

LIII. D. M. L. Statio L. F. Asclepiadæ, &c.

86. *In hortis Cæsij Cardinalis.*

LIV. Cn. Cæfio Zosimo, &amp;c.

LV. Magno &amp; inuictō Imp. Cæf. C. Val. Aurel. Constantino.

LVI. D.M. Cæfellæ Mauræ.

*Ibid. In hortō sub Palladis Statua.*

LVII. Vipfanam Vipfani Musæi L. &amp;c.

LVIII. D.M. Fabiæ Theophilæ.

87. *In Burgo in domo Cardinalis Parisini.*

LIX. D.M. Timbræo Aug. L. Castellario &amp; marito optimo.

LX. Imp. Cæf. Diui Traiani Parthici, &amp;c.

88. *In Burgo.*

LXI. Virfus Alus Ciuis Satrapes ex Vmbria in armis.

89. *In Burgo.*

LXII. Dis. Man. L. Memmio, L. Fil. &amp;c.

90. *In Burgo qua itur ad portam S. Honusij.*

LXIII. Monumentum græcum.

91. *Ante ades Alexandri Machinari.*

LXIV. Ap...us auct. Memmius &amp;c.

*Ibid. Apud Euforium fratellum ad Templum S. Apollinaris.*

LXV. M. Liuius Aug. Secondio Accensus Drusi, &amp;c.

*Ibid. In templo S. Benedicti della Trinita, sub Baptismatis fonte.*

LXVI. D.M. Laberie Irene.

92. *In domo Euforij Fratelli.*

LXVII. Inutio Aeliano Euok, &amp;c.

LXVIII. Dis Manibus C. Iulio C. F. &amp;c. sibi &amp; suis, posterisq; æuourum.

93. *Apud Euforium Fratellum.*

LXIX. Ti. Claudio Ti. F. Camil. &amp;c.

LXX. Iunoni Iuliæ Aufidiæ Capitolinæ sacrum, &amp;c.

94. *In domo Euforij Fratelli.*

LXXI. M. Aur. Luciano militi colt. &amp;c.

95. *Ad ingressum Palatii Capitolini annexa columnis.*

LXXII. Cæsari Augusti F. Pontifici, &amp;c.

LXXIII. L. Cæsaris Augusti F. Auguri. &amp;c.

LXXIV.



- LXXIV. Diis Manibus Iuliæ lib. Helpidis &c.  
 LXXV. Domino flagitatori factionis ruffatæ.  
 96. *Affixa parietibus porticus Palatij Capitolini.*  
 LXXVI. C. Calpetanus Salsus &c.  
 LXXVII. M. Calpurnius M. F. Piso Frugi &c.  
 LXXVIII. Ossa Agrippinæ M. Agrippæ &c.  
 97. *In area Capitolini Palatij.*  
 LXXIX. Græcum monumentum.  
 LXXX. Græcum monumentum.  
 LXXXI. Mun. L. Restitutæ N. N. maiorum &c.  
 LXXXII. M. Sutorius Pamphilus Licitor Cur. &c.  
 98. *Antefores Palatij Capitolini inter Columnas porticus.*  
 LXXXIII. MP. Cæsari Vespasiano &c.  
 LXXXIV. Imp. Cæsari Diui Traian.  
 LXXXV. Ossa Neronis Cæsaris Germanici.  
 99. *In area Palatij Capitolini.*  
 LXXXVI. D. M. Maniliæ Gn. Fil.  
 LXXXVII. Fortunæ August. sacrum.  
 LXXXVIII. Deo Herculi inuicto.  
 LXXXIX. Appio Annio Bradio.  
 XC. C. Cnossionius successus &c.  
 100. *In Palatio Capitolino.*  
 XCI. Ser. Galba II. Triuinio Cos.  
 101. *In Palatio Capitolino.*  
 XCII. Q. Lucianus Q. F.  
 XCIII. Diis Manibus Asellæ A. L. Horæ &c.  
 XCIV. Herculi Romano D. D. L. Herodes.  
 102. *In Palatio Capitolino.*  
 XCV. Q. Ostorius. Q. T. Licinianus &c.  
 XCVI. Nomina Leg.  
 XCVII. Ossa Ti. Cæsaris Diui Aug.  
 103. *In Palatio.*  
 XCVIII. P. Lentulus Cn. & Quintius &c.  
 XCIX. Q. Fabius Honoratus &c.  
*Ibid. In Palatio Conservatorum sub statua Herculis.*  
 C. Herculi inuicto C. Iunius Pomponius.

104. *In Capitolio.*

CI. Monumentum græcum.

105. *In Capitolio.*

CII. Monumentum græcum.

106. *Ad principium gradum Ara Cæli.*

CIII. C. Terentio. C. L. Pamphilo. &c.

*Ibid. In ara cæli ubi aqua lustralis reposita est.*

CIV. Lu. Lusio Urbano Nomenclatori censorio.

107. *In Capitolio.*

CV. Iunoni Reginæ Conseruatrici, &c.

CVI. Antistia L. F. Priscilla Abascanti, &c.

CVII. I. O. M. Numisius Albanius, &c.

108. *Super Cæmeterio ara cæli.*

CVIII. Eyhodi Diui Aug. I. libertæ.

*Ibid. In ara cæli tertia columna ad lauam.*

CIX. A cubiculo Augustorum.

CX. Diis Manibus sacrum L. Sefti Eutropi.

109. *In ara cæli repositorium aqua lustralis.*

CXI. Locus sacer Batoni Telephori.

*Ibid. Ad arcum Septimianum.*

CXII. Victoriæ Imp. Cæs. Vespasiani.

*Ibid. Ante arcum Septimij Seueri sub Capitolio.*

CXIII. Restitutori Urbis Romæ &c. Neratius Cerealis &c.

110. *Sub Capitolio.*

CXIV. P. Atili P. F. Ouf. Septimiani Grammatici.

CXV. Imp. Cæsari Antonio Gordiano Felici.

111. *Ad Templum S. Martine prope Marforium.*

CXVI. Saluis D. D. NN. Honorio & Theodosio Victoriosissimis Principibus &c.

*Ibid. In frontispicio portæ S. Georgij, qui est arcus Boarius.*

CXVII. Imp. Cæs. L. Septimio Seuer. &c.

112. *In frontispicio Templi S. Angeli foro piscatorio.*

CXVIII. Imp. Cæs. L. Septimius Seuerus pius &c.

*Ibid. In foro piscatorio.*

CXIX. P. Cæsar Diui Fil. Aug. pontifex, &c.

113. *In ponte Senatorio.*

CXX. Nu-



CXX. Numini Deorum Aug. Ioui Opt. Max. ædem voto suscepto, &c.

114. *In exteriori parte pontis Insula Tyberina, qui Ponte di quattro Capidicitur.*

CXXI. L. Fabricius C. F. Curat. Viarum &c.

CXXII. Domini nostri Imperatores Valentinianus pius felix maximus, &c.

*In inferiori parte pontis S. Bartholomæi utrinq; dua inscriptiones leguntur eiusmodi.*

115. *Ad utramq; partem arcus Septimij Seueri.*

CXXIII. Imp. Cæf. Lucio Septimio M. Fil. &c.

*Ibid. Ad pontem Templi Concordiæ sub Capitolio.*

CXXIV. Senatus populusq; Romanus incendio consumptum restituit.

CXXV. D. N. Constantino pio felici &c.

116. *Ad porticum Fastinæ.*

CXXVI. Diuo Antonio & Diuæ Faustinae.

*Ibid. In arcu Vespasiani prope Templum S. Marianonæ.*

CXXVII. Senatus populusque Romanus Diuo Tito Diui Vespasiani F. Vespasiano Augusto.

CXXVIII. S. P. Q. R. Imp. Tito Cæf. Diui Vespasiani &c.

117. *Ad Thermas Constantini.*

CXXIX. Petronius Perpenna magnus perperet. &c.

CXXX. Imppp. Cæss. D. D. D. N. N. N. Gratianus.

118. *In Basi Columna Traiani.*

CXXXI. Senatus Populusque Romanus Imp. Cæsari Diui Neruæ &c.

CXXXII. Pr. Tr. Pl. Q. Augur Tr. Mil. ex sorte bellum cum Iugurtha &c.

119. *In foro Traiani.*

CXXXIII. Annio Paulino Iunio procos. &c.

120. *In foro Traiani.*

CXXXIV. Pontificis votis annuant Dij Romani &c.

CXXXV. Imp. Cæf. L. Aurelio Vero Aug.

121. *In arcu Constantini qua itur ad Amphitheatrum.*

CXXXVI. Imp. Cæf. Flau. Constino &c.

*Ibid. In arcu Galieni.*

CXXXVII. Galieno Clementissimo Principi, &c.

122. *Non procul ab arcu Constantini.*

CXXXVIII. T. Sempronij Gracchi Cos. Imperio auspicioque Legio: &c.

123. *Ad Thermas Vespasiani in vinea.*

CXXXIX. Fortunæ reduci & Ioui Sereno Diis Deabusque sub quorum tutela Augg. militant.

124. *In via qua conscenditur ab Amphitheatro ad Vespasiani thermas.*

CXL. Lucius Stratonicus Elpidi, &c.

125. *Ad aquarum receptacula thermarum Vespasiani, quæ Sotte Camarelle vocantur.*

CXLI. D.M.L. Terentij Asclepiadis, & L. Terentij Felicis filij.

126. *Ad Thermas Vespasiani.*

CLXII. Panes dij cum inscriptione græca.

127. *Ad arcum Septimianum.*

CXLIII. Paci æternæ domus Vespasiani Cæsaris &c.

CXLIV. P. Vedio Diogeni, Fedix Feliculæ &c.

128. *Ad Amphitheatrum.*

CXLV. I.O.M. & Iunoni Reginæ pro salute M. Aurelij Antonini.

129. *Ad Amphitheatrum.*

CXLVI. Iupiter Custos Domus Augusti &c.

130. *Ante ades Rusticorum.*

CXLVII. Autoritate Imp. Cæsaris Diui Traiani.

CXLVIII. Dacic. Germanic. Aug. Pont. Max.

CXLIX. Ossa L. Cor. Lamiæ & Tyches &c.

131. *In horto Alberinorum.*

CL. Diis Manibus M. Cornelio Euhodo &c.

CLI. D.M.C. Sabino C. F. Solua Angula.

CLII. D.M.D. Vedio Parthaco Patrona.

CLIII. D.M. T. Claudio Felici patri & Claudix Priuatæ matri &c.

132. *In domo Alberinorum.*

CLIV. Sta-



CLIV. Statua, par coniugum. Titius fecit, Laomedon genuit, rapuit Tiryntinus heros: mi soboles Ajax & Telamone fatus.

133. *Apud Alberinos.*

CLV. Statua trium imaginum. Matri Deum Martia Octacilla Aug. D.

134. *Subiacentia hæc duo videntur in domo Episcopi Valsæi.*

CLVI. Nemefi sanctæ. Campe Suri &c.

CLVII. D.M. Cn. Antonius Agathopus &c.

*Ibid. In domo Albinorum.*

CLVIII. D.M. L. Cæcilio Primogenio seniori.

CLIX. D.M. Coccetius Felix Cocceiæ Irene.

135. *In domo Episcopi Vellæi.*

CLX. Imp. Cæsari Diui Hadriani Aug. filio, Diui Traiani Parthici nep.

136. *Apud Episcopum Vellæium.*

CLXI. Fl. Eugenio præfecto prætorio consuli ordinario designato &c.

CLXII. D.M. P. Ælij Callinici.

137. *In domo Episcopi Vellæi.*

CLXIII. L. Antestius Cn. F. Hor. Sarculo Salius Albanus.

CLXIV. L. Antistius C. F. Hor. Sarculo &c.

138. *In domo Episcopi Vellæi.*

CLXV. Imp. Cæsari Diui Neruæ F. Neruæ Traiano Aug. Germanico.

CLXVI. D.M. Ælij Tamyri pueri ossa.

CLXVII. C. Cærellio Fufidio Anniorauo.

CLXVIII. Stiliconis (nomen abrasum) viro bis Consuli ordinario magistro vtriusq; militiæ &c.

139. *Ante ades Episcopi Vellæi.*

CLXIX. D.M. Venusto, subscriptio græca sequitur.

140. *Calendarium in marmore candidissimo, & quadrangulare scriptum, quod erectum est ad parietem minoris aræ domus Episcopi Vellæi.*

CLXX. Ianuar. Febr. Mart. Aprilis. pars dextera.

141. *Calendarij pars media.*

CLXXI. Maius, Iunius, Iulius, August.

142. *Calendarij pars sinistra.*

CLXXII. Sept. Octob. Nouemb. Decemb.

143. *In Palatio Episcopi Vellai.*

CLXXIII. Ab Luco Libitinna Q. Coruncani Stati.

*Ibid. Saxum hoc in partes duas est diuisum & utrunq; eandem  
habet formam & inscriptionem.*

CLXXIII. Ti. Iulio Aug. L. Mnesteri.

144.

CLXXV. Petronia Nice, & Alcibiades, Alcibiadi Filio dulcissimo, & desideratissimo cuius mors decepit patrem suum, &c.

CLXXVI. Diis Manibus, Amempti Piuæ Auol.

145. *Apud Episcopum Vellaum.*

CLXXVII. D. M. Æliæ Diuæ Aug. L. Doridi & Atimeto fecit mœrore.

CLXXVIII. Diis Manibus sacrum Q. Minuolus Felix.

146.

CLXXIX. Aspasiæ Dorkadi Matri sanctis.

*Ibid. In domo Episcopi Vellai.*

CLXXX. E. IO. Stiliconi illustrissimo viro &c.

CLXXXI. Securitati cognationis suæ Fortunatus Aug. L. Verna paternus. &c.

147. *Apud Cardinalem Vellaum.*

CLXXXII. Statua matronæ Sabina Augusta.

148. *Apud Cardinalem Vellaum.*

CLXXXIII. Annæ Pyrallidi, L. Trophimus, &c.

CLXXXIV. Publius Decimius P. L. Heros Mefula Medicus &c.

149. *In domo Episcopi Vellai.*

CLXXXV. Pontificum monitu, Voto suscepto, Libropatri Hecataeus D.

150. *Apud Cardinalem Vellaum.*

CLXXXVI. Statua matronæ. Lucilla Aug.

F I N I S.





FRANCFORDII  
Typis Ioannis Saurij, Impensis Theodori de  
Bry Leodiensis, Cuius Francoford.  
ANNO M. D. XCVII.



